

Antonii le Grand

HISTORIA NATURÆ,

VARIIS

Experimentis & Ratiociniis

ELUCIDATA,

SECUNDUM

PRINCIPIA

Stabilita

In Institutione Philosophiæ

Edita ab eodem Authore,

EDITIO SECUNDA.



NORIMBERGÆ,


Impensis JOHANNIS ZIEGERI,
Bibliopolæ.

Typis CHRISTOPHORI GERHARDI.

ANNO M DC LXXX.



— — — — —
P R Æ F A T I O
A D
L E C T O R E M.

Um Principiorum Scientiæ veritas, ex *deductionum* evidentia elucescat, & eorum certitudo indubitata censeatur, in quæ ex illis eruuntur, ab eorum cognitione omnino pendeant; Animum quædam cupido impulit, explorandi, an jactis *Instituto ne mea Philosophiæ* Principiis, naturæ Phænomena responderent, atque inter illa talis intercederet nexus, ut apprehendi quidem illa sine istis; ista vero non facillim absque illis, intelligi possent.

2. Nam quamvis hæc, quibus utor, Principia simplicia sint, nihilque aliud sint, quam rerum *magnitudines, figura, motus, situs & quies*, nihilominus asserere audeo, me in toto hoc opere ad nulla alia recurrisse, & omnia, quæ passim pro naturæ *miraculis* ducuntur, sine ullo sympathiæ & antipathiæ adminiculo, citraque

P R Æ F A T I O.

occultarum qualitatum opem, non solum explicasse, sed veram eorum rationem reddidisse. Adeo ut nullus de eorum certitudine dubitandi locus esse possit, si animadvertatur, quam multa de *Corporibus*, de *Qualitatibus*, de *Metallis*, de *Animalibus*, &c. ex tam paucis Principiis deducta sunt, quæ revera tam apprime coherere nequirent, ni vera essent, & extra omnem dubitandi aleam posita. Unde vulgaria hic tantummodo, & quæ passim occurrunt phænomena, explicare est animus; non quod eadem facilitate eorum, quæ raro contingunt, rationem reddere non valeam; cum par sit omnium causa, & quicquid in universo deprehenditur, naturæ sit effectus, & eodem modo nascatur, & intereat: Sed ne ad insolita recurrere videar, ad certitudinem principiorum meorum demonstrandum, & ad *monstra* confugere, tanquam in illorum evidentiae testes.

3. Meum igitur hoc in opere institutum fuit, non universam *Naturæ Historiam* describere; aut omnia mundi Phænomena uno libro complecti, sed solum ostendere, principiis in *Institutione Philosophiæ* stabilitis, illa quæ passim spectamus, apprime respondere, & nihil in Philosophia tractari, quod non commode eorum ope explicari queat.

P R Æ F A T I O.

queat. Quare totum Philosophiæ corpus pervado, & ne quid omisſiſſe videar, ſuis locis reſtituo, quæ in Inſtitutione omiſſa ſunt.

4. Primam igitur partem à Corporum natura auſpico, & contra Clariffimum *Gaſſendum* oſtendere adnitor, nullum, inter materiæ partes, *Inane* ſpatium reperiri. Argumenta & Experimenta, quæ pro vacui aſſertione afferuntur, evanida eſſe, & perperam explicata contendo. Mox ad Corporum Affectiones pergo, ubi aſſerta indefinita Corporis Diviſibilitate, varia *Rari & Denſi; Duri & Fluidi; Aſperi & Levii; Perſpicui & Opaci* Experimenta adduco, genuina cuilibet aſſignata ratione.

5. Quia vero Qualitates materialem Subſtantiam comitantur, & illam quocunque in ſtatu afficiunt, lubuit veram illarum indolem per *experimenta* demonſtrare, & rejectis illis, quas *Occultas* vulgo appellant, eam in Quantitate, motu, figura, partium corporis ordinatione ſtabilire, quod poſtmodum exemplo *Caloris, Frigoris, Gravitatis & Levitatis, Saporis, Odoris,* & aliarum corporum affectionum, quæ Senſum faciunt, reddo manifeſtum.

Deinde mundi & cœli Hiſtoriam aggredior, à mundi *principio* ducens exordium,

P R Æ F A T I O.

quod rerum *Genesis*, & Universi partium digestio, sequitur; ejus subinde *interitus*, qui ei ex rerum generatione, & corruptione imminet. Mox adsunt Cœli Phænomena, *Sidera*, *Planeta*, *Cometa*. An hæc omnia aliquid in nos, inferioraque corpora, possint, aut quicquam certi portendant, variis exemplis discutitur, & quid de hujusmodi prædictionibus sit censendum, aperitur.

6. Quartam partem quatuor magna Corpora occupant. Primum *Terra*, quæ pene nihil reputanda est, si cum universo conferatur. Deinde *Aqua*, cum variis ejus proprietatibus. Mox *Flumina* & *Fontes* subeunt, quorum ortus indagatur, sicut & *Maris* fluxus ac refluxus causa. Quippe hæc sunt, quæ multorum capita torserunt, adegeruntque ad occultarum Qualitatum asylum confugere, ut quicquam de illis fari possent. Post *Aquam*, *Ignis* Phænomena se conspicienda offerunt; & varii ejus effectus, non apud nos modo, sed & in *Terræ* penetralibus aperiuntur. Agmen Elementorum *Aer* claudit, cujus potentia non minus in naturalibus, quam in artificialibus elucet.

7. Quoniam *Terra* multa recondit, quæ nostram considerationem evocant, non
nulla

P R Æ F A T I O.

nulla etiam de *Fossilibus* adjunxi. Primum de *Sale, Auro, Argento, Plumbo, Ære, Ferro,* & *Metallis aliis*; quorum generatio, non minus mira videri debet, quàm illorum operationes & effectus. Deinde *Lapides* ex eodem *Terræ sinu* eruo, & discussa varia eorum origine, eorum distinctionem examino, à diversa eorum constitutione petitam. Demum *magnetem* prodo, qui licet inter viles lapides numeretur, & omni splendore careat, peculiare tamen effectus habet, qui iis miri videntur, qui materiam *striatam*, ut eorum causam, non agnoscunt.

8. Post hæc, *Meteororum Phænomena* panduntur, quæ cum inter *Sidera*, & *Terram* interjaceant, utriusque naturam participant. Primum de *Vaporibus & exhalationibus*, quæ iis formandis inserviunt, ago: Deinde de *Ventis*, qui veluti vagi per mundum *Hospites*, nusquam quiescunt, nec ulli minus, quam domi habitant. Uti ab iis *nubes* librantur, sic inter *Meteora* locum servant. Sequitur *Pluvia Grando, Nix, Ros,* & *Mel.* Mox *Tempestatum, Tonitru,* origo & effectus deteguntur. Mox cur *Fulmen* tantum exasperetur, cur corpora dura sæpe corripiat, mollibus intactis. Inter *Meteora* primum sibi locum *Ira* vendicat, uti & alii *Ignis* in *Aere* accensi, qui, prout fortius,

P R Æ F A T I O.

aut debilius materiæ adhærent, citius aut tardius evanescunt.

9. His succedit pars septima de *Plantis*, quarum varietas pene est infinita. Primum de illarum *Partibus*, *Viribus*, *Qualitatibus*, quæ cuilibet Plantæ communes sunt, agitur. Dein quarundam *sympathia* & *antipathia* explicatur; præterea de earum *ortu*, *nutritione*, *germinatione*, *interitu*, aliquid subnectitur, quantum sufficere videtur, non solum ad earum Phenomena, sed etiam ad omnium earum indolem intelligendam.

10. Tractatum de *Animalibus* ordior ab iis, quæ *sponte*, seu ut alii volunt, ex corruptione gignuntur; tum ad animantia ex *semine* producta procedo, & examinata *monstrorum* causa aliquid de vario Animalium pariendi tempore subjicio, post ad eorum affectiones digressus, *famis* & *sitis* causas examino, continui per corpus univrsi *Sanguinis* circuitus. Deinde quodnam sit tam variarum in eis actionum principium indago; Cur nonnulla *Odio*, alia *Amore* se prosequantur. Demum cur dispar in illis *Somnus*, & *Morbus* diversis corripiantur.

11. Totam hanc Historiam *Homo* claudit, cætera mundi corpora formæ elegantia antecedens, & cuncta Animantia Ratione, Intellectu, Anima superans. Nam licet
ad

PRÆFATIO.

ad modum cæterorum Animalium iisdem Sensuum organis utatur, non tamen, quemadmodum illa, objecta percipit, cum sensus in eo *Cogitationis* species sit, quæ Brutis non attribuitur. Propterea explicatis de *Tactu*, *Gustu*, *Olfactu*, *Auditu*, & *Visu*, quibusdam experimentis, ad *Imaginationem*, & *Memoriam* pergo, & quæ *Somniorum*, *Insomniorumque* sit causa, expono. Tandem causis *Passionum*, quæ exterius apparent, descriptis, totum opus naturales *Hominum Propensiones*, & *Aversiones* claudunt, quarum etiam origo, licet diu occulta, evidens demum redditur.

12. Hæc sunt, Amice lector, Historiæ Naturæ specimina, quæ impræsentiarum videre meditor, contentus hoc in scribendi genere, viam aliis monstrasse, & campum aperuisse, in quo lato passu divagentur. Alia forte tibi alias daturus, ubi rescivero, te, pro solita humanitate, conatibus meis favere, & benigne suscipere, quæ animo benevolo largior & ingero.



I N D E X

Partium & Articulorum Hujus OPERIS.

P A R S P R I M A.

De Corporibus.

Articulus Primus. De Corpore Extenso. Pag. 1
Articulus Secundus. Diluuntur Rationes
*Epicuri, quibus Inania spatia Corporibus inesse
 asserere molitur.* 5

Articulus Tertius. Discutiuntur Experimenta,
quibus Vacuitates Corporibus inesse Gassendus con-
tendit. 10

Articulus Quartus. De Corpore divisibili. 17

Articulus Quintus. De Corpore Raro & Denso. 19

Articulus Sextus. De Duro & Fluido. 23

Articulus Septimus. De Aspero & Lavi. 28

Articulus Octavus. De Perspicuo & Opaco. 30

Articulus Nonus. De Inflexo & compresso. 34

P A R S S E C U N D A.

De Qualitatibus.

Articulus Primus. De Qualitatibus in Gene-
re. 39

Articulus Secundus. De Calore. 43

Articulus Tertius. De Frigore. 48

Articulus Quartus. De Gravitate & Levitate. 55

Articulus Quintus. De Sapore. 61

Articulus Sextus. De Odore. 64

Articulus Septimus. De Sono. 69

Arti-

I N D E X.

Articulus Octavus. <i>De Lumine.</i>	76
Articulus Nonus. <i>De Colore.</i>	81
Articulus Decimus. <i>De Qualitatibus Occultis.</i>	88

P A R S T E R T I A.

Mundi & Cœli.

A rticulus Primus. <i>De Mundi Exordio.</i>	93
Articulus Secundus. <i>De Rerum genesis, & partium mundi digestionem.</i>	98
Articulus Tertius. <i>De Mundi Interitu.</i>	102
Articulus Quartus. <i>De Rerum Generatione & Corruptione.</i>	105
Articulus Quintus. <i>De Cœlo.</i>	109
Articulus Sextus. <i>De Sole.</i>	112
Articulus Septimus. <i>De Stellis fixis.</i>	118
Articulus Octavus. <i>De Luna.</i>	122
Articulus Nonus. <i>De Solis & fixarum maculis.</i>	127
Articulus Decimus. <i>De Maculis in Orbe Lune apparentibus.</i>	133
Articulus Undecimus. <i>De Cometis.</i>	137
Articulus Duodecimus. <i>De Siderum productione.</i>	143
Articulus Decimus Tertius. <i>De Prædictionibus Astrologicis.</i>	150

P A R S Q U A R T A.

De Terra, Aqua, Igne, & Aere.

A rticulus Primus. <i>De Globo Terra.</i>	154
Articulus Secundus. <i>De Aqua.</i>	159
Articulus Tertius. <i>De quarundam Aquarum proprietatibus.</i>	164
Articulus Quartus. <i>De Fontibus & Fluvii.</i>	171

Art.

I N D E X.

Articulus Quintus. <i>De Mari.</i>	175
Articulus Sextus. <i>De Maris Fluxu & Re- fluxu.</i>	180
Articulus Septimus. <i>De Igne.</i>	187
Articulus Octavus. <i>De Terra motu, & Ignibus subterraneis.</i>	193
Articulus Nonus. <i>De Vitro.</i>	197
Articulus Decimus. <i>De Cineribus & Carbone.</i>	220
Articulus Undecimus. <i>De Aere.</i>	204

P A R S Q U I N T A.

De Fossilibus.

A rticulus Primus. <i>De Metallis in genere.</i>	209
Articulus Secundus. <i>De Mercurio & Sul- phure.</i>	212
Articulus Tertius. <i>De Sale.</i>	217
Articulus Quartus. <i>De Auro.</i>	221
Articulus Quintus. <i>De Argento & Stanno.</i>	227
Articulus Sextus. <i>De Plumbo & Ære.</i>	231
Articulus Septimus. <i>De Ferro.</i>	235
Articulus Octavus. <i>De Varia lapidum genera- tione.</i>	239
Articulus Nonus. <i>De Unionibus & Gemmis.</i>	244
Articulus Decimus. <i>De Magnete.</i>	249

P A R S S E X T A.

De Meteoris.

A rticulus Primus. <i>De Vaporibus & exhalati- onibus.</i>	255
Articulus Secundus. <i>De Ventis.</i>	259
Articulus Tertius. <i>De Nubibus.</i>	265
Articulus Quartus. <i>De Pluvia.</i>	269
Arti-	

I N D E X.

Articulus Quintus. De Grandine & Nive.	274
Articulus Sextus. De Rore & Melle.	279
Articulus Septimus. De Tempestate & Tonitru.	283
Articulus Octavus. De Fulmine.	288
Articulus Nonus. De Iride.	293
Articulus Decimus. De Ignibus in Aere accensis.	298
Articulus Undecimus. De Halonibus & Particulis.	303

P A R S S E P T I M A.

De Plantis.

Articulus Primus. De Plantarum partibus.	308
Articulus Secundus. De Plantarum viribus.	312
Articulus Tertius. De Obviis Plantarum Qualitatibus.	316
Articulus Quartus. De Occultis Plantarum Qualitatibus.	321
Articulus Quintus. De Sympathia & Antipathia plantarum.	326
Articulus Sextus. De Ortu Plantarum.	332
Articulus Septimus. De Plantarum nutritione.	338
Articulus Octavus. De Plantarum germinatione.	343
Articulus Nonus. De Plantarum Interitu.	347

P A R S O C T A V A.

De Animalibus.

Articulus Primus. De Animalibus sponte generatis.	351
Articulus Secundus. De Animantibus ex semine productis.	356

Arti-

I N D E X.

Articulus Tertius. <i>De Monstris.</i>	368
Articulus Quartus. <i>De partu Animalium.</i>	368
Articulus Quintus. <i>De Fame & Siti.</i>	372
Articulus Sextus. <i>De Motu Cordis, & Sanguinis Circuli.</i>	377
Articulus Septimus. <i>De Animalium Actionibus.</i>	382
Articulus Octavus. <i>De Animalium Aversione & Concordia.</i>	390
Articulus Nonus. <i>De Somno & Vigilia.</i>	395
Articulus Decimus. <i>De Morbis Animalium.</i>	399

P A R S N O N A.

De Homine.

A rticulus Primus. <i>De Sensu Tactus.</i>	405
Articulus Secundus. <i>De Gustu.</i>	409
Articulus Tertius. <i>De Olfactu.</i>	412
Articulus Quartus. <i>De Auditu.</i>	416
Articulus Quintus. <i>De Visu.</i>	420
Articulus Sextus. <i>De Imaginatione.</i>	428
Articulus Septimus. <i>De Memoria.</i>	430
Articulus Octavus. <i>De Somnis & Insomniis.</i>	424
Articulus Decimus. <i>De Naturalibus Quorundam Inclinationibus, & Aversionibus.</i>	442



HISTORIÆ
NATURALIS
PARS PRIMA,
De Corporibus.

ARTICULUS PRIMUS,
De Corpore extenso.

QUAMVIS sensus nostri sæpe mentiantur, &, falsis delusi imaginibus, mentem nostram circumveniant; nulla tamen tutiori ratione ad rerum Corporearum notitiam devenitur, quàm dum eorum operâ earum dimensiones metimur, & per signa, quæ oculis ingerunt, earum existentiam detegimus; iis siquidem impulsu, Materiam tribus præditam esse dimensionibus cognoscimus, cujus partes variis cieri possunt Motibus; alternantes subire Formas, & diverso modo Sensuum organa ferire. Nam licet fortè, quod oculis obijcitur, specie tenus duntaxat nobis repræsentetur, & aliud, revera quàm sit, exhibeatur; non tamen aliquid *evanidum* esse censendum est, & è rerum catalogo penitus ablegandum; cum necesse sit, sub illo cortice aliquid corporeum latere, cui tanquam fundamento figura inest; quæ fortè ob distantiam,

I.

Corpus
existere
(sensibus
deprehenditur.

A

tiam,

tiam, qualis in se est, non apprehenditur, & aliam speciem assumit, ut ad *Sensus* organa perveniat.

II.

*Sensus
quo ad
verum
substan-
tias non
decipi-
untur.*

Qui eminus *Turrim quadratam*, sub teretis imagine, contemplatur, haud dubium est, quin substantiale aliquid ejus organo ingeratur, quum fieri nequeat, ut quadrata, aut rotunda figura conspiciatur, & nihil sit, quod eam sustentet ac fulciat. Implicat enim *Modum* aliquem à materia avulsum existere; imo si ejus indoles rite perpendatur, nequidem quoad perceptionem ab ea potest separari; Nam Licet clarè Substantiam, seu Materialem sive Incorpoream, citra suos modos concipere valeamus; nequaquam autem vice versa, modi illi absque ipsis possunt intelligi; cum ad eorum naturam spectet, substantias afficere & variare.

III.

*Opinio
antiquo-
rum cir-
ca natu-
ram cor-
poris.*

Quare Philosophorum prisce ex *figura magnitudinis ac resistantia congerie* corpus existere demonstrarunt; eo quod nihil, præter *Materiam in Longum, Latum & Profundum extendi*, viderent, nihilque ab ea assignari posse, quod aliam similem à loco deturbet, & *penetrationem* fugiat. Quippe in hoc substantiæ *materiales* à spiritualibus discrepant, quòd illæ sub sensus nostros cadunt, quòd mole sint præditæ, & mutuo tactui subjiciantur. Tactus nomine non illo duntaxat accipi debet, qui *animali* proprius est, & quo ad corpora externa tangenda utitur; sed illo generaliori, quo duo corpora secundum suas superficies sibi occurrunt, & quo

Corporum.

& quo velut intimo osculo sibi copulantur. Nam solius rei materialis est *Tangere & Tangi*, & medio quodam termino adhærere & connecti. Illud adeo perspicuum est, ut iis dubium esse nequeat, qui vel imaginatione gaudent, aut sensibus aliquid decernunt. Quemadmodum Lucretius, lib. primo testatur.

*Corpus enim per se communis deliquat esse
Sensus; quo nisi prima fides fundata valebit,
Hauderit, occultis de rebus quo referentes
Confirmare animi quicquam ratione queamus.*

IV.

Sola superest discutienda difficultas, num *An den-*
præter corpora, quæ in extensione consiste-
tur *vac-*
re dicimus, detur in Natura Inane, quod omni-
cuiuslibet
materia destituatur, & tamen *Longitudinem,*
in corpo-
Latitudinem & Profunditatem habeat. Gassendus, *ribus,*
qui oblitteratam pene Epicuri doctrinam resti-
tuit, & ingens sibi nomen, *Inania* è tene-
bris eruendo, comparavit, in librum deci-
mum *Laertii*, de *Epicuri* Physiologia animad-
versionibus, non rationibus modo, sed &
experimentis spacia vacua debere in Mundo
dari asserit; quæ licet nullum corpus actu
complectantur, ita tamen sunt in corporibus
disposita, ut supervenientem materiam ad
mittere, & continere valeant. Ad eum fere
modum, quo vas inane seu vacuum dicitur.
quamdiu omni liquore destitutum est, sed
quem recipiendi capacitatem habet. Quia
si contingat huiusmodi liquorem vase de-
trahi, & in alium locum transferri, neces-
sum est vasis superficiem, quæ antea liquo-

rem continebat, vacuam remanere, nisi peregrina alia materies ejus latera oppleat, & iisdem omnino ablatis *Corporis* dimensionibus coæquetur. Opinionem suam acervi tritici exemplo confirmat, inter cujus grana, multa *spaciola* intercipiuntur, quæ ab ipsis granis non occupantur, quum eorum superficies, (ut ad oculum patet) à se invicem distent, & ita adaptari nequeant, quin inter se interstitia relinquant, omni corpore destituta.

V.

*Corpus
physicum
& mathe-
maticum
non differ-
unt.*

Sed non satis ad *Corporis* indolem attendisse videtur Gassendus, quæ non in Physica solum, sed & in Mathematica extensione consistit, quæque ita illi intima est, ut nequidem cogitatione ab eo divelli queat. Adeo ut *Extensio* cum *Corpore* reciprocetur; & sicut corpus non datur, quod longitudine, latitudine, & profunditate constet; ita nihil iis tribus dimensionibus mensuratur, quod corporis rationem non habeat.

VI.

*Distancia
partium
ab invici-
cem non
probat,
dari spa-
cia in-
ania.*

At, inter corporum particulas, regiones, seu exigua quædam interstitia inveniuntur, quæ ob eorum laterum diversitatem, occupari non possunt: Esto, an inde, illa *inania* esse, inferendum est? quidni illa *spaciola* aere aut subtiliori alia materia oppleantur, & illas intercapedines alterius generis corpuscula separent? Nam si illa à se invicem distant, & varia loca sortiuntur, quomodo per interstitia inania dici poterunt elongari? cum juxta tritum apud Physicos axioma, inter illa, quæ à se mutuo distant, aliquid inter jacere necesse

necesse est. Nam quum distantia, quæ non nisi inter plura reperitur, quædam sit *Relatio*, omnisque relatio fundamentum suum habeat, necessum est, ut reali innitatur fundamento. *Non-Entis* enim nullæ sunt affectiones aut operationes, ac proinde, quod nihil est, realem Corporum distantiam constituere non valet.

Non cum quibusdam dicendum est, *distantiam* in ipsis corporibus, quæ ab invicem divelluntur, tanquam in fundamento reperiri. Nam inde legitime inferre liceret, illa à se mutuo distare, quocunque modo disponentur, cum eadem fundamenta maneant, sive distent, sive sibi connectantur. Quare *Distantia*, alteri rei à positis corporibus assignanda est, quæ quum *immaterialis* illa esse non possit, utpote extensionis expers, ad aliam *corpoream* recurrendum est, quæ illam efficiat.

VII.

ARTICULUS SECUNDUS.

Diluuntur Rationes Epicuri, quibus Inania Corporibus inspersa asserere molitur.

EPICURUS, qui locum cum *Inani* confundit, *Non opus* putatque, Corpora omnia in spatiis vacuis recondi; arbitratus est, ni illa darentur, *est spatium* *Inani, ut* *Non habitura esse Corpora, ubi existerent, aut quo* *corpora* *quiescat* *aut mo-* *ventur.* *ventur.* Nam cum locus locato adæquetur, debeatque concava illius superficies hujus extimæ superficiei proportionari: cumque locus passim immobilis habeatur, re-

pugnetque à sua positione dimoveri; superest, ut *locus* idem semper maneat, postquam Corpus, quod illum implebat, alibi continetur, aut successive loca alia subit, ac proinde necesse est, illum vacuum relinqui, & partes sui immotas tueri.

III.

Corpora
secum lo-
ca sua
adferunt
& tollunt

Sed perperam existimasse videtur *Epicurus*, locum quoddam per se subsistens *spatium* esse, quod Corpori magnitudine æquale sit, & ab eo realiter distinctum: Quia, si præcise ad *loci* notionem attendatur, nihil aliud esse,prehendetur,quàm respectus quidam Corporis sitûs, quem habet ad proxima, quæ illud circumstant, corpora; vel ad remota, à quibus immobilitatem suam desumit. Adeo ut, asserere, rem in *loco* esse, vel novum locum acquirere, idem sit, quod significare, illam talem situm inter alia corpora optinere vel adipisci. Mentis error est, fingere, locum capedinem quandam esse, quam corpora penetrant, ac deserunt: cum corpora sua *spatia* secum adferant ac tollant. Ac ideo dicimus, *Corpus* *spatium* aliquod occupare, eo ipso, quo tanta pars Universi esse constituitur, & inter res materiales numeratur; & locum aliquem derelinquere, quum definit *magnitudinem*, *figuram*, & *situm* suum, inter determinata quædam corpora servare.

III.

An fieri
possit mo-
tus sub
lito in
spatio.

Aliud argumentum, quo Inane in mundo stabilire conatur *Epicurus*, ex ipsa *Motus* ratione petitur: Si nullus, inquit, in natura locus inanis admittitur, impossibile erit, in ea fieri *Motus*: ac proinde totum hoc Univer-

sum

sum nihil aliud erit, quàm rigida quædam moles, inflecti nescia, & nullius alterius, quàm quod existit, patiens. Nam dato, plena esse omnia, corpus ab uno loco in alium transferri nequibit, quin aliud è suo situ detradat; adeo ut si Corpus A moveatur, necesse sit, ut aliud ad minus sibi æquale à suo loco depellat, nimirum B. Idem B præstare debet, ut novum locum nanciscatur, & ita in infinitum procedatur, ni quædam spatia dentur Inania, quæ mota corpora subeant, & veluti in novis diversoriis hospitentur.

IV.

Aliquid fortè hoc argumento *Epicurus* probaret, si nullus præter rectum daretur motus, & una parte materiæ mota cæteræ sequentes in ævum continuarentur, sed alium *usu coti-*
diano experimur, nempe circularem, quo corpus aliquod, dum movetur, aliud loco suo depellit, hoc iterum aliud, & aliud donec ad ultimum perveniatur, quod prioris locum subeat. Hic autem circulus sublato omni Inani peragi potest. Ut sit hic circulus excava-

*tu omni
motu in-
eger cor-
porum
circulus
simul
moveatur?*



tus, duodecim globulis plenus, dum primus A versus aliquam partem movetur, secundum B trudit, hic tertium C, donec continuato pulsu, locus, qui à primo derelictus est, ab ultimo repleatur.

V.
*Obiectio
 contra
 motum
 per circun-
 lum fa-
 ctum.*

Si cum *Gassendo* regeras, globulum A moveri non posse, nisi duodecimus M moveatur; sed M moveri nequit, quoniam, ut moveatur, necesse est, ut primi A locum occupet, qui nondum vacuus esse concipitur, ac proinde, immoto M remanente, non potest A moveri, & ita omnes globuli, qui in circulo continentur, immoti stabunt:

VI.
*Respon-
 detur ad
 obiectio-
 nem Gas-
 sendi.*

Respondeo *Gassendum* falsa suppositione inniti, dum imaginatur, globulum M, qui immediate antecedit A, moveri non posse, quin locus vacuus necessario detur, dum moveri incipit; cum fieri possit, ut eodem temporis momento, quo M locum A occupat, locum A deserat, adeo ut dum globulus A versus B pergit, ipsum B pellat, B vero pellat C, &c. usque ad M, qui locum ab A derelictum eodem instanti ingreditur, ut dictum est.

Res evidentior fiet in circulo ferreo, qui circa suum centrum agitur; nam cum quælibet circuli pars eodem instanti spatium occupat, quod à præcedente derelictum est, absque ulla necessitate ad inane recurritur. Quod si illud in circulo ferreo fieri potest, quidni in circulo alio, partim ex ligno, partim ex aere composito, fiat? quidni corpus A quod ligneum esse supponitur, corpus B quod est aereum, à situ suo depellendo, B tantam vim aliud immediate sequens detruendi habeat, illud verò aliud alterum usque ad M, quod locum A occupabit, eo tempore, quo illum deseret?

Id ita

Idita fieri in omni circulo, satis intellectu VII.
facile est, si circulus ille perfectus esse sup- *In circulo etiam nō*
ponatur, & cujus partes à centro æqualiter *perfecto,*
distent; ve- *corpora*
rū idem in *simul me-*
co contin- *gentur.*



tet in circulo E F G H. Sed hæc difficultas
facile diluitur, si advertatur, omnes illas
inaequalitates posse motus celeritate compen-
sari. Nam ponamus spatium G quadruplo
latius, quàm spatium E, & duplo, quàm spa-
tium F & H, necesse erit, ut materia qua-
druplo celerius moveatur in E, quàm in G,
& duplo celerius, quàm in spatio F & H, &
ita motus celeritas loci angustiam pensando,
qualibet hora, die, vel anno, tantundem ma-
teriæ per unam *circuli istius* partem transibit,
quàm per aliam. Adeo ut nulla adsit ne-
cessitas vacua interstitia fingendi, aut
condensationem admit-

tendi.

A 6

ARTI-

ARTICULUS TERTIUS.

Discutiuntur Experimenta, quibus Vacuitates corporibus inesse Gassendus contendit.

I.
Primum
Gassendi
bombarda
pneumatica
experimentum
ad probandum
vacuum.

HAud dubium est, Philosophiam experimentis maximè promoveri, illiusque principia ad *veritatem* propius accedere, quæ *phenomenis* fulciuntur, & *Natura miracula*, ut suæ evidentiae testes, advocant. Hinc *Gassendus*, per experimenta, quæ occurrunt, intervalla Inania in mundo esse, ostendere nititur, rationibus à Condensationis & Rarefactionis motu petitis. Detur, inquit, *bombarda pneumatica*, cujus tibi pars, quæ aerem includit, ad duos digitos protendatur; dubium non est, quin tanta Aeris moles illic reperiatur, (si nulla aeris spatia, partibus materiae intersint) quantus est locus, seu tubi capacitas, quæ aerem complectitur; adeo ut nulla sit pars loci, ita exigua, cui non pars aerea ejusdem magnitudinis respondeat, ac proinde æquales sint numero utriusque partes.

II.

Supponatur igitur ille numerus esse mille, mox instrumento ad hoc idoneo, aer comprimatur, & ad unius digiti mensuram redigatur. Quem inter se partes aereæ ordinem servabunt? cum tunc temporis, & partibus loci, non nisi quingentæ supersint. An fortè geminæ in eodem spatio reponentur; Id naturæ legibus repugnat, cum cuilibet Corpori *impenetrabilitas* sit propria, & non minus implicet,

plicet, duo Corpora eundem locum occupare, quàm idem Corpus in diversis locis reponi. Quare, si Aeris corpuscula, in tubo comprehensa, angustiori loco contineantur, necessum est, ut eorum latera & anguli aptius inter se disponantur, & intercepta spatia Inania repleant, ac penetrent, quibus occupatis, haud mirum videri debet, si arctius intervallum reddant, & minus quàm antea protuberet.

Verùm, non satis ad ea, quæ in natura fieri possunt, attendisse videtur *Gassendus*: Quia licet naturaliter Corporum penetratio repugnet, non tamen inde inferendum est, admittenda esse in Corporibus *interstitia vacua*, quæ superinjectum, exempli causa, Aerem recipiant, aut aliam quamcunque materiam complectantur, cum possibile sit, ut inter crassiores Aeris partes, quædam *subtilior* ac magis tenuis materia sit, quæ, è Corporum meatibus egrediendo, efficiat, ut spatium, quod repletum apparet, alium Aerem recipere possit. Quia vi intrusus Aer *materiam subtilem* expellit, quæ ipsi locum cedendo, per *bombarda* poros erumpit & elabitur. Non igitur Aerearum partium compressio ex Inanum spatiorum occupatione oritur, sed ex subtilis Materiæ expulsiōe, quæ aereis partibus locum cedit; dum hæ propiùs ad se invicem accedunt, & poros angustiores reddunt, aut tollunt.

Aliud Experimentum *Gassendus* à Rarefactionis motu desumit: Esto *Accolipila*, cujus cavita-

III.

Redditur ratio ex perimentis.

IV.

Secundum Gassend.

vita.

perimen-
tum ab
Aeolipila
desum-
ptum.

vitatis pars una *Aqua*, altera *Aere*, opplea-
tur; quæ fiet, ut igni apposita, *Aqua*, quæ in
Aeolipila includitur, expandatur & rarefcat,
adeo ut cum impetu erumpat & abigatur, ni-
hilominus globi seu *Aeolipilæ* capacitas sem-
per plena remaneat? Nam si *Aeris* & *Aqua*
partes numero pares erant, priusquam igni
Aeolipila adhiberetur, debebunt, quæ super-
sunt partes, post aliquam evaporationem
plura loca occupare: Ac proinde sicut *agger*
pulveris, modico vento excitatus, in nubis
speciẽ diffunditur, ob *Aerem* pulveris granis
intermixtũ; quidni eodem modo *Aeris* & *Aqua*
partes, *Aeolipilæ* inclusæ, per intromissa cor-
puscula agitata, totum illud spatium occu-
pant, quod inania interstitia intercipient?

V.
*Explica-
tur expe-
rimentum Ae-
olipila.*

Respondeo, illud nullo modo sequi, quo-
niam aquæ partes, *Aeolipila* inclusæ, non di-
latantur, quoniam spatia vacua obtinent,
quæ prius *Aeris* partibus immiscebantur, sed
solum, quòd, *Aeolipila* igni appositâ, *Calor*
exiguas aquæ partes exagitet, efficiatque, ut
inter se collidantur, & magno molimine ab
invicem recedere nitantur. Quippe subtilis
Materia, vi ignis intromissa, earum meatus
distendit, ac dilatat: quo fit, ut solito magis
compressæ, & sese extricare conantes, per
foramen cum impetu egrediantur, & quan-
dam naturalis venti speciem referant. Itaque
tota aquæ expansio soli materiæ subtili, per
Aeolipila poros ingressæ, tribuenda est, quæ
eius particulas agitando non finit eas am-
plius cohærere. Ut ipsemet *Gassendus* fateri
cogi-

cogitur his verbis: *Idque agentibus corpusculis ignis, quæ & superingressa, & rapidissime cuncta redeuntiaque inter latera Aeolipila, non interquiescere illa sinunt: sed heic illeic sic esse cogunt, ut totum spacium videri possit.*

Aliud est experimentum singulare, quo sibi inania spatia in corporibus certo detexisse videtur *Gassendus*. Cum nosset vir Clarissimus, non quantamlibet Salis mensuram, sed certam quandam quantitatem, posse in aqua dissolvi, cum usu veniat, quæ aliqua salis portione saturata est, reliquum, quod imponitur, respuat, & indissolutum relinquat, quod aliter contingere non posse arbitratur, quam quod Sal in tenuissimas particulas digestus, Aquam undique permeet, & vacua intervalla repleat; quibus expletis omnis exsolutio cessat, modo haud absimili, quo stomachus cibo gravatus, quicquid ingeritur, remittit. Sed cum Salis particulae, non unius sint figurae; quippe *Salis communis* cubicae sunt, *Aluminis* octahedricæ, &c. assignanda quoque erunt diversae figurae spatia, quæ talia esse, ex eo maxime probatur, quod Aqua Sale communi imprægnata *Alumini*, *Sali Ammoniac*, & *Saccharo* adhuc pateat. Quæ Corporum admissio aliam in causam refundi non potest, quam in ea loculamenta, quæ Aquæ partes intercipiunt, quum illis oppletis, Aqua plus hujusmodi *Salinum* exsolvere nequeat, & veluti satiata turgeat.

Aliquid hoc experimento *Gassendus* probaret, si nobis persuadere posset, Aquam Sale intro-

VI.

Tertium experimentum à salis dissolutione petitur.

Vli.

Quomodo Sal in aqua dissolvatur. intromisso minime augeri, & eundem prorsus, quem antea, locum occupare; Cujus tamen contrarium usu cotidiano videmus. Quippe licet in *cyatho* aqua pleno, certa quædam *Salis* portio, citra effusionem accedere possit, non tamen sine ejus superficiei expansione: constat enim *Salis* aut *Cinerum* introductione *Aquam* attoli, & ad modum globi in *cyathi* medio assurgere. Ut in *Thermometro*, seu *tubo vitreo* conspici licet, cui si *Sal* infundatur, *Aqua* illico augescit, & sensim altius se insinuat.

VIII.

Cur certa Aqua quantitas non nisi certam Salis mensuram dissolvere possit.

At, inquires, si nullæ in *Aqua intercedentes* inveniantur, quæ *Salem* impositum accipiant, quâ sit, ut certa illius quantitate satietur, & reliquum respuat? Hujus rationem reddere arduum non erit, si partes *Salis rigidas* esse, dulcis autem *Aquæ Molles*, & ad inflexionem propensas supponamus. Nam cum *Salis* partes sibi invicem transversæ incumbant, *Aquæ* dulcis partibus, (quæ in continuo versantur motu) occasionem præbent, illas interlabendi, & ad modum annulorum eas circumplectendi, atque ita disponendi, ut inter illas facilius fluant, & motum suum continuent, quàm si solæ relinquerentur. Quia cum *Salis* partibus implexæ sunt, *Materia subtilis*, cujus vi agitantur, id tantum agendum habet, ut eas circa *Salis* corpuscula, quæ complectuntur, citissime deferat. E diverso dum solæ existunt, dulcemque *Aquam* componunt, ita inter se confunduntur, ut *materia subtilis*, partem suarum virium,

rium, in ipsis diversimode inflectendis impendere debeat. Cum citra illius impulsu immotæ maneant, & à se invicem disjungi nequeant. Cum igitur Aquæ dulcis partes finitæ sint, & virtus, quam habent se movendi, limitata sit, necessario contingere debet, ut, postquam certum partium numerum Salis circumlambendo complexæ sunt, cæterarum resistantiam superare non valeant, ac proinde Aqua veluti satiata, superinjectum Salem exsolvere non potest, quoniam non supersunt partes Aquæ flexiles, quæ Salis corpuscula circumvolvendo amplectantur, & liquefactionem efficiant. Id cotidie in Aqua communi, & Aqua forti manifestum fit, quæ non nisi certam ac determinatam Salis aut Metallorum quantitatem exsolvere queunt. Unde, si, exsoluta ea mensura, unicum Salis granum injiciatur, siccum remanet, ac si in loco arido reponeretur.

Superest, ut celeberrimi *phenomeni* rationem reddamus, quod solertem *Torricellium Florentia* observasse narrat *Gassendus*. Ille siquidem, tubo vitreo assumpto trium pedum, cum septem digitis, & onciis novem, quem cum *hydrargyro* seu argento vivo replevisset, eundemque, digito illius oppresso orificio, invertisset, in stagnantem in vase *hydrargyrum*, tum amoto digito, observatum esse, *Hydrargyrum* in subiectum vas non totum defluere, sed intra tubum, adduorum pedum & digitorum ferme trium altitudinem, subsistere, absolutis prius quibusdam sursum deorsumque

IX.

Quat-
tum ex-
perimentum
tubi & hy-
drargyri

vibra-

ad certā
mensurā
repleti.

X.

Genuina
prædicti
experi-
menti
ratio.

vibrationibus, relicta interim parte tubi superiori non solum hydrargyro, sed & quovis alio corpore destituta.

Hoc experimentum quanquam magni à pluribus fiat, videaturque in mundo *Vacuum* stabilire, nullius tamen apud eos est momenti, qui in Corporibus poros admittunt, quos materia quædam subtilis penetrat, & ea loca obtinet, quæ a crassioribus Corporibus deferuntur. Ea enim est primi elementi materiæ indoles, ut non *vitrum* modo, sed & *adamantem*, *chalybem* & quodcumque aliud durum corpus trajiciat. Nam licet *vitrum*, utpote frequenti fusione depuratum, poris seu foraminulis carere videatur, ambigi tamen nequid, quin continuos habeat, & nullibi interruptos. Quod ejus pelluciditas sufficienter arguit. Quippe cum generatur, liquidum sit, materia subtilis, circa ejus particulas undique fluens, innumeros ibi meatus efformat, per quos transmissi secundi elementi globuli, luminis actionem in omnes partes transferre queunt. Licet ergo spatium illud, quod ab hydrargyro derelinquitur, *vacuum* appareat, nullaque sensibili materia repleatur, ab alia subtili repleri potest, quæ sensus nostros fugiat. Nec illud Gassendum ipsum latuit, dum experimentum explicando, *Caloris frigorisque corpuscula* admittit, in *tubi capacitatem penetrare, perque ipsum infundi*. Quod idem de *lumine* sensit, cum illud rem corpoream esse agnoscit, tenuemque esse materiam, quæ tubum trajicit ac penetrat.

Quare

Quare frustra ad Inania spatia recurritur, quum iis subtili æthere repletis, tantum loci novis corporibus recipiendis adinveniat, ac si revera vacua manerent.

ARTICULUS QUARTUS.

De Corpore Divisibili.

EPICURUS, qui Substantiam materialem ex *atomis* componi asserit, eisque ortus interitusque rerum assignat, imaginatus est, Corpora ita variis modis subdividi posse, ut ad minima corpuscula demum perveniantur, quæ ratione soliditatis suæ ulteriorem partitionem abnuant, & nullâ vi naturali exsolvi se patiantur, ut ait *Aufonius*.

I.

Divisibilitas omnium corporibus competit.

— — — *tenuissima tantis*

Principia & nostros non admittentia visus,

Parvarum serie constant connexa Atomorum,

Sic solidum imprimis, nullique secabile segmen.

Hanc opinionem tueri conatur Gassendus, sumpto, à rerum concreatarum dissolutione, exemplo: nam sicuti, inquit, videmus naturam corpora in particulas impensè exiguas resolvere, & non nisi ad certum earum numerum progredi; ita colligendum est, non in infinitum illas comminuere, cum illius vis limitata sit, brevique exhaustiatur & desinat; ac proinde quædam corpuscula superesse debent *individa*, & ulterioris partitionis expertia.

II.

Gassendi opinio de corporis indivisibilitate.

Scio, Gassendum non *Mathematicam* indivisibilitatem hujusmodi *Atomis* tribuere,

III.

B

sed

sed eas duntaxat infectibiles existimare, ob duritiem, & mutuum earum partium implexum; sed quomodocumque *Epicuri* mentem Gassendus interpretetur, alienum à corporis natura videtur, quod individuum sit, & partitionem refugiat. Divisibilitas enim omni substantiæ materiali propria est, & ita ei annexa, ut eam immediate, essentialiterque sequatur: nam si probè ad conceptum, quem de corpore habemus, attendatur, statim occurret, esse quid *extensum*, & *tribus dimensionibus mensurabile*: Quo autem pacto fiet, ut quod longitudine, latitudine, & profunditate constat, divisionem non patiatur? Statuendum igitur, omne corpus esse partibile, & ita indefinitæ sectioni obnoxium, ut nulla unquam divisione exauriri queat.

IV.

Quomodo corpus, cum sint omnia divisible, non sunt æqualia.

Opponet fortè quis pro Gassendo; si ad Corporis naturam spectat, ut *in infinitum sit divisibile*, sequetur Corpus A, quod exiguæ molis esse supponitur, Copori B duplo majori fore æquale: Atqui absurdum est, Corpora diversæ magnitudinis esse mole paria; igitur falsum est, ambo esse indefinitè partibilia. Major videtur evidens, quia non minus in A infinita divisibilitas intelligitur quàm in B, quod altero est duplo majus.

V.

Mentis finita non est aliquid determinare.

Ad hanc objectionem responderi potest cum Cartesio *parte prima principiorum, articulo vigesimo sexto*, nos non debere nimium in iis explicandis sollicitos esse, quæ sub intellectum nostrum non cadunt, quæque à nobis perspicuè & distinctè concipi nequeunt. Ad mentem

mentem enim *infinitam* duntaxat pertinet, infinitum intelligere, & de ipso aliquid determinare. Ineptum verò foret, id, quod de Corporis essentia capimus, tanquam falsum respuere, quoniam mente infinita præditi non sumus, & infinitum comprehendere non valemus. Quam ob causam *Cartesius* illa, in quibus nullos extensionis fines advertimus, non ut *infinita*, sed ut *indefinita*, considerat, cum in infinitum dividi possunt, & ad eorum partem ultimam non liceat pervenire.

Aliter Responderi potest secundo, *Divisibilitatem* in Corpore minori A, non tantam esse, quanta in corpore B duplo majori reperitur; hoc est, A in partes æquæ magnas, ac ipsum B. distribui non potest; nihil tamen obstat, quin in tot, sive æque multas discerni queat, qui Corpora non quædam *quantitatem* non discontinuam sectibilia dicuntur, sed quoad *singularitatem* discretam pars siquidem millesima unius materiæ, in alias mille partes subdividi potest, non minus quam ipsa materiæ moles: quia Dividendi aptitudo, non per actualement partitionem descrefcit, aut tollitur, non magis quam in Homine scribendi aut pingendi vis, dum literas in papyro exarat, vel ductis lineis in tabula effigiem delineat.

ARTICULUS QUARTUS.

De Corpore Raro & Denso.

I.

SPONGIA aquæ intromissione turget, & ita inflatur, ut ad majus spatium se diffundat.

Spongia
liquore
inflatur.

B 2

Non.

ur, &
majorem
locum oc-
cupat.

Nonnulli existimant, Spongiam rarefieri per novæ quantitatæ augmentum; quasi nihil materiæ accedat, sed sola superveniens quantitas Spongiæ partes separet, & ejus magnitudinem augeat. Verùm quis credet, *Aquam*, dum rarefit, & in *aerem* degenerat, ad solius novæ quantitatæ augmentum tantum dilatarî? Quis non videt, *Spongiam* liquorem haurire, eamque in ejus penetralibus recondi, qui postea, Spongiâ compressâ, effluit, finitque ejus partes ad se invicem accedere, & intimè uniri Rarefcit igitur Spongia, dum ejus partes à se mutuò removentur, earumque meatus supervenienti aquâ replentur. Illa autem eadem Densa evadit, dum ejus partes sibi invicem incumbunt, & illam materiam abigunt, quæ eorum intervalla prius occupabat. Adco ut Spongia non modò rara dicenda sit, dum sicca est, & omnem humorem excludit; sed maximè, dum peregrinis corporibus, intra ejus meatus receptis, saturatur & turget.

II.

Qui fit,
ut Valvæ
aridâ
tempesta-
te facile
claudan-
tur, agrè
autem
nubilâ

Valvæ tempestate humidâ nonnunquam agrè, interdum nullâ vi obserari, & aperiri possunt. Cujus contrarium in *asseribus*, quibus dolia vinaria compinguntur, experimur: Iquippe aeri, sicco tempore, exposita à se invicem disjunguntur, & rimas hiatusque præ se ferunt.

Valvæ, aut januæ, madidâ tempestate, intumescunt, quoniam Aqua, vel Aer aqueis vaporibus refertus, ligni poros penetrat, eorumque latera distendit; quibus ampliatis, necessum

neceſſum eſt, totam Corporis molem dilatari, & latius ſpatium occupare. *Doliorum* verò *aſſeres* comprimuntur, minoremque locum occupant, quoniam eorum partibus calore agitatæ, nonnullæ exiliunt, & in auras ſeruntur. Quibus ablatis, haut mirum eſt, ſi partes reliquæ ad ſe invicem accedant, & non tantum loci, quantum antea, occupent.

Sit *Lamina ferrea* duobus pedibus, exempli cauſâ, longa, cui *baculus ligneus* ejusdem magnitudinis adaptetur, adeo ut, neutrum longitudine alterum excedat. Tum *ferrea* lamina in ignem validum & acrem immittatur, donec concepto undique ardore incan- deſcat; mox forcipe erepta, cum bacillo ligneo conferatur, apparebit *ferreâ* laminam, non ſecundum latitudinem modò, ſed & ſecundum longitudinem auctam eſſe, & ipſo ligneo bacillo majorem evaſiſſe. E foco verò erepta, & aliquandiu acri expoſita, refrigeratur, & priſtinam magnitudinem recuperat.

Hujus mutationis cauſa in Corpus peregrinum, quod *ferrum* penetrat, aut elabatur, refundenda eſt: Augetur enim, dum Ignis particulæ ejus meatus ſubeunt, atque eos dilatando ad majus ſpatium protendunt. Nam cum ignis particulæ in continuo ſint motu, non poſſunt non latera, quibus arctantur, extendere. Lamina autem *ferrea*, *Acri* expoſita, ad priſtinam longitudinem revertitur, & denuò bacillo ligneo fit æqualis, quoniam ex ejus poris Ignis egreditur, quibus ſuccedentea

III.

Pars ferrea in igne præjecta augmentum acquirit.

dentes aeræ particulae, minus illos conu-
tiunt; minoremque locum ad sui dilationem
requirunt.

IV.

*Aqua in
vapores
conversa
centies
majorem
locum oc-
cupat.*

Aqua vi solis in aerem attolitur, & ita
diffunditur, ut longè amplius spatium, quàm
antèa occupet, quippe, si nonnullis fides ha-
benda est, *Aqua in vapores versa*, lacum ad mi-
nus centies majorem complectitur.

Tantæ diffusionis causa non ipsis Aquæ
partibus assignanda est, ut quidam perperam
opinantur; quum fieri non possit, ut aliquid
novâ magnitudine sive dimensione augea-
tur, quin etiam nova substantia extensa,
hoc est, novum corpus accedat. Expandi-
tur igitur *Aqua*, cum ejus partes dissolvun-
tur, & relictis inter se spatiis ab invicem di-
stant. Quia nihil aliud in vaporibus contin-
git, quàm quod Aquæ partes, quæ antea inti-
mius jungebantur, distrahantur, & aliæ ma-
teriæ locum dent, quæ illas dividat. Ad eum
modum, quo *pulveris cumulus*, dum vento sur-
sum attolitur, & in latius spatium dispergi-
tur. Quippe ea dilatatio, non *pulveris* granis
attribuitur, sed ipsi Aeri, qui eorum intersti-
tia intercipit, & grana ab invicem separat.

V.

*Quomo-
modo in
Thermo-
metra
Aer con-
densetur
aut rare-
fat.*

Thermometra *Aqua forti* impleatur, sed ita,
ut repleta aliquod spatium relinquat, à resi-
dua Aeris parte, qui antea in tubo erat, oc-
cupatum: fiet, ut illa Aeris portio, intensio-
ri calore distenta, *Aqua forti* recedente, &
se inferiori tubi capite recolligente, omnem
tubi capacitatem repleat. E diverso, vi fri-
goris in tantas angustias redigetur, ut

rubra

tubum vitreus penè ab Aqua forti totus occupetur.

Procedit illa varietas à continuo novæ materiæ ingressu, per vitri meatus, quæ Aerem impurum in tubo contentum, suâ agitatione ita rarefacit, & ita extenuat, ut ejus particulis diductis, Aquam fortem impotentius resistentem, loco suo propellat; quæ, regrediente denuo subtili materia per vitri poros, Aeris particulis rursus intimius sibi connexis, ad priorem locum revertitur, ab Aere infimum tubulum iterum subeunte adacta. Si verò asperum sit cælum, & intensius ac penetrabile sit *frigus*, illa Aeris pars in superiori tubi capite existens, discedente sublimi materia, ita in indefinitum decrescit, ut totus tubus ab aqua forti compleatur.

Castanea igni apposita paulatim turgescit, & mox cum strepitu effringitur.

Illud non à peregrina materia fit, ut quidam imaginantur, quæ *castaneam* subit & egreditur, sed ab ipsis crassioribus Castaneæ partibus, quas materiæ subtilis actio, poros earum penetrantis, ab invicem separat, easque ita exagitat, ut corticem cum fragore ac strepitu effringat.

VI.

*Castanea
in ignem
injecta*

*cum stre-
pitu fran-
gitur.*

ARTICULUS SEXTUS.

De Duro & Fluido.

Corpora duritie distinguuntur, ut lapis, lignum, res, pumex, Gemma, è quibus non-
B. 4. nulla

I.

*Unde lat-
pidum co-*

*gemma-
rum du-
rities.*

nulla facilè, alia verò non nisi ægre, & cum labore abrumpuntur.

Dura corpora esse censentur, quorum partes iuxta se mutuò quiescunt, & ita inter se coherent, ut ab alia materia, quæ inter illas moveatur, non interrumpantur. Adeò ut firmiora illa habeantur, quorum inflexibiles sunt partes, & sibi mutuò contactu connectuntur. Unde *gemma*, licet in hoc omnes conveniant, quod à lima non tangantur, aliæ tamen aliis duritie antecellunt. Nonnullæ enim *plumbo albo* poliuntur; quibusdam *Are* opus est; aliæ *smiridem* non admittunt. Hinc magnum inter *Adamantem* & *Chrysellum* discrimen interest, etsi ambo ex eadem materia fiant, & iisdem in locis nascantur: quoniam *chrysellus* mollior teneriorque est, utpote cujus partes nondum coaluerunt, & quibusdam motibus diversis agitantur. Firmior compactiorque est *Adamas*, quoniam partes ejus insensibiles immediatius se contingunt, & mutuò complexu intimius implicantur.

II. Aqua fluida in glaciem concrevit; *jusculum*, *Sanguis* & similia, si sibi ipsis relinquantur, coagulantur, & quandam firmitatem acquirunt.

*Uterque
firmus
evadunt.*

Illud accidit, dum eorum particulae, externâ agitatione cessante, sibi mutuò adherent, & arctius connectuntur. *Sanguis* enim & *jusculum* firma evadunt, dum tenuiores eorum partes exhalantur, & crassiores duntaxat remanent, quæ sibi ipsis relictæ implicantur, & ad quietem adiguntur. Id in oleo

Anise

Anisi quoque experimur, quod æstate, dum maximè Corporum agitatio fit, fluidum manet, & non nisi in vase potest contineri. Ineunte vero hyeme, dum radii Solares Terram debilius concutiunt, congelatur, & in corpus durum evadit. Idem de *lacte* dicendum est, quod licet natura fluidum sit, & facile aliis corporibus se insinuet, in *Casum* tamen abit, quando salis particulae, quæ in coagulo existunt, lactis substantiam penetrant, huc & illuc ejus particulas commovendo, ut crassiores, quæ in ramos quosdam flexiles desinunt, sibi mutuò implexu jungantur & suo pondere exiliores feri partes è loco suo deturbent. *Lac* autem in *butyrum* evadit, quando cremoris partes, perpetuò concussu agitatae, à reliquis divelluntur, & ramis suis sibi adhærentes, demum in continuum unum corpus coeunt.

Sal in Aquam injectus liquefcit, & sensim exsolvitur; quamvis Aquæ multò præponderet, & ad ima loca tendat.

Id contingit, dum *Aquæ* partes, quæ jugi motu cientur, *Salis* particulas subeunt, & ruptò paulatim earum nexu, illas à se invicem dirimunt, & continuitatem abrumpunt. Talis enim dissolutio, non nisi à motu peragi potest: nam licet Aqua intra vitri cavitationem, exempli causâ, contenta quiescere videatur, & nullam agitationem sensus nostri deprehendant; nihil obest, quo minus aliquæ partes *Aquæ* ab imo *vitri* sursum ferantur, & aliæ à summo deorsum; & aliæ à dex-

III.
Sal in
Aqua &
illius mo-
tus dis-

solvitur.

tra ad sinistram, & è converso, à sinistra ad dextram pergant. Quo fit ut Aqua statim Salem dissolvat, & ejus partes ab invicem separet.

IV. *Oleum ex panno* Aqua pura dilui non potest, sed *lixivium* opus est, maximè *sapone*, qui fluiditate Aquæ cedit, & minorem ex partium consistentia motum testatur.

Aqua tellis non potest, be. Hujus ea est causa, quod aquæ partes ab *ne autem olei* partibus quoad figuram dissentiant, & sese penetrare ac dividere non queant. *sapone,* *Oleum* enim ramosis partibus constat, Aquæ verò lubricæ sunt partes, & ad angustiarum modum efficiæ. Unde panni oleo imbuti poros ingredientes, intactas illas prætereunt & elabuntur. *Aqua* enim *Oleum* incidendi vim non habet, nec in ejus intimas partes penetrandi, ac proinde nec aliquam ejus portionem educendi. *Lixivium* verò, ob salem ei admixtum, id præstat, quippe cum *Sal* inflexibiles habeat partes, & telorum instar, Corporum meatus ineat, *Oleum* faciliè incidit, cum quo ubi introducta fuerit Aqua, *Olei* particulas secum defert; quando scilicet ex panno exprimitur, & compressione ad exitum cogitur. Hinc ad delendas è panno maculas *sapo* maximè conducit, utpote ex *Oleo*, *Sale* & *Aqua* mixtus. Quoniam *olei* corpuscula ob familiaritatem faciliè uniuntur, quæ aqua extrahit, dum *Salis* partes alluit & comitatur.

V

Corpus durum in stagni medio existens immotum manet, & ne vi externâ ad motum adiga-

adigatur, eandem semper distantiam à circumductis corporibus seruat.

Id ex eo potissimum accidit, quod partes *fluidi*, à quibus corpus durum, exempli causa, *lignum* undique ambitur, variis motibus agitentur, & quædam sursum, aliæ deorsum, nonnullæ dextrorsum ferantur, adeo ut corpus illud, contrarios fluidi motus excipiens, in æquilibrio consistat, cum non sit ratio, cur in unam partem potius quàm alteram ferri debeat. Si vero totum fluidum versus aliquam unam regionem tendat, Corpus durum, illius motui obsequitur & cum illo deferretur; quoniam tunc temporis supponitur impetuum inæqualitas tolli, & tota *Aqua* versus unum locum tendere.

Crusta, quod omniumparietes vestiuntur, *Vt* Aquæ admixtione durtiem comparat, & quam non antea habuerat firmitatem, adipiscitur.

Susplicari non subit, quâ hæc durties oritur, nisi quod in *Crusta* multi sint meatus, quos ignis ea magnitudine excavavit, ut eos crassiores Aeris particulae subire nequeant, quoniam non illis vis sufficiens inest ad ea obstacula, quæ in *crusta* inveniuntur, repellenda: quod Aquæ particulae efficere possunt. Unde humor, diu cum illa materia crustacea agitatus, grana seu grumulos circumlabendo, variè eorum poros aperit, & in minores multo, quàm antea erant, partes dividit: Cum vero omnes illæ particulae, jam in tenuissimum pulverem redactæ, plus superfici

*Trabs liq
guæ in
Aqua
immota
manet,
cûs aqua
partes
continuo
moueat
tur.*

*Vt
Liquor
nonnullus
quædam ad
durtiem
corporum
conducit.*

fiei habeant, quàm habebant, dum grumulos seu grana componebant, immediato contactu sibi adhærentes, & juxta se mutuò quiescentes, corpus durum componunt.

ASTICULUS SEPTIMUS.

De Aspero & Levi.

Marmor, *Chalybs*, *lignum lævia*, si oculo aut manu explorentur, apparent: scabra autem, si Engyscopio deprehendantur.

I.
 *multa
 corpora,
 nisi ad
 oculum
 polita ap-
 parent,
 aspera
 tamen
 sunt.*

Ratio est, quòd affricus ille, quo Corpora lævigantur, durissimis pulveribus fit, quorum grana ita duci nequeunt, quin fossulas quasdam interexarent, & sulcos post se relinquant. Sic *Vitrum*, *Chrystallus*, & similia, licet omnimodam politiem præ se ferre videantur, cum nihil exuberans in eorum superficiebus deprehendatur, & eorum partes æquali situ videantur terminari: Nihil tamen obest, quo minus scabra dicantur; quia licet vitrum fusione ex tenuioribus cinerum particulis componatur, cum tamen illæ irregulares sint, & angulosæ, non ita vi ignis inflecti possunt, ut sibi mutuò cohæreant, & omnem suam figuram amittant; possunt enim Cinerum anguli atteri, nunquam verò ita adaptari, quin eorum aliqui emineant, & cæteris protuberent. Et quamvis hæc partium *Vitri* inæqualitas *Sensibus nostris* haud appareat, non tamē aliter esse inficiandum est, quum *Sensus nostri* non sufficiant ad omnes

Corpo-

Corporum affectiones detegendas, & in iis sæpe hallucinentur, quæ clarissima ratio esse demonstrant. *Linea* in papyro ducta, recta nobis apparet, quæ tamen, ad motû engyſcopiô, curva videtur, & multis inæqualitatibus intercepta.

Pumex, sicut alii plurimi *Lapides*, lævigari non possunt, nec ullâ arte adigi, ut politiem patiantur. II.
Cur pumex nequit lævigari.

Ratio est, quod *pumex* corpus sit porosum, laxioresque meatus habeat, quàm ut ejus partes in se se inflecti possint, & illum situm acquirere, qui ad lævorem requiritur. Unde ad Corpora læviganda, *pumex* nonnunquam conducit, quia asperitate suâ partes prominentes suis dentulis deterit. Nam quantumcunque alteri corpori affricetur, semper quandam scabritiem retinet, quàm ipso tactu licet experiri.

Corpora lævia in agendo resistendoque scabris præstant, ut videre est in *cultris* & *ensibus*, qui ærugine obducti minus scindunt, aut penetrant, quàm dum politie nitent, & omni ærugine solvuntur. III.
Polita corpora fortius quàm aspera agunt & resistunt.

Quia Aspera Corpora inæqualem superficiem habent, quum eorum partes nonnullæ promineant, aliæ verò deprimantur. Superfici ei inæqualitas motum impedit, facitque, ut incussa in illam corpora debilius resiliant & reverberentur. Pila enim à polito corpore, ad majorem distantiam remittitur, quàm ab aspero Quod, qui *pila* lusa capiuntur, abundè observant, quia *pila* in corpus

corpus inæquale impulsam, ad minorem distantiam reflectitur, quàm dum læve offendit, & ex inflexis eodem modò partibus surgit.

ARTICULUS OCTAVUS.

De Perspecto & Opaco.

I. *Cur vitrum est ipsa charactera pellucidum.* Quidam Corpora penè toti lumini sunt pervia, & paucos radios reflectunt. Alia liberam radiorum trajectionem impediunt, & non nisi secundum aliquas partes sinunt se penetrari. Sic *Vitrum* magis *papyro* transparens est & liberiore radiorum trajectionem permittit.

Licet in utroque Corpore meatus sint, qui impulsum lumen recipiant, non tamen eodem modo disponuntur. In *papyro* enim, ob filorum, quibus constat, implexum, pori perturbantur, & *luminis actionem* impediunt. Nam qui à fronte patent, sequentibus non respondent, & versus partem diversam porriguntur. In *Vitro* autem talis est partium ordinatio, ut meatus ubiquè continuentur, & ita directè collocentur, ut lumen libere per illos transfiliat. Quia, cum generaretur liquidumque esset, Ignis materia circa ejus particulas undique fluendo, innumeras illic cavitates induxit, per quas globuli secundi elementi, libere permeantes, *luminis actionem*, quæ in illorum pressione consistit, in omnes partes, secundum lineas rectas transferre potuerunt.

Viri

Vitri perspicuitas minuitur, quo magis mole augetur, evaditque opacius, quo ei plus ejusdem materiæ adjunctum est.

II.

Id in aliud refundi non potest, quàm in *meatum inaequalitatem*: quia cum omnino pellucidum non sit, & pluribus crassis partibus constet, quæ luminis radios reflectunt; necessum est, quosdam illius poros, adjuncta nova materia, intercludi, ac proinde luminis actionem impediri. Eo modo, quo quis per hiantes dextræ manus digitos objectum facile discernit, ubi verò alterius manus digitos apposuerit, relictasque à prioribus occluserit, quicquam videre commodum desinit. Italicet tenue vitrum incidentes radios transmittat, visioni tamen obstabit, si augeatur, & ad aliquod digitos exerescat: quia ejus meatus interrumpuntur, & inæquales redduntur. Dispositionis autem partium inæqualitas sola sufficit, ad id opacum efficiendum, quod antea diaphanum erat, & pellucidum.

III.

Aqua, etsi ad oculum perspicua videatur, totaque lumini pervia, est tamen, si credimus, *nebula* sive caligine obscurior. Quippe si quis è turris cacumine, aut à *fenestrâ* in subjectam tellurem oculos demittat, eam, interjecta etiâ densa caligine, deprehendet. Idem tamen ipsi non continget, si ex Aquæ superficie, fundum ejus contempletur, quoniam non nisi ad numerum pedum longe minorem, poterit imam ejus partem detegere. Unde *Urinatores*, & qui sub

Aquis

Aquis natant, testantur. ultra *duodecim* aut *quindecim cubitos*, non tantum Solem, sed nec quicquam aliud circa se discernere. Quod, opacum corpus *Aquam* esse, arguit, & multo nebulâ spissiore.

Dici potest, illud *Aquæ* contingere, ob partium ejus crassitiem: quoniam, cum illæ irregulares sint, & inæquales figuras habeant, facilè impediunt, ne globuli secundi elementi, eam per lineas rectas pervadant. Opacum enim Corpus fieri intelligitur, quum supradicti globuli, non nisi per vias obliquas, progredi possunt; dumque eorum cursus per implexa corpuscula sistitur. *Nebula* vero, *Aquâ* transparentior est, quia tenuioribus partibus constat, quæ materiæ subtilis motibus obsequuntur, & faciliorem ei viam præbent. Nam etsi utriusque partes irregulares sint, quoad magnitudinem tamen distinguuntur, cum partes *nebula* subtiliores sint, minusque inter se implectantur. Unde fit, ut globuli secundi elementi circa ipsas liberius ferantur, easque siti suo facilius deturbent. Quo fit, ut *Nebula* minus *visioni* obstet, & ad oculum commodius lumen transmittat.

IV. Vinum, *Lac*, *Sanguis*, & plurimi alii liquores, opaci sunt.

Quare
multi li-
quores
sunt opa-
ci.

Communis est horum omnium ratio, quòd puri liquores non sint, & plurimis corporum pulvisculis inspergantur. Cotidianâ enim *experientiâ* notum est, *vinum*, dum distillatur, multa corpuscula post se relinquere, quæ

quæ non in vapores abeunt, aut in halitum ascendunt. Unde *Vini Mercurius*, quem recepto nomine, *Aquam vitæ* appellamus, limpidissimus est, quoniam ablatis heterogeneis partibus, quæ radios antehac frangebant, sit undique luminis pervium. *Lac* tali peregrinæ materiei opacitatem suam debet, quia secreto coagulo, quod superest serum, majori ex parte diaphanum est, & liberius luminis actionem admittit. Quod idem de *Sanguine* & similibus liquoribus afferendum est, qui turbidi non efficiuntur, nisi cum diversa corpuscula eis admiscantur, quæ eorum poros occupant, aut interrumpunt.

Chrystallus, si in ignem, dejiciatur, vel uno alterove momento intra cineres calidos detineatur; perspicuitatem suam amittit, & ita nativo suo decore destituitur, ut in aliud Corpus degenerasse videatur: Quæ etiam jactura nullâ arte resarciri potest.

V.
Chrystallus perspicuitatem suam igni immixtus amittit.

Tanta in *Chrystallo* mutatio corpusculis igneis assignanda est, quæ ejus meatus subeuntia illorum ordinem intercipiunt, ac proinde novam partium seriem inducunt. Inversa autem partium dispositio perspicuitatem in Corpore tollit, & quod antea pellucidum erat, tenebrosum efficit. Ut postea, cum de *Qualitatibus* sermo fiet, dilucidius ostendetur.

ARTICULUS NONUS.

De Inflexo & Compresso.

I. **A**RCUS ex *ibalybe* vel ligno fabricatus, reflexus recurrit, & ad pristinum suum statum sponte reducitur.

Quomodo Arcus post inflexionem sponte reducitur.

Illud inde oriri arbitror, quod Arcus cā inflexione angustiores poros nanciscatur, quam ut materia subtilis eos libere subire possit. Quo fit, ut in eos fortius solito impingat, eosque denuo pervadere nitatur. Quod non uno modo fieri potest; quippe si *Arcus* nondum inflexi meatus, æque in introitu ac in egressu, latos esse apprehendamus; *Intensi* vero angustiores fieri in egressu, haud dubium est, quin materia subtilis, quæ per latiores partes ingreditur, se angustioribus extricare, & ultra pergere conetur. Si verò *Remissi Arcus* pori, figuræ sphaericæ fuisse supponantur, & in ellipticos inflexione evasisse, evidens est, ut, dum materia subtilis per ellipticos ingressum molitur, eos ad figuram sphaericam reducere contendat; & ex consequenti *Arcum contortum* statui priori restituere. Quia licet globuli secundi elementi, parvitatibus suæ intuitu, vi exigua polleant, ad pororum parietes concutiendos; quia tamen quamplurimi ejusdem *Arcus* cavitates continuo permeare contendunt, illorum omnium vires simul junctæ, atque in hoc conspirantes, ut Arcum redycant, id efficiendo sufficere possunt,

Quædam

Quædam Corpora, ubi diu inflexa man-
ferunt, si reflectantur, franguntur, & in par-
tes abeunt: ut in quibusdam *baculis ligneis* post lon-
gum in-
flexio-
nem, si
reducantur
franguntur.

Causa hujus fracturæ à subtili æthere pen-
det, qui, dum Corporum particulas, quæ ejus
motui obstant, sejungere molitur, non solum
earum resistantiam superare debet, sed etiam
illorum Corporum, quæ illas ambiunt. Quia
verò res quæcunque in eo statu perseverare
contendit, & corpora semel mota sponte
moveri pergunt, materia subtilis illa con-
cutere nequit, quin illis novam vim addat,
& effectus augeat: quo fit, ut partes illas ita
commovendo & impellendo separet, & ab
invicem omnino sejungat.

Arcus diu incurvatus, præsertim si ex
ligno, vel etiam ex *ferro* fabricatus sit, paula-
tim vi resiliendi destituitur, & statum, ad
quem inflexione adactus est, retinet. Lami-
na plumbea, ad Arcus modum curvata, nul-
lo modo resilit, sed veluti iners quædam ma-
teria remanet, & non minus huic quàm alte-
ri figuræ se accomodat.

Arcus ligneus, diu inflexus, resiliendi vim
amittit, quia ejus partibus non tanta duri-
ties inest, quin materia subtilis faciliè novos
poros in ea sibi efformare possit, quibus ad
suam mensuram dispositis, libere per eos
transmittitur, & decurrit. Pars autem plum-
bea, in modum Arcus extensa, non recurrit,
quoniam cum plumbi partes molles sint, &

flexiles, facile se penetrari patiuntur; Adeo ut materia subtilis facile recentes poros in ea sibi efformet, per quos cum commodè trahatur, nulla sit particularum plumbi repulsio, ac proinde nullus earum resultus.

IV. Aer, si intra *vas pneumaticum* comprimatur, vi magna erumpit, ut patet in machinis illis, quæ solius Aeris opera *Aquas* sursum versus jaculantur, aut tela summo cum impetu emittunt.

Cur Aer extra Vas pneumatica Violenter erumpat. Quidam id fieri autumant, quod *Aer* vi intrusus in quasdam *Vacuitates* recipiatur, quæ antea inclusum *Aerem* distinguebant, & illum quoque versum propellebant. Verum si ita sit, quorsum vasis pneumatici aperto foramine *Aer* tanto cum impetu erumpit? Si quælibet Aeris pars intra illa inania spatia recondatur, & suam extensionem servet, quomodo compressio sit, & tanto cum nisu *Aer* exilit, si nullam intra illas cavitates vim patiatur?

Ratio igitur hujus *virientis elastica* est, quod *Aere* sic compresso, ejus partes, eodem modo, quo antehac, dilatari non possint. Nam cum omnes pene flexiles sint, & singulæ independentes à vicinis moveantur, quandam sphaerulam habere debent, quæ circulari suo motui, circa centrum suum, peragendo sufficiat. Dum verò comprimuntur, tale illis spatiolum deest, in quo moveantur, cum unaquæque alterius locum ingrediatur, & sibi ipsis obstat. Cumque interim vis eadem globulorum caelestium remaneat, & eodem, quo

quo antea, impetu, Aeris partes ab ipsis concutiantur; eæ suis extremitatibus se mutuo feriendo, & unæ alias loco deturbando, viribus simul junctis, impetum faciunt, ut ea *coarctatione* se liberent, & *latius* spatium nanciscantur.

Vesica, aere intromisso distenta, post compressionem sponte resurgit, & priorem tumorem recuperat.

Quia Aeris in *vesica* inclusi particulae, cum in perpetuo sint motu, & circa centra sua quodammodo volitent, ægre coarctationem & complicationem patiuntur: ac proinde ubi pressio cessat, denuò ope materiae subtilis, à qua cagitantur, extentundur, & *vesicam* ut ante dilatant.

Digitus madefactus, & ad vitri marginem *Aquâ aliove liquore* pleni circumlatus, si vehementer premat, Aquam primum crispare, & in tenues exilire rores faciet; mox continuato motu, Aquam ad subsultum excitabit, & guttas elicet.

Id fit, quod circumducto supra vitri marginem *digito*, duræ sed flexiles tamen vitri particulae, premantur, & ejus partis, quæ tangitur, meatus nimis angustentur, ut solitam coelesti materiae viam præbere possint. Ubi verò digitus, ad alias marginis partes defertur, materia illa subtilis, depressæ jam partis poros repetit, eosque iterum extendit, & ad statum priorem reducit: Atque ex repetita velocitate, particularum vitri depressi, & earundem, per materiae coelestis incursum,

V.

Vesica
aere in-
flata, si
comprimatur,
sponte resurgit.

VI.

Digitus
in margi-
ne scypho
ductus,
exilire a-
quam faci-
cit.

cursum, erectione, primum totius vitri agitatio oritur, mox liquoris tumor, ac demum ejus crispatio, & guttularum in aerem subfultus & eruptio.

VII.

Quomodo
de lachry-
ma à Prus-
sia ad-
dacta,
una ejus
parte fra-
cta, tota
in pulve-
rem redi-
gatur.

Advehitur è Prussia solidum Vitrum, quod *lachrymam* passim appellant, ejus figura adin-
star longioris olivæ est, retorto collo, & haud
multum ab ea lagena abhorrens, qua *Chymici*
in aquis distillatis recipiendis utuntur, nisi
quod solida sit, & omni vacuitate soluta. Ex-
tremo ejus apice disrupto, non semper dif-
fringitur; ubi verò pars colli crassior fran-
gitur, vel forcipe adimitur, confestim totum
vitrum in pulverem tenuissimum, seu polli-
nem, non sine strepitu abit.

Tam notabilis effectus nulli alteri causæ,
quàm materiæ subtili, assignari potest; quæ
fracto *lachryma* rostro confestim irruit, &
tanto cum impetu ejus poros subit, ut cum
exitus occludatur, vim suam, in *lachryma*
collum exerit, & in tenuissimum pulverem
comminuit. E diverso, si ima *lachrymæ*
pars *smyridis* pulvere deteratur, pars ejus
crassior, cum maximo crepitu frangitur, &
in tenuissimum pollinem, ob eandem
causam defilit.



HISTORIÆ NATURALIS PARS SECUNDA.

De Qualitatibus.

ARTICULUS PRIMUS,

De Qualitatibus in Genere.

Nihil magis horrere debet Philo-
sophiæ *Alumnus*, quàm ea asse-
rere, quæ intellectu non capit,
aut demonstrandum aggredi,
quæ definitione explicari ne-
queunt. Id tamen nonnullis contigisse vide-
tur, qui *Qualitates* secundum priscorum sen-
sum tuentur, & eam ipsis indolem assignant,
quam nequidem mente possunt attingere.
Quid scire juvat, *Qualitatem* esse, qua *quales* ali-
qui dicuntur? An hoc aniculæ ignorant?
an quemquam Agrestium latet, se candore
albos fieri, & rubore rubidos? Aperiendum
potius est, in quo præcise *Qualitatis* natura
consistat, quo pacto subjectum afficiat, & quâ
ratione per illud diffundatur. Pandant igitur
bonâ fide Aristotelici, quam sibi in mente
Qualitatis imaginem fingant, & non diutius
nos verbis suis, rerum Veritatem obscuran-
tibus fatigent. An est *Qualitas à Substantia*,
cui adhæret, aliquid physicè distinctum? An
rebus, quas denominat, veluti entitas super-
venit? Quæ nam igitur genuina sit ejus na-
tura,

I.
*Qualitates prout
vulgo expli-
cantur, sunt in-
intelligi-
biles.*

tura, nobis explicent, efficiatque, ut quod verbis proferunt, clarè menti nostræ innotescat. Si id efficere non valent, quod ipsis impossibile esse arbitror, quorsum derelictis futilibus iis Qualitatibus naturæ legibus haud potrocinantur, & intelligibilibus principiis se accommodant.

II. Quid *Quantitate, Motu, Situ, Figura &*

In quo
qualitas
vis natu-
ra consti-
tuitur.

Quiete notius est? iis enim omnes naturæ effectus demonstrari possunt, & nihil tam abstrusum est, quod eorum ope non eruatur. *Horologium* portatile movetur, & citra vim externam, horas dimetitur. & indicat. *Clavis* seram penetrat, & debite applicata, eam aperit. An necesse est in *Horologio* facultatem quandam comminisci, quæ illius rotas agitet? aut in *clavi* aliquid ab ea distinctum fingere, quo sera recludatur? Quis sanæ mentis non fateatur, Rationi magis consonum esse, tam constantem Horologii motum, *convulso chalybi, rotarum dispositioni, figura, contextui, &c.* & *Clavis* ad seram aperiendam potentiam, *figura partiumq. ejus ordinationi* tribuere? quam ad nescio, quas Qualitates recurrere, quas non *explicare* imo nec *concepere* possunt. Sed ultra intentum promoveor, cui animus est, non tam *rationibus* hîc Qualitatis naturam asserere, quam *experimentis* confirmare. Quare primum è mari deduco, & è volubilibus Aquis sententiæ nostræ firmitatem eruo.

II.

Aqua
maris so-
la partem

Mare cum agitur. & vario ventorum concursu attollitur, colorem suum mutat, & quod

quod cœrulea specie antehac apparebat, *agitatio-
ne colo-
rem muta-
bat.*
mox verberatis inter se fluctibus, candi-
dum conspicitur: Ut eleganter more suo
describit *Lucretius.*

*Ut mare cum magni commorunt aquora venti,
Vertitur in canos candenti marmore fluctus.*

Certè hujus mutationis causam nullus
supervenienti Qualitati assignabit; nam
quod agens illud produceret? quove pacto,
realis entitas, per tam immensam Aquarum
molem diffunderetur? Aqua igitur maris can-
didum colorem induit, dum in *spumam* verti-
tur, hoc est, cum illius partes, quoad *magnitu-
dinem, situm, figuram* variantur, & in bullu-
las abeunt; à quibus reflexum lumen, oculo,
eum colorem representat, quem *Candidum*
appellamus.

Aqua vasi, validis undique lateribus cincto, *IV.
Quomodo Aqua
per iteratas con-
collisiones,
à prima-
riâ qua-
litate dis-
cedat.*
imponatur, & ejus supernum operculum,
Chymicorum more, luto obturetur, deinde ar-
dentibus carbonibus aliquamdiu impositum
removeatur, donec refrixerit, mox novo
calore adhibito, iterum ferveat: depre-
hendes aquam in vase contentam, repeti-
tis aliquoties alterationibus, non colorem
modo, sed & odorem, gustumque mutasse, & à
pristino statu degenerasse.

Oritur hæc mutatio, à novo partium
Aquæ ordine, figura, situ, &c. Ex horum
enim mutatione, Alteratio sequitur, quando
scilicet partes insensibiles figuram mutant,
& varium situm, & ordinem adipiscuntur.
Ignis enim vehementiâ liquoris particulæ

à se invicem disjunguntur, & aliam positionem acquirunt, quibus necesse est, diversam à priori indolem in Aquam induci, & eam novo modo Sensus nostros afficere.

V.

*Aqua Senae foliorum
impositum
cum oleo
tartari
colorem
ejus im-
mutat.*

Impleatur Cyathus Aquâ tepidâ, cui postmodum foliorum *Senae* manipulus immergatur, mox mixtione peracta, aliquot olei *tartari* guttulæ infundantur; cernetur illico tota Aqua rubescere, & purpureo colore aspergi; cum interim nullus insit Aquæ, foliis aut etiam ipsimet oleo rubor.

Nascitur hic rubor, dum *Oleum tartari* foliorum substantiam pervadit, ejusque partes ita concutit & separat, ut aditum tenuissimis Aquæ particulis aperiat, quæ *Senae* meatus subeuntes, earum texturam mutant, efficiuntque, ut luminis radii in Aquam impingentes, & ad oculum remissi, talem coloris speciem exhibeant. Atque *Ruborem* istum hoc pacto creari, ex hoc evidenter deducitur, quod aliud *Oleum*, exempli causa, *Chalcantimum* sive oleum *Vitrioli* eidem Aquæ infusum, talem effectum non operetur: quoniam ipsi vis deest, ad *Senae* foliorum substantiam penetrandum, & ita ejus partes sejungendum, ut Aquæ particulis viam faciat.

VI.

*Pomum
in pariete
seu im-
positum,
et in pariete
et qualiter
notam
acquiris.*

Pomum, si in pomum aliud impingatur, aut è manu sponte decidat, quæ contunditur pars, à cæteris odore, gustu, & aliis qualitatibus distinguitur, imò in eo tanta mutatio oritur, ut alterius prorsus naturæ videatur.

Illa diversitas à sola partium transpositione provenit. Nam quid aliud confusa parti

adve-

advenit? An forte eo impetu, quo in terram aut in parietem impingitur, quicquam ei subtrahitur, aut per poros corpuscula ingrediuntur, quæ commutationem adferant? quodvis admittatur, inconcussum manet, partem pomi contusam, ab integra discriminari, per varium partium ejus ordinem; cum nihil eam subire, aut eâ elabi possit, quin partes ejus alterentur, & alium situm obtineant.

ARTICULUS SECUNDUS.

De Calore.

Aqua in cacabo immota existens, paulo post, igne supposito, agitatur, ebullire incipit, & ad marginem usque porrigitur, quæ antea, vix ollæ dimidium opplebat.

Quoniam Calor Aquæ partes commovendo, eas à se invicem divellit, efficitque, ut non amplius iisdem limitibus contineri valeant, sed majus spatium requirant, in quo expandantur. Corporibus enim, quæ rareseunt, peculiare est, ut, introductâ per poros subtili materiâ, mole augeantur; sed maxime ubi Calor accedit, qui eorum partes ad motum ciet, & ab invicem dividit.

Corpus tepidum, si ei manus dextra calida admoveatur, frigidum nobis apparet; contra calidum esse arbitramur, si illud sinistra manu frigidiorē attingamus.

Variis ille sensus, non tam ab ipso corpore tepido provenit, quàm ab ipsis manibus, quæ illud explorant; quia licet eadem vis tepido

[corpo-

corpori inſit, ad utramque manum agitan-
dam, quia tamen *calida* manus partium com-
motio eam, quæ in tepido corpore eſt, agita-
tionem excedit, ſit, ut Calor tepidi Corporis,
ad manum dextram relatus, *frigidum* videa-
tur. Non enim particularum corporis alicui-
us agitatio, per ſe ſpectata, Caloris nomen
fortitur, ſed ſolum, dum Taſtum afficit.

Si quis partem ferream, fabrili instrumen-
to, quod *lima* vocatur, deterendo poliat; ex-
perietur, partem ferream multum caloris
contrahere, *lima* interim gelida remanente.

III.

*Partes fer-
reae, quæ
lima to-
vitur, ca-
leſcit non
autem
ipſa li-
ma.*

Ratio eſt, quod instrumenti partes, ferri
ſuperflua detrahendo, nō ſolum ſibi ipſis, ſed
& aliis, quas continuo affricſtu, ex ferro cir-
cumcidunt, quæque intra ejus dentulos ali-
quam diu remanent, fricando, ſatis notabi-
lem agitationem in ferro excitent, ac proin-
de calorem producant. Idem tamen de *lima*
exiſtimandum non eſt; nam licet ejus partes
vim eandem patiantur, quam ferri partes,
quia tamen plus extensionis habent, multo-
que illud longitudine excedunt, non eandem
partem, bis iisdem dentulis, quam ex po-
liunt, attingunt, ſed ſemper aliquod tempo-
ris Intervallum intereſt, inter partium limæ
frictiones, quo durante, pars illa limæ, quæ
non nihil caloris comparaverat, illam amittit.

IV.

*Quare
Halitus
calidior
emittitur
ore aper-
to, quam
propemodum clauſo.*

Halitus qui ore emittitur, calorem in ma-
nibus excitat: illum verò è liquore, exem-
pli cauſa, *juſculo*, expellit, ſi vehemens ſit,
& cum impetu protrudatur.

Calor

Calor oris halitu nascitur, si levis est, hoc est, si partibus variè agitatis constet, & inæqualiter per manum feratur. Quippe nil aliud dici potest esse Calor corporum, quàm eorum *partium insensibilium varia determinatio*, qua aliter atq; aliter feruntur. *Spiritus* verò ore emissus, è liquore calorem abigit, quando celer est, & totus versus unam partem dirigitur: quoniam tunc, partes liquoris subtiliores, motus proprios seorsim exercere non valent, & versus unam partem omnes propulsantur. Ad eum modum, quo *fluvius* versus unam regionem decurrit.

Calx, aquâ injectâ, Calorem concipit, & ita effervet, ut ipsamet etiam flamma fortius adurat.

Haud dubium est, quin *lapidis* meatus, dum in *Calcem* excoqueretur, qui antea solis secundi elementi globulis patebant, fuerint ignis virtute laxati: Adeo ut Aquæ particulas, sed tantùm primo elemento cinctas, postmodum atmitterent: quæ in duras *Calcis* particulas irruendo, illas concutiunt & separant; præsertim si magna sit earum copia, & à diversis partibus in eandem ruant. Redditur autem *Calor* in *Calce* genitus, flammâ ipsâ ærior, quia *Calx* ramosis partibus constat, quæ dum à materia primi elementi, quæ particulas Aquæ cingit, separantur, vehementius manum feriunt, & *cutim*, velut tot *acus* penetrant, & lacerant. Et eadem ratione *Carbo*, cujus partes longis & multiplicibus ramosis implicantur, æriorem, quàm flam-

V.

Calx *Ac*
qua *a*
sp *a* *a*
cal *est*.

ma

ma emittit calorem, & pertinacius objecta sibi corpora corripit. Sic *Metallum fustum*, & ipsum maxime *Aurum*, vehementius quam *Oleum* exurit, & haustum Calorem diutius retinet.

VI.

*Quis sit
modus per
calorem
condense-
tur.*

Nix, si in *hypocausto*, aut alio quodam loco reponatur, sensim fit compactior, & mole decrescit. Similiter *nubes* in aere suspensa, Calore condensatur, & modo à cæteris Corporibus diverso, quæ per calorem dilatantur, magnitudine minuitur, & ad minus spatium se extendit.

Licet Calori peculiare sit, corpora reddere Rariora, & solutis eorum partibus, per ampliora spatia diffundere; nihil obest tamen, quominus *nivem* & *nubes* condenset, & earum molem imminuat, antequam etiam ulla aqua ex ea profluat, vel de suo pondere aliquid amittat: Hoc enim ideo contingit, quod particularum glaciæ capillamenta, quæ *nivem* constituunt, cum sint earundem medio tenuiores, eo, calore accedente, facilius liquefcunt, & se hinc & inde inflectendo, ob circum ambientis materiæ subtilis agitationem, amplexantur vicinas glaciæ particulas; non iis interea derelictis, quibus antehac implicabantur, & constrictiorem molem componebant.

Id in *nubibus* clarius elucet; quia, cum glaciæ particulae, quibus componuntur, magis à se invicem distent, & majora intervalla habeant, non ita vicinis appropinquare possunt, quia eo momento, à quibusdam aliis sepa-

separentur, ac proinde cum inflectuntur, necessum est, in minorem locum redigi, & Corpus densius, compactiusque efficere.

Calx & Cineres, Ignis ardore, in vitrum convertuntur: Vitri enim Chrysellini apud Venetos, materia est, ex mixtis æqua portione lapidibus, quos ex Papiæ prope fluvium Ticinum vehunt, & herbæ ejusdam noxiæ Cineribus, apud Arabes dictæ Kall, nascentis in deserto, inter Alexandriam & Rosettam. Baco sylva sylvar.

VII.
Calor
Calces
& Cineres in Vitrum
convertit.

Hic effectus nunquam sequitur, nisi quum Ignis diurnus est, & magno robore præstat: quia cum Calcis vel Cinerum particulæ crassæ sint & irregulares; non ita unæ aliis incumbere possunt, ut sibi mutuo adhæreant. Quare ignis validus adhibendus est, qui viam suam in illas exerceat; quia tunc temporis, dum tenuiores tertii elementi particulæ, simul cum globulis secuendi, à primi materia arripiuntur, & undique circa ipsas citissime moveri pergunt, earum anguli, paulatim atteruntur, & levioribus redditis superficiebus, nonnullisque earum etiam inflexis, unæ supra alias repentes, fluentesque, non punctis solum, sed & ex exiguis quibusdam superficiebus junguntur, & ita sibi mutuo adhærentes Vitrum componunt.

ARTICULUS SEXTUS.

De Frigore.

Contingit interdum inclementi & aspero Cœlo, Hominibus *maius* aliasque etiam Corpore.

Cor. ma-
nus frigida ignis

admodum
corripia-
tur.

Corporis partes obrigescere, & ita stupore affici, ut signi admoveantur, ex tempore corripiantur, & acriorem cruciatum sentiant.

Quoniam ignis particulæ, quas in motu esse supponimus, in *manus*, aliorumve membrorum, quæ frigore concresecunt, *nervos* impingunt, ac veluti tot mucrones confodiunt. Tanta autem partium vellicatio citra dolorem fieri non potest. Unde frigori expellendo, non statim manus, quæ rigescit, igni apponenda est; sed miti primum frictione demulcenda, & sensim mollique agitatione vellicandi articuli, qua revocari sanguis queat, & sopitæ partes reviviscere. Quare in *Suecia*, *Dania*, & aliis Regionibus, quæ frigore maximè infestantur, ubi contingit, quemquam isto modo calore destitui, aut aliquam ejus Corporis partem corrumpi, eum Aquæ gelidæ immergunt, aut affectæ parti *nivem* adhibent: quoniam Corporis meatibus sensim apertis, spiritus vitales per eos leniter influunt, & quælibet partes paulatim pristinum situm & ordinem recuperant.

II.

Marmor
estate frigidi-
tate non depo-
nit.

Nec alia assignari potest Ratio, cur *poma congelata*, in aqua frigida immissa, pristinae integritati restituantur, quam quod humore congelato, illa concretis leniter exsolvantur, & vi moderata pereat.

Quædam Corpora nunquam frigiditatem suam deponunt, ut *marmor* & similia, quæ quacumque anni tempestate gelida sunt, & appositæ manui rigorem inferunt. Imo ipsa *glacies* in æstate suam duritiem retinet, & non

non minus, quàm hyberno tempore, frigore concrefcit, familiaria hæc experimenta, frigus nihil aliud eſſe, quàm *Quietem*, oſtendunt: Hæ enim Corporum partes ſibi mutuò adhærent, & ita inter ſe colligantur, ut non niſi tenax compoſitum efficiant. Verùm quo pacto fit, ut *marmor*, *glacies*, & alia ſimilis naturæ Corpora, ſuam frigiditatem ſervent, & pari rigore ſemper intendatur?

Reſpondeo, id ex parte globulorum æthereorum, qui eorum poros penetrant, oriri. Qui enim majusculi ſunt, vimque movendi efficaciorẽ habent, *Calorem* procreant. Qui autem minusculi ſunt, & aliis robore cedunt, *Frigus* in Corporibus inducunt, ut ſequenti experimento clariuſ patebit. Gelidum igitur *marmor* eſt, quod meatus ita contractos habet, ut ſolas minutiffimas corporis ſubtiliffimi particulas admittere queat, & majores, quæ motum operantur, excludat. Cumque Aqua nunquam gelu concreſcat, niſi materia, quæ ejus partes interlabitur, plus ſolito ſubtilis ſit, fit, ut glaciei meatus, qui tunc excavantur, ad menſuram particularum hujus materiæ ſubtiliffimæ ſic coarctentur, ut aliquando majores penitus excludant. Atque hæc ratio eſt, cur gelidiſſima *glacies* maneat, quamvis in mediam æſtatem reſervetur. Id ex ejus diſſolutione deprehenditur, quoniam *glacies*, non ad inſtar *Cere* liqueſcit, cujus flexiles particulæ, ignis agitationi cedunt, & ejus impetu ſeparantur. Obſt enim pororum ejus anguſtia, quom-

nus Calor ad interiora perveniat, nisi prout superficies liquefcunt, & vi ejus effringuntur.

III.

*Quomodo
Aqua
ope Salis
in glaci-
em verta-
tur.*

Aqua fcypho vitreo contineatur, |cui *nix* aut *glacies*, *Salis* admixta, ita circumponatur, ut ejus exteriora contingant; ubi hæc folvi cœperint, Aqua in glaciem convertetur. Quod non Hyeme folum, fed & quocumque anni tempore experiri licet.

Hujus experimenti ea eft ratio, quod globuli cæleftes majufculi, qui *Aquam* fuâ agitatione liquidam reddunt, cum plus virium habeant, quàm illi, qui nivis partibus interlabuntur, & commodiorem in rigidis & levioribus *Salis* & *novis* particulis locum reperiant, in quo moveantur; fit, ut eo neceffario pergant: Cumque Corporum *pene- trationem* natura non ferat, & omnis motus per *circulum* fiat, globuli ætherci minores, in *Sale* & *nive* contenti, majorum accelfu, egredi coguntur, & loca derelicta per vitri poros petere. Ut verò illi globuli, ad continuandum Aquæ motum non fufficiunt, fequitur, ut illa concrefcant, & glaciei frigus duritiemque nancifcatur. E diverfo *nix falis* commixta diffolvitur, & in liquorem abit, quoniam à majoribus illis globulis agitatur, qui Aquam fuo motu liquidam ante hac reddebant.

IV.

*Quomodo
Spiritus
Vini re-
frigerat.*

Nec forte alia ratione fit, quod *fpiritus vini*, qui natura calidus eft, inflammationes, & anginam gargarifmo fanct; atque etiam corporis membrum *pyrio pulvere* exuftum refrigeret: quàm quod Spiritus vini ita difpo-
fitos

fitos habeat meatus , ut parti inflammatione turgenti applicitus , minusculis duntaxat æthereæ materiæ globulis ingressum præbeat, qui ejus partes remissius agitantes , dolorem hoc pacto minuunt ac mitigant.

Aer Corpus frigidum , exempli causa , ~~marmor~~ circumambiens , frigidior est , quàm qui ab eo magis est remotus.

V.

Id provenit , quod circa marmor non nisi *Marmor* subtilissima materia passim infideat , sive illa , *frigidum* quæ ipsum subire parata est , aut quæ ex illo *aerem i-* effluit ; cum verò subtilis materia , ob suam *sum am-* tenuitatem , crassiores *acris* particulas , quæ *reddit* in nobis *caloris sensum* procreare possent , agitate non valeat fit , ut circumvicinus Aer frigidior sentiat.

Aqua dum gelu concrefcit , dilatatur , & ad majorem locum porrigitur : ut patet in *ampulla vitrea* , longo satis & angusto collo , ad Thermometræ figuram accedente. Quippe si hujusmodi vas , aquâ calidâ repletum , Aeri , vigente hybernis mensibus *frigore* , exponatur , *Aqua* sensim descendet , donec ad certum aliquem frigoris gradum pervenerit : mox veluti recuperatis viribus paulatim intumescet , & sursum feretur , donec gelu adstricta subsistat & immota maneat.

VI.

Hæc Rarefactio ex eo originem ducit , *Aqua* quod liquoris particulae , in ampulla vitrea *dum ge-* inclusi , paulo antequam gelu concrefcant , ob *latur, ran-* imminutum materiæ subtilis motum , rigidæ *refit* evadant , curvasque figuras induant ; ac proinde , non tam arcte , quàm dum flexiles

erant, sibi adhærere & conjungi possunt. Hinc fit, ut, dum vehementer à materia subtili concussæ, ad tam angustum spatium redigere se nequeant, majuscula spatia requirant, in quibus dilatentur. Quod autem subtilis materia rigentes *Aqua* particulas agitare & non inflectere possit, mirum videri non debet, quum vis minor ad corpora movenda requiratur, quàm ad illa eadem inflectenda. *Baculum* enim *ferreum* manibus de loco deturbare facile possumus, non autem idem torquere, & arcus ad instar curvare.

VII.

*Fructus
& etiam
lapides
frigore
corrum-
puntur.*

Frigus tantæ malignitatis est, ut corruptionem corporibus inducat, colorem immutet, & omnem ab eis decorem adimat. Id non in *ovis* ac *fructibus* modo experiri licet, sed in *lignis*, *lapidibusque*, qui ita nonnunquam gelu corripiuntur, ut fragiles fiant, & ædificiis extruendis inutiles.

Putredinem gelu Corporibus adfert, dum partes aquosæ expanduntur, quoniam tunc fibræ & aliæ solidiores particule infringi solent, & interverti. Nihil autem aliud *Corruptionis* nomine intelligi potest, quàm *partium transpositio*, dum illæ, quæ certo quodam modo conjunctæ erant, à se mutuo avelluntur, & novas affinitates ineunt. Hinc *Animalium* oculis frigore concretis, observatum est, *ChrySTALLINAM* novas affectiones sumpsisse, & è diaphano candidiorem esse factum.

VIII.

*Fi-
us
quodam
corpora à
corruptione
servantur.*

E contra frigus interdum Corpora à putredine vindicat, nec patitur ulla labe infici; ut testantur *Hirundines*, quæ penetrabili frigore, in

re, in stagnis Poloniæ rigentes, per totam hyemem veluti exanimes servantur, nulli corruptione obnoxia.

Corpora frigore intacta servantur, & à putredine per longum tempus libera manent, quoniam frigus, cujus natura in *Quiete* consistit, partium motum inhibet, impeditque ne illæ ab invicem sejungantur, partium enim dissolutio corruptionem promovet, quia per eam corporis textura invertitur, & ipsi aliquid continuo decedit.

ARTICULUS QUARTUS.

De Gravitate & Levitate.

I.

SI duo rotundæ figuræ Corpora, *plumbeum* Duo corpora mole in aqua-
li aqua-
li motu
feruntur
si sine
sphaerica. unum, & alterum *lignæum*, ejusdem vel diversæ magnitudinis, ex una *linea horizonta-* li aqua-
li motu
feruntur
si sine
sphaerica. li, eodem temporis momento dimittantur; æquali prorsus tempore, ad Terram pervenient, nec ullum in eorum descensu discrimen deprehendi poterit. Quod *Gassendus*, tallium experimentorum diligens observator, non semel animadvertisse testatur.

Hujus uniformis motus causa alia assignari non potest, quàm æqualis cœlestis materiæ, à centro terræ se removendi, propensio. Nam quamvis illa pari temporis intervallo, & omnibus viribus suis à centro recedat, non tamen tota in Corpora occurrentia potentiam suam exerit; sed præcise ea tantum pars, quæ terreno corpori magnitudine ad-

æquatur. Cumque etiam Corpora in compositione discrepent, & alia sint aliis solidiora, hoc est, plus materiæ sibi propriæ habeant, subtiliores etiam habent meatus, qui non nisi tenuissimæ primi elementi materiæ, & paucis secundi globulis sunt pervii. Talia sunt *Chalybs*, *Argentum vivum*, *aurum*. Alia sunt rariora, seu minus solida, ut *ligna* & similia, quæ, cum magis patentes habeant poros, plus cœlestis materiæ in se continent, ac proinde globulorum cœlestium motui facilius obsequuntur.

Nunc ad propositum; si, quod in *plumbeo* & *ligno* Corpore materiæ cœlestis est, subtrahatur, dematurque id, quod materiæ terrestris globulis cœlestibus admixtum est; illud, quod materiæ cœlestis unicuique Corpori subordinatæ superest, inque illud vim suam exerit; agit in id, quod materiæ terrenæ reliquum manet. Nam *plumbeo* Corpori, ut pote solidiori, & ad resistendum potentiori, major cœlestis materiæ vis, ad illud deprimendum, adhibetur; minor verò ad rarius & minus solidum deprimendum: ac proinde æquali velocitate descendant, & ad terram unâ pervenient. Nam ut motus æqualitas habeatur, hoc duntaxat requiritur, ut materiæ cœlestis vis terrestri materiæ proportionetur; quæ ubi major est, major quoque activitas ad illam resistantiam superandam requiritur; & ubi minor, minori quoque cœlestis materiæ potentia opus est, quæ corpus deorsum detradat.

Corpo-

Corpora alterius figuræ, quàm sphaericæ, II.
 inæquali motu deorsum feruntur: ut de *Cu-* *Corpora*
bicis & Angularibus patet: quæ licet ex eadem *cur bi-*
 materia componantur, & magnitudine *ca in a-*
 etiam consentiant, nihil omnino quoad mo- *quales*
 tum differunt, & inæqualiter Terram petunt. *tetram*
descen-

Ea motus diversitas ex illorum *figura* pen-
 det; quæ licet causa dici nequeat, quare de-
 orsum deprimantur, ad eorum tamen motus
 varietatem multum confert. Quæ enim *aspera*
 sunt, tardius per *Aquam* vel *Aerem* dilabun-
 tur, & quo latior est eorum superficies, Cor-
 pori, per quod trajicuntur, obstinatius resi-
 stunt; quoniam illud inconstanter dividunt,
 & secundum planas superficies, quas obji-
 ciunt, in latera inclinant. Sic *Aqua & glacies*
 in sublimi suspenduntur; & *Nivis flocci* majores
 frigore contracti, lentius quàm *Aqua gut-*
ta decidunt. Nec alia assignanda est causa,
 cur *Aves*, alis expansis, se in medio aere li-
 brent, quàm quod Aer planæ extensioni ma-
 gis obliquetur, atque ejus descensum impe-
 diat.

Demersorum Corpora post aliquod tem- II.
 poris spatium emergunt, & aquis, sub quibus *Cur de-*
 diulatuerant, innatant. *merfi Ho-*

Id passim effuso *felli* tribuitur, quod non-
 nulli putant, corpus grave efficere, illudque *post ali-*
 in fluviorum fundo morari. Sed *Angularium* *quod tera-*
 comentum esse arbitror, aut ab iis confictum, *pus emen-*
 qui phænomeni alicujus rationem reddidisse *gunt.*
 autumant, si aliquid obtrudant, quod cæteris
 insolitum apparet. Emergere igitur *submar-*

so existimo, quod aqua in eorum Corpora introducta, laxiores poros ingreditur, & membranas extendat; quarum expansione, multæ quoque aliæ cavitates laxantur, quæ *hau-
ste aere* ad majus spatium porriguntur: quippe hujusmodi membranae, ob partium suarum nexum, aquam respuunt, & solo aere repleti queunt. Unde Corpora extensione majori comparata, & solito leviora effecta sursum propelluntur, & Aquis supernatant.

Unde

oriatur

Scilicet

Corpo-

rum gra-

vitas.

Corpora gravitate distinguuntur, ut *Ar-
gentum vivum* multò ipsâ *Aquâ* ponderosius est; & nulla sunt metalla, quæ se non gravitate excedant. Hinc *Aurum*, si Gassendo fidem habeamus, *decuplo* gravius est *terra*; *plumbum septuplo*, *argentum* magis quàm *quintuplo*, *stannum quadruplo*, *magnes triplo*, *Cos* penè *duplo*, &c.

Varia hæc gravitas à cuiusque Corporis fabricâ oritur, non extremâ duntaxat, & quæ oculis objicitur; sed & ab intima illa, quam animo concipimus, in quolibet Corpore inesse. Dubitari enim non potest, quin Corporum omnium particulis plurimi meatus intercipientur, quos materia subtilissima pervadit, ex quorum multitudine aut paucitate Corporum diversitas inducitur. Unde *Argentum vivum* *Aquâ* ponderosius esse intelligitur, si concipiantur pauciores ejusmodi meatus ipsi inesse. Nam licet imaginemur *Aquam* & *Argentum vivum* partibus ejusdem magnitudinis constare, earumque motus esse similes: Earum tamen diversitas clare apparebit,

rebit, si quælibet Aquæ pars supponatur esse funiculi adinstar molliis & laxi. Vivi Argenti autem partes, cum pauciores rimas & poros habeant, esse aliorum funiculorum adinstar, sed multo duriorum & constrictiorum. Idem de iis metallis censendum, quæ Terram aliquoties gravitate superant: Cum tota eorum differentia à multitudine aut paucitate pororum pendeat, qui materiam subtilem excipiunt, & ejus motibus varie se dilatant aut constringunt.

Plumbum tardius in *Aqua* quàm in *Aere* descendit; & pars lignea, quæ multum ferentem gravat, in *Aquæ* superficie subsistit, & vix ullius esse ponderis videtur.

In Corpore duplex intelligi potest pondus: unum *absolutum*, quod semper indivisum manet, & nulli mutationi est obnoxium; Quippe ab ipso corpore indiscretum est, & non nisi majus reddi potest, quum ei partes adjunguntur, & intimiori nexu inter se coherant. Sic *Aurum* plumbum pondere excedit, quia ejus partes arctius constringuntur, & poros angustiores habet. Alterum pondus *Relativum* nominari potest, quod secundum diversam materiei positionem variatur; & hoc pacto *plumbum* in *Aqua* minus grave dicitur, quàm in *Aere*: quoniam *Aqua* ei fortius resistit, & de ejus pondere plurimum detrahit. Sic *lignum* *Aqua* innatat, & non nisi corruptum demergitur, quia *Aqua* ligno gravior est, & illud sursum propellit.

V.

*Plumbum
videtur
gravius
dum per
unum Cor-
pus trans-
sit, quàm
per aliud*

D 5

Gra-

VI.

*Gravia
descen-
dendo
motum
accele-
rant.*

Gravia Corpora in descensu non uno tenore feruntur, sed motum accelerant: ut in *saxis & lapidibus* experiri licet, qui majorem ictum infligunt, quo ex majore altitudine delabuntur. Id quoque *funependula* testantur, quæ tantundem spatii ascendendo remetiuntur, quantum in descensu conficiunt; qui recursus, sicut & lapidum gravior percussio, non nisi ex celeriori motu provenire possunt.

Ratio est, quod quando Corpus descendere incipit, non nisi parum movetur: quoniam materia subtilis, quæ locum ejus occupat, quoque sola in ipsum agit, non ea celeritate propellere potest, qua à centro recedere conatur: Ubi verò, Corpus semel concussum est, & descendere incipit, subtilis æther, qui sub Corpore est, & qui magno molimine superiora occupare contendit, illud deorsum continuo depellit, & novos celeritatis gradus prioribus adjungit.

Vel aliter dici potest, quod *Gravium* motus ex eo acceleretur, quod Corpora decidentia vim novam acquirant: quia licet primo momento tarde incedant, secundo tamen velocius progredi debent, quoniam priorem motum retinent, & præterea augmentum accipiunt, à subtilissimæ materiæ actione. Non tamen fingendum est, gravium motum debere perpetuo augeri, & omnes limites transcendere; sed certos habent definitos terminos: *Aer* enim Corporum motibus obluatur, eorumque vires retundit. Hinc *globulus ferreus*

ferreus, si *eminus* è bombardâ explodatur, minorem stragem edit, infirmiusque objecta ferit, quàm si *cominus* emittatur, & nullum medium, ejus transcursum impediat.

Situla Aquæ plena in puteo aut stagno gravitatem suam amittit; quum levissimo impetu de loco deturbari possit, & non deorsum sursumque duntaxat traduci, sed & ad latera simili facilitate transferri. VII.
Cur situla non in aqua penderet,

Hujus rei causa est, quod Aquæ partes, dum intra se miscentur, & mutuo contactu adhærent, nullam pressionem in se exercent; quia cum omnes eadem soliditate polleant, & unæ aliis densiores non sint, æquali vi, à cœlesti materia, centrum versus deprimuntur, & ita *Situla*, ob æqualem earum pressionem, levissimo accedente impetu, de uno loco in alium transfertur, pari ratione, Homo sub aquis *dimmersus*, nullam gravitatem experitur, quoniam Aquæ, quæ ipsi incumbunt, minus à globulis cœlestibus, quæ eas intercurrent, premuntur, quàm Homo ipse, qui solidius est Corpus, ac proinde minus materiæ subtili pervium.

ARTICULUS QUINTUS.

De Sapore.

Dura Corpora, cujusmodi sunt *lapis*, *fer-
rum*, &c. insipida sunt, nec linguam ullo modo afficiunt. I.
*Lapis, ferrum, &c.
alia dura
Corpora
insipida
sunt,*

Quoniam duorum Corporum particulae, ab invicem disjungi nequeunt, & simul cum saliva

saliva in ore misceri. Nam cum Corpora ita obfirmata sunt, ut liquefcere non possint, & illa Corpuscula suppeditare, quæ humoris operâ in linguam deriventur, haud mirum est, si insipida sunt. Nam licet *Saccharum* dulci sapore, dum resolvitur, gustûs organum afficiat: Ubi vero, completâ infusione, in frusta compactiora redactum est, nullo sapore illud perfundit; quoniam tunc subigi non potest, & ea modo dilui, qui ad affectionem imprimendam requiritur. Ob eandem causam *pitularum* Sapor, dum integræ deglutiuntur, vix percipitur, quia non satis in transitu morantur, ut partes earum exteriores liquari, & resolvi possint.

II.

Cur uva
& fructus im-
maturi, acerbi
sint.

Fructus *immaturi*, & ad quorum temperaturam temporis intervallum requiritur, primo gustati peracerbi sunt, & linguam asperant, deinde maturati dulcescunt, & gratum saporem ingerunt.

Quoniam Fructus duris primum & oblongis partibus constant, quæ linguæ fibrillas scissim movent, & eas contrahunt. Deinde *Igne* aut *Solis calore* maturitatem assequuntur, dum ejus virtute succus ille crudior, qui acorem generat, in aerem exhalatur, & successivis diebus attenuatur. Quis enim in fructibus, dum maturescunt, continuam resolutionem, ac partium divisionem non deprehendit? quo fit, ut duritiem suam deponant, & coctione peracta, molliores efficiantur.

Lingua

III.

Sticca lingua aut nimium humida, nihil sapit.

Lingua, quæ exucca est, & nimia ariditate constringitur, ægre solidi esculenti saporē sentit: neque si ultra modum humida est, & liquore aliquo nimium perfundatur.

Causa in promptu est, quod Sapor, non in humido duxat, aut sicco situs est, sed in utriusque mixtione. Unde mirum non est, quod lingua nimium sicca esculentum solidum haud percipiat, quoniam illud, humido deficiente, subigi nequit, quod ad Gustum efficiendum requiritur. Lingua enim, cum spongiosa sit, humore indiget, tanquam Saporis vehiculo. In arida enim lingua fibræ plus æquo contrahuntur, & inhabiles redduntur, illam affectionem recipiendi, quam Sapor imprimit. Ratio autem, cur è diverso, lingua nimio humore turgens, Sapore non admittat, est, quod lingua, quæ rara & mollis est, spongiæque naturam æmulatur, meatus suos habeat, humore refertos, in quo superveniens humor devehitur, & à quo impeditur, ne ad intimos linguæ recessus perveniat.

IV.

Quare saporē melius tempore matutino discernuntur.

Sapores tempore matutino exactius discernuntur, præsertim, si nihil in os primo ingestum est, quod linguam labefaceret.

Quia eo tempore lingua veluti tabula rasa est, quæ nondum alios imbuat Sapores. Oportet enim recipiens à recepti indole liberum esse, & ab ejus Qualitatibus esse denudatum. Quod non in gustu modo, sed & in Auditu, Olfactu, cæterisque aliis sensibus observatur: Noctu enim Auditus acutior

tior est , & cæci fidelius relata mente retinent.

V.

lætere laborantes nullam saporem rectè percipiunt.

Qui istero laborant , vitiatos omnes cibos esse credunt , & quod dulce est , amarum esse opinantur.

Id ipsis contingit , ob flavam bilem , quæ linguæ salivam inficit ; Quia , cum illa ex acribus particulis componatur , salivam ita corrumpit , ut quicumque ingeruntur cibi , ingratus Sapor , qui ab inæqualibus illis corpusculis oritur , alium depravet , & totam suam amaritudinem , aliis esculentis affricet : perinde , ac si non nihil *fuliginis* aut fellis *Pani* aut *Carni* admisceatur. Tantæ autem depravationis causa est , quod Humor crudus , qui per venas & arterias vagatur , ad *linguam* , ob ejus carnem spongiosam , se recipiat , & ejus cavitates occupando , quicquid Saporis supervenit , vitiat & corrumpit. Hinc *medici* linguam sibi ostendi deposcunt , quia cum illud membrum , pro suâ magnitudine , multum Sanguinis contineat , plurimum quoque succi morbifici admittit , qui Colore vim ejus prodit , & Corporis infirmitatem revelat.

VI.

*Unde ori-
tur om-
phacii a-
cerbitas ,
& musti
dulcedo.*

Si ex immitibus uvis Succus exprimatur , is *omphacium* tantum conficiet , quod quodam acore linguam vellicat. Si verò ex maturis uvis exprimitur , *mustum dulce* habetur , quod linguam lenit , eamque grato acumine penetrat.

Omphacii acerbitas , ex asperitate inæqualitateque partium , quæ succum componunt , provenit ; quia cum illic , qui ex immitibus

tibus

tibus uvis exprimitur, nondum sit probe decoctus, quanquam cruditatem retinet, quam longis & inflexilibus particulis ferunt acceptum. Mustum verò dulce est, quoniam à Calore sufficienter decoctum est, & omnes ejus partes æquantur & levigantur. Non obest, quod adhuc turbidum sit, & luminis actionem non recipiat; Id enim heterogeneæ ejus partes impediunt, quæ nondum secretæ sunt: quæ ubi cum sæce in fundum descenderint, vel sursum purgatione sublata fuerint, Vinum limpidum evadit, & luminis globulos admittit.

Fructus fere omnes Sapore distinguuntur, VII
adeo ut nonnulli *Acerbum*, *Austum* alii, alteri *Sapor in*
Acidum, & omnes *dulcem*, cum maturuerint, *fructibus*
Saporem referant. *Sarins*
est.

Ea Saporum differentia ex diverso corpusculorum plexu, diversaque plantarum organizatione oritur. Non enim omnes eadem textura, eademque partium dispositione constant. Hinc insitæ *arbores*, Fructus delicatiores ferunt, quia in gemino fibrarum plexu succus alimentarius melius percolatur, & magis irregulares meatus pertransit. *Austum* igitur Sapor in Fructibus percipitur, dum illorum partes nondum probe subactæ sunt & percolatæ, Alii *Acrem* linguæ Saporem imprimunt, quoniam partes habent oblongas, rigidas & maxime subtiles: quo fit, ut linguam pungant, ac partiantur, & cum aliquo Caloris sensu dilatent. Maturati fructus, ut dictum est, *dulcescunt*, quia Succus plantæ por-

poros permeat; & accurate percolatus, Solisque Calore agitato, omnem cruditatem exuit. Unde hujusmodi Fructus linguam placide liniunt, & quodam levore internas ejus partes subeunt.

VIII. Cibus non eundem omnibus Saporem profert, & non raro contingit, ut, qui uni gratus est, alteri displiceat.

Unde pro-
venit, quod idē
cibus non
aque o-
mnibus
gratus est

Id ex diversa organi dispositione provenit. Si enim alicui rigidiores, & minus dociles insint *fibra*, minus Saporem percipiet: quoniam vi majori opus est, ut illæ fricentur, & affectionem recipiant. Si vero delicatioribus fibris gaudeat, vehementius Saporem percipiet; quoniam illæ facile pulsari se patiuntur, & levi affricu vellicari. Aliquid simile in Agrestium *manibus* experimur, quæ callo obducto tribulos & spinas citra ullum doloris sensum tractant, cum teneræ puellæ manus vix illa attingere sine molestia possit.

ARTICULUS TERTIUS.

De Odore.

I.

Animalia odore
explorant
quid illis
conveni-
ens est,
aut no-
n.

Tanta est inter *Saporem* ac *Odorem* affinitas, ut iisdem ferme modis generentur, & organa stimulent. Animalia enim *Olfactu* cibos venantur, & quod ipsis gratos Natura reddit, quasi odoratu cognoscunt. Hinc Feles ad *Calamentham* feruntur, *Faniculus* Serpentes allicit, *Ocimus* Scorpionem delectat, mustela *Ratam* expiscatur, &c. E contra quicquid

quid eis adversatur, ejusdem organi ope, fugiunt, & non, nisi vi, ad illud trahuntur: Ut Serpentes *galbani* odor offendit, Scorpiones *Aconitum* horrent, inimicum Muscis est *Sulphur*, *Ocimus* Capris noxam adfert, *Origanum* formicæ averfantur.

Hujus Sympathiæ Antipathiæve causa in olfactus organum refunditur; quod Odorum diversitatem recipit, prout ejus fibræ afficiuntur. Si enim Halitus, qui ex re odoriferam emanat, delicatus sit, & leni affricu narium nervos præterlabatur, gratum Odorem excitabit, & quâdam suavitate organum afficiet: si vero Nervi, qui Naribus inferuntur, acrius pulsantur, & complexu asperiori stringantur, ingratus odor sentitur. Quippe aliud non est Odor in Corporibus odoriferis, quàm tenues & insensibiles eorum partes, quæ à se invicem secretæ, in aere volantes & intra narium cavitates, ope aeris inspirati receptæ, motum in nervorum extremitatibus excitant. Motuum igitur diversitas diversos Odorum sensus efficit, & prout Organi fibræ lenius aut acrius feriuntur, affectionum varietas exurgit. Hinc ex *Rosa*, *Moscho*, & similibus, suavis Odor emanat, quoniam Halitus, qui ab iis proficiscitur, filamina subtilia & flexilia habet, quæ facile Cerebri appendices penetrant, & absque ulla asperitate se ipsis insinuant. *Sulphur* verò acrem imprimit Odorem, ob filaminum, quibus constat, horrorem & inæqualitatem. Quia, cum *Sulphur* facile inflammetur, supponendum

E

est,

est, multis pinguibus Halitibus constare, qui acriori materiæ admixti, non possunt non filamina aspera, & spinarum instar horrida reddere, à quibus necessum est, fibras dire vexari & morderi.

II. Si quis propius ad Corpóra odorifera accedat, non probe eorum effluvia, siue manantes vapores percipit. Unde flores magis grati sunt odoris, si pauxillum distent, quam si nimium prope organo admoveantur.

Ad odores percipiendos quadam distantia requiritur.

Causa est, quòd Odor, non in crassioribus & humidioribus, ut antehac de Sapore dictum est, partibus consistit, sed in tenuibus & siccis, unde qui in propinquo est, non solum Florum, sed & herbarum, imo etiam ipsius terræ halitus haurit. Si verò paululum distet, non nisi subtiles & magis vividas excipit; quippe crassiores longe avolare nequeunt, & post levem excursum subsidunt. Quare quædam distantia est necessaria, ut vividiores Odoratorum Corporum particule, libere vim suam exerceant, & gratum odorem procreare possint.

III. Plantæ in Regionibus calidis fragrantiores odorem emittunt, quàm quæ sub cælo asperiori radices agunt: Ut in Syria & Arabia. Caloris beneficio Aromata gignuntur, & Arborum fructus, qui illic nascuntur, tenaciores & acutiores odores referunt.

Planta in Syria & Arabia non solum odorantur, sed etiam excellunt.

Ratio est, quòd Calor multum ad odorem fragrantiam conferat. Illius enim opera, plantarum succus optime digeritur, & uberiori copiâ in altum sublatus, in vaporem odoriferum.

odoriferum ducitur. Certum enim est, omnem odorem *Sulphure* aut *Sale* contineri, & illa Corpora plus odoris fundere, quibus plus *Salis* aut *Sulphuris* inest. Nam Calore partes sulphuræ magis inter se conciliantur, & vim suam efficacius exerunt. Quia expressis, & quæ humoris partibus, quod remanet substantiæ, exactius concoquitur, ac proinde puriorem odorem spirat. Hinc ad hanc fragrantiam servandam, res odoratas *oleo* communimus, aut pyxidibus recludimus, ne vapor continuo fluxu abeat, & viscosi halitus lenitus erumpant.

Homines non eundem odorem emittunt: IV.
 nonnulli enim suavem & gratum afflant, ut *Unde*
 e *Alexandro* Historici referunt; cujus sudor *sua*
 maxime excipientium naribus blandiebatur. *aut gra-*
 alii autem foetent, & *vis ille* *gravem* tetrumque odo- *odor, qui*
 rem spirant: ut *simi*, qui plurimum horrido *ex homi-*
 oxioque halitu inficiuntur. *nibus*

Svavis odorex iis hominibus emanat, in
uibus succi alimentitii concoctio accurate
eragitur; quod fit, dum Corporis agitatio-
e ita pori laxantur, ut crudæ humoris par-
culæ educantur, & à cæteris avolent. Vel
x parte ipsius temperamenti oriri potest,
in eo Calor multum dominetur; nam si is
a probe percolatus divisusque fuerit, ut
ihil superflui humoris supersit, gratum
ignit odorem. Quale temperamentum in
Alexandro fuisse, testatur ira, continua Cor-
poris exercitatio, cutisque polities actenui-
s. Cum verò succus alimentarius, non pro-
E 2 be di-

be digeritur, vel in aliquod pravitatis seu corruptionis vitium degenerat, necessum est, tetrum odorem provenire; ut in *Simis* passim experimur, qui foetidum halitum emittunt. Quia meatus, per quos *Mucus* è cerebro extrajiciendus, nimium constringuntur; ac proinde illic corrumpitur & putrescit. Omnis enim *Corruptio* foetorem generat.

V.
Canes
cætera
Animan-
tia odora-
tu vin-
cunt.

Bruta Animantia, *Olfactus* Homines superant: Unde illud Maronis, *Odora Canum* vi-
Quippe Canes acutissimo odoratu pollent, & cætera animalia eâ facultate antecedunt.

Hujus perfectionis causa Canum organum adscribi potest, quod illud scilicet, pluribus fibris iisdem delicatioribus exuberet, & exactius dispositis ad Odores recipiendos. Imo est enim *Canibus* organum siccius, quippe p-
tuita, non in illis via ordinaria defluit; sed per quosdam meatus, quos in extremitatibus nasi distincte cernimus, Vel dici potest, *Canes* olfactu Hominibus præstare, quoniam non ita crassis ciborum vaporibus replentur, sicuti *Homines*, qui fumis ex stomacho, & ex vario esculentorum mixtura emissis, obstant ne tenuiores Corporum particulæ, quæ odorem efficiunt, recipiantur. Unde ipsimet *Canes*, si multum in culinis versentur, aut pasto largiori saginentur, sagacitatem suam amittunt, & *Olfactus* deterioris evadunt, quàm si in suis latibulis recludantur, & eis dumtaxat cibus venaturis idoneus administratur. Imo si *Homines* solis fructibus aut radicibus victarent, haud dubium est, quia cæte

æteros, qui lautioribus cibis epularentur, olfactu essent superaturi. Ut de quodam *Thanni Leodiensi* refert præclarus vir *Kenelmus* *ques Digheus* in suo tractatu de *Corporibus cæte vigesimo septimo*: Qui timore in sylvam, ob propinquantes milites, adactus, multis annis illic vitam transegit, sylvestribus poris, glandibus, & radicibus vescens. Postero Agrestium insidiis captus, ubi verba conferre didicit, narravit se odoratu, quamvis inter feras degit, cibos explorasse, ipsum sequentes venatores percepisse, eorumque insidias non raro eluisse. Quo exemplo patet, narium sagacitatem, generosorum odorum vaporibus corrumpi, & non nisi homines Olfactu cæteris Animantibus cedere, quia cibis lautioribus pascuntur, & nares assis obsoniorum vaporibus inferciunt.

ASTICULUS SEPTIMUS.

De Sono.

Non è Corporibus solidis duntaxat Sonus I.
emittitur, sed & ex fluidis, & quæ ob
motum suarum flexilitatem aliorum corpo- Corpora
liquida
etiam Sonum
edunt.
motibus cedunt. *Aeris* enim pars, ab alia dum inter
se colliduntur.
percussa, ad aures nostras deferretur & ner-
vos in intimis earum cavitatibus reconditos
perit. Unde, dum inter se colliduntur, quoddam
urmur excitant, & prout per planum va-
sum, aut lapidibus interruptum, delabuntur,
acutiorē, vel obtusiorē sonum edunt.

E 3

Ratio

Ratio est, quòd *aeris*, sicut & aliorum Corporum liquidorum partes, mutuo concessu, subsultent & in innumeras moleculas dividantur, quæ celerrime agitatae, & unæ in alias impingentes, non possunt non *Sonum* edere. Quippe aliud non est Sonus, quam tremulus & vibratus Aëris motus, undulationi omnino similis; ac proinde sicuti videmus *Lapidis jactu* multos circulos in flumine efformari, & ad ripam uno tenore pergere: Ita Sonus à concussis corporibus procreatus, in orbem diffunditur, & reciprocis vibrationibus per aërem propagatur.

II.

Cur instrumenta musica passim excavantur.

Instrumenta musica passim concava fiunt, atque etiam interdum ad figuram sphaericam deflectuntur.

Quia Aëris currentis & recurrentis percussiones, in cavo multiplicantur, & ita diutius aures demulcent. In cavis enim corporibus, non tantum externus Aer, creberrimis ictibus agitur, sed maxime etiam internus, juvat quoque in *instrumentis* musicis profunditas, quod in ea melius inter se Soni admiscantur, & pars una agitata, cæteras facilius reddat suæ motionis participes.

III.

Quomodo Surdus barbii sonum percipit, dum illius jugum dentibus premittit.

Surdus, aut quicumque alius, cui obstructæ sūt aures, potest *Barbii* aut alterius *instrumenti* Sonum percipere, modo illius jugum intra dentes habeat & illud tenaci morsu cōplectatur.

Nonnulli imaginati sunt, ab ore ad aures quosdā meatus porrigi, quī Sonum ad eam deferant, eisque eandem affectionem imprimant, quæ per Auditus organi infundibula

trans

transmittitur. Sed illud falsum esse, ex eo ostendi potest, quod Ore aperto, idem effectus non sequatur; quod tamen fieri deberet, si talia essent ab ore ad aures Soni vehicula. Deinde quidni frontis, aut nasi contactu, Sonus percipiatur, quum ab illis partibus meatus ad aures perveniant, & par sit inter illas communicatio?

Dicendum est igitur, *barbiti* Sonum posse ab eis, qui pressis dentibus illud contingunt, percipi, in quantum chordarum vibrationes, ex *barbito* traductæ in dentes, ab eis in *membranulam*, quæ cavarum dentium radices tegit, transferuntur; mox Aeris inclusi ministerio, *tympanum* concutientes, demum subjectam *trium ossiculorum catenulam* quatiant. Quia præcise Corpus sonare dicitur, dum percussum, tremulo motu, plurimas vibrationes conficit, & Aeris vehiculo, per intercepta corpora transfunditur. Est enim inter nervos consensus, qui in interioribus oris partibus sparguntur, cum iis, qui Aurium musculos intersecant.

IV.

Si duæ *Testudines* aut *cythara* ad certam distantiam collocentur, quarum duæ chordæ ita tendantur, ut uni sonæ fiant: unâ plectro vehementius percussâ, altera quoque contremiscit, tantoque impetu movetur, ut paleam, & quodcumque leve aliud corpus agitet, & excutiat.

Duarum chordarum unisonarum, unâ pulsata, alia quoque contremiscit.

Ratio est, quod chorda certo excursuum recursuumque numero flagellata, aerem agitat, qui si in chordam pari ratione tensam incurrat, simili modo eam impellit. Quod

nunquam contingit, ubi duæ *chordæ* difformiter tenduntur. Consonantiæ enim non se mutuo tantum, sed aliæ alias ob motuum similitudinem excitant, & ita sibi ipsis auxiliantur, ut easdem affectiones subeant. Ut in omni musico instrumento licet experiri.

V.

Cur fulgur prius videatur, quam tonitruum ad aures nostras perveniat.

Sonus tardius ad Aures, quàm lumen ad Oculos devehitur. Hinc *fulgur* videmus, priusquam *Tonitruum* Aures nostras feriat: Et lignatoris *securis* nobis longe remotis, ad idum alterum elevata, apparet, antequam prioris audiatur.

Vulgaris hujus experimenti causa ex parte *Aeris* sumitur, qui licet tenuibus, & à se invicem disjunctis partibus constet, quia vero illæ ramosæ sunt & flexiles, unâ earum motâ, non eo ipso instanti, succedentes commoventur, sed gradatim: adeo ut una pars agitata aliam impellat, hæc porro sequentem, ad instar *circularum in Aqua*, qui non eam totam statim percurrunt, sed continua serie pergunt; donec ad ripam perveniant, aut macrescente impetu, extinguantur. *Lumen* vero, celerius ad Oculos nostros devehitur, quia in globulis inflexilibus ac solidis fit. De ratione enim corporum solidorum est, ut dum eorum extremitas premitur, in eodem prorsus temporis momento, pressio in altera extremitate sentiatur. Unde Sonus facilius per totam *trabem* defertur, quàm per ipsum *Aerem*, quoniam trabis partes strictius inter se ligantur, & majorem continuitatem servant, quàm partes *Aeris*, quæ flexiles sunt, & aliis Corporibus faciè cedunt. Ncc.

Nec alia assignari potest ratio, cur *tormentorum*, aut *campanarum* soni distinctius prope fluminis ripas excipiantur, quàm in locis à flumine distitis, quàm quod rigidiores, ac magis densæ Aquæ partes, aliis impetum suum illico impertiant, & motu continuo in suo cursu perseverent.

VI.

Tormentorū strepitus minus prope Aquas auditur.

Sint duæ chordæ ejusdem crassitudinis, & æquati pondere tensæ; sed quarum una alteram longitudine excedat, quæ brevior est, sonum acutiorem edet, longior vero, magis obtusum, & minus ab aure perceptibilem.

VII.

Chordæ longitudo sine inæqualitate diversum sonum edunt.

Hujus *Soni* differentia, ex crebrioribus, vel rarioribus chordarum vibrationibus pendet. Cum enim chorda brevior, plures excursus & recursus faciat, Aeremque frequentiori ictu flagellet, acutius sonat, & citius ad Aures Sonum transmittit. Quia gravis & acuti *Soni* discrimen, non à velociore aut tardiore motu, ut *Aristoteles* existimavit, oritur; sed ex vibrationum varietate, quæ si frequentes sunt, & iteratis ictibus Aerem verberant, *Acutus* Sonus efficitur. Si vero chorda rariores ictus ac creditus efficiat, non nisi *gravem* Sonum pariet.

Unde liquet, si chordæ digitum apponas, statim postquam illam pulsaveris, antequam sæpius recurrere potuerit, strepitum quidem excipiet, sed an *gravis acutusve* sit, discernere non poteris: quia manus vibrationes impedit, obstatque, ne chorda Aerem premendo dilatet, & successiva flagellatione expellat.

VIII.

Quare sonus chordæ, digito appposito, cessat.

Hinc

Hinc lentus flatus, qui in *tibiam* immittitur, nullum sonum procreat; nec similiter is, qui ex *pulmonibus* ad os Animalis defertur, ali- quod murmur edit; quoniam in *trastibie latera*, uti nec per arteriam, ipsumque os Animalis, nullus pulsus repulsusque Aeris fiunt, qui Sonum gignunt, & prout repetuntur, illum *gravem aut anachnum* reddunt,

IX.

Qui fit,
ut echo
pluries
voces re-
petat.

Echo multoties voces regerit, & eundem Sonum distinctis intervallis multiplicat. Ut do quadam *Claudianus* in Honor. meminit, quæ septies vocem unam reddebat.

*Plebis odorata reboat fragor, unaque totis
Intonat Augustum septenis vocibus Echo,*

Gassendus expertum se testatur in *Charentonii sacello*, quod *Parisiis* tribus aut quatuor millia- ribus distat, unam syllabam in alterutro ejus extremo, *decies septies*, quasi ex altero esse redditam; è medio vero prolatam, toties ex utroque esse repetitam.

Hujus naturæ *miraculi* causa est, quod So- nus ab obice interposito reflectitur, & ultro citroque agitur. Nam sicut innumeri radii ex objecto visibili, non modo ad Oculum, sed huc & illuc transferuntur; ita præter vocem ad *Aurem* delatam, innumeri alii Soni, in *Aere* disperguntur, qui in dura & concava inci- dunt, & ad aurem repercutiuntur; quo fit, ut eadem vox iteratò, ac reflexe audiatur. Quia Sonus non uno momento, uti lumen, provehitur, sicut dictum est, sed temporis successu ad sui propagationem indiget. Et ideo,

ideo, Sono priore in proximo aere extincto, alius in Aere remoto gignitur, qui à solidis, & utcunque lævigatis corporibus repercussus, Aerem Auribus vicinum pluries diverberat. Multoties igitur vox in *Charentonii* sacello redditur, quoniam loca ita sunt tali ordine disposita, ut propiora prius, & remotiora posterius vocem referant. Juvat quoque, si loca sive Corpora, quæ vocem remittunt, sibi mutuo opponantur, & vicissim reflectant, quod in *Charentonii* sacello fiebat, priusquam illic *Carmelitarum. Cœnobium* extrueretur. Quia tunc gemina erat Columnarum series, inter quas emissæ vox, ultro citroque versabatur, *pila* adinstar, quæ in unum parietem impulsæ, ad aliam continuo reflectitur.

Refert Nobilissimus *Digbans*, in suo de natura Corporum tractatu, se in cubiculo superioris latæ ac rotundæ (sed ellipticam potius fuisse crediderim) turris parietes spectasse, eo artificio extructos, ut duo viri, ad opposita diametri puncta stantes, facile ac distincte secum colloqui possent, aliis interim, qui in medio collocabantur, ne syllabam quidem excipientibus.

X.

*Quomodo
Sonus
submissus
à distan-
te potius
quam à
propin-
quiori
audiri
possit.*

Id contingit ob sonorum, qui per totam Cameram disperguntur, coitionem: nam cum totus cubiculi aer, voce emissâ, concutitur, ejus motus per amplam spatium diffusi, in elliptico pariete resiliunt, & ita per reflexionem, in extrema cubiculi parte uniuntur; & qui tali loco Aures admovent, ea est

est auditurus, quæ in altera parte, submissa etiam voce, fuerunt prolata.

ARTICULUS OCTAVUS.


De Lumine.

I. **I**N uno cubiculi pariete foramen excavetur, *Lumen* eâ magnitudine, ut *Facis* aut *candela* flammam excipere queat; & in illius foraminis regione, aliud paulo latius opponatur; Dein nocte intempesta, *Candela* aut *Facis* flamma minori foramini exterius adhibeatur; ita ut radii, per illud trajecti, ab opposito foramine excipiantur, atque illud pertranseant; totum cubiculum eo modo obscurum apparebit, ac si nullus in eo fieret radiorum transcursus. *Gassendus.*

Hujus experimenti est ratio, quod nulli ex radiis, qui cubiculum pervadunt, ad oculos pertingant, neque illos percellant: quod necessum est fieri, ut visio habeatur. Unde qui nocte serena oculos in altum dirigunt, & suprema speculantur, supra *Horizontem* omnia æque tenebris offusa esse aspiciunt, cum tamen, immensa illa spatia, terrenæ umbræ cono excepto, splendescant, & à radiis solaribus, non minus trajiciantur, quam dum meridies est, & lumen suum Sol ad nos diffundit. Quoniam radii qui per ingentia illa intervalla sparguntur, ad nos non perveniunt, & nullum in Visus nostri organo affectum operantur.

Scintil-

Scintilla ignea, aut *nitedula* per longum spatium, lumen suum diffundit, *Scintilla* enim *ignis* *scintilla* *ope per-* *spicillorum* *ad 50.* *leucas* *potest* *vis* *deri.* *II.* *quingentis* *procul* *passibus* *de nocte,* absque peripicillis aspici potest: si verò illa adhibeantur, *quinguenta*, imo pluribus forsitan leucis poterit deprehendi.



Nonnullis mirum videtur, tam exiguum lucidum Corpus tanta vi pollere, ut interjectam materiam in recta linea impellere queat. Sed id mirari desinent, si supponant, materiam subtilem, quæ per Corporum diaphanorum meatus diffunditur, esse instar fluidissimi liquoris, cujus pars una premi nequit, quin cæteræ sequentes pulsantur. Exemplo sit tubus duplicatus ABC utrinque aqua plenus, & qui ad quantumcumq; velis spatium porrigatur, si dum Aqua tranquilla est, & omni motu destituitur, alia Aquæ gutta, in uno extremorum, puta A infundatur, nemo concedere abnuet, hujus Aquæ pravitatem ad to-

tam Aquam, versus aliud extremum C elevandum sufficere, ac proinde ad totum hunc liquorem in tubo ABC inclusam movendum.

Similiter quis non fatebitur scintillam igneam posse cælestem materiam in Aeris meatibus, per ingens etiam spatium diffusam agita-

agitare : Cum ignis actio multo gravitatis vim superet, atque etiam subtilis materia, quæ in Aeris, imo etiam Aquæ poris recluditur, utroque illorum sit fluidor. Clare igitur intelligitur, *Candela* flammam, aut *nitedula* lumen, debere materiam subtilem, in globo *quingenta* leucarum semidiametri comprehensam, movere, quoniam vi motus sui circumambientem materiam pellit, eodem prorsus modo, quo *lapis in fundæ* rotatus, altius fundæ medium premit, atque vi circularis sui motus, funiculum secundum lineam rectam extendit. Quippe materia subtilis, quæ undique *nitedulam*, aut *candelam* involvit, in gyrum etiam vertitur, & ab eo loco recedere contendit.

III.

Dum quis facem non æquagitantem, eodem instanti, eam in speculo distanti deprehendit.

Si quis noctu, dum omnis splendor abest, manu *facem ardentem* teneat, & illam agitando, in *speculum* quarta miliaris parte distans, oculos conjiciat, non prius motum in manu sentiet, quam eundem in *speculo* est deprehensurus. Hujus experimenti ratio est; quod lumen non tam motus sit, quàm ad motum præparatio. Nam licet motus in instanti fieri nequeat, & Corpus ab uno loco in alium, absque tempore transire; non implicat tamen, quominus luminis actio, minimò momento, ad quamcumque distantiam extendatur. Nam aliud est, motum in *momento* peragi, & aliud, eum in *momento* transmitti. Lumen ad modum *actionis baculi* transmittitur, cujus partium quælibet in alterutro baculi extremo sentiri potest, eodem tempore exactè, quo in

in altero producitur. Ac proinde nihil obest, quo minus *fax* vibrata, eodem prorsus instanti, in *speculo* diffuso cernatur, quo ejus motus in manu sentitur; quoniam luminis propagatio momentanea est, & ad sui trajectionem tempore non indiget.

Est quoddam lapidis genus, *Lithosphoros* vocatus, passim in agro *Bononiensi* crescens, qui si leniter calcinatus Soli exponatur, lumen ita concipit, ut in obscuro conclavi positus; nonnihil luminis servare deprehendatur, *Carbonis* instar accensi, modico cinere aspersi, cujus lumen paulatim languescit, & demum penitus extinguatur.

Non putandum est, cum quibusdam, Solis lumen in *Bononiensi* illo lapide conservari: cum hujusmodi lumen, eo absente, omnino pereat, & ita ab eo pendeat, ut nequidem momento, extra ejus presentiam, subsistere possit. Dico igitur novum lumen, à radiis solaribus in eo accendi, quod postea in loco caliginoso fit conspicuum. Cum enim Solaris Calor in puris radiis diffundatur, *lithosphoram* facile penetrat, & amotâ prius, per calcinationem, crassiori humoris portione, quem in intimis ejus cavitatibus excitat, qui ramosis ac tenuibus partibus implexus, non nisi successive elabitur. Unde fit, ut lumen paulatim decrescat, & non nisi post completam partium divisionem extinguatur. In obscuro duntaxat conclavi lumen illud aspicere potest, quoniam debilissima est, & à fortiori facile impeditur, ne amplius retinam per-

IV.

Quomodo Bononiensis lapis, lumen in tenebris retinet.

Strin-

stringat. Ut patet in *ligno putrido, cicindula, & similibus noctilucis*, quæ interdiu nullum lumen emittunt.

V..

*Lumen
candela
noctū
majus
apparet,
quàm in-
ordin,*

Candelæ accensæ *lumen*, majus tempore nocturno apparet, quàm diurno; si oculus ab ea per aliquod spatium distet, & non nisi eminus conspiciatur.

Hic error ex duabus causis potest oriri. Primum ex parte *videntis*, qui, cum ejus distantiam non accurate dignoscat, illam non minus quàm *Stellam* abesse imaginatur. Accedit quoque, quod quum Candelæ imago, quæ in Oculi fundo effingitur, *stella*, imaginem multo excedat, occasionem præbeat, illam majorem esse, quàm revera est, existimandi. Altera causa est, ex parte *ipsius rei*, quæ cernitur? quippe in *Candela* noctu eminus lucente, non lumen solummodo, quod è candela rectè ad oculum provenit, conspicitur: sed & illud quoque, quod ex aere crasso, & opacis, quæ illam circumstant, corporibus proficiscitur, nam illa receptum in se lumen [ad oculum remittunt; quod cum ipsi candelæ adscribatur, necessum est, eam longe majorem apparere.

V.

*An noctu
feles &
noctua
videant.*

Passim creditur, quædam esse *Animalia*, quæ lucem in oculis habeant, eamq; de nocte, dum cuncta tenebris obfuscantur, in oculos eorum reflecti, ut de *felibus, nocturnis, canibus*, aut aliis passim jactatur, quæ prædam suam noctu venantur, obstacula declinant, & abstrusa quæque rimantur,

Verum

Verum facile crediderim, eos, qui illud asserunt, rem non satis examinasse, imo dicere audeo, illa, quæ vocant experimenta, experimento adversari. Nam si ab oculo lux aliqua procederet, posset illa ab alio aliquo deprehendi, aut *in lente vitrea* colligi, aut *speculo*; quod nullâ adhuc experientiâ probari potuit. Quare statuendum est, Animalia illa, tantummodo per eam actionem videre, quæ ab objectis advenit. Noctu enim semper aliquid luminis existit; unde *nix* lumen aliquod noctu emittit; quia illa melius, quam cætera alia minus candida corpora, acceptos radios reflectit. *Noctua* igitur, *felis* & alia Animalia, res objectas noctu deprehendunt, non quia ex oculis lumen emittunt, quodque in eorum oculos deinde remittatur; sed quoniam eis retina præparatiores inest, magisque recipiendis radiis idonea, ut à debili etiam lumine, quod ab objectis resilit, affici possit.

ARTICULUS NONUS.

De Colore.

PAVONIS *cauda*, COLUMBÆ *pluma*, mirificè I.
colores variat, Uti eleganter *Lucretius*, *An Veri*
Namque alias sit, uti claro sit rubra pyropo, *sint pa-*
Interdum quodam sensu sit, uti videatur *vonis*
Inter Caruleos, virides miscere smaragdos. *cauda &*
Caudaque pavonis, longa cum luce repleta est, *columba*
Consimili mutat ratione obversa colores. *colli Co-*
lores.

Nascuntur si colores, dum pavonis *cauda*,
& Columbæ *collum*, lumini obijciuntur, & re-
ceptos

ceptos radios reflexione, aut refractione ad oculos remittunt. Verum est, quod nunnulli hujusmodi Colores, apparentes tantum nominant, & inter illas imagines recensent, quæ nos deludunt, & non nisi specie tenus, naturam habent: Sed rationem, qua id afferunt, non capio. Nam si admittunt Colorem, non aliud esse, quam lumen ipsum in Corporum superficiebus modificatum; quidni fateantur, Colores illos, quos spurios appellant, genuinam naturam obtinere. An brevior causæ duratio effectûs Veritatem destruit? An filius forte geniti nomen haut meretur, quoniam statim ab hausta luce extinctus est? Quis dicet, *herbarum virorem*, qui aliquot tantum diebus oculos delectat, minus verum esse Colorem, quam *Smaragdi*, qui diutius perseverat, & non nisi longo tempore alteratur? Nihil enim ad Colorum veritatem, longa duratio spectat, & non minus illi, qui momento evanescent, quam qui diu oculos afficiunt, genuini *Coloris* nomen sibi vendicant. Sed hæc ultra intentum, ad experimenta pergamus.

II.

Duo specula ex
Sario
marmore
re confecta, di-
versimode ob-
jectum So-
lem refe-
runt.

Duo specula, unum ex *albo*, aliud ex *nigro marmore* conficiatur; *Album* radiis Solaribus expositum, distinctiorem clarioremque Solis imaginem referet, quam *nigrum*, ex quo non nisi languidi radii resiliunt, qui non satis inter se coeunt, confusam solummodo rei objectæ similitudinem præcreabunt.

Id accidit, quod luminis actio, qua subtilis materiæ partes, à Corpore lucido versus specu-

Speculum nigrum impulsæ, tendunt, pene ab ipsius partibus extinguitur, & paucae ex illis partibus extrorsum regerantur. *Album* vero, actionem illam remittit, & incidentes radios ferme omnes reflectit. Nam licet *album* & *nigrum marmor*, iisdem fere partibus constent, & nullum in eis discrimen sensu discernatur; certum est tamen in nigro alias insuper molliores reperiri, quæ radiorum partem absorbeant, & illorum vim effringant; ac proinde *nigrum Corpus* ad instar *sæpæ* se habet, qui *pila impulsæ* motum quidem recipit, sed illam haud quaquam repercutit. *Album* vero, ad motum *parietis duri*, qui ad actam pilam remittit, & absque ullo sui motu reverberat.

Marmor politum magis atro colore suffunditur, quam Asperum, & cui aliqua scabrities inest.

III.

Marmor politum nigrius apparet quam asperum

Ratio est, quòd in aspero multæ superficies eminent, quæ lucem incurrentem omni ex parte reflectunt. Aliò enim radius ab una parte Corporis remittitur, & aliò ab altera. Corpus vero politum, cum una duntaxat continuata superficie constet, pauciores radios ad oculum reverberat. Deinde cum nullum sit in natura Corpus adeo nigrum, ut non plurimas partes contineat, quæ ab aliis sejunctæ, Corpus Album sint composituræ, ut differentia, quæ *polito* & *Aspero marmori* interjacet, testatur: dici potest, levigatum marmor maxime nigrescere, quòd albi-

cantes ejus partes, lumen receptum versus eandem partem reflectant, in qua, si non sit oculus, idem sit ejus intuitus, ac si lumen extingueretur. Sed in ea parte situs, cernit in marmore lumen hoc, una cum Coloribus & figura objectorum, à quibus lumen provenit; non aliter, quàm ab alio quopiam speculo.

IV.

*Quædam
corpora
constantem colo-
rem retin-
ent, ut
Carbo,
nix, &c.*

Quædam Corpora eundem semper Colorem servant, & quomodocumque luminì ob- tendantur, illud semper pari modo remittunt, ut *Carbo* nunquam non niger apparet: *nix* mediis in tenebris candida conspicitur.

Tam constantis Coloris causa partium dispositioni ac situi adscribenda est; quæ quamdiu eadem in Corporibus manent, ad certos angulos lumen excipiunt, & illud ad visus organum remittunt. *Carbones* enim extincti *nigri* videntur, quoniam superficiem in- numeris rugis, incisurisque asperam habent, quæ luminis radios suffocant, & eorum ro- bur frangunt. Quod non ratione tantum, sed & ipso sensu probari potest. Si quis enim levi manu *Carbonem* attrahet, illico asperita- tem quandam sentit, ei similem, quam in pu- mice experimur, quam antea diximus, nulla posse arte levigari. Caloris enim vi, dum *lignum* comburitur, multum fumi ac halitus avolat, ac proinde ignis, intra ligni cavitates rarefactus, carceres suos diffringit, & poros dilatat; quos subeuntes luminis radii, illic absorbentur, & ad oculum non resiliunt.

Non

Non tamen cum quibusdam imaginandum est, Colores formaliter Corporibus inesse, *Quo sensu* sed effective tantum, in quantum, per certam *su colores dicuntur inesse corporibus.* particularum insensibilium dispositionem, & luminis reflexionem, illos in oculo produ-
cunt: Non alio prorsus modo, quàm *Acus*, quæ omni dolore destituta est, in cutim ada-
cta, motu suo, figura, ac duritie dolorem procreat.

VI.

Vitrum, dum integrum est, in laminam extenditur, pellucidum est, & si aliquem co-
lorem, *Cur vitrum con-* atrum magis, quàm *tratum con-* candidum refert. *tusum candi-*
Ubi vero pistillo contusum est, colorem alium induit, & album oculo exhibet. *dum apa-*
pareat.

Ratio est, quod *vitrum contusum*, innume-
ras superficies habeat, quarum singulæ, lu-
men excipiunt, & veluti tot specula refle-
ctunt. Nam cum *vitrum* omni humore ca-
reat, & singulæ ejus partes (quod adhibito
microscopio experiri licet) sphæricam figu-
ram habeant, una unam partem luminis re-
mittit, alia aliam, & ita porro, adeo ut totum
lumen regerant, & illud eodem, quo recepe-
runt, ordine reverberent. Hinc maxime *Alba*
Corpora, maxime opaca sunt, quia luminis
radios à singulis punctis reflectunt, & nullos
finunt intra cæcas suas cavitates recondi.

VII.

Vas, ex vitro confectum & *Cucurbita* adin-
star oblongum, Aqua repleatur, mox radiis *Quomo-*
Solaribus ita exponatur, ut ii per angustum *do diversi*
in superiore parte vasis foramen, ex obliquo *orientur*
penetrent, in charta aut linteo excepti, va- *in vitro*
rios colores exhibebunt. Nam qui supre- *oblongo,*
Solis expo-
sito.

num locum occupabit, *Ruber* conspicietur, infimus *Cæruleus*, medius autem, aliquantulum *candidus* apparebit.

Hujus phænomeni ratio, ex varia radiorum transmissione, petenda est: Nam experientiâ constat, radios, per foramen illud oblique transeuntes; refringi debere, ac proinde omnem illam Colorum varietatem ab eo pendere, quod partes materiæ subtilis, quas ad modum exiguarum sphaëularum, quæ per terrestrium corporum meatus devolvuntur, concipimus; pro causarum diversitate, quæ earum motus determinant, variis modis moventur, adeo, ut *Color*, qui superiori parte vasis pingitur, *Ruber* sit, quoniam globuli cœlestes, qui luminis actionem transmittunt, multo celerius circumrotantur, quàm secundum lineam rectam pergunt. *Cæruleus* vero, in infima parte conspicitur, quoniam iidem globuli, multo tardius rotantur, quàm recta procedunt. Causa enim ibi supponitur, quæ eorum motui obluetetur, & eorundem circumvolutionem impediat. In medio vero *Candidus Color* apparet, quoniam materia cœlestis æqualem habet circumvolutionis & processûs proportionem. Quippe Corpora illa *Alba* appellantur, quæ efficiunt, ut globuli ætheris, eâdem mensurâ rotentur, quæ secundum rectam lineam pergunt. Adeo ut totum Colorum discrimen, ex diversa illorum proportionem solum pendeat, quæ inter illorum motum *rectum* & *circularem* intercedit.

Refert

Refert P. *Athanasius Kircherus*, de *Arte lucis* VIII.
& umbra, quoddam esse ligni genus Mexica- *De ligno*
 ni, quod illius regionis incolæ *Coati* nomi- *ex Mexi-*
 nant, quod Aquæ varium Colorem insinuat. *ca addu-*
 Quippe si ex eo vas aliquod tornetur, eique *cto, quod*
 Aqua limpidissima imponatur, pauco tempo- *varium*
 re interjecto, eam colore *Cæruleo* imbuat, qui *colorem*
 tamdiu in aqua subsistit, quamdiu intra vasis *in aqua*
 latera continetur: In ampullam autem cry- *inducit.*
 stallinam transmissa, & multo lumini obje-
 cta, pristinam perspicuitatem recuperat, ni
 à radianti illo lumine ad modicam umbram
 transferatur; quippe tunc *smaragdina* viri-
 ditatem exhibet. Et si in minori adhuc luce
 ampulla traducatur, Aqua *Rubra* videbitur,
 non multo à *nigrore* abhorrens.

Aqua prædicti vasi imposita, *cæruleum* pri-
 mo præfert Colorem, quoniam ambigi ne-
 quit, quin infusus liquor meatus ligni subi-
 gat, & maceret, ac proindæ multæ ligni par-
 ticulæ educantur, quæ humori admixtæ effi-
 ciunt, ut luminis radii eo modo frangantur
 & reflectantur, quo necessum est, ad *cassii coloris*
 speciem oculo exhibendam. Aqua vero in
 ampullam vitream transmissa, *limpida* denuo
 evadit, propter Solis, cui exponitur, fulgo-
 rem. Quia, licet particulæ è lignoeductæ, ra-
 dios aliquos reflexione, aut refractione
 emittant; adeo tamen vis luminis prævalet,
 ut totam eam partium dispositionem expun-
 gat, & inoffenso cursu permeet. Sic cotidie
 videmus Solem, per prismam vitreum lucen-
 tem, non Iridis colores exhibere, quos ta-

men ipsi radii, *in charta* recepti, satis exacte referunt. Deinde ampulla chrySTALLINA, ex ingenti luce, ad modicam delata, jucundam & amœnam *viriditatem* ostendit, quoniam ex Solis splendore, qui multum luminis suppetat, è cæsis Colore, quem ipsa vasis cavitates producit, *viridis Color* exurgit, qui ex cœruleo & flavo componitur. Demum imminuto adhuc lumine, *pullus rubor* videbitur, quia ob luminis decrementum, Rubor ille languescit, & modificatione mutata, in *pullum* & quasi *ferrugineum* degenerat.

ARTICULUS DECIMUS.

De occultis Qualitatibus.

I. *Vulgo censetur Spongia Aquam attrahere* Spongia Aquâ afficitur, eamque, quasi illi maritari gauderet, attrahit. Spongia improprie *Aquam* attrahere dicitur; cum è contra, Aqua potius ad *spongiam* ascendat, & in ejus poros intrudatur. Nam quum Spongia Aquam contingat, illam aliquantulum premit, efficitque, ut Aquæ pars compressa assurgat, & Spongiæ fissuras ingrediatur: ut in *calamo scriptoria* patet, cujus contactu, atramentum illico sursum evehitur, ope nimirum *rimula*, quæ ejus cuspidinem intersecat. Quippe si cuspis calami insecta atramento admoveatur, nihil liquoris attollitur, aut si quid calamo adhæret, confestim delabitur, & defluit. Fit igitur Aquæ ascensus, dum *spongia* pressione, Aer de loco deturbatur, qui mox Aquæ superficiem propellens,

pellens, illam sursum deducit, & vi quâdam ad incumbentis corporis ingressum adigit.

Panis recens, si vino, alterive liquori supponatur, ad duos vel tres digitos illum attrahet, & contra naturæ leges, sublata omni pressione, in distans operatur.

II.

Panis recens quomodo liquorem attrahit.

Vinum in Panis cavitates transmittitur, quia cum illæ ampliores sint, quàm aeris partibus tantum recipiendis sufficiant, Aeris partes in ipsis inclusæ undique à subtili materia circumcinguntur, quæ illas concitatus agit, quàm alibi moverentur, si sibi ipsis implexæ remanerent. Cum autem omnia Corpora, quæ moventur è locis, in quibus coarctantur, elabi contendunt; fit, ut, dum Aeris partes, è superficie liquoribus, meatibus, quæ illum contingunt, egrediuntur, partes Aquæ vel alterius liquoris illis succedant, & derelictum locum occupent. Et quoniam etiam liquoris partes melius panis cavitates implent, non tam celeriter in illis agitantur, atque Aeris partes; ac proinde ex illis non egrediuntur, nisi ut superiores panis meatus permeent, & Aeris locum assequantur, qui è poris panis exire contendit.

Ovis Lupi aspectum horret: pullus primo intuitu milvum fugit; & Columba toto conatu Accipitrem declinat.

III.

Ovis lupum, pullus milvum, columba accipitrem fugit.

Solent passim Philosophi hujusmodi aversiones in mutuum odium referre, & reciprocae inimicitiae attribuire, quæ inter hæc animalia intercedit. Sed id jure asseri nequit. Non enim *lupus ovem*, sicut hæc illum odit:

imo *lupus* *ovē* delectatur, & ut sibi conveniens bonum prosequitur: cum ipsi sit in alimentum, & ejus carnibus vitam suam sustentet, *Ovis* igitur, viso lupo, in fugam se conjicit, quoniam talis est in ea fibrarum plexus, ut à lupi corpore reflexum lumen eam affectionem producat, ex qua fugæ motus sequatur. Evibrantur enim è *lupi* corpore radii, qui tenuissima nervorum optidorum fila moleste afficientes, Cerebrum spiritusque in eo contentos commovent, eosque in nervos & musculos deducunt, eo modo, quo ad fugam arripiendam, necessum est.

IV.

An *lupus*
raucedinem
in, quos
primo
afficit,
inducit.

Vulgo creditur, Hominem à lupo primo conspectum obmutescere, atque ipsius linguam ita præpediri, ut non vocem proferre, ne dum clamorem ciere queat.

Id quidem olim jactatum est, sed vanè, & absque sufficienti examine; quum experientia constet, parem in Homine commotionem excitari, seu ipsum *lupus*, seu ipse lupum prior viderit. Ego ipse in Artesia venando Oculos non semel in lupos, in me obtutū vertentes conjeci, & tamen nullam raucedinem fensi, neque ullam in voce alterationem deprehendi. Uno illos sæpe solo clamore fugā distraxi. At quorsum igitur nonnulli, ad lupi conspectum, raucedinem contrahunt, & subito veluti muti efficiuntur? Dico, id timoris interventu provenire, dum de seipsis, aut de grege nimium solliciti, metu corripiuntur. Nam tunc præpropere clamare nitentibus, *pulmo* festina nimis demissione ac elatio-

elatione læditur, concutiturque *arteria*, præ nimia Aeris inductione, qui in illa quasi suffocatur. Accedit quoque, quod relaxati linguæ muscoli, ob nimiam spirituum defectiorem, haud satis expedite ad vocis formationem extendi queant. Quibus omnibus instrumentis deficientibus necessum est, quandam *raucedinem* procreari, & linguam ad vocis articulationem reddi inhabilem.

Quædam plantæ inter se inimicitias alunt, & mutuum odium testantur: Ut *Quercus* & *Olea*, *Brassica* & *Rata*, *Filix* & *Arundo*, quæ ita dissident, ut una ab alterius vicinitate abhorreat; nec queant sine alterius detrimento, se contingere.

Ratio hujus odii est, non quod istæ stirpes unius alimenti sint avidæ, sed quod inæquali facultate attrahant. Hinc fit, ut quæ potentior est, totum terræ succum depopuletur, illumque sibi alliciat; quo destituta altera, necessum est extenuari, & infelicitè crescere, vel dici potest, plantas loco vicino confitas, mutuæ nutritioni obstare, propterea quod è radicibus, per terram serpentibus, Corpusculorum effluvia seu halitus emittant, quæ aliarum plantarum radices male afficiant, aut enecent. *Olea* enim vicinam humum tanta amaritudine replet, ut *brassicas* & *lætuças* penitus corrumpat, *Filix* *Arundini* insidiatur, halitu per ejus poros insinuato, qui eos obstruit, aut fibrarum plexum turbat.

Heliotropium, ob Solis imaginem, quam refert, notissimum, Solem continuo contem-
platur,

V.

Quercus
& *Olea* se odii
inter
plantas.

VI.

Quomo- do helio- tropium ad Solem convertitur. platur, & ita ejus motui obsequitur, ut se ad illum indefinenter convertat.

Id ipsi accidere existimo, quod frutex ille, multa uligine abundet, & crassa humiditate imbuatur, quæ radiis Solaribus agitata, ob Rarefactionem, intra eosdem limites contineri non potest, ac proinde per laxiores poros, hoc est, per eos, qui versus Solem verguntur, exitum quærit: Cum vero hujus fruticis collum sit facile mobile, agitated humor, qui in tenuissima filamina prorumpit, illud circa eam partem convertit, in quam diriguntur. Peculiarem hujus Floris uliginem Ros ille arguit, qui in ejus medio, dum Sol altissimus & calidissimus est, conspicitur, qui non Roris matutini reliquiæ dici possunt, quum ille, post paucas horas, ab orto Sole, evanescat & exhaletur. Sed sit humor ille, qui ad Solis præsentiam, ex ejus trunco effluit, & usque ad Floris folia evehitur.

VII.

An ossa & cancri in plenilunio novâ materia replentur. Ossa in plenilunio medullâ opplentur, & Cancres circa idem tempus, novâ substantiâ turgent: Luna vero decresciente, & medulla & substantia illa minuitur.

Hujus experimenti ratio eadem reddenda est, qua à Plutarcho quæstio quædam solvitur: quorsum scilicet Equi, quos lupi sunt insecuti, cæteris cursu præstent: quippe postquam ingessit illos, forte velociores, quoniam qui pedibus eos æquare non potuerunt, à lupis hausti sunt: vel quia laxatis, incusso metu artubus, novam agilitatem comparare, qua retenta, celeriores, quam ante videntur,

dentur. Tandem aliam addit solutionem, quæ à vero haud multum abhorret, forte id quod proponitur, falsum esse, quod de ossibus & Cancris passim vulgatur, cum viri exactissimi, his in rebus, observatores testentur, se contrarium esse expertos, & ossa canculosque omni anni tempestate promiscue plenos aut vacuos inveniri. Quibus assentior.

HISTORIÆ NATURALIS PARS TERTIA. Mundi & Cœli.

ARTICULUS PRIMUS,

De Mundi Exordio.

QUamvis Orbis Universi origo satis nobis I.
per fidem constet; nullique fidei fas sit, *Quid*
de illius incunabulis ambigere; haud tamen *cenfuerit*
abs re fore arbitror, si Rationis vires explo- *Plato de*
rentur, tenteturque, an ejus ductu ad mun- *mundi*
di Principium, perveniri possit. Inter *exortu.*
Antiquos, qui illud detexere, & tanto operi Effe-
ctorem moderatoremque assignavere, præ-
cipuus Divinus Plato fuit, merito cò nomine
dignus, qui è rerum genitarum contempla-
tione mundi opificem agnovit, & ex effe-
ctuum natura supremam Causam complexus
est. *Universum*, inquit in Timæo, *cernitur, lan-*
guine,

gitur, & corpus habet; omnia vero talia sensus movent, opinione per sensus dignoscuntur. Hac vero talia esse constat, ut gignantur & genita sint. Quicquid autem gignitur, ab aliqua causa gigni asserimus. Opificem quidem & Mundi patrem invenire difficile, & cum jam inveneris, predicare in vulgus.

II.

Partium
mundi
dispositio
opificem
ejus asse-
rit.

Enim verò omnia, quæ in Universo spectantur, Creatorem prædicant, & nihil natura mortalium oculis objicit, quod non sui authorem loquatur, & ad ejus venerationem excitet. Quem non mundi partium dispositio ad ejus exortum asserendum impellit, faterique cogit, non esse æternum? An casu cæcoque fortunæ ductu, prodire hæc omnia, quæ miramur? An *Terra*, an *Cælum*, an *Sidera* sponte, & absque peregrino consilio sua loca occupavere? Quæ *Atomis* vis? Quæ *materia* potentia, ut mundum tanta varietate insignem efficerent? Si *Solem*, si *Terram*, si *Planetas* componere valuerunt, quidni *Urbes*, *Domos*, *Templa*, *Porticus* potuere? quæ minorem operam exigunt, & humana arte cotidie eriguntur.

III.

Fabrica
mundi
opificem
suum
prædicat.

Machina concinne elaborata, non nisi perito Artifice proficiscitur, & ejus præstantiam solertiamque arguit. At quid hac universi machina admirabilius fingi aut excogitari potest? in qua nihil iners & otiosum reperitur, nihil temere aut frustra effectum est. *Stirpes* contemplare, omnibus peculiaris vis indita est, *Animalia* intueri, cui libellum suum inest ingenium, & attributa naturæ prope pensio. In *Cælum* mente conscende, illi

Sidera

Sidera aspicias, sed locis suis disposita, cursum suum æquali tenore perficientia, & non nisi certa vicissitudine munia sua obeuntia. Sicut simulachrum, ait Mercurius Trismegistus, aut imaginem sine sculptore aut. pictore nullus fieri dicet, hoc autem opificium sine Opifice factum erit? Omultam cecitatem!

II.

Totum eadem, qua partes ejus, natura imbuitur, cum ex illis resultet, & ab earum *Partes mundi cum sint corruptibiles, illum talem efficiunt.* diversitate distinctionem suam mutuatur. Nihil autem constantius, quàm partes, quibus Mundus coagmentatur, dissolvi, & ortui interituique esse obnoxia. *Terra* generationis Corruptionisque theatrum est, quæ raro eandem faciem refert, quæque secundum temporum vices, aliam atque aliam personam induit. *Ignis* cotidie perit, & qui tanto robore pollere videtur, momento evanescit. *Aqua* à ficcis corporibus exfugitur & motu suo, quo Corpora penetrat, in flores & gramina degenerat. Nihil in Orbe diu perseverat, & clare evincitur, *natum esse, quod aliquando desinere potest.*

V.

Quidam hujus argumenti vim eludere nituntur, dicendo generationem & Corru- *Objectis.* ptionem, mundi quidem partibus competere; nihil tamen obstare, quominus totus idem perseveret, & æternus habeatur; cum rerum summa eadem maneat, & non nisi quoad exteriora alteretur, non alio modo, quo *Cera*, quæ non aliam naturam adipiscitur, dum varias *sigillorum* impressiones patitur,

tur, sed alteri tantum figuræ subest, & retenta substantia habitum commutat.

VI. *Responsio ad Objectionem.* Ipsis ultro demus in mundo, non nisi accidentariam mutationem contingere, non tamen inde probe concludetur, *Totum* dissolvi non posse. Nam si unius alteriusve partis ruina fieri potest, quidni viginti, centum, mille, & omnium, cum videamus labe aliis alias in orbe accidere, & multa uno die perire, quæ intacta per plurima secula remanserant. Et quamvis hæc non passim contingant, & multi anni absque huiusmodi cladibus interlabantur, non tamen inde legitime inferetur, illas evenire non posse. Cum multa sæpe ingruant, quæ longo antea temporis spatio ignota, inauditaque fuere. Nihil ad rem pertinet, quod *Cera*, non nisi extrinsecus mutationem patiatur. Quippe mundus motione intestina concuti potest, & sæpe acque subverti. Annon nova cotidie nascuntur, & vetusta perdunt? uti in partibus mutatio fieri potest, ita totum iisdem perturbationibus affici, & aliam prorsus faciem assumere.

VII. *Mundi ortum Historia testantur.* Sed quoniam Naturæ Historiam exarare hîc propositum est, lubet mundi originem ex *Antiquorum* monumentis deducere, & quousque eæ, quas habemus historias, porrigantur, aperire. Nulla hominum gesta ante *Thebanum, Trojanumve bellum* commemorantur, & quicquid posteritas novit, nostrorum temporum scriptoribus debet. At si mundus æternus est, omnique principio caruit, quomodo factum

factum est, ut qui præextitere Poetæ & Historici, facta suorum non cecinere; & scriptis mandaverè, quæ tam immenso temporis decursu, ab Heroibus suis patrata sunt, aut à legislatoribus in universum fuere condita? Verum, cum nihil horum extet, tacite innuitur, mundum creatum esse, & haud multo ante illa tempor ortuma habuisse.

VIII.

Neque minus, quas profitemur Artes, Mundi initium arguunt; cum quælibet, paucis elapsis ab hinc annis, *authorem* suum habuerit, & cujusque nomen, patriam, sortem codices nostri referant. Noscimus enim, quis *Aratro* primus Terram eruerit; quis *ferrum* ministraverit in mortalium perniciem, quis *ludi gladiatorii* author fuerit, & quis etiam in ordinem *saltare*, quis disjunctis manibus, pedes agitare docuerit. Si verò à principio, imo ante principium factus est mundus, quomodo post tam longam annorum seriem, non eodem, quo nos, usi sunt cultu? quomodo neglecta *literarum* formatio, à qua sola æternitatis memoria servatur? Quo pacto non durius Agro *vitis* inserta est, cur tamdiu à campis *Olea* exulavit? Quæ *pix* *nautica* tamdiu latuit, cujus subsidio nunc *Maria* trajicimus, & novas terras, novosque Homines detegimus; Hæc omnia mundi æternitati palam adversantur, insinuantque non longam retro hujus ætatem; productum editumque fuisse. Hinc Lucretius,

— Habet novitatem, summa recens

Natura est mundi, neque pridem exordia cæpit.

G

Qua

IX.

*Quo An-
ni tempo-
re produ-
ctus est
mundus.*

Qua vero anni tempestate conditus fuerit mundus, non certo inter authores liquet, quibusdam *Veri*, aliis *Autumno* faventibus. Sed quorsum alterutra præferenda sit, non video: cum in orbe *Ver* & *Autumnus* continuo regnent, & secundum diversas ejus partes dominantur. In una frigore corpora rigent, in altera æstu fervescent: In una

Vere madent udo terra, ut cum *Virgilio* dicam, in alia, *pampineo gravidus Autumno flore ager*. Absurdum autem videtur mundi exitum secundum aliquam tempestatem determinare, quum in eo quatuor simul tempestates reperiantur. Si verò de plaga illa *Bæ reali* intelligatur, in qua *Homines* primum nasci & degere *Deus* voluerit, probabile est, ejus respectu, *Autumnum* fuisse: quum *Rationi* consentaneum sit, omnia à *Deo* esse condita, nihilque ab eo fieri, quod non fit numeris omnibus absolutum.

ARTICULUS SECUNDUS.

De Rerum genesi, & partium Mundi digestionem.

I.

*Terra &
cæli pro-
ductio à
Mose de-
scripta.*

Moses, cujus narrationi non neotericis modo Philosophi, sed & veteres adflantur; capite primo *Genescos*, mundi Creationem magno cum apparatu describit, orsus Terræ & Cæli productione, quibus velut centro & peripheria totum universum complexus est. In principio, inquit, creavit Deus Cælum & Terram: Sed Terra, quam stagnan-

Aqua tegebat, undique tenebris obvolvēbatur, fiebatque *Inanis* & infœcunda. Quia, licet *pirius*, sive subtilis materia, toti Terræ moli incumbere, ejusque inertiam excitaret, quia verò tumultuarie coibat, & non certo adhuc motu ferebatur, *vacua*, id est, invisibilis amdiu remansit, donec Omnipotentis Verbo *ex facta est*, quæ tempora dirimeret, efficeretur, ut quæque suis in locis conspicerentur. Hoc siquidem verbo Deus materiæ partibus motum ingeneravit, eisque illam prorsus extensionem indidit, ad hunc motum, in recta linea continuandum, quem *lumen* appellamus. Itaque ex lucis & tenebrarum mixtura, mundus in diversas provincias distinctus est, & non nisi materia subtili, cætera corpora pervadente, tenuiora a crassioribus, & gravia a levioribus secreta sunt. Hoc *primi Diei* opus, & Supremi Entis omnipotentiae argumentum. Nam nihil de novo posteris diebus productum est, sed omnia duntaxat in ordinem redacta, & cuilibet Copori suus assignatus motus.

II.

Opus primæ diei.

III.

Die secundo, interjecto inter Aquas *firmamento* nonnullæ locum superiorem sortitæ sunt, aliæ Terræ superficiem percurrentes, gignendis alendisque piscibus sunt deputatæ. Quippe si *firmamenti* etymologiam scrutemur, nihil aliud quam magnam ac maxime diffusam extensionem significare reperiemus, quam ex *vorticum* dispositione ortam esse concipimus, dum inter se sunt adaptati, & ita sibi ipsis adhæserunt, ut unius *Ecliptica*

Opus secundæ diei.

aliorum *Polis* responderet, atque unius motus aliorum gyrationem juvaret potius quam impediret. Itaque materia cœlesti ingentes illas Corporum moles intercurrente, *Aqua ab Aquis* secretæ sunt, & quæ Terram tangebant firmamenti positione, ab aliis, quæ solidis crassisque corporibus incumbabant, longo intervallo avulsæ sunt : Ac proinde *quæ sub firmamento*, ab iis, quæ supra *firmamentum* divisæ sunt ac separatæ. Constat enim *Mosen Cœlestia Corpora* nostri intuitu superiora existimare, *Terram* verò quàm incolimus, inferiorem locum occupare.

IV. Tercio die in unum locum congregata sunt *Opus diei* *Aqua & arida* facta est Terra : quia, cum *tertia.* *Terra* Aquis undique obvolveretur, nihilque ejus appareret, bonum naturæ Authori visum est, Aquas in Certa quædam loca colligere, quatenus iis nudata, omnis generis *gramina, plantas, arbores*, è sinu suo erueret. Hinc *Siccitas* vocata est : Aquarum vero collectioni nomen maris inditum. Verum, quoniam Telluris rotunditas obstabat, ne in unum *Aquæ* convenirent, nullaque cavitas aderat, quæ tanto liquori recipiendo sufficeret, fide credendum est, eo ipso die formatos esse *Montes*, aliasque Telluris partes assurrexisse, quæ vallibus post se relictis, diffusum antea æquor recondere, & suis lateribus tuerentur.

V. His stabilitis, & disposita suo ordine mundi materiâ ad ejus ornamentum perreductum est. Quarto namque die duo *Ingentia luminaria*

maria in firmamento posita sunt, ut essent in *Tempora, Dies & Annos* hoc est, quibus diurnus annuusque Terræ circuitus, planetarum revolutiones, & statæ Solis periodi innotescerent. Eâdem operâ innumeræ Stellæ adjectæ sunt, quæ propria luce gauderent, & radios undique vibrarent.

Quinto die, adjecit Deus, ut ex Aquis VI.
moventia Animantia ederentur, fierentque Opus
quinta
die,
ex Aere *volatilia*, quæ per ætherea spatia ferrentur, & in liquida materia Corpora sua vibrarent. Eodem verbo *Reptilia* prodire, quæ absque pedum adminiculo graderentur, & pectore suo Terram ferirent.

Demum perfecto domicilio, instructoque VII.
omni rerum varietate palatio, microcosmus Sexta d. i.
ei opus.
in macrocosmum introductus est, *Vita, Sensu, Ratione* præditus; utpote ad mundi imperium genitus, & cui *Pisces* maris, *Aeris volatilia*, ceteraque Terræ *Animantia*, obsequium præstarent. His peractis, ab opere cessatum est, & impositus laboribus finis. Hanc totam mundi genesim paucis Versibus Danæus in *Physica Christiana* complexus est, quam hîc describere non pigebit.

Prima dies cælum & terram lucemque creavit:

Aliera distendit spacium, discrimen aquarum:

Tertia secernens undas, dat gramina terris:

Quarta creat Solem & Lunam, cælestiaq; astra:

Quinta dedit pisces, eadem genus omne volantum:

Sexta tulit pecudes hominem quoq; quem Deus ipse

Condidit, inde operis, requies lux septima fulsit.

ARTICULUS TERTIUS.

De Mundi interitu.

I. *Quod principium habuit, finem quoque habere necesse est.* Ex dictis manifestum fit, conditum esse mundum, & ea esse corruptioni obnoxia, quæ ortum habuere. Nam quidni Principium destructivum nanciscatur, quod productivum habuit? Et esse aliquando destinatum quod semel esse incepit? Annon *materia*, ex qua totum universum conflatum est, interitus origo & causa est? Quid unquam ea substante sempiternum fabricatum est? Cuncta quæ spectamus, cotidie labuntur, & velut destinato cursu ad finem properant.

II. *Aristoteli opinio de mundi duratio-
ne.* Verum obstabis, non defuisse philosophos qui mundo æternitatem asseruerint, putarentque ingentem hanc machinam tam affabre esse confectam, ut pati aliquod exitium nequeat. Hujus Sententiæ fuere *Zenophanes, Melissus, Aristoteles*, & alii, impietatis eos infamulantes, qui mundo Durationis terminum adscriberent, & aliquando esse periturum profiterentur. Neque *Plato & Pythagoras* huius opinioni adversati sunt: Quia licet mundi finem habiturum esse crediderint, non tamen nisi à Deo corrumpendum esse censuerunt ea ratione nixi, quod tanto Opifice indignum sit, opus suum destruere, & tam miro artificio elaboratam *machinam* aliquando dissolvere Parentis esse, fortis suos servare, & nulli pacto ad eorum perniciem impelli.

III. Sed cæcorum sunt hæc iudicia, qui non probe ad mundi constitutionem attendentes

ati sunt, inter ejus partes, vincula interce- Mundus
naturâ
est cor-
ruptibilis.
lere, quæ nulla ætas, nulla secula perrumpe-
re sufficerent. Sed ut auctoritatem authori-
ati opponamus; Annon aliter Epicurei &
Stoici senserunt? quorum ultimi, præter Jo-
nem, nihil immortale esse sunt opinati, &
hanc Terram, Mare, Aerem, Cælumque
ipsum æqualiter interitura affirmant, & in
alia Corpora degeneratura: Ut vaticinari
videtur Tragicus poeta in *Herc. Oct.*

*Cæli regia concidet,
Certos atque obitus trabes,
Atque omnes pariter Deos,
Perdet nox aliqua, & chaos.*

Sed quorsum veterum philosophorum te-
timoniis ad mundi corruptionem asseren-
dum opus est, quum, quæ præsentibus nobis
accidunt, decrementsa ejus arguant, & sen-
centem ætatem loquantur? Quare advo-
canda Scripturæ autoritas, ut sciamus
omnia, quæ in mundo sunt, delabi, & ad fi-
nem properare? Quis nescit *Tempestates* de-
ficere, & à pristinis viribus declinare? De-
crescit quotannis *æstatis* fervor, non *Hyems*
solitos imbres seminibus alendis suppeditat,
non ita sata *vere* læta prodeunt, nec *Autu-
mnus* talem *tenero das palmite fructum*. Omnia de-
nique minuuntur, & à primæva virtute pau-
latim defleunt. Si Terram scrutamur, si
montium radices subeamus, quàm tenuis
Auri Argentique vis, quàm raræ metallorum
venæ reperiuntur, si eas cum illis confera-

mus, quas prisci referunt, & historiæ etiam nostræ testantur.

IV. Neque minora fiunt aliis in rebus decre-

Generalis *verum* *defectio* *mundo* *finem im-* *minere* *portendit*
 menta; nam quis non experitur, pauciores
 quàm majorum temporibus extare Homines,
 & Arva agricolis, Castra militibus, Maria
 nautis pene destitui? Quid autem tam gene-
 ralis Rerum defectio aliud quàm mundi Se-
 nium arguit, & omnes creaturas ad extrema

vergere; Occidi necessum est, quod paula-
 tim decrescit, & occulto tramite, ad exitum
 decurrit. Hæc igitur inconcussa Dei *lex* est,
 ut omnia, quæ originem accepere, dena-
 fcantur, & quæ longo tempore aucta sunt,
 senescant & emoriantur.

V.

Solito *brevisior* *hominis* *vita* *mundi* *sentium* *prædicat.*
 Sed quorū tot sermones ad imminen-
 tem Mundi senectutem ostendendum, cum
 videmus Hominum *vitam* indies minorem
 fieri, & paucis annorum curriculis termi-
 nari. Quondam ultra octingentos & non-
 gentos annos *Aura*, ut cum poeta loquar,

vescebantur aetherea: nunc vix centenarium
 annum attingunt, & si forte eo pervenerint,
 tanta animi molestia, tantoque Corporis do-
 lore vexantur; ut nihil magis exoptent,
 quàm vitam suam cum morte commutare.
 Quis igitur cum continua *mundi* labe, *Tempe-*
statum defectione, *mortalium* senio, mund
 Æternitas consistere potest; & quod perpe-
 tuo alteratur, esse sempiternum?

VI.

Elemen- *ta ad* *mundi* *defectio-* *nem con-* *spiciant.*
 Aliud argumentum ex particularibus mu-
 tationibus defumi potest, quæ semper mundo
 labem inferunt, & diversa ratione ad ejus
 exitum

exitum conspirant. Quas non strages Ignis mundo attulit ; quot Regiones Sol , quem *Vita parentem , universique Animam* appellamus, corripuit, & quæ antea produxisse videbatur, extinxit ; Quoties *Aqua* mundo infesta fuit ? quot contingere diluvia, quorum Aquis obruta Tellus, infœcunda per aliquot menses reddita est, incolis orbata, & in pristinum chaos tantum non redacta ? Quo ad nos, licet mortem nondum simul experti, & longiorem nobis vitam, quàm aliis speremus : Ratione tamen ad credendum adigimur, illam nobis quondam adfuturam, quum iisdem corporeis infirmitatibus subjiciamur, quibus ii, qui nos præcessere, fuerunt obnoxii. Similiter, quamvis totius mundi Ruinam non viderimus, nihilque adhuc oculis objectum est, quod ejus interitum prælagiat, par est tamen conjicere, illum ipsi imminere, quum iisdem morbis teneatur, quibus cætera, quæ periisse referuntur.

ARTICULUS QUARTUS.

De Rerum Generatione & Corruptione.

Nihil apud nos solentius, quàm ignem ex ligno generari, & Corpus subtile ac fluidum ex crassa ac dura materia procreari.

Generatur Ignis ex ligno, non *novæ formæ* exortu, ut Aristotelici putant, sed sola partium dispositione, situ, cæterisque aliis modis, quæ cujusque Corporis formam constituunt.

tuunt. Nam nihil ligni deperditur, dum ardet, & in *flammam*, *Carbone*ve convertitur, sed alia tantum fit partium connexio, & alius à priori existendi modus; Ut enim Ignis excitetur, debent globuli cœlestes, qui omnia intervalla circa Terram occupant, vi aliqua expelli ab intervallis nonnullarum partium terrestrium, quæ deinde à se invicem disjunctæ, atque in sola materia primi elementi natantes, celerrimo ejus motu rapiuntur, & quaqua versus impelluntur.

II. Ex frusto ligni cremato *Sal* generatur, *An Sal è* ut *Chymici* testantur, qui in distillationibus *ligno aut* *Mercurium*, *Sulphur*, & *Salem* extrahunt; *alia materia generetur.* Cujus ultimi partes Aquæ immiscentur, & veluti cum illa incorporantur,

Hujusmodi educationibus generationis nomen non nisi improprie tribuitur, cum in iis nulla partium adaptatio secundum figuram, quantitatem & motum fiat; quam ad genuinam generationis rationem requiri antea diximus, sed partium tantum discretio. Salis enim particulae cum minutæ sint & exiles, faciliè à ligni partibus obruuntur, quæ nunquam pungunt, lapidæque evadunt, nisi prius seorsim ponantur, & à cæteris caloris viscerantur. Manifestum est, *Argenti* unciam cum ingenti massa *Auri* ita posse coalescere, ipsique ita intime commisceri, ut nulla *Auri* pars detur, in qua non aliqua *Argenti* portio reperiatur: nullus autem, qui sane philosophatur, affirmabit *Argentum*, dum *Aqua fortis* ab *Auro* separatur, generari: sed solum

lum ejus particulas, quæ in Auro commiscebantur, extrahi; & suæ naturæ libertatique restitui. *Sal* igitur *ligno* commistus naturam suam retinet, etsi non sentiatur, vimque suam exerat, id provenit, quod ab innumeris ligni partibus obducatur, & ejus aculei, aliorum corpusculorum occurso, quodammodo refringantur.

III.

Fritici *grana*, molarum compressione, in *farinam* abeunt, quæ mox Aquæ admixta, manuum opera, furnique calore, in *panem* degenerat, quique in ventrem immissus, & acido penetrantique succo diminutus, in *sanguinem* tandem convertitur.

Quæ ratione tri-
tione tri-
tione in
panem
&
postea in
sanguinem
com-
vertatur.

Hujus progressus causa à solo motu petenda est, qui omnem pere mutationem in Corporibus generat, & illam diversitatem inducit, quam in Cælo Terraque spectamus. Non enim existimandum est, in Rerum Generatione aliquid novi acquiri, aut earumdem interitu, quicquam deperdi, quod in ipsis antea non continebatur, sed novam tantum partium connexionem oriri, & alium à priori existendi modum: Adeo ut, dum Fritici *grana* in *farinam* primum, deinde in *panem*, & demum in *chylum* & *Sanguinem* commutantur, nihil aliud in toto eo progressu reperiat, præter motum localem, quamvis species ipsa mutari videatur. Ut apposite Ovidius describit decimo quinto Metamorph.

— Omnia mutantur, nihil interit,

Nec perit in tanto quicquam, mihi credite, mundo,

Sed

*Sed variat faciemque novat: nascique vocatur
Incipere esse aliud quàm quod fuit ante, morique
Desinere illud.*

Ubi verò talis partium seu insensibilium, seu sensibilium mutatio non contingit, nulla fieri potest mutatio, ut in *Taleo*, *Auro*, *Hydrargyro*, & Aliis, quæ tam arcto vinculo copulantur, ut nulla vi sejungi queant; aut eo modo subigi, quin pristinæ formæ restituantur.

IV.

Quomodo dicuntur vapores in Aquam converti, aut e contra.

Nihil communius apud Philosophos, quàm *Aquam* in *Vapores* converti, & vice versa vapores frigore ita condensari, ut *Aquæ* naturam denuo assument.

Scio Aristotelicos non arbitrari hanc mutationem esse mutuam, cum sibi fingant, in omni generatione novam substantialem formam acquiri, & aliam interire, ac proinde ut Aristotelis verbis utar, secundo de generatione, capite ultimo: *Si ex Aere Aqua fiat, & ex eadem Aqua rursus Aer, fore Aerem specie eundem, non vero eundem numero.* Sed id verisimile non videtur, cum in iis mutationibus, earundem prorsus partium restitutio fieri possit. Nam sicuti *Machina* centum aut ducentis partibus constans, ubi dissoluta fuerit, à perito *Artifice* refarciri, & in integro reformari potest: ita quidni *Aqua* penitus eadem, pristinam formam denuo induat, si eadem vaporis particulæ, ad se invicem accedant, & iterum uniantur. Quis dicet *Aquæ* guttam, quæ per *alembicum* evaporatur, & eadem vase excepta concrevit, specie distingui? cum omnes ejus patres colligi denuo possint, eundem

dem figuræ subijci, similemque locum occupare. Tota igitur quæ Aquæ & vaporis interest differentia, ex solo motu & figura pendet, quoniam vaporis partes magis agitantur, magisque à se mutuo diffident, quàm partes Aquæ, quæ minus cientur, minusque spatium occupant.

ARTICULUS QUINTUS.

De Cælo.

Constat Corpora in Cælo, non minus I. quàm supra terram mutari, & novas figuras, novosque colores acquirere; ut *Phases*, quæ in *Venere* contingunt, testantur, quæ haud multum à *Luna* phasibus differunt, & eodem pene modo oculis obtenduntur. *Novæ phasēs in Venere quare contingunt.*

Hujus varietatis causa ab ipsius *Veneris* motu pendet, qui fluido Cælo innatans circa solem volvitur, & prout supra, infra, aut ad latera ejus fertur, novas phasēs procreat. Cum enim *Planeta* mutuato à *Sole* lumine illuminentur, diversas nobis facies exhibent, prout circa Solem excurrunt, & in ejus oppositione sunt, aut conjunctione.

Cometæ diversas Cæli regiones peragunt, II. & ita cito motu feruntur, ut intra paucos dies ex oculis penitus evanescant, Quippe deprehenduntur ingentia ultra Solem spatia trajicere, & ex uno cælo in aliud transire. *Cometa ex uno cælo in aliud transmittunt.*

Hoc phænomenon demonstratam à nobis, in *institutione Philosophia*, Cæli fluiditatem evincit, sine qua non Corporum motus, non tra-

jectio

jectio fieri potest. Nam quo pacto Sidera, aut Cometæ, ab uno loco in alium transferri possent, si ubique solida adsint corpora, quæ eorum cursum remorentur, aut impressum impetum retundant? Cometæ igitur celeriter per planetarum spatia vagantur, quoniam Cælum, Aeri nostro simile, licet multo purius, solidis Corporibus cedit, & facile se penetrari sustinet.

III.

*Mota in
Cælo Cor-
pora cum
dem sensu
per cur-
sum ser-
vant.*

Corpora, quæ in Cælo moventur, ubique sine obstaculo pergunt, & tanto impetu feruntur, ut omnia spatia, æquali semper cursu trajiciant, cujus contrarium in Aere nostro, cui affine Cælum esse diximus, experimur: ubi per eum *Aves* volando lassitudinem contrahunt, & non nisi ægre corpora sua in eo librant.

Gassendus perveniendæ huic difficultati, spatia Inania in Cælo esse imaginatus est, quibus *Siderum* velocitatem attribuit, quum illa omni materia destituta concipiat, & solis siderum radiis pervia. Existimavit quoque, quantælibet molis ponantur Sidera, nullam gravitatem habere; ac proinde non medio sustentante indigere; quemadmodum *Aves*, dum in Aure pendent, aut *piscæ*, cum in mari natant, aut flumina percurrunt. Verum quoniam antea ea Gassendi sententia rejecta est, atque probatum est, nulla potentia posse in mundum vacuum intromitti; unum duntaxat addam: vacuo intra Cæli ambitus admissio, nullam fore inter longe diffita corpora distantiam, ac proinde idem tunc esset,
ac si

ac si quis assereret, dari in mundo spatium *extensum* absque *extensione*, & in eo inveniri *altum* & profundum, citra aliquam *altitudinem* & profunditatem. Ratio igitur, cur quædam Sidera libere per Cœlos vagentur, nullamque in cursu suo obicem offendant, non inde provenit, quod liquidum corpus, per quod feruntur, eorum motibus non obstat, cum tale dare in natura implicet, sed solum, quod fluidæ istius substantiæ partes, quæ varie moventur; nec in unam potius, quam in aliam regionem simul tendunt, à materia subtili determinantur, cujus motui obsequentes, versus certam Cœli plagam devehuntur. Non dissimili modo, quàm altera libræ *lanx*, quæ externo impetu etiam exiguo, faciliè attollitur, vel deprimitur.

Cœlum Aere puro, & crassis temporibus defæcato, *Colore cæruleo* pingitur; quod etiam *Cnr Cœlum colore cæruleo apparet, dum nitidum est.* Sole exorto contingit, si ante Auroram, stellis micantibus interstinctum fuerit. Quippe tunc, tam in loco, ubi fulgent, quàm ubi Solis lumine extinguuntur, undique cæruleus Color videbitur.

Color hic adventitius, non tam ipsi cœlesti Corpori, quàm vaporibus & exhalationibus, quæ supra nos pendent, debet attribui. Constat enim, Cœlum, nullum lumen emitte-
re, imo maximè tenebròsum à nobis visumiri, nisi alia Corpora interjacerent, quæ aliquot radios ad nos reflecterent; sive quæ globulos secundi elemendi, quos Sol aut Stella in ipsa propulerunt, versus oculos nostros remittunt.

remitterent. Nam cum illi vapores rari sint, plurimumque dilatentur, cœlestes globuli, non satis multas particulas offendunt, ut æque celeriter in *gyrum* ac secundum *lineam rectam* ferantur, ac proinde contingit, ut cœlum colore cæruleo tinctum appareat, ut ante hæc de illius natura dictum est.

V.

Qui sit, ut quædam stellæ, in Cælo evanescant,

Plures stellæ in cœlo nascuntur, quæ antea visæ non fuerant, uti de *Merope* seu *Elætra* narrant Mathematici, quæ diu ante Trojanum bellum conspicua, paulatim post hæc extincta est. Aliam *Tycho braheus* in Cygni constellatione adnotavit, quæ etiam in Cælo, per multos annos apparuit, & demum ex oculis veluti senescens evanuit.

Horum sicut & aliorum Siderum de novo orientium causa, passim à *Mathematicis*, in cœlorum corruptibilitatem refunditur. Quod enim in alio generatur, ab eo suæ procreationis materiam mutuatur, & ex ejus dissolutione provenire necessum est. Majus enim corruptibilitatis rei alicujus argumentum adferri non potest, quàm si dicatur, in ea multa oriri & interire; & genitorum moles decrescere & minui, quod in novis stellis contingere, posthac manifestius reddetur.

ARTICULUS SEXTUS.

De Sole.

I.

Quo pacto Sol calidus esse discitur.

Solis affectuum præcipuus, maximeque communis est Calor, quem per diffusa undique spatia ad nos transmittit, Quippe nul

libi Solis radii appellantur, quin Calorem illic ingerant, & eas mutationes inducant, quas a flamma produci quotidie cernimus. Hinc *Parmenides & Heraclitus* apud *Stobæum* credere, Cælum ignem esse, & Stellæ vultu inflammatos centones in eo locari, quibus ad nos lumen devehitur, & tanquam è fontibus rerum inferiorum vigor profluit.

Qui *Aristotelem* sectantur, hunc effectum Solis virtuti duntaxat, non vero illius substantiæ acceptionem referunt, quem ignea natura præditum esse inficiantur, & vi sola, non autem ad tactum Calidum esse, ad instar *Zingiberis*, & *Spiritus vini*, quæ calorem in ore & in stomacho excitant; quo tamen destituuntur, si manui apponantur. Verum unde illis constat Solem *eminenter* tantum, & non re ipsa calidum esse? An sensu aliquo id percipere? An forte tam prope Soli admoti sunt, ut illum manu contingerent? Quidni potius *nativum* huius calorem adtribuunt, cum in omnibus Igni assimiletur, & ejus naturam omnimodè reseruat. Nihil supra Terram *flamma* mobilius cernimus, quum omnia pene corpora agitet, & suâ activitate dissolvat. Annon idem Mathematici ope *Telescopis*prehenderunt, qui Solem *Auri* instar in fornace fervescens, aut *Maris* undique igneis fluctibus acti, ebullire & vidisse testantur? Quid verò aliud est *formalis* Calor, quàm varius exiguarum partium Corporis motus; dum illæ nimirum diversimode agitantur, & aliter atque aliter inter se feruntur. Quod Soli contingere, nemo infici-

cias ibit, nisi qui ejus naturam penitus ignorat. Quod autem de *Spiritu vini & pipere* adferunt, non tam in illorum, quam nostram rem facit, quum illa calida esse percipiantur, nisi in illorum partibus, subtilis materia, primo motum exitet, & illas à se invicem disjungat. Solis verò particulæ in perpetuo sunt motu, & quamvis ultra terminos, quibus includuntur, non excurrant, situm tamen variant, & ad partes diversas feruntur.

II.

*Cur Sol
sphæricam
habeat
figuram.*

Sol libero oculo intuenti sphæricus apparet, præsertim si oculus eximio *telescopio* muniatur, cujus vitrum concavum, diluto aliquo liquore, exempli causa, *Janthino* tingatur; quippe tunc non disci duntaxat, ut antea, figuram referet; sed totius sphærici corporis convexum deteget.

Hujus phænomeni ratio est, quod materia primi elementi, quæ Solis Corpus componit, ab illius centro, omni ex parte recedere conatur, & æquali nisu circumjacentem materiam premit. Nam *natura lex* est, ut corpora, quæ circulariter moventur, à centro circuli, quem describunt, quantum in se est, recedant, & per amplius spatium dilatari contendant: ac proinde loca post se relinquant sphærica, ab alia subtiliori materia replenda. Cuique etiam *Vortex*, in quo Sol formatus est, à circumambientibus aliis vorticibus undique prematur, & à motu suo per lineam rectam persequendo impediatur, necessum est, ut *Rotundus* maneat, & aliam figuram nunquam adipiscatur. Ut patet in

Vitro, quod in orbem effingitur, dum transmissus per tubum *Aer*, vitri partes æqualiter premit, & non minus ad fundum, quam in latera protruditur.

Nullam adhuc in sole mutationem mathematiciprehenderunt, quem eadem constare magnitudine, iisdem pollere viribus, cum quibus formatus est, agnoscunt. Quod nonnulli adducunt, ad probandum, igneæ naturæ non esse, cum pabulo non indigeat ad sui nutritionem, & eo deficiente non extinguatur.

III.

Sol sub eadem semper magnitudine & figura conspicitur.

Licet Sol pro igne habeatur, & iisdem, quibus flamma, videatur defectibus obnoxius, non tamen inde concluditur, pabulo, quem admodum hic, qui apud nos est, ignis, quod alatur, indigere. Nam secundum naturæ leges, quodlibet Corpus, in eodem semper statu permanet, donec à peregrino agente inde deturbetur. Unde patet Ignem, cum fluidæ ac mobilis sit naturæ, facile supra terram à circumjacente materia arripi ac destrui, & proinde ipsi alimento opus esse, quò amissa resarciat, & dum aliquid ejus materiæ evanescit, altera in ejus locum substituatur. Tali autem desinendi genere Sol non periclitatur, cujus ruinam non ita vicinæ Cœli parte machinantur, nec ita ad ejus destructionem conspiciunt. Aliquo tamen pabulo eget, ut uns semper esse existimetur, sed illud ipsissimam primi elementi materiam esse dicimus, quæ sicut per *Eclipticam*, sive loca à polis solaribus remota elabitur, ita nova semper materia, in solem

solem per *polos* ingreditur, & ad locum similis
 abeuntis, perpetuo accedit. Unde sicuti *flu-*
men, idem semper manere dicitur, si Aquarum
 substitutione reparatur: ita Sol, novæ ma-
 teriæ ingressu, idem perseverat, & eandem
 molem, eandemque figuram semper tuetur.

IV.

Cur Sol
 oriens vel
 occidens
 major
 appareat,
 quam
 circa me-
 ridianū.

Sol horizonti proximus major apparet,
 quàm ab eo diffitus, dum scilicet, circa me-
 ridianum in Cœli vertice versatur: quippe
 tunc altior, evectiorque esse concipitur.

Hujus deceptionis ratio, à radiorum re-
 fractione petitur, quæ in vapore rorido per-
 agitur, quorum inflexio, angulum visorium
 dilatat, & rei magnitudinem auget. Quia
 cum vapor non nisi modicum supra Horizon-
 tem evehatur, in cujus tamen plano maximè
 extenditur, fit, ut radii solares plures hinc
 & inde, quàm sursum coeant, efficiantque,
 ut longior Solis *diameter*, quæ tunc cernitur,
 plano Horizontis parallela reddatur. Sol au-
 tem circa meridianum in Cœli vertice eve-
 ctior apparet, quoniam radii, qui à Sole pro-
 ficiscuntur, cum per diversæ raritatis Cor-
 pora, cœlum scilicet *athereum* & *Aerem* per-
 transeant, versus perpendicularem, hoc est,
 illum, qui à Sole ad centrum *Atmosfera* ten-
 dit, refringuntur, ac proinde maxima refra-
 ctione in oculum incidunt. Quo fit, ut
oculus multo evectiorem esse Solem, quàm re-
 vera sit, apprehendat. Oculus enim objecti ma-
 gnitudinem metitur, secundum lineam re-
 ctam, quæ ejus retinam ultimo attingit. Ac-
 cidit quoque, quòd radius, qui à puncto *At-*
mosfera

mosphaera, in quo refractionis fit, & ad oculum continuari intelligitur, non ad Solem terminetur, sed aliquanto supra illum porrigatur; quod occasionem Sensui præbet, illum altiorē, quā sit, apprehendere, & loco eminentiori contineri.

Sol præsertim circa ortum & occasum tremulus conspicitur, & veluti verriginem patet, circa proprium axem circumduci, & aliquo modo subsultare apparet. Unde Claudianus primo de Stiliconis laudibus:

Tunc & Solis equos, tunc exultasse choros

Astra ferunt.

Quam ob causam, inter plebeios receptum est, die paschalis eam undulationem attentius circa vesperam observare; quod credant omnia creata eo die, ob Domini Resurrectionem, exultare, & Solem peculiari quodam gestu, lætitiā suā testari.

Quidam hunc effectum Solis *turbationis* assignant, quasi ejus lumbus revera tremulo motu concutiat, & ita circa axem suum volvatur, ut quandam palpitationem pariat. Sed id falsum esse deprehenditur, quod motus Solis circa centrum suum insensibilis sit, & non nisi post repetitas observationes deprehendi queat. Causatur igitur hic apprensus tremor ab interpositis vaporibus, qui calore agitati, tremorem quendam præ se ferunt; ac proinde eos trajicientes radii, eo modo oculi retinā concutiunt, ut subsilire Sol, & tripudiare videatur. Eo plane modo, quo Sol in charta, aut pariete cernitur, si lucer-

V.
Circā ortū
&
occasum
Sol tremere
videtur.

næ fumi ejus radios intercipient, & medium inter illos locum occupent. Vel quo *lapis* in fundo fluminis quiescens, & superfluentis Aquæ cursum tremere cernitur, & quandam vertiginem habere.

ARTICULUS SEPTIMUS.

De Stellis fixis.

I. *Stellæ fixæ propria luce fulgent.*
Stellæ fixæ scintillant, eamque vibrationem præ se ferunt, qua Sol emicat & propria luce fulgere deprehenditur.

Hujus ratio est, quod Stellæ veluti tot Soles in suis vorticibus sint, qui ex materia fluidissima constant, quæ circa centrum suum summa velocitate gyratur. Unde fit, ut materiam illam, quæ ab Astris ad oculos nostros continuata extenditur, premant, efficiantque, ut eam *pressionem*, quam *lumen* appellamus, sentiamus. Id stellarum à Sole distantia confirmat, quæ tanta est, ut iis illuminandis Sol nullo modo sufficere possit. Nam si Sol inter fixas existeret, non major nobis esset appariturus, quam illorum minima; & vicissim si *Canicula*, exempli causa, quæ inter Fixas minima numeratur, ex orbe suo eriperetur, & Solis locum occuparet, haud dubium est, quin & magnitudine & luce Sol æqualis videretur. Ex quo colligitur, non satis virium suppetere, ad lumen Stellis impertiendum; ac proinde propria luce fulgere, nec ulla Astra illis quicquam scenerari

Multæ stellæ in suis locis non conspiciuntur, imo interdum contingit, ut una& eadem in locis diversis appareat.

Id à Stellarum vorticibus, qui Cœlum nostrum circumstant, provenit: Quia cum angulosas superficies habeant, non ita inter se aptari queunt, quin radii à Fixis venientes, & in illas incidentes, varias refractiones patiantur: Unde fit, ut ex Terra, tanquam in locis, in quibus revera existunt, non videantur, sed tanquam in locis superficiei nostri Vorticis, per quæ transeunt illi radii, qui ad Terram perveniunt. Cum vero illa loca, ab eo tempore, quo ab *Astronomis* observata sunt, immutata fuisse non deprehendantur, dicuntur Stellæ fixæ, eundem semper inter se situm servare, & in eadem regione collocari. Unde *Macrobius*: *Ecce vergilia neque à sui unquam se copulatione dispergunt, nec Hyadas, quæ vicina sunt, deserunt; aut Orionis proximam regionem relinquunt. Septentrionem quoque compago non solvit. Anguis, qui inter eos labitur, semel circumsumsum non mutat amplexum.*

Eixæ non nisi noctu deprehenduntur, & interdum Hominum oculos fugiunt.

Lux fixarum die extinguitur, quoniam radii Solares ad Terram appulsi, & mox ab eadem per aera reflexi, majori virtute pollent, fixarum radiis obluendi, quam ut illi oculos nostros ferire queant. Unde fit, ut quanto Oculus Soli vicinior extiterit, tanto minus sit Fixarum lumen excepturus: quoniam illarum vires Solis occurso languescunt ac debi-

II.

Quomodo stella apparent in iis locis, in quibus non sunt.

III.

Cur stella non nisi noctu redduntur conspicua.

debilitantur ; juxta illam Regulam, quæ semper in Corporum occurſu locum habet : *Quæ aliis, viribus præpollent, ſuum effectum ſortuntur.* Quanquam interdum contingere poſſit, ut Stellæ interdum ſub aſpectum noſtrum cadant, ut referunt Hiſtorici, quæ *Commodi* temporibus, per totam diem apparuerunt, ac ſi *Aeri eſſent infixæ*. Sed id contingiſſe arbitror, quod Sol tunc temporis, caligine offuſus, exiguos aut pene nullos radios tranſmiſerit, qui ſufficerent fixarum actioni obniti ; ac proinde Hominum oculi tenebris undiquaque impliciti, Stellas conſpicere potuerunt. Sicut in alto & tenebriſoſo *puteo* exiſtentibus Fixæ apparent, quamvis ſudum ſit, & Sol per aerem radios ſuos fortiter vibret.

IV.

*Quomodo nova
Stella
naſcuntur &
evaneſcunt.*

Stellæ novæ non raro in Cœlo naſcuntur, quæ tamen poſt tempus aliquod extinguntur, & ex oculis penitus evaneſcunt. Ut ea, quæ in *Cygnæ* anno milieſimo ſexcenteſimo viſa eſt, haut multum à tertię magnitudinis Stellis abhorrens. Alia anno milieſimo ſexcenteſimo quarto, in *Serpentario* paris fere cum *Venere* molis ; Quarum prima per multos annos ſubſtitit, altera verò poſt annum è medio exceſſit.

Novarum Stellarum origo, à Macularum diſſolutione pendet, quæ ita aliquando Sideri ſuperinducuntur, ut omnes illius radios, ſuâ denſitate aut durtie impedian. Si verò contingat, Stellam iis maculis liberari, novæ Stellæ imago nobis apparet, quæ forte ante
mult.

multa secula visa non fuerat. Fit autem *macularum* dissolutio, dum *vortex*, qui maculas ambit, majori impetu *Vortices* vicinos premit, quàm ab illis impellatur; quia tunc, limites suos latius diffundendo, efficit, ut materia primi elementi, quæ ex aliorum vorticum *eclipticis* egreditur, ad tenebrosam fidus majori copia affluat, aut ita supra maculam, qua tegitur, se diffundat, ut in globulos cœlestes impressionem faciens, vim luminis in oculis imprimat.

V.

Stellæ nonnunquam in *Cometam*, & *Planetam* degenerant, & propriis radiis exutæ aliorum duntaxat corporum lumen remittunt.

Stella
aliquan-
do in Co-
metam
vel plane-
tam deg-
enerat.

Ratio hujus phænomeni ex præcedenti deducitur; quippe ubi Sidus omnino maculis obductum fuerit, & vi materiam secundi elementi propellendi fuerit destitutum, contingere potest, ut ejus *vortex* à cæteris vorticibus gyrationem obtineat, & ita à propinquo potentiore absorbeatur. Absorpto autem vortice *Stella* maculis undique involuta, & in Alium Vorticem transacta, vel ulterius pergit, & in alium vorticem propellitur, & fit *Cometa*. Vel ob minorem ejus soliditatem, infra illum terminum descendit, & certam à *Stella*, quæ illius vorticeis centrum occupat, distantiam servat, & in *planetam* fatiscit; quæ circa illam continuo volendo, lumen ejus reflectit; & ita fit, ut Corpus, quod antea lucidum fluidumque erat, macularum accessu, duritiem adipiscatur, & durum solidumque evadat.

ARTICULUS OCTAVUS.

De Luna.

I. **E**Adem semper Lunæ facies Telluri ob-
 jicitur, nec adhuc ullo *Telescopio* depre-
 hendi potuit, ejus Corpus fuisse inversum,
 & à priori situ recessisse.

*Luna eo-
 dem sem-
 per modo
 Terra
 obversa-
 tur.*

Id provenit, quod parse ejus à Terra remo-
 tior, magis *solida* sit, hoc est, plus materiæ
 tertii elementi in se contineat, & pauciores
 meatus habeat, qui materia primi & secundi
 elementi occupentur. Constat enim Cor-
 pora solida à centro vorticis, in quo gyran-
 tur, longius recedere, quàm ea, quæ minus
 densantur, quæque pluribus foraminibus
 excavantur: Quoniam vim majorem ha-
 bent ad motum suum continuandum, & in
 eo statu remanendum, in quo prius posita
 sunt, ut in *Auro, plumbo*, & aliis metallis no-
 tari potest, quibus major est propensio, ad
 impulsus retinendum, quàm *lignis & lapidibus*
 ejusdem magnitudinis ac figuræ. Eadem igitur
 nobis Lunæ facies semper obvertitur,
 quoniam illa, quæ ex terra lumen reflectit,
 minus solida est, minusque tertii elementi
 materiæ includit: ac proinde minorem am-
 bitum requirit, in quo spatietur. Quod vero
 Lunæ pars illa, quæ Terram spectat, sit *varior*,
 minusque soliditatis habeat, quàm alia superi-
 or, probant *Arcula, macula & umbra*, quæ illam
 intercipiunt, quæ, cum solis radios transmit-
 tant, tenebras pariunt, & obscurum corpus
 efficiunt.

Luna

Luna in omnem partem splendorem suum diffundit, & ita illum reverberat, ut in unum radii non coeant, sed sparsim remittantur, & undequaque projiciantur.

II.

Illud scabra lunæ superficies, & umbellis permixta efficit; quæ receptum lumen dilatat, & omnibus illam intuentibus se lucidam exhibet. Aspera enim Corpora ex multis superficiebus componuntur, quæ ita dispositæ sunt, ut multæ in hunc, aliæ in alterum locum radios reverberent. Si vero Luna, quam sphaericam omnes philosophi admittunt, teresa foret, & speculi convexi instar, polita, non ex omnibus suis partibus, sed ex uno duntaxat puncto lumen versus spectatorem remitteret, ac proinde non tam conspicua, quàm invisibilis dici deberet. Quia licet Hemispherium totum esset Solari lumini expositum, non tamen nisi minima Lunæ pars certi spectatoris oculis lumen ingereret, quod ob suam tenuitatem, ingentemque ab eo sidere distantiam, necessum esset extinguere, priusquam ad eos oculos pertingere quiret.

Luna ab omni parte radios in terram remittit.

III.

Solis lumine per Aerem diffuso, Luna minor quàm noctu conspicitur. Quod Telescopio expertum se Gassendus testatur; qui deprehendit Lunæ discum, pleno orbe lucentis, nocturno tempore, diametro quinque minutis ampliorem. Quod etiam familiarius quis experiri poterit, si Lunam, dum primum fit vesperi conspicua, contempletur, sole adhuc radiante: quippe tunc falx ejus

Sole lucente Luna discum minor quàm noctu apparet.

adco

adeo tenuis apparebit, ut exiguo duntaxat filo circumducto videatur: Sole vero penitus delapso, fit latior, prout tenebræ sparguntur, & densiores evadunt.

Hoc luminis incrementum, non ipsi Lunæ disco adscribendum est, quasi corpus Lunæ radios ex se emittendi vim habeat, & illos noctu dilatandi: sed solum, quod Æther, materia illa aeri nostro analogæ, quæ Lunam circumdat, à radiis Solaribus, quos illa remittit, illuminetur, & idem luminosum cum ipso Sidere conficiat; quia quum illi intime iungatur, ad eundem circulum putatur pertinere. Admoto autem Telescopio, facile aduterinum illud lumen deprehenditur, cum id spatium, quod radiari æstimatur, obscurum appareat, & ab arcu partis luminosæ nullo modo attingatur. Alienum autem à Ratione videtur, rem *libero oculo* aspicere, quam *Telescopio* non licet.

IV.


*Cur Luna
citius
quam
Terra
seatur.*

Luna \odot quæ in peculiari vortice A B C D Terram T ambiente volvitur, duplo celerius circa Terram movetur, quàm Terra circa axem suum. Quippe Luna sui cœli A B C D circumferentiam, quæ Terre T Ambitum sexagies superat, percurrit, dum Terra tricies tantum circa suum axem motu diurno circumfertur.

Quanquam nonnulli gloriantur, se huius phænomeni rationem reddidisse, nulla tamen mihi videtur assignari alia posse, quàm ipsius lunæ parvitas. Nam cum non minus Terra, quam ipsa Luna, ab eadem cœlesti

mate-

materia moveatur, nulla causa fingi potest majoris in Luna velocitatis, quàm quòd Terra minor existat. Ea enim est corporum, quæ noventur, regula; ut dum unum duplo celerius, quàm alterum movetur, & hoc alterum, duplo majus est, quàm prius, tantundem motûs in minore, quàm in majore reperiri: & quanto unius motus lentior fit, tanto motum alicujus alterius, ipsi æqualis, cele-



riorem fieri. Cum autem Lunæ & Telluris T celeritas à materia cœlesti fit, quæ præter propter eadem est juxta Terram, ac juxta Lunam, deberet Terra duplo celerius convolvi, quàm convolvitur, ut circiter sexagesies circu-

circulum suum absolveret, eo tempore, quo Luna semel percurrit suum ABCD sexagesies majorem, ni magnitudo impediret.

V.

Luna celerius in motu suo circumplevit, quam in aliis suis phasibus.

Luna non semper æqualem in cursu suo tenorem servat: Quippe cum *Soli* primum conjungitur, vel ei ex adverso *opposita* impletur: sive cum *nova* est & *plena*, celerius movetur, quàm in aliis suis phasibus.

Hujus inæqualitatis causa ex ejus peculiari cœlo A B C D. desumitur, eo quòd ejus circulus non perfecte sphaericus est, sed ad ellipsis figuram accedit. Cum autem globuli secundi elementi, qui in ambitu A B C D continentur, motu & magnitudine differant, & soliditate alii aliis præstent, necessum est, ut, qui solidiores sunt, liberius versus A & C quàm versus B & D se diffundant, & ita figuram ovalem sive *ellipticam* conficiant. Ex quo fit, ut cœlestis materia lentius inter A & B, quæ est pars cœli ambitus latior, moveatur quàm illa, quæ est inter B & D, quæ angustior est. Rationi enim consentaneum est, ut materia *planetam* deferens, lentius in spatio latiore fluat, & in angustiore celerius. Id in *fluminibus* experiri licet, quorum aqua eo celerius decurrit, quo constrictior fuerit alveus, & eo tardior, quo amplius diffunditur.

VI.

Quomodo Luna in Terram non decidat.

Una circa hæc *phenomena* difficultas oritur: Si enim *Luna* ob suam parvitatem, celerioris motus capax est; quomodo fit, ut dum à cœlesti materia eam ambiente deferatur, Terram versus non descendit, & relicto circu-

circulari suo motu, dum ad C pervenit, non ad Z potius declinei, quam sursum denuo evchatur.

Ad hanc difficultatem faciet, si consideremus Lunam materiæ cælestis motum omnino sequi, quamvis non omnem ejus celeritatem obtineat. Cum enim Terra & omnis materia cælestis, quæ in vertice ABCD continetur, circa centrum T volvatur, necesse est, ut Luna, quæ ab illa cælesti materia circumducitur, cursum suum versus centrum Terræ T continuet, & ubi punctum C attigerit, non versus Z pergat, sed versus D retorqueatur; eo quod materia cælestis illam eo propellat, & veluti *vehiculum* transferat.

ARTICULUS NONUS.

De Solis & Fixarum maculis.

Sollicet, libero oculo deprehensus, splendidus videatur, vultumque uniformem præ se ferat, admotò tamen *Telescopio* ex duabus lentibus convexis fabricato, tantâ corporum lucidorum umbrosorumque diversitatem exhibet, ut quodam quasi *damasceno encausto opere* variegata appareat. Uti ex celebri *Scheineri* *Gassendi* refert.

I.
Sol per
telescopium
obscurus
& um-
brosus
apparet.

Tam varia in Corpore Solari commistio, non à lentibus vitreis, ut quidam finxere, producit, quæ forte ob suam impuritatem, oculis *umbras* ingerunt, & proprias notas impertiuntur: quia iis circumductis, non pariter illæ removentur, sed eundem inter se

cias ibit, nisi qui ejus naturam penitus ignorat. Quod autem de *Spiritu vini & pipere* adferunt, non tam in illorum, quam nostram rem facit, quum illa calida esse percipiuntur, nisi in illorum partibus, subtilis materia, primo motum exitet, & illas à se invicem disjungat. Solis verò particulæ in perpetuo sunt motu, & quamvis ultra terminos, quibus includuntur, non excurrant, situm tamen variant, & ad partes diversas feruntur.

II.

*Cur Sol
sphæri-
cam ha-
beat figu-
ram.*

Sol libero oculo intuenti sphæricus apparet, præsertim si oculus eximio *telescopio* muniatur, cujus vitrum concavum, diluto aliquo liquore, exempli causa, *Janthino* tingatur; quippe tunc non disci duntaxat, ut antea, figuram referet; sed totius sphærici corporis convexum detegit.

Hujus phænomeni ratio est, quod materia primi elementi, quæ Solis Corpus componit, ab illius centro, omni ex parte recedere conatur, & æquali nisu circumjacentem materiam premit. Nam *natura lex* est, ut corpora, quæ circulariter moventur, à centro circuli, quem describunt, quantum in se est, recedant, & per amplius spatium dilatari contendant: ac proinde loca post se relinquant sphærica, ab alia subtiliori materia replenda. Cumque etiam *Vortex*, in quo Sol formatus est, à circumambientibus aliis vorticibus undique prematur, & à motu suo per lineam rectam persequendo impediatur, necessum est, ut *Rotundus* maneat, & aliam figuram nunquam adipiscatur. Ut patet in

Vitro, quod in orbem effingitur, dum transmissus per tubum *Aer*, vitri partes æqualiter premit, & non minus ad fundum, quam in latera protruditur.

Nullam adhuc in sole mutationem mathematiciprehenderunt, quem eadem constare magnitudine, iisdem pollere viribus, cum quibus formatus est, agnoscunt. Quod nonnulli adducunt, ad probandum, igneæ naturæ non esse, cum pabulo non indigeat ad sui nutritionem, & eo deficiente non extinguitur.

III.

Sol sub

eadem

semper

magnitu-

dine &

figura

conspici-

tur.

Licet Sol pro igne habeatur, & iisdem, quibus flamma, videatur defectibus obnoxius, non tamen inde concluditur, pabulo, quem admodum hic, qui apud nos est, ignis, quo alatur, indigere. Nam secundum naturæ leges, quodlibet Corpus, in eodem semper statu permanet, donec à peregrino agente inde deturbetur. Unde patet Ignem, cum fluidæ ac mobilis sit naturæ, facile supra terram à circumjacente materia arripi ac destrui, & proinde ipsi alimento opus esse, quò amissa refarciat, & dum aliquidejus materiæ evanescit, altera in ejus locum substituatur. Tali autem definendi genere Sol non periclitatur, cujus ruinam non ita vicinæ Cœli parte machinantur, nec ita ad ejus destructionem conspirant. Aliquo tamen pabulo eget, ut uns semper esse existimetur, sed illud ipsissimam primi elementi materiam esse dicimus, quæ sicut per *Eclipticam*, sive loca à polis solaribus remota elabatur, ita nova semper materia, in

solem per *polos* ingreditur, & ad locum similis
abeuntis, perpetuo accedit. Unde sicuti *flum-*
men, idem semper manere dicitur, si Aquarum
substitutione reparetur: ita Sol, novæ ma-
terię ingressu, idem perseverat, & eandem
molem, eandemque figuram semper tuetur.

IV. Sol horizonti proximus major apparet,
quàm ab eo diffitus, dum scilicet, circa me-
ridianum in Cœli vertice versatur: quippe
tunc altior, evectiorque esse concipitur.
Hujus deceptionis ratio, à radiorum re-
fractione pëtitur, quæ in vapore rorido per-
agitur, quorum inflexio, angulum visorium
dilatat, & rei magnitudinem auget. Quia
cum vapor non nisi modicum supra Horizon-
tem evehatur, in cujus tamen plano maximè
extenditur, fit, ut radii solares plures hinc
& inde, quàm sursum coeant, efficiantque,
ut longior Solis *diameter*, quæ tunc cernitur,
plano Horizontis parallela reddatur. Sol au-
tem circa meridianum in Cœli vertice eve-
ctior apparet, quoniam radii, qui à Sole pro-
ficiscuntur, cum per diversæ raritatis Cor-
pora, cœlum scilicet *athereum* & *Aerem* per-
transeant, versus perpendicularem, hoc est,
illum, qui à Sole ad centrum *Atmosfera* ten-
dit, refringuntur, ac proinde maxima refra-
ctione in oculum incidunt. Quo fit, ut
oculus multo evectiorem esse Solem, quàm re-
vera sit, apprehendat. Oculus enim objecti ma-
gnitudinem metitur, secundum lineam re-
ctam, quæ ejus retinam ultimo attingit. Ac-
cidit quoque, quòd radius, qui à puncto *At-*
mosfera

atmosphere, in quo refraction fit, & ad oculum continuari intelligitur, non ad Solem terminetur, sed aliquanto supra illum porrigatur; quod occasionem Sensui præbet, illum altiorē, quàm sit, apprehendere, & loco eminentiori contineri.

Sol præsertim circa ortum & occasum tremulus conspicitur, & veluti vertiginem patetetur, circa proprium axem circumduci, & aliquo modo subsultare apparet. Unde Claudianus primo de Stiliconis laudibus:

Tunc & Solis equos, tunc exultasse choros

Astra ferunt.

V.
Circa ortum & occasum Sol tremulo & subsultante apparet.

Quam ob causam, inter plebeios receptum est, die paschalis eam undulationem attentius circa vesperam observare; quod credant omnia creata eo die, ob Domini Resurrectionem, exultare, & Solem peculiari quodam gestu, lætitiā suā testari.

Quidam hunc effectum Solis *turbationi* assignant, quasi ejus lumbus revera tremulo motu concutiatur, & ita circa axem suum volvatur, ut quandam palpitationem pariat. Sed id falsum esse deprehenditur, quòd motus Solis circa centrum suum insensibilis sit, & non nisi post repetitas observationes deprehendi queat. Causatur igitur hic apparentis tremor ab interpositis vaporibus, qui calore agitati, tremorem quendam præ se ferunt; ac proinde eos trajicientes radii, eo modo oculi retinam concutiunt, ut subsilire Sol, & tripudiare videatur. Eo plane modo, quo Sol in *charta*, aut *pariete* cernitur, si lucer-

næ fumi ejus radios intercipient, & medium inter illos locum occupent. Vel quo *lapis* in fundo fluminis quiescens, & superfluentis Aquæ cursum tremere cernitur, & quandam vertiginem habere.

ARTICULUS SEPTIMUS.

De Stellis fixis.

I.
Stelle fixæ propria luce fulgent.

Stellæ fixæ scintillant, eamque vibrationem præ se ferunt, qua Sol emicat & propria luce fulgere deprehenditur.

Hujus ratio est, quod Stellæ veluti tot Soles in suis vorticibus sint, qui ex materia fluidissima constant, quæ circa centrum suum summa velocitate gyratur: Unde fit, ut materiam illam, quæ ab Astris ad oculos nostros continuata extenditur, premant, efficiantque, ut eam *pressionem*, quam *lumen* appellamus, sentiamus. Id stellarum à Sole distantia confirmat, quæ tanta est, ut iis illuminandis Sol nullo modo sufficere possit. Nam si Sol inter fixas existeret, non major nobis esset appariturus, quam illorum minima; & vicissim si *Canicula*, exempli causa, quæ inter Fixas minima numeratur, ex orbe suo eriperetur, & Solis locum occuparet, haud dubium est, quin & magnitudine & luce Soli æqualis videretur. Ex quo colligitur, non satis virium suppetere, ad lumen Stellis impertiendum; ac proinde propria luce fulgere, nec ulla Astra illis quicquam fœnerari.

Multa

Multæ stellæ in suis locis non conspiciuntur, imo interdum contingit, ut una& eadem in locis diversis appareat.

Id à Stellarum vorticibus, qui Cœlum nostrum circumstant, provenit: Quia cum angulosas superficies habeant, non ita inter se aptari queunt, quin radii à Fixis venientes, & in illas incidentes, varias refractiones patiantur: Unde fit, ut ex Terra, tanquam in locis, in quibus revera existunt, non videantur, sed tanquam in locis superficiei nostri *Vorticis*, per quæ transeunt illi radii, qui ad Terram perveniunt. Cum vero illa loca, ab eo tempore, quo ab *Astronomis* observata sunt, immutata fuisse non deprehendantur, dicuntur Stellæ fixæ, eundem semper inter se situm servare, & in eadem regione collocari. Unde *Macrobius*: *Ecce vergilia neque à sui unquam se copulatione dispergunt, nec Hyadas, quæ vicina sunt, deserunt; aut Orionis proximam regionem relinquunt. Septentrionem quoque compago non solvit. Anguis, qui inter eos labitur, semel circumfusus non mutat amplexum.*

Eiæ non nisi noctu deprehenduntur, & interdiu Hominum oculos fugiunt.

Lux fixarum die extinguitur, quoniam radii Solares ad Terram appulsi, & mox ab eadem per aera reflexi, majori virtute pollent, fixarum radiis obluendi, quam ut illi oculos nostros ferire queant. Unde fit, ut quanto Oculi Soli vicinior extiterit, tanto minus sit Fixarum lumen excepturus: quoniam illarum vires Solis occurso languescunt ac

II.

Quomodo stella apparent in his locis, in quibus non sunt.

III.

Cur stella non nisi noctu redduntur conspicua.

multa secula visa non fuerat. Fit autem *macularum* dissolutio, dum *vortex*, qui maculas ambit, majori impetu *Vortices* vicinos premit, quam ab illis impellatur; quia tunc, limites suos latius diffundendo, efficit, ut materia primi elementi, quæ ex aliorum vorticum *eclipticis* egreditur, ad tenebrosam fidus majori copia affluat, aut ita supra maculam, qua tegitur, se diffundat, ut in globulos cœlestes impressionem faciens, vim luminis in oculis imprimat.

Stellæ nonnunquam in *Cometam*, & *Planetam* degenerant, & propriis radiis exutæ aliorum duntaxat corporum lumen remittunt.

Ratio hujus phænomeni ex præcedenti deducitur; quippe ubi Sidus omnino maculis obductum fuerit, & vi materiam secundi elementi propellendi fuerit destitutum, contingere potest, ut ejus *vortex* à cæteris vorticibus gyrationem obtineat, & ita à propinquo potentior absorbeatur. Absorpto autem vortice *Stella* maculis undique involuta, & in Alium Vorticem transacta, vel ulterius pergit, & in alium vorticem propellitur, & fit *Cometa*. Vel ob minorem ejus soliditatem, infra illum terminum descendit, & certam à *Stella*, quæ illius vortice centrum occupat, distantiam servat, & in *planetam* fatiscit; quæ circa illam continuo volendo, lumen ejus reflectit; & ita fit, ut Corpus, quod antea lucidum fluidumque erat, macularum accessu, duritiem adipiscatur, & durum solidumque evadat.

V.

Stella aliquando in Cometam vel planetam degenerat.

ARTICULUS OCTAVUS.

De Luna.

I. **E**Adem semper Lunæ facies Telluri ob-
 jicitur, nec adhuc ullo *Telescopio* depre-
 hendi potuit, ejus Corpus fuisse inversum
 & à priori situ recessisse.
 Id provenit, quod parse ejus à Terra remo-
 tior, magis *solida* sit, hoc est, plus materia
 tertii elementi in se contineat, & pauciores
 meatus habeat, qui materia primi & secund
 elementi occupentur. Constat enim Cor-
 pora solida à centro vorticis, in quo gyran-
 tur, longius recedere, quàm ea, quæ minus
 densantur, quæque pluribus foraminibus
 excavantur: Quoniam vim majorem ha-
 bent ad motum suum continuandum, & in
 eo statu remanendum, in quo prius posita
 sunt, ut in *Auro, plumbo*, & aliis metallis no-
 tari potest, quibus major est propensio, ad
 impulsus retinendum, quàm *lignis & lapidibus*
 ejusdem magnitudinis ac figuræ. Eadem igitur
 nobis Lunæ facies semper obvertitur,
 quoniam illa, quæ ex terra lumen reflectit,
 minus solida est, minusque tertii elementi
 materiæ includit: ac proinde minorem am-
 bitum requirit, in quo spatietur. Quod vero
 Lunæ pars illa, quæ Terram spectat, sit *rarior*,
 minusq; soliditatis habeat, quàm alia superi-
 or, probant *Areola, macula & umbra*, quæ illam
 intercipiunt, quæ, cum solis radios transmit-
 tant, tenebras pariunt, & obscurum corpus
 efficiunt.

Luna

Luna in omnem partem splendorem suum diffundit, & ita illum reverberat, ut in unum radii non coeant, sed sparsim remittantur, & undequaque projiciantur.

II. *Luna ab omni parte radios in terram remittit.*
 Illud scabra lunæ superficies, & umbellis permixta efficit; quæ receptum lumen dilatat, & omnibus illam intuentibus se lucidam exhibet. Aspera enim Corpora ex multis superficiebus componuntur, quæ ita dispositæ sunt, ut multæ in hunc, aliæ in alterum locum radios reverberent. Si vero Luna, quam sphaericam omnes philosophi admittunt, tersa foret, & speculi convexi instar, polita, non ex omnibus suis partibus, sed ex uno duntaxat puncto lumen versus spectatorem remitteret, ac proinde non tam conspicua, quàm invisibilis dici deberet. Quia licet Hemisphaerium totum esset Solari lumini expositum, non tamen nisi minima Lunæ pars certi spectatoris oculis lumen ingereret, quod ob suam tenuitatem, ingentemque ab eo fidere distantiam, necessum esset extinguere, priusquam ad eos oculos pertingere quiret.

III. *Sole lucente Luna discus minor quam noctu apparet.*
 Solis lumine per Aerem diffuso, Luna minor quàm noctu conspicitur. Quod Telescopio expertum se Gassendus testatur; qui deprehendit Lunæ discum, pleno orbe lucens, nocturno tempore, diametro quinque minutis ampliozem. Quod etiam familiarius quis experiri poterit, si Lunam, dum primum fit vesperi conspicua, contempletur, sole adhuc radiante: quippe tunc falx ejus adco

adeo tenuis apparebit, ut exiguo duntaxat filo circumducto videatur: Sole vero penitus delapso, fit latior, prout tenebræ sparguntur, & densiores evadunt.

Hoc luminis incrementum, non ipsi Lunæ disco adscribendum est, quasi corpus Lunare radios ex se emittendi vim habeat, & illos noctu dilatandi: sed solum, quod Æther, materia illa aeri nostro analogă, quæ Lunam circumdat, à radiis Solaribus, quos illa remittit, illuminetur, & idem luminosum cum ipso Sidere conficiat; quia quum illi intime iungatur, ad eundem circulum putatur pertinere. Admoto autem Telescopio, facile aduterinum illud lumen deprehenditur, cum id spatium, quod radiari æstimatur, obscurum appareat, & ab arcu partis luminosæ nullo modo attingatur. Alienum autem à Ratione videtur, rem *libero oculo* aspicere, quam *Telescopio* non licet.

IV.


*Cur Luna
ciliis
quam
Terram
æquatur.*

Luna & quæ in peculiari vortice A B C D Terram T ambiente volvitur, duplo celerius circa Terram movetur, quàm Terra circa axem suum. Quippe Luna sui cœli A B C D circumferentiam, quæ Terre T Ambitum sexagies superat, percurrit, dum Terra tricies tantum circa suum axem motu diurno circumfertur.

Quanquam nonnulli gloriantur, se huius phænomeni rationem reddidisse, nulla tamen mihi videtur assignari alia posse, quàm ipsius lunæ parvitas. Nam cum non minus Terra, quam ipsa Luna, ab eadem cœlesti mate-

mate-

materia moveatur, nulla causa fingi potest
 majoris in Luna velocitatis, quàm quòd Terra
 minor existat. Ea enim est corporum, quæ
 noventur, regula; ut dum unum duplo cele-
 ius, quàm alterum movetur, & hoc alte-
 um, duplo majus est, quàm prius, tantum-
 lem motûs in minore, quàm in majore repe-
 riri: & quanto unius motus lentior fit, tan-
 to motum alicujus alterius, ipsi æqualis, cele-



riorem fieri. Cum autem Lunæ & Telluris
 T celeritas à materia cœlesti fit, quæ præ-
 ter propter eadem est juxta Terram, ac juxta
 Lunam, deberet Terra duplo celerius convol-
 vi, quàm convolvitur, ut circiter sexagesies
 circu-

circulum suum absolveret, eo tempore, quo Luna semel percurrit suum *ABCD* sexagesies majorem, ni magnitudo impediret.

V.

Luna celerius in motu suo circumplevit, quam in aliis suis phasibus.

Luna non semper æqualem in cursu suum tenorem servat: Quippe cum *Soli* primò conjungitur, vel ei ex adverso *opposita* impletur: sive cum *nova* est & *plena*, celerius movetur, quàm in aliis suis phasibus.

Hujus inæqualitatis causa ex ejus peculiari cœlo *ABCD*, desumitur, eo quòd ejus circulus non perfecte sphaericus est, sed ad ellipsis figuram accedit. Cùm autem globuli secundi elementi, qui in ambitu *ABCD* continentur, motu & magnitudine differant, & soliditate alii aliis præstent, necessum est, ut, qui solidiores sunt, liberius versus *A* & *C* quàm versus *B* & *D* se diffundant, & ita figuram ovalem sive *ellipticam* conficiant. Ex quo fit, ut cœlestis materia lentius inter *A* & *B*, quæ est pars cœli ambitus latior, moveatur quàm illa, quæ est inter *B* & *D*, quæ angustior est. Rationi enim consentaneum est, ut materia *planetam* deferens, lentius in spatio latiore fluat, & in angustiore celerius. Id in *fluminibus* experiri licet, quorum aqua eo celerius decurrit, quo constrictior fuerit alveus, & eo tardior, quo amplius diffunditur.

VI.

Quomodo Luna in Terram non decidat.

Una circa hæc *phenomena* difficultas oritur: Si enim *Luna* ob suam parvitatem, celerioris motus capax est; quomodo fit, ut dum à cœlesti materia eam ambiente deferretur, Terram versus non descendit, & relicto circu-

circu-

circulari suo motu, dum ad C pervenit, non ad Z potius declinei, quàm sursum denuovehatur.

Ad hanc difficultatem faciet, si confideremus Lunam materiæ cælestis motum omnino sequi, quamvis non omnem ejus celeritatem obtineat. Cum enim Terra & omnis materia cælestis, quæ in vortice ABCD continetur, circa centrum T volvatur, necesse est, ut Luna, quæ ab illa cælesti materia circumducitur, cursum suum versus centrum Terræ T continuet, & ubi punctum C attigerit, non versus Z pergat, sed versus D retorqueatur; eo quod materia cælestis illam eo propellat, & veluti *vehiculum* transferat.

ARTICULUS NONUS.

De Solis & Fixarum maculis.

Sollicet, libero oculo deprehensus, splendidus videatur, vultumque uniformem præ se ferat, admotò tamen *Telescopio* ex duabus lentibus convexis fabricato, tantâ corporum lucidorum umbrosorumque diversitatem exhibet, ut quodam quasi *damaſceno encausto opere* variegata appareat. Uti ex celebri Scheinero Gassendus refert.

I.
Sol per
telescopium
obscurus
& um-
brosus
apparet.

Tam varia in Corpore Solari commistio, non à lentibus vitreis, ut quidam finxere, producitur, quæ forte ob suam impuritatem, oculis *umbras* ingerunt, & proprias notas impertiuntur: quia iis circumductis, non pariter illæ removentur; sed eundem inter se

se situm retinent, & ad quamlibet *Vitri* circumductionem, immotæ remanent: Imo qui uno die versus *orientem* sunt, in sequentibus promoventur, & versus *Occasum* apparent. Oriuntur igitur hujusmodi Solares maculae à particulis striatis, quæ ejus polos ingressæ ad centrum confluent, ubi propter irregulares suas figuras, quas triangularia spatia transeundo acquisierunt, motui subtiliori materiæ, quæ in ejus centro volvitur, oblique non valentes expelluntur, & spumæ ad instar, ab effervescente liquore extruduntur. Ibi cum figuras *angulis* asperas habeant, tardiusque cæteris, quæ cum Solè circum aguntur, gyrent, facile implicantur, & in magnas moles assurgunt, quæ Soli contiguæ, illiusque faciei incumbentes, illum tegunt, & caligine obruunt.

II.

Cur interdum
maculae
rum extrema
fulgida
sint, & medium
obscurum

Extremæ macularum partes, nonnunquam fulgent, coloresque referunt; cum interim earum medium opacum est, & nullis radiis pervium.

Id à materia Solis maculas ambiente provenit, quia licet forte omnes macularum partes æque stipatæ sint in initio, & pari nisu luminis vim obtendant, contingere tamen potest, ut in *circumferentia* prius, quam in *medio* extenuentur, & in acutum postmodum desinant: sicque lux Solis per hos margines refracta, colores exhibet, & ad oculum dilabitur. cum interim obscura, pars illarum media maneat opaca, & radiis Solaribus impervia. Quoniam subtilissima materia, quæ

in Sole, aut in quacunque alia fixa dominatur, non satis virium habet, ad actionem suam transmittendam, & omnis ejus *igor* mollium partium occurſu frangitur, aut ſi forte globuli cœleſtes, materiæ primi elementi impetu, in orbem circumacti, à centro recedere nitantur, & luminis actionem oculis imperiri, ea tamen impulſio non ſatis valida eſt, ut *Senſum* afficere poſſit, niſi continua adſit *Solis*, aut *Fixa* preſſio, quæ hanc reluctantiam ſuperet, & ad actionem recipiendam diſponat.

III.

Solis maculæ in partibus *Eclipticæ* vicinis potius, quàm verſus ejus *Polos* deprehendi ſolent, ut teſtantur Mathematici pene omnes: quorum aliqui ita exacte earum progreſſum deſcribunt, ut aſſerant maculas per Solis diſcum viis non omnino ad *Eclipticam* parallelis, ſed cum inclinatione ad illam, *trium* circitur *graduum* cum ſemiſſe incedere.

Macula Solis circa eclipticam potius, quam circa polos conſpiciuntur.

Hujus apparentiæ cauſa eſt, quod licet minutiæ illæ, ex quibus *macula* componuntur, dum ex aliorum *vorticum Eclipticis* adveniunt, ſatis actionis habeant, ut Solis polos pervadant, atque ad ejus *Eclipticam* ferantur; poſtquam verò ſubtiliſſimæ Solis materiæ permiſcentur, cum tantam agitationem reſugiant, communique ejus motui obſequi non poſſint, tanquam rebelles verſus cœlum, in quo minor eſt motus, expelluntur: Ut antehac de *ſuma* dictum eſt. Cur autem verſus *Eclipticam* potius, quàm verſus *polos* excutiantur; id ex eo potiſſimum provenit, quod

nova materia, quæ per polos Solem in descen-
 nenter ingreditur, particulas striatas, alias-
 que omnes, quæ sibi facile connectuntur,
 extrudat, & versus superiora propellat. Res
 exemplo manifestior reddetur, si duo flumina



ab oppositis regionibus fluere supponantur,
 quorum unum ab A versus S, & aliud à B ver-
 sus idem S feratur, quorum Aquæ sibi in S
 occurrentes, & sese propulantes, vim pa-
 rem habeant magnam fossam DEFG exca-
 vandi, in qua simul mixtæ torqueantur, &
 peractis aliquot circulis versus M & Y efflu-
 ant. Supponatur præterea, mutuo aquarum
 con-

concussa, spumam generari; quæ vortici superfici S innatet, & aquarum motum sequatur: nullo negotio capiemus, hanc spumam non posse ad A aut B tendere, id est, versus polos, sed completis aliquot supra aquam S vorticibus, inde versus M & Y, hoc est, versus *Eclipticam* debere effluere.

Maculæ Solis nonnunquam in *faculas* degenerant, & illæ partes, quæ antea obscuræ caliginosæque videbantur, lumen induunt, & splendidæ apparent. E contra *Facula* in *Maculas* interdum abeunt, & in atras Solis partes convertuntur.

IV.

Macula
solis in-
terdum
in facu-
las abe-
unt & a
contra,

Hujus mutationis causa à Solis ebullitione procedit, quâ aliquas corporis sui partes ejicit, & easdem mox resorbet. Maculæ enim in *Faculas* abeunt, dum Solis materia, circa illas fluendo, supra earum extremitates evahitur, in quas vires suas exercendo, illam actionem elicit, quam, ad oculos nostros productam, *lumen* vocamus. Nam cum Solis materia, inter ipsas maculas, & cœli vicini superficiem intercipiatur, ob loci angustiam, redditur motus celerior; unde sequitur Solis lumen aliquanto intentius esse debere. Quemadmodum in *fluminibus* experimur, quorum rapiditas magis increseit, fitque valentior, quo arctiora sunt loca, per quæ transeunt, & magis interjecta lapidibus vada, quæ prætergrediuntur. Faculæ autem in *maculas* convertuntur, & quæ lucidiores erant Solis partes, obscuræ redduntur, quando subtilior illa materia, quæ earum super-

ficiibus incumbibat, à Sole absorbetur, cui magna novæ materiæ Copia, ex alia parte succedens, ejus particulæ sibi ipsis adhærentes, densum corpus efficiunt.

Quomodo Sol aliquando per dies multos absque luce fuerit.

Memoriæ proditum est, Solis lucem multoties fuisse interceptam, & ita paulatim defecisse, ut non multo Lunæ splendorem excederet. Imo referunt *Histori*, *Plinii* tempore per duodecim Dies quæsitum esse Solem: Et Constantino excæcato, per septendecim non fulsisse, non nisi tenebras, eo temporis intervallo *Telluri* incubuisse.

Hanc obnubilationem non in quicquam aliud, quàm in *maculas* referri posse existimo; quæ in Solis superficiem irrepsérunt, & illius lucis diffusionem impedierunt. Nam licet maculæ, dum primum coagmentari incipiunt, mollia admodum ac rara sint Corpora, quæ vim materiæ subtilissimæ frangere queant, continuo tamen Solaris substantiæ, cui contiguæ sunt, concussu lævigationem & duritiem acquirunt, alia interim earum superficie, quæ cælo obversa est, eundem mollietis & raritatis gradum, quem primo habuerunt, retineant. Ideoque illas non nisi difficulter dissolvi, ex eo quod Solis materia interiorem earum superficiem lambat; sed contra potius semper augeri, quam isti earum margines, qui supra Solis superficiem eminent, ejus materiæ occursum non obdurantur, atque densantur; ac proinde mirum non est, cum hoc contingit, si una & eadem macula ita supra Solis superficiem diffundatur,

datur, ut ibi per dies plurimos, imo menses aliquod, ejus lucem intercipiat, & *Diei fidus*, in medie *diei* quærat.

ARTICULUS DECIMUS.

*De maculis in Orbe Luna appa-
rentibus.*

Duplicis generis maculæ in Luna perci-
piuntur; quædam *perennes* sunt, quæ à pri-
ma rerum origine per ejus Corpus fluxere, I.
Quid per-
petua &
tempora-
ria ma-
cula in
Luna.
atque ita putantur ipsi adhærere, ut nunquam
non faciem ejus discolorem efficiant: Aliæ
Temporaria sunt, quæ tantum ejus superfi-
ciem veluti libant, & post modicum temporis
disparent & extinguuntur; *perpetua*, & quæ
Lunam aspergere semper videntur, atrum
semper & fuscum colorem retinent, & quo-
modocunque Soli obiciantur, longe cæteris
obscuriores sunt.

Hoc phænomenon magnam nostrò orbi
ac lunari affinitatem intercedere arguit, at-
que similia in utroque reperiri corpora. Quip-
pe tam constantes in Luna *maculas*, nihil aliud
esse suspicari possumus, quàm *maria*, quæ
ejus superficiei incumbunt, & per ejus glo-
bum diffunduntur: Constat enim lumen ab
Aquis reflexum, multo debilius esse, quàm
quod à *Terra* aut solida alia materia remitti-
tur, uti in *mari* nostro cernimus, quod non
albicante, sed cæruleo colore perfunditur.
Imo videmus res albas, humore affuso, ob-
scuriores effici, & non nihil ad nigrorem ac-

cedere. Aliquid *aqua*, (ut Galilæi exemplo utar) in pavementum effundatur , ut pauci inde lateres humefiant , videbimus lateres perfusos præ aliis opaciores reddi , & luminis vim debilius reflectere : quoniam illa perfusio laterum meatus opplet , efficitque , ut eorum superficies *plana* reddantur , è quibus reflexi radii uniuntur , & non nisi versus unum locum pergunt. Cum verò ex superficie convexa minor semper radiorum portio , quàm ex plana resultet , lumen , quod ex lunari superficie ad oculos nostros reflecti potest , adeo tenue est , tamque exiguo robore præstat , ut , recta suppositione habita , non quaterdecies millesima diametri lunaris efficeat.

II.

*Quæ est
causa
arctuum
lucidarum,
per quæ non
semper
in Luna
appa-
rent.*

Luna quasdam partes cæteris lucidiores ostendit , quæ ita acriter oculos nostros feriunt , ut ab aliis , quibus imminet , sejunctæ ac separatæ videantur. Unde Gassendus : Cum Luna recens est , & sub tertium aut quartum dæm : observare plerumque licet , ultra cuspitem inferiorem , tanto intervallo , quanta est pars circumferentia circiter vigesima septima , punctum quoddam lucidum , ac etiam aliquando aliud , tertiumque alterius , ipsis interstitiis nondum illustratis.

Qui nostra ætate Telescopio cœlestia explorant , ambigere nequeunt , montes in orbe lunari reperiri , cum illic summatum dorfa , satis dilucida intueantur , quæ umbram densissimam spargunt , eamque majorem aut minorem , prout illæ eminentiæ magis aut minus à confinio removentur , quod illustratam

Lunæ

Lunæ partem, ab obscura ac caliginosa separant. Deprehendunt utique tales umbras decrefcere, prout irradiatio augetur, donec penitus elabantur, & luce per totum *hemisphaerium* diffusa, nulla earum nufpiam appareat. Postmodum ubi *lunares radii* in aliud pervenerint, eadem illa cacumina, quæ in priore observata fuerant, iterum occurrunt, & umbras sed modo contrario projiciunt. Quæ apparitiones evidenter probant fuos etiam montes Lunam habere, quorum juga, à Solis radiis illustrentur, magnamque lucem præ se ferant, humillioribus interim ejus partibus obscuris, & ad nigrorem vergentibus.

In Luna, circa diem sextum versus partes occidentales, *Homuncionis* cujusdam vultus deprehenditur, qualem ferme pictores *Thersites* tribuunt, lata fronte, naso curvo, ore patulo, atque oculis intra cavitates suffosis.

Totum hoc monstrum plures *maculae* conficiunt, quæ intra nominatos cuspides deprimuntur. Cum enim montes, qui in Luna deprehenduntur, nostros altitudine multo excedant, magnas umbras projiciunt, quibus illorum interstitia obscura redduntur, & macularum instar ejus partibus inhærentium apparent. Illud in partibus *montosis*, quæ semper nudis sterilibusque Agriis obscuriores videntur, quoniam plurimum umbræ Arboribus interjicitur & Corporum objectu, radii, ne ulterius pergant, impediuntur. Ita in Luna, cum non scopuli modo, & aggeres, sed excelsi etiam montes detegantur, talis

H. I.

Unde ori-
tur in Luna
na Vul-
tus desor-
mis.
qui circa
diem sex-
tum de-
ducit.

fieri potest umbrarum, inter illos projectarum dispositio, ut quædam *Homuncionis* *nasum*, *alia frontem*, nonnullæ *oculos & labra* referant. Quæ ubi inter se quis comparaverit, & tanquam unius vultus partes perpenderit, illiberalem quandam *Homuncionis* faciem sibi repræsentabit, haut multum à vultu *Thersidis* abhorrentem. Quippe haud dubium est, planas *Lunæ* partes, quæ montibus interponuntur, caliginosas esse, nullumque ad nos lumen reflectere, ac proinde maculas quæ, nobis deformis cujusdam vultus partes referunt, non ab ipsis montium cuspidibus provenire, sed illorum potius interstitiis esse tribuendas, inter quæ umbræ projiciuntur.

IV.

*Luna
crescens
cur denticulata
apparet.*

Si *Luna*, dum crescit, tubo optico inspicatur, *serrata* quodammodo & *denticulata* apparet, quasi in ipsa partis luminosæ confinio, aspera quædam & inæqualia Corpora faciem ejus terminent.

Causa est, quod *Sol* tunc primum oriens, & radios suos transversum duntaxat vibrans, ad regionem oppositam umbras producat. Unde si umbræ sectio maxime inæqualis est, ob montium varietatem, in quos *Solares* radii feruntur, *Lunæ* facies *serrata* exurget, & *denticulata* apparebit.

V.

*Cur Luna
in plenilunio
tota nitet,
discernatur.*

In *Luna*, dum in orbem circumducta plena conspicitur, nullæ umbræ, aut maculæ cernuntur: imo quædam ejus partes, quæ nigræ erant, dum cum *Sole* congregiebatur, in plenilunio nitescent, & in candidissimas convertuntur.

Ratio

Ratio est, quod, quicquid nobis tunc temporis Luna detegit, à Sole illuminetur, qui ipsi ex adverso oppositus, omnes ejus abstrusiores recessus irradiat. Aut si aliquæ ejus partes, ratione de vexitatis, deprimantur, solisque aspectum fugiant, illæ, à ceterioribus partibus, quæ nobis & illis obvertuntur, teguntur, & in conspectum nostrum, eo tempore, non veniunt. Accedit etiam, quod illa intervalla, quæ antehac umbras patiebantur, non solum directos in plenilunio Solis radios excipiant; verum etiam ex ipsis montium lateribus remissos, quibus ad nos reflexis, omnia in lunari orbe candida, & luce offusa apparere necessum est.

ARTICULUS UNDECIMUS.

De Cometis.

Cometæ nullam certam Cœli plagam per-
meant; sed modo in *hac*, modo in *altera*, I.
*Cometa
diversam
celi pla-
gam per-
currit.*
cursus suos ordiuntur & perficiunt. Qui-
dam enim, Sole oriente, alii deficiente, na-
scuntur. Is, qui anno millesimo quingente-
simo octogesimo quinto, in conspectum no-
strum venit, pene Soli adversabatur, & direc-
tè ejus radii tantum non excipiebat: cum
interim alius anni millesimi sexcentissimi
septimi, ad *ursam* primum visus est, Sole per
hybernium *Tropicum* versante.

Harum apparitionum causa clare inno-
tescet, si advertamus *Cometas* potissimum
I s oriri,

oriri, dum Sidus maculis obducitur, & immo-
to illius *vortice*, in alios vicinos distrahitur &
absorbetur. Cum id verò, in qualibet Cœli
regione contingere queat, potest Cometes
modo unam, modo alteram partem permea-
re, nec ulla esse, per quam non possit, co-
pacto, aliquando transire.

II

*Cometa
semper
sub ea-
dem ma-
gnitudi-
ne conspi-
ciuntur.*

Cometæ maximè à nobis distare viden-
tur, adeo ut (si nonnullis credimus) adhibi-
to *Telescopio*, non augeantur, sed eandem sem-
per magnitudinem referant, seu optico tu-
bo, seu *libero oculo*, explorentur.

Quidam recentiores autumant, *Cometas*
non multum ultra Aerem nostrum gigni, at-
que ita eius circumgyratione deferri, ut non
nisi raro supra Lunam evehantur. Alij vo-
lunt, Cometas ex materia ætherea procrea-
ri, quam fingunt in orbiculares quasdam
moles concreescere, quæ ætheris motu agita-
tæ, & radiis Solaribus ictæ, in Cometas eva-
dunt, qui pro diversa loci ratione, modo in
Austro, modo in *Borea* videntur. Sed hæ opi-
niones facile falsitatis convincuntur, si per-
pendatur, unum Cometam eodem tempore à
diversi spectatoribus, longissimo etiam terra-
rum intervallo, diffitis deprehendi, qui ta-
men nullam *parallaxim* ipsis exhibeat. Quod
tamen necessum est accidere, si Cometæ in
Aere nostro versentur, & supra ætheream au-
ram non assurgunt. Maximè igitur Cometæ à
nobis abesse *Telescopio* deprehenduntur,
quod ultra Cœlum nostrum evehantur, sive in
imēsa illa distantia collocentur, quam inter

Saturum & Fixas esse supponimus. Nam Cometæ tam immania sunt corpora, tantoque impetu feruntur, ut vastum illud spatium, ad omnes suas excursiones absolvendas, requirant: neque adinveniri alia loca queant, quæ commodius illorum motibus inservire possint.

Cometæ brevi tempore deficiunt, & intra paucos menses aut dies, è conspectu nostro evanescunt. Unde *Plinius* longissimum non nisi *centum & octoginta dierum* esse asserit: cum is, qui sub *Nerone* visus est, quique longissimi ævi ab Astrologis est habitus, *sex* duntaxat *mensēs* conspicuus fuit: cum interim, vix mediam Cœli partem percurrerit.

Hujus est ratio, quod Cometæ ab uno vortice in alium transeundo, ob suam soliditatem versus circumferentiam propellantur; Et quamvis eandem ubique celeritatem retineant, tamen qui plus agitationis habent, quàm ut à materia vortici, per quem transiunt, cohiberi possint, in alium elabuntur; ito fero modo, quo *navis*, contra fluminis scursum impulsæ, aliquousque fluminis motui obsequitur, inde ramen ad littora appellat: Ita Cometæ modo hanc Cœli partem, modo alteram peragrans, à Cœli centro recedit, & tantum in ejus extremitate vagatur, quo fit, ut intra paucos menses aut dies, nostro Cœlo relicto, ad alios elabatur, qui conspectum nostrum fugiunt. Unde si spatium, quod Cometæ percurrunt, metiamur, invenimus raro ad cœli semicirculum accedente, sæpius non ultra quadrantem extendi, Quam-

III.

Cur Co-
meta ma-
tra pau-
cos men-
ses tra-
hens, non
transit?

Quamvis is, quem *Regiontanus* describit, *Libra* per *septentrionem* decurrens, ad *Arietem* usque pervenerit.

IV.

*Cometa
longe tar-
dius in fi-
ne quam
in initio
progredi-
untur.*

Cometæ circa initia sui motus velocissimè rapiuntur, & non nisi lente in fine procedunt, ut de eo, qui anno millesimo quingentesimo septuagesimo secundo apparuit, referunt *Astrologi*, qui in sui motus principio *quinque gradus* in dies singulos conficiebat, in fine verò, vix gradus unius dimidium.

Ratio hujus à *Cometarum* distantia petitur; nam licet *Cometæ* per vorticum extremitates transeundo, eandem semper celeritatem tueantur; quia tamen ab uno in alterum sensim delabuntur, & à conspectu nostro paulatim recedunt; celeriores sui cursus in initio apparent, quàm in fine. Eo modo, quod si *viatorem* spectaremus æquis passibus progredientem, quàm diu à nobis non multum abest; nullam in ejus gressu differentiam animadvertimus; donec ad certam distantiam promotus fuerit; ita *Cometæ*, quamvis ejusdem sint *magnitudinis*, & fere semper æque celeriter moveri videantur; quam diu in extimis nostri vorticis partibus versantur; ubi verò progressi fuerint, & in alios vortices migraverint, necesse est, ut lentius, ob *elongationem* moveri videantur.

V.

*Unde
cauda &
barba in
Cometis.*

Cometæ passim prolixos diffundunt crines, præsertim in parte à Sole magis adversa; sed modo vario; quippe nonnulli *Caudam* trahunt; Alii *barbam* præmittunt; Aliqui *Rosam* imaginem referunt; capillis in omnes partes dispersis.

Tanta

Tanta phænomenorum varietas à globorum cœlestium diversitate, qui in Cœlo nostro reperiuntur, provenit. Supponimus enim, illos, qui centro nostri vorticis viciniore sunt, minores esse, sed sensim usque ad Saturni orbitam paulatim augeri, ultra quam omnes mole æquales sunt, & pari celeritate circumacti. Cum igitur Cometæ, in extrema vorticis parte ferantur, lumenque suum à sole mutuatum ad nos remittunt, sequitur iminis radios, qui per majores ex istis globulis communicantur, cum ad minores deveniunt, non modo secundum lineas rectas progredi, quibus utpote præcipuis, Cometæ ipse apparet, sed etiam ex parte ad latera refringi & dispergi. Ut si *vas* globulis plumbeis ita repleatur, ut majores minoribus incumbant, facile experiemur, *vase* in fundo perforato, globos superiores, in suo descensu virescunt à minoribus premere, atque illos per vias rectas impellere. Similiter in, Cometis observatur; Quippe quum Sol huic quidem Telluri pene medius sit, ejus radii in Cometam impingentes, & in omnes partes diffusi, *nam* eius procreant. Si vero Tellus à recta linea, qua Solis & Cometæ centra connectuntur, recedat, radii Solis ad nos reflexi, Cometæ *Corpus* seu *Caput* nobis exhibent: si vero ad latus diffunduntur, *barbam* ejus, ita *eandem*. Quæ tales nominantur, prout corpus ejus antecedunt, aut sequuntur. Hujus refractionis exemplum in lapide in flumen

projecto, habemus, qui si perpendiculariter in *Aquam* delabatur, illam æqualiter, in modum vorticis, in omnes partes dispartit, si vero ad summas aquas projiciatur, cum non æque ac recta incidat, non nisi oblique superficiem ejus dividit.

VI.

*An Cometa ali-
quid certi
de mortali-
um ca-
sibus præ-
nuntient.*

Calamitatum præcursores passim Cometae habentur, qui *tempestates, clades famem* portendunt; atque bella *populis, Regibus* interitum pestem *provinciis*, & minantur & adferunt. Vespasiani ævo Cometa ei mortem, si *Jonstani* credimus, prædixit. Alii *Roma* ab *Alarico* captivitatem, miserum *Mauritii* fatum, *Mahometis* perniciem nunciavere. Unus *Carolus Magnus ultimum diem*, Tartarorum in *Silesiam* impetum, & *auricularum abscissionem* indixit.

Jamdudum inter vulgus hæc decantata fuere, & ab iis etiam credita, qui supra alio sapere videbantur. Quæ verò si rite examinentur, nullam cum rebus, quæ contigere nexum habere reperiemus. Nam si Cometae *bellorum, cadum principum, &c.* signa sunt, quorsum illa, absque eorum præmonitionibus, aliquando contingunt? Et Reges moriuntur, invalescit *fames, pestis* per integra Regna grassatur, cum nulli visi sunt Cometae, hæc quidem aliquando præcurrentibus Cometis accidunt, sed sæpius sine illis. Deinde cum Cometae per totam Terram circumeant, & omni mortalium genti immincant, quomodo unius cladem alteri *victoriam* spondent? quæ sit, ut iis Hominibus *salutaria*; aliis *noxia* præfagiant? Cometarum vis fortassis agnosci posset,

posset, si soli Reges interirent, si personas discernere possent, aut magnates duntaxat intuerentur. At cum mixta sint principum & plebejorum funera, quum iidem casus promiscue illos maneant, non plus in hos quàm in mortalium cæteros potentiam habere statuendum est.

Verum dicet aliquis; Constat aliquando hujusmodi sidera *divinitus*, ad aliquid nobis denuntiandum, impendi: Absit, ut id abnegem: sed quo argumento convinci potest, in particularis alicujus apparitione ita fieri? An id *Deo revelante* dignoscitur, ab externis nobis esse cavendum, si ad *occasum* Cometa pergat, & ab internis, si versus *ortum* dirigatur? nihil in nos potestatis habent Cometae, & a dementia aut ignorantia nostra pendet, quod iis terreamur, aut in illis malignitatem esse arbitremur.

ARTICULUS DUODECIMUS

De siderum productionibus.

A Bonnibus ferme hucusque creditum est: *Quomodo de Salpa- ter disci- tur oped- rum na- turalium*
Sidera in hæc inferiora dominari, & diffusa undique virtute, veluti rebus Humanis præsidere. Hinc attributus *Marti* calor, *Frigus Mercurio*, *Luna* Humiditas, quod iis regnare maximè videantur, & subiecta cuncta moderari. Unde *Solem* universi parentem, operumque naturalium effectorem appellant, eo quod videant sublunaria illo præsentem vigere,

gere, illius autem absentia, tabescere, & tantum non emori.

Nonnulli in Sole, necio quas, influentia fingunt, quibus ad rerum productionem quas supra Terram cernimus, concurrunt. Sed revera, si ad Solis actionem attendant nullam in eo, præter *Illuminationem*, reperiri poterunt, & si quas alias deprehendant, eam tanquam ad originem referuntur. Nam quod Sol corpora calefaciat, exsiccet, urat ab *illuminatione* proficiscitur, quæ varios ille effectus, pro diversa subjectorum dispositione, operatur.

I.

Quæ pa-
cto Sol di-
citur cau-
sa humi-
ditatis &
frigidi-
tatis.

Si quis regerat Humorem & Frigus, quibus corpora afficiuntur, à Solis lumine derivari non posse.

Dico illa etiam à Sole ex accidenti provenire, in quantum illius Absentia, humor non amplius discutitur, & extenuatur; ac proinde vapores, magnâ sui copiâ, aut frigore accedente, denuo concreescunt, & humectant.

III.

Quomo-
do Sol fa-
venitatem
& tempe-
stem pro-
ducas.

Sol tempestates & serenitates gignit; unde circa mediam *Sagittarii* regionem, fusis qui constiterant, humoribus, ac Terra illi diluta fecundos *Favoniorum* flatus producit. *Pleiadum Hyadumque* in *Tauro*, & à Septentrione *Hædorum*, à meridie vicini *Orionis*, atque etiam adverso *Arcturi*, extimulat vires, quæ Austri nos flatus exuscitant, & aliquot dierum continuis pluviis condita rigant semina. *Pene-
rus in Astrol.*

Hæc & similia non à Sole, tanquam à causa speciali, proficiunt, sed tanquam à generali, qui cum radios suos quoquo versum diffundat, omniaque corpora promiscue illuminet, non ad hunc potius effectum, quam ad alterum determinatur. Quod si verò in hac terræ parte tempestatem, in alia serenitatem gignat, non tam ipsi, quam partium *lumi ac dispositioni* adscribendum est, quæ ejus radios aliter excipiunt, & iis varie afficiuntur. Quod enim apud nos placidum *ver* sit, *hæc vario nectantur flore corona*, quodque eodem tempore *Antiochia Antipodibusque nostris* igna vit *hyems*, & frigore Terra fluviique concrecant, non à sole pendet, qui constanti tenore *Zodiacum* peragrat, & eodem modo Calorem suum diffundit. Quis dicet tempestates & serenitates ab eo provenire, quum eodem, inquam, tempore, ultra citraque *Æquator* idem sit, & nullam mutationem patiatur? Causa igitur, cur Sol, dum apud nos æstas regnat, lumen suum impertiatur, radiisque suis capita nostra feriat, Terræ situi, quam calcamus, imputanda est, qui nos ab *Antipodibus*, a quod quos *hyems* est, dirimit; non vero ipsi Soli, cui mere accidentarium est, quod illi algeant, dum æstiuamus, aut oblique radios in ipsos emittat, dum nobis perpendiculariter imminet.

IV.

Luna multum ad rerum inferiorum mutationes confert: quippe quæ *ventos impetuosos excitet, tempestates cieat, & constipatos vapores in pluvias redigat.* Illius quoque opem *Ant Luna quicquid dominii habeat in hac inferiora,*

ra, *sata* propagantur, *fruges* maturescunt, & prout incurvata fuerit, aut in gibbum sinuata, *Aquam* allicit, aut dissipat.

Hæc omnia, quamvis profunditatis apud plurimos habeantur, dici tamen potest, sine sufficienti ratione admitti; quoniam non magis procellæ oriuntur, *imber* Terras irrigat, & *planta* incrementa ac progressus suscipiunt, dum Luna Soli exposita est, quàm dum falcata est, aut in occidentem deprimitur; nisi dicatur ex debili suo lumine, quod à Sole haurit, Humorem sciendi vim habere, cui discutiendò cum impar sit, fovere illum & augere dicitur. Sed qualiscumque vis illa sit, immerito illi tribuitur, quæ Soli, tanquam causæ generali, attribuenda est; qui suis radiis omnes Temporum ac rerum vicissitudines producit, quas in Terrarum orbe contingere cernimus. Unde Astrologorum præcepta, ut milium mense *Aprilis* Terræ committatur, dum Sol est in *Tauro*: Et frumenta in *Octobri*, dum, Sole cum *Scorpione* exoriente, *Pleiades* occultantur: uti eleganter primo Georg. describit Virgilius:

— *Milio venit annua cura,*
Candidus auratis aperit, cum Cornibus annum
Taurus; & adverso cedens Canis occidit Astro.
Ac si triticeam in messem, robustaque serra.
Exercebis humum, solisque instabis arvis,
Ante tibi Eos Atlantides abscondantur,
Gnosique ardentes decedat Stella Corona,
Debita quam sulcis committas semina, quamque
Invita properes anni spem credere Terra,

Hinc

Hinc Poetæ, qui cuique rei propria assignant nomina, *Tempestuosum* Orionem appellant, vergilias *pluviosas*, *inferenas* Hyades, quod illæ maria ac Terras imbris ac procellis infestent. Sidera quidem, mutationum tempestatumque signa dici possunt, nullo pacto autem causæ, quasi eorum beneficio fata propagentur, & incrementa accipiant, sed solum tempora designant, quibus Sol frumenti incrementum adjuvat, & fluctus in mari concutiuntur. Ac proinde non majori ratione sidera mutationum causæ dici possunt, quàm *hirundines*, aut similia animalia, quæ suo adventu *ver* instare denunciant, & suo avolatu, imminere *hyemem*. Cum eorum duntaxat sint signa, quibus illa contingereprehenditur.

Canicula summum Calorem excitat, imo interdum adeo maligna est, ut morbos pariat, & diffuso per acrem contagio indiscriminatim pene omnes corripit. Unde Virgilius.

— Aut ferius ardor

Ille fitim morbosque ferens mortalibus agris

Nascitur, & laevo coneristat lumine Calum.

V.

Nullam

sim ha-

bet ca-

nacula

in calore

aut mor-

bis pro-

creandis.

Hoc experimentum eodem modo, quocætera, explicandum est; intensum scilicet illum calorem, non à *Canicula* proficisci, quasi vis quædam illi insit, calidissimis spiritibus excitandis, quibus Corpora inflammentur, aut temerentur: Sed quod hæc *Stella* eo tempore oriatur, quo Sol Terræ vicinus, maxime illam exsiccat, exhalationesque educit, quæ, vitiatum primum aere, labem corporibus

inferunt, & contagio corrumpunt. Hinc Cælum *Romanum* circa id tempus insalubre, maximèque Hominis sanitati noxium est; quòd in *Romano agro* plurimæ *cryptæ specusque* existant, è quibus educti, Calore Solis, halitus, corporum harmoniam depravant, morbosque generant. Hos autem effectus frustra quis *Canicula* assignaverit, quum illa, dum æstus potissimum viget, non tam ad nostrum, quàm ad *Antipodum* verticem vergat, ac proinde illos potius, quàm nos, acrius sentire deberet. Omnibus enim Sideribus commune est, ut illa plus efficiant, in quæ directius lumen suum remittunt, & in quæ radios acrius jaculantur. Quod cum in *Canicula* non contingat, imò potius *Antipodes* frigore premantur, dum Cælum nostrum ardet, credendum est calores non à *Canicula* provenire, & aliud esse æstus nostri principium.

IV.

Planeta non ad Corporum humorem aut siccitatem concurrunt.

Certis experimentis planetarum vires probantur; ut quod aliqui *Frigus* incutiant, alii *Calorem*, alii sub hoc aspectu *humorem*, alteri sub altero *siccitatem* procreant. Unde *Plinius*, cum creverunt *Herba*, & humore iterum, ut *justa* obveniat *magnitudo*, opus est, eundem *per Cancris Stellas* accessu *avocatas* suo (Sol) *promissum* ac *suppediat*.

Illud etiam sano sensu falsum esse dici potest, quia cum omnia Sidera, non nisi mutuo à Sole lumine agant, & illa idem reflectant, non potest ex ejus variatione effectuum diversitas colligi. Totum igitur, quòd

ex

ex eorum cum Sole coitu erui potest, est, quod *Aer* tempore æstivo calidus sit, hyemali frigidus. At qualis futurus sit Cœli status, dum, anno sequenti, Sol siderum *Domos* subibit, dum *Canicula* orietur, aut ad occasum *Arcturus* perget; an *Venti* ruent, an candescet *æstas*? nullo certo augurio dignosci potest: Cum non raro contingat, ut anni tempestates confundantur, ut *æstate Aer* rigescat, lucida sit *Hyemis* laura, in *vere* regnat Calor, & *Autumnus* ingens frigus corripiat. Non ullo præfixo ordine, mundus stat, & omnia, quasi casu regerentur, fortuito eveniunt & elabuntur.

VII.

Concludendum est igitur, evanidos esse *Concluditur nihil posse sidera in hac inferiora*, siderum influxus, & Sole excepto, qui per lumen caloremque suum operatur, nullam Astris inesse in inferiora potestatem: Ac proinde frustra illos ex Luna orbiculata, aut gibbosa ventos aut pluvias colligere, sorbendam esse *poisonem*, aut *Vena sectionem*, æstuante aut sedato mari, esse celebrandam; plantandas arbores, rigandos flores, dum Luna crescit, at lucis expers redditur. A quibus observationibus aliquando liberatum iri Homines spero, ubi vanas esse intellexerint, & non nisi iis suppositionibus nixas, quarum veritatem nemo serio, & prout Philosophum decet, expertus est.

ARTICULUS DECIMUS TERTIUS.

De Prædictionibus Astrologicis.

I. **N**emo ignorat, *Thaletem* philolophum, Astrologiæ præceptis imbutum, temporum ambitus, stellarum motus, & reciprocos Solis meatus compertos habuisse, quorum inspectione, haud dubie futuram olei inopiam intellexit.

An Tha-
les ope As-
trologia
olei cari-
tatem
prævide-
rit.

Quamvis illud, cum quadam fiducia ab Astrologis, in suæ scientiæ gloriam asseratur, ostendi tamen potest, *Thaletem*, non id ex Astrologorum placitis coniecisse, sed potius ex assiduo rerum naturalium studio. Quippe cum physicam præfiteretur, & vim *Aquæ* (quam rerum principium esse affirmabat) apte nosceret, scire potuit, qui fructus maxime Humore gauderent, quantum ad eorum incrementa, pluvia conferret, & qua potissimum anni parte lætiores provenirent.

Hæc omnia absque Astrologiæ præceptis nosse potuit, quæ quemque solertem, & naturæ arcana rimantem physicum non latet. Verum si motus Siderum coitusque contemplando *Thales* ventura prædicere valuit, cur & ipsi, qui eandem artem callere se jactitant, non idem experiuntur? cur inopes semper & pene mendicæ vitam ducunt; cum & divitias, sicut *Thales*, comparare queant, nisi quia non satis firma præcepta sua existimant, quibus innitantur, & famam suam in discrimen posita asseveratione adducere non audent.

Mul-

Multis diu ante mortis tempus *fatum*, ab Astrologis pronuntiatum est; ut de quodam *Seneca* memorat, qui cum à *Mathematico* ipsi interitus imminere denuntiaretur; domum posthac reversus, intra biduum extinctus est.

II.
Plurimis à mathematicis pronuntiata mors est, sed absque certitudine.

Non hic eventus prædictionis veritatem arguit; potest enim quamvis inane & vanum augurium timorem homini parere, easdemque ægritudines adferre, ac si certam mortem sponderet. Si interim infirmare contingat, in limine mortem esse imaginatur, & ejus horrore correptus adsciscit, quam tanto pere averfatur. Quoties hoc pacto vitæ finis acceleratus est? Quot metu mortis è vivis excessere? non enim semper mali acerbitate cruciamur; sed non raro ejus specie, cui nisi tempestive occuramus, miseros non efficimus, & deficiente animo, ultro ad mortem properamus.

Constat, inspecto *Divi Augusti* Horoscopo, III. *Varia mortis genera à Astrologis pronuntiata* asseruisse *P. Nigidium Mathematicum*, Terrarum Dominum esse genitum, & *Julii Cæsaris* fore successorem. De *Tiberio* adhuc in cunis vagiente vaticinatus est *Scribonius*, aliquando regnaturum, & multis difficultatibus feliciter superatis, futurum novarum provinciarum Domitorem. *Largius Proculus* diem obitus Domitiani indicavit. *Asclepiades* genus addidit, & quæsitus ab eo, quis cum maneret exitus, à *Canibus* devorandum esse respondit. Quod evenisse constat, quamvis Domitianus id fidem eoarguendam, exuri subito jussisset;

jamque comburebatur, cum ortus repente
nimbus rogi exstinxit, ad quem acceden-
tes Canes, semiustum cadaver laniaverunt.
Sueton. in Domit.

Adhæc dicendum est primo, non absque
ratione de *Historiographorum* fide ambigi posse,
non quòd omnes falsitatis arguam, exilli-
memque consultò scriptis suis mendacia in-
seruisse, sed quòd nimis colligendis *Vulgi*
rumoribus, sedulos fuisse putem; præsertim
qui de *Regis* aut *Imperatoris* natalitiis aut inte-
ritu spargebantur. Secundò evidens est, ex
Historicis plurimos maximam operam de-
disse, ut principum gratiam inirent, sibi que
eos devincerent; quod alio pacto efficere
non poterant, quàm aliqua comminiscendo,
quæ illis arriderent, utpote ostendendò ipsos
à *Deo* administrandæ Reipublicæ destinatos
esse; omnia his regnantibus fore prospera,
& illos longam vitam, indefessamque felici-
tatem, manere. Sed ne videar *Historicorum*
fidem nimium labefactare, pro me *Seneca* lo-
quatur, qui eorum temporibus vitam agens,
melius eorum ingenium & mores calluit.
Nec magna molitione detrahenda est autoritas
Ephoro: Historicus est. Quidam incredibilium
relatu commendationem parant, & lectorem aliud
acturum, si per quotidiana duceretur, miraculo ex-
citant. Quidam creduli, quidam negligentes sunt;
quibusdam mendacium obrepit, quibusdam placet.
Illi non evitant, illi appetunt, & hoc in commune de
tota natione, quæ approbari opus suum, & fieri po-
pularem non putat posse, nisi illud mandacio asperso
Epho

Ephorus vero non religiosissima fidei sape decipitur, sape decipit.

Et certè multos alios præter Ephorum decipisse aut deceptos esse, in iis præsertim, quæ de *Augusto* retulere, probari potest. Nam cum *Augustus* Regni frenum tenere non posset, nisi *Cæsare & Pompejo* interfectis, quos tamen *Chaldei* non in Senatu, aut *Ægypto*, sed domi, sed annis graves, sed gloria insignes è vivis excessuros asseruerint. Quando nam igitur illis fides habenda est, si contraria pronuntient? & forte in uno veri, in cæteris fallant aut decipiantur.

At obtendent, *Ascletarionem* certò instantem *Domitiano* exitum prædixisse, sequæ à Canibus brevi esse lacerandum: Unde illi nisi ab *Astris* tanta futuri evidentia?

IV.

Quo prædixit Ascletarionem Domitiani mortem præscire potuit.

Non hic hæreo, quod nonnulli *Authores* *vanam* esse hanc prædictionem existimaverint, & inter illas fabulas recensuerint, quæ apud vulgus sparguntur. Unum duntaxat innuo, *Ascletarionem* *Domitiani* mortem potuisse absque *Astrologiæ* ope, certis signis coniecisse: primo, invisos pene omnibus esse Tyrannos, & ex iis paucos placida morte, è medio excedere. Secundò multos *Domitiano* insidiari, & undique ab Hostibus impeti. At se laniandum excerpendumque à Canibus prænuntiavit; sed id ab *Ascletarione*, nisi conjectura, prævideri non potuit, imo potius à populo effectum esse, credendum est; quum & ipsi *Astrologiæ* periti, sua præfagia ultra mortem non extendant, arbitrenturque

Sidera nihil posse in funera ; unde imaginandum est Ascletarionem sensitse, non cadaver suum esse devorandum, sed vivum potius, in temeritatis pœnam à Canibus esse torquendum, & interlaniatus expiraturum. Quod cum non contigerit, constat quam vanæ sint Astrologorum prædictiones, aut si quæ futura quondam præviderint, non cognitione certa, sed casu & conjectura fecisse.

HISTORIÆ NATURALIS PARS QUARTA.

De Terra, Aqua, Igne & Aere.

ARTICULUS PRIMUS.

De Globo Terra.

I.
*Terra, si
cum cæli
magnitu-
dine com-
paratur,
punctum
est.*



Uamvis Terræ moles tanta sit, tamque vasta occupet spatia, Uejus ambitus circiter 7200. leucarum Gallicarum sit, sive secundum nuperam *Willebrordi Snelis* opinionem, millarium vicies quater mille sexcentorum viginti quatuor. Nihilominus, si Astronomis credamus, *Puncti* duntaxat nomen obtinet, si cum toto Orbe conferatur, & ad Cœli magnitudinem comparatur,

tur. Hinc communis contra Hominum vanitatem querela, illos *propuncto*, igne & ferro præliari, cui obtinendo, tantas tragoedias excitant, in quo honores gerunt, exercent imperia, & opes cupiunt aut adipiscuntur. *Punctum est illud*, inquit Seneca, *in quo navigatis, in quo bellatis, in quo Regna disponitis: minima etiam, cum illis utrimque Oceanus concurrat.*

Non suo sensu caret hoc Astronomorum effatum. *Terram* universi comparatione, *pene nihilum*, & veluti *punctum* esse. Tanta enim est inter fixas & *Terram* distantia, ut nulla certa ratione elici possit, cum omnem calculationem excedat, & vix imaginatione queat apprehendi. Planetarum distantia, ex *parallaxi*, sive aspectus variatione, quam spectatoribus exhibet, colligi potest: Fixæ autem tanto locorum intervallo absunt, ut ex earum intuitu, nulla parallaxis gignatur, & *Terræ* semidiameter ad illas collatus pro nullo habeatur. Unde si quis nostrum supponatur in *Terra loco* manere, ipsam autem sursum attolli, & Cælum versus erigi: Haud dubium est, quin, ut primum assurget, veluti ingens globus sit apparitura: Paulatim tamen decresceret, prout versus *Lunam*, mox *Solem*, dein *Saturnum* perget: Adeo ut ad *Solem* elata, tanquam una ex minoribus Stellis sit apparitura, ulterius vero pergendo, scilicet versus *Stellas Fixas*, omnem prorsus conspectum nostrum fugiet: Ac proinde *Terra*, quæ tot maria, tot insulas, totque regna complectitur, si ad Cæli amplitudinem compare-

paretur, adinstar puncti habenda est. Immo si ad vorticem nostrum, cujus centrum Sol occupat, eam conferamus, adeò exigua tamque parvi momenti videtur, ut qui *Solærica Horologia* conficiunt, & umbris solaribus horas metiuntur, stilorum omnium vertices, in Terræ centro locatos esse supponant, unde in superficiem *umbras* suas projiciunt; quasi adeo tenuis sit differentia, ut non alias hinc, quàm illinc umbras projicere queant.

II.

Quomodo Terra in Aeris medio consistat.

Terra in Cœli medio pendet, nullis columnis innixa: imo veluti immota consisteret, æqualem semper ab Orbibus Cœlestibus distantiam servat.

Id Terræ contingit, non ex eo, quod Universi *centrum* existat; ut quidem passim existimant, & circa ejus ambitum, cæteri Orbes volvantur; Quoniam ea ratione data, adhuc inquiritur, cur Terra à loco suo deturbetur, & in Aeris medio librata, impediatur, quo minus avolet, aut deorsum ruat. Nam si nativo pondere gravis est, quo pacto non decidit? si levitate donatur, qui fit, ut sursum non fertur? Dicendum est igitur, Terram in *Aeris medio* suspensam detineri à materia subtili, circa eam gyrante, & omnes ejus poros pervadente. Cum enim Cœlestis materia, quæ undique Terram ambit, æquali celeritate circa eam rotetur, ejusque motum multoties excedat, non potest non impedire, ne labatur, aut ascendat; ac proinde in medio librata permaneat: Nam sicut *Aves* ab Aere

Aere sustentur, ne cadant : in *Terra* & *Luna*, quæ in eodem vortice volvuntur, ab eadem materia, quæ ipsas defert, fulciuntur, impediunturque, ne à centrīs suis deflectant, aut aliò amoveantur.

III.

Terra quamvis gravis, non ad Vorticis Solis circumferentiam pellitur, sed à globulis cœlestibus eam circumfluentibus detenta, ad certam distantiam remanet, & semper inter *Martem* & *Mercurium* media, nunquam ulterius provehitur.

Cur Terra suo pondere non ad Solem propius accedat.

Ratio est, quod *Planeta*, de quorum numero est *Terra*, ob variam eorum soliditatem, à vorticis centro, magis aut minus removeantur : adeo ut *Saturnus*, qui omnium maxime à Sole distat, cæteros soliditate excedit. *Terra* verò quamvis densum compactumque Corpus esse videatur, non tamen ex soliditate pollet, ut magis versus vorticis sui circumferentiam recedere debeat; cum *Mars*, qui ipsa multo minor est, ob arctiorem tamen suarum partium nexum, solidior sit. Nam licet *Terra*, quoad ejus superficiem, maxime compacta solidaque videatur, levis tamen, pro magnitudine sua, est æstimanda; quia illa superficies, non nisi duorum aut trium milliarium crassitiem habet, quæ vix alicujus est momenti, si ad eas cavitates conferatur, quæ intra illam reconduntur. Ac proinde sicut *naves exiguae*, & quæ parum agitationis habent, facile in flumine detinentur, ejusque motu feruntur : Ita *Terra* in Solis vorticem delapsa, pro suæ soliditatis ratione, eundem


eundem semper locum retinet, nec ulterius ad Solis vorticis *peripheriam* potest deduci.

IV. *Virtus Terra magnetica, non nisi ferum debiliter afficit.* Terra vim magneticam *Ferro* tribuit, sed adeò debilem, ut eam facile amittat, & contrarium nanciscatur: ut si laminæ ferreæ extremitas, nulla adhuc tali virtute imbuta, Terræ obversetur, statim in illa extremitate versus Terram depressa, vim *Poli Australis* in borealibus plagis acquirat, quam momento postea amittet, & contrariam comparabit, si eadem ejus extremitas elevetur, & opposita inclinetur.

Hujus ratio ex imbecillitate virtutis *magneticae*, quæ in Terra reperitur, desumitur: Quia cum particulæ striatæ, quæ è Terra egrediuntur, per interiorē ejus superioris regionis crustam, ex qua metalla gignuntur, revertantur, fit, ut paucae, aut forte nullæ per Aerem nostrum regrediantur, iis solis exceptis, quæ transitum interius non inveniunt. Hinc fit ut *lapides magnetici*, qui idoneos iis particulis recipiendis meatus habent, vim majorem *Ferrum* attrahendi habeant; quoniam particulæ striatæ in ipsis eodem modo dispositos meatus ruperiunt, ac meatus *Terræ inferioris*: redeundo autem per Aerem, aut alia corpora Terræ exterioris, in quibus nullos hujusmodi poros offendunt, difficilius moventur, & paucae ad nos perveniunt.

V. Qui à *Borea* in *Austrum* pergunt, partes Cæli borealis supra horizontem, magis atque magis

ipse per illud foramen descenderet, tota
 am ille cylindrus aquæ descenderet; sed
 paulo altius supponatur, ut ad B, ita ut non
 ohibeat amplius egressum aquæ per fora-



men A, tum nullam
 gravitatem sentiet ex
 aqua, quæ inter B &
 C ipsi superincumbit,
 quia si ipse descende-
 ret versus A, nequa-
 quam descenderet A-
 qua ista cum illo, sed
 contra pars aquæ,
 quæ illi versus A sub-
 jacet, paris cum ejus
 corpore magnitudi-
 nis, in ejus locum
 ascenderet; unde, fit

Aqua illum sursum evehat potius quam
 primat, prout *Urinatorum* exemplo com-
 obatur.

Filtratio non peragitur, nisi panno per
 mes partes Aqua imbuto: Sive Aqua non
 r pannum lineum ascendit, & per proten-
 m alteram è vasis superficiei partem de-
 nit, nisi pars illa sit probe *liquore* perfusa:
 deo ut, sicca parte panni extra vas rema-
 ente, omnis filtratio cesset.

Hujus ratio est, quod in filtratione exte-
 ores Aquæ partes, qua imbutus est pannus,
 a se illius filis implicant, & intime illius
 poros penetrant, ut quandam *pellicula* spe-
 em ipsi conficiant, per quam interiores istius

L

aquæ

III.

*Ad filtra-
 tionem
 peragem-
 dam re-
 quiratur,
 ut pan-
 nus hu-
 more im-
 buatur.*

aquæ partes, quæ in continua sunt agitatione, defluunt, & versus illam panni partem feruntur, quæ dimissa est, & extra *vas* prominet. Data autem aliqua parte panni sicca, & nullo liquore extensa, non formari ille *tubus* potest, qui ad partium aquæ transmissionem requiritur, ac proinde necessum est, totum pannum madefieri, & Aquam per totum illius corpus decurrere. Nam non est putandum, partem foris eminentem, per aquæ propulsionem in vase contentæ, humefieri, & madorem recipere: hoc enim fieri, naturæ repugnat: sed illi humiditas accedit, quod filtri pars aquæ primum immergitur; quoniam tunc, illius poros aqua ampliante, & eam sensim copiosius subeunte, illius quoque partes dilatantur & viam insequenti liquoris præbent.

IV.

*Cur A-
qua in
fundo
fluminis
lentius
decurrat.*

Advertunt illi, qui in Aquis natant, & Fluviorum abdita scrutantur, *undam in fluminibus* inæqualiter decurrere, & lentius in *fundo*, quàm in *superficie* procedere:

Id non omnibus fluminibus contingit; sed iis duntaxat, quorum alveus inæqualis est, & fossis quibusdam intercipitur. Nam si omnes ejus partes æqualiter sitæ sunt, nec ulla supra aliam exuberat, non apparet quorsum flumina in fundo tardius, quàm in superficie ferrentur. Illa igitur solum impari cursu aguntur, quæ in una parte, quàm in alia, profundiora sunt, & quorum fundus partes habet aliis prominentes. Quoniam Aqua dimissiora illa loca subeundo, in illis ali-

aliquantulum detinetur, & inæquali cursu, cum illa, quæ in superficie est, rapitur.

V.

Vas vitreum aliquod conficiatur, cum *Angusto brachio*; & illud aqua impleatur: illa, quæ in vase continetur, aliam paucam, quæ in *brachio* est, loco deturbare non poterit, neque sublimius evehere; quamvis ac multo copiosiori sit, eamque pondere excedat.

Aqua contenta in vase in aqua li crassius, non propellitur à copiosior.

Hic effectus materiæ cœlesti debetur, quæ circa Terram citissime rotatur, & terrestria corpora, versus sui motus centrum propellit. Quippe quum Aqua in *vase*, & in ejus *brachio* contenta, æqualem superficiem habeant, æqualiter à cœlesti materia premuntur, & deorsum detruduntur; ac proinde aqua copiosa, in ingenti illo vase, nullam vim habet exiguum illud aquæ, quæ in angusto brachio recluditur, loco suo deturbandi & sublimius attollendi.

VI.

Aquæ superficies difficiliter dividitur, quàm ejus interiora: *Aut* siquidem exigua *chalibe*, transversum summæ aquæ innatant, ad fundum vero pergunt, ubi corpus ejus penetraverint, & tantillum ejus interiora libaverint.

Cur autem chalybea summa aqua innatet.

Illud ex eo oritur, quod Aquæ partes, licet uniformi agitatione inter se moveantur, & lavem æqualemque superficiem componant, quia verò Aeris partes Aquæ circumfusi, alia ratione & mensura feruntur, nec in eundem motum consentiunt, sit, ut superficies *Aeris* & *Aqua* poliantur: Quemadmodum aspera corpora videmus, mutuo attritu lævigari,

& politiem induere. Constat autem lœvia corpora multo asperis ad resistendam aptiora esse, & vim majorem aliis propulsandis exercere. Ac proinde mirum non est, si *Aqua superficies*, cum difficilior quàm ejus interiora separetur, chalybeam acum sustineat, & eam non patiatur demergi. Requiritur tamen ut *Acus in Aqua* subsidat, neque supra modum crassa sit, & transversim incumbat, quoniam aliter accidere, si diverso modo imponeretur, & unum illius extremum, aliud multo crassitie superaret.

ARTICULUS TERTIUS.

De quarundam Aquarum proprietatibus.

I.

*Qui non
nulla
aqua in-
calescent
ut ther-
ma est.*

QUædam *Aquæ* calidæ scaturiunt, & veluti ignem in terræ visceribus conceperint, calorem referunt, cumque aliis corporibus impertiuntur. Quidam *pisci* ita incallescunt, ut demissum in eo, per aliquod tempus ovum coquatur, & ad duritiem adigatur.

Nonnulli *Thermarum* calorem à subterraneis ignibus oriri autumant, qui in Terræ penetralibus latent, & per quosdam canales diffunduntur, quos *Aqua* pertransiens incalescit, & fervorem comparat. Verum, id rationi consentaneum non videtur: quippe non apparet, unde suppetat hæc ignium materia; quâ fieri queat, ut ignium alimenta in flammâ sub Terra convertantur; aut si veri ignes

ignes illic regnant, quomodo ab erumpente fumo non suffocantur, aut se dilatando, ex latibulis demum non erumpunt. Verisimilius igitur videtur, nullum illic nativum ignem residere, sed diversorum *liquorum mixturam* sufficere, ad calorem illic producendum; uti in *Aqua & Calce* experimur, quæ per fermentationem incallescunt, & ignem sola mixtione generant. Illud idem in *Olco Tartari & Spiritu Vstrioli* animadvertitur; item in *Aqua forti & Tartaro, butyro Antimonii & Spiritu nstri*; quæ etsi ad Tactum sunt frigida, tamen si immisceantur, incalescunt, & quidem ita, ut si repente *Aqua forti*, in qua Ferrum solutum est, *Olum Tartari* infundatur, non solum ebulliat, sed & flammam mixtura concipiat. Quod etiam accidit, si *butyro Antimonii dicto*, confertim *Spiritus nstri* infundatur.

Provenit ergo *Thermarum calor* ex *bituminis & sulphuris* mixtura, quæ dum inter se confunduntur, per quandam fermentationem, calorem concipiunt, & fervescentiam adipiscuntur.

II.

Aquæ stigiæ, seu *Fortes* passim nominatæ, *Aquæ durissima metalla* penetrant, atque illa brevi temporis spatio exsolvunt: In *cera* vero, quæ mollis est, nihil agunt, & eam veluti intactam prætereunt. Eadem *Aquæ* facilius *Ferrum & Chalybem* dissolvunt, quàm *plumbum*, quod illis mollius est, & ad divisionem proclivius.

Aquæ fortes metalla perforant, & in duram potius quàm in molliam agunt.

Ejus ratio est, quod *Aquæ fortes*, cedentia corpora sine injuria perlabuntur, diffingunt autem ac imminuunt, quæ illis obstant;

L 3

& ca-

& earum transitum impediunt. Id ab his facile capiatur, qui norunt, omnia corpora non iisdem partibus componi, neque illas inter se eodem modo conjungi: sed secundum figurarum & magnitudinum variationem, quibus afficiuntur. Nam sicuti *scyphorum* aut *fistilium* acervus, si baculo feriat, in mille aut amplius frustra frangi potest; *lana* autem baculo eodem, parique impetu percussa, nullam mutationem sortitur; & sicut forcipum aut cultrorum acie, *fistilia* & *scyphi* scindi nequeunt, *lana* vero statim abrumpitur, & in partes exilit: Ita facile intelligitur, quomodo Corpora aliqua ab Aquis fortibus dividantur, & in multas partes abeant: Alia vero, eorum transitu, nullam mutationem subeant, aut sensibili modo diffringantur.

III.

*Dodon
fons facies
accensas
extinguit,
ex-accendit.*

Referunt Historici, fontem in Epiro esse, qui effectus contrarios operatur. In *Dodone*, inquit Plinius, *Jovis fons cum sit gelidus, & immersas facies extinguat, si extincta admoveantur, accendit.*

Id fieri prima fronte quodammodo impossibile videtur, quam soli igni comburere competat, & frustra frigido corpori *inflammatio* tribuatur: dici tamen potest, Epirici fontis Aquam, cum gelida sit, facem immixtam extinguere, id enim aquæ proprium est, ignem obruere, & motarum partium vim retundere; immerito vero extinctæ facis impressus ardor illi adscribetur, quum ille non ab Aquis, sed ab exhalationibus, quæ Aquis supernatant, proveniat. Effluunt enim è sup-
posita

posita fonti Terra vapores ex *Sulphure*, *Bitumine*, & *Nitra* conferti, qui per fontem tanquam per eaminum ascendentes, inflammabiles in ejus superficie evadunt, extinguuntur igitur faces, dum immerguntur, accenduntur verò, dum Fonti admoventur, & iis halitibus occurrunt, qui ex locis cavernosis, & per fontem penetrantibus erumpunt.

Gassendus occasione Fontis, qui auctore *Plinio*, ter in die stasis auctibus & diminutionibus crescit & decrescit, ejusdem *Collismartiensis* nomine meminit, qui octies intra horæ spatium fluit, totiesque fluxu inhibito, sistit. Quippe imminens, & jam eruptura aqua, levi murmure se prodit, sensimque in alveolo per minuti ferme dimidium augetur, deinde per minuta ferme sex: cum verò nullum amplius decrementum sub finem percipitur, aliqua interponitur mora, priusquam aqua denuo effluat. Non tamen intervalla ab una eruptione, in aliam æqualia sunt, sed quandoque plura, interdum pauciora intercurrent; cum interim raro accidat, ut non unius horæ spatio octo effluxiones, & totidem cessationes numerentur.

Tam interrupti aquarum cursus rationem reddere, arduum est: quicquid ex *Epirotici* fontis exemplo præsidii comparare possumus. Nam quod in hoc Aqua interdum copiosa sit, nōtū vero deficiat, in Solis calorem refundi potest, cujus vi exarescere fontes æstivo tempore videmus, hyemali vero exundare. At simile quid in *Collismartiensi* fonte cōminisci nequit,

IV.
Causa
interrupti
tionis
fluxus in
Collis-
martien-
si fonte.

nequit, quum non minus diurnis quam nocturnis horis, interruptas suas effluxiones servet, si tamen de re tam abstrusa quicquam suspicari licet, fucile crediderim, intra montem exiguam quandam lacunam contineri, ad quam accedens rivulus, cursu continuo replet: quoddam etiam spiramentum inesse, è quo subterraneus halitus, aut modicus ventus incessanter reflans, aquam cohibeat, remittatque in locum, à quo proficiscitur, adversum; & illic intumescere, quoadusque proprio pondere victa vim venti superet; & cum impetu petlabatur ac decurrat: donec lacuna pene exhauriatur, & sicca remaneat. Deinde ventus recuperato spiramento, eodem modo, quo ante, effluxuram aquam retinet, continuoque propellit, donec irrumpentis aquæ vi iterum propulsetur, & ejus impetui cedat.

V.
An Hami
montis
fons al-
ternis
tempori-
bus fis
geat, &
caleat.

In Cyrenaica provincia *Solis fons* media nocte fervet; mox sensim tepescit; deinde ad primam lucem friget: & quo Sol magis attollitur, eo fit frigidior, adeo ut meridie rigeat: rursus paulatim tepescit; deinde ad primam noctem calet, & quo magis ille progreditur, eo fit calidior, ut habet Lucretius:

*Esse apud Ammonis fanum fons, luce diurna
Frigidus, at calidus nocturno tempore fertur.*

Philosophorum nonnulli hujus proprietatis rationem reddere conati sunt, inveniendò quædam *Aqua* caloris inesse semina, quæ *Terra* nocturno frigore oppressa devehit, & eadem diurno calore laxata resorbet, quod cum

cum alternis vicibus fiat, fons luce frigidus evadit, & nocte media fervet, calidiorque redditur, quo magis Sol dimittitur. Sed vereor ne fictæ rei vera causa quærat, nimiumque solliciti simus, in ratione effectus detegenda, qui nullibi extat, & non satis sincera referentium fide firmetur. Cum *Arrianus, Curtius, Plinius, Mela*, alique Historici & Geographi, qui fontem illum describunt, illum nunquam aspexerint, & solo rumore adducti, id asseruerint. Quis nescit *Ammonius* Sacerdotes esse Alexandro adulator, quum sanum illud inviseret, & multa ei impostura, aut simili arte exhibuisse: ut locum illum magis celebrem redderent. De rei veritate, primum constat, antequam illius causa investigetur.

VI.

Aquæ puteales æstivis temporibus frigida sunt, hybernis vero incalescunt, aut ad minus teporem sortiuntur.

Unde videtur calor in hyeme, in Aquis putealibus.

Hic calor friguse, non tam ab Aqua, quam à sensu nostro procedit, quo existimamus illam æstate quam hyeme frigidiorum esse. Usu enim venit, ut quæ manu frigida contrectamus, calida esse arbitremur; & contra frigida, quibus calidam manum apponimus. Id *Thermæ* ingrediendo experimur, quæ calore distinguuntur, & variis gradibus differunt: quippe primum balneum ingressi calidum illud arbitramur, dum adhuc frigidum corpus, & nondum alia subiit, ubi vero à summe calido gradatim ad primum denuo revertimur, illud tunc gelidum existimamus,

mus, & veluti à se ipso diversum. Ita de *cryptis* & *cavernis* differendum est, quæ semper eandem temperiem quolibet tempore servant, & ex eo solo, *frigidiores* æstate sentiri, quod fervescente aere relicto, illas subimus, cujus comparatione frigida percipiuntur. In *Hyeme* autem *calida*, quod ab aere exteriori, qui iis multo frigidior est, ad illas accedimus, cujus intuitu calida apparent, ac sentiuntur.

VII. Quædam Aquæ *ebrietatem* conciliant, & eas sumentes ita afficiunt, ut instar vinitemulentos titubantesque reddant: ut de *Letho* fluvio memoratur.

Quædam
Aqua
inebrians
alia lymphaticos
haerientes efficiunt.

Quem quicumq; parum moderato gusture traxit,
Haud aliter titubat, quàm si mera vina bibisset.

Aliæ haustæ *lymphaticos*, & à mentis statu deturbatos efficiunt, hebetudine per totum cerebrum irrepente,

Causa in bitumen, quo Aquæ illæ refertæ sunt, refunditur. Caput enim maxime *bitumen* ferit, & nervorum meatus obstruendo, sensuum hebetudinem contrahit, ad eum fere modum, quo pastinatæ sylvestris semina, ut ait *Agricola*, de rebus è Terra effluensibus, libro secundo, linteolo involuta, & in vinum posita; & quo pulveres *florum Hermodactyli*, quibus Turcæ utuntur, cum eodem sumpti faciunt, ut ocyus & fortius inebrient. Ita *bitumen* aquis permistum inebriare solet, & grave corpus reddere.

ARTICULUS QUARTUS.

De Fontibus & Fluviiis.

Nihil frequentius, quàm è Terræ penetralibus Fontes erumpere, & contrâ <sup>I. Unde orbi-
antur</sup> aquarum pondus sursum evehi, & in <sup>fontes in
cacumina-
nibus
montium</sup> montium jugis scaturire. Id omnis fere fert Tellus, dum humore grvida, adventitia corpora enititur, & luci exponit.

Fontium effluentium ratio, non eadem apud omnes est. Quidam enim volunt, Aquam in terreno orbe per canales ascendere, non modo prorsus abfimili, quo *Sanguis* in *Animali*, pervenas discurrendo, totum corpus pervadit, & eadem vi, in caput & in tibias effunditur. Huic sententiæ favet Plinius, libro secundo, capite sexagesimo quinto. *Cum enim terra arida est & sicca, & sine humore per se consistere nequeat: nec rursus Aqua, nisi sustinente Terra, in suo implexu jungatur, necessarium est venas admittere, quibus tanquam vinculis Aqua discurrat, & ad montium juga nitatur.* Verum probabile non videtur, Aquam per tubos subterraneos seu canales, velut in *Animalis* corpore *sanguinem* deferri. Quiaquamvis Aqua è mari in specus propulsetur & vi ipsi impressa, sursum ascendat; non apparet tamen, cur, dum ad maris superficiem pervenit, non illic consistat aut relabatur, quum impetus quo sursum deferrebat, desinat & ulterius non extendatur.

veri-

Quidam Fontes toto hyberno tempore scaturiunt, & largo gurgite se diffundunt; accedente vero estate, & nimio perurente Terram calore, exarescunt, & paulatim deficiunt.

Fontes hujusmodi ex pluviis & nivibus originem trahunt, quæ liquatæ in eos confluant, & diurnum alimentum suppeditant. Sunt enim intra Terram, & maxime sub montibus, *cavernæ*, receptacula varia, quæ imbris aut nivibus quotannis oppletæ, pro capacitatis ratione, tardius aut citius se exonerant: Adeo ut post multos imbres, Fontes passim scaturiant, & novæ aquæ de Terraeliciantur. Summo autem æstu succedente, Fontes siccantur, imo penitus exarescunt, donec profundas easdem *specus* imores repetant, & novam fluxui materiam suppeditent. Unde tempore *Elie* Fontes qui antea perennes habebantur, exaruerunt, quoniam clauso Cœli ostio non *imbres*, non *nives*, pro more in Terram cadebant, quæ liquatæ effularum aquarum locum supplerent.

Omnia flumina in *plano declivi* fluunt, & ubicumque, talis inclinatio abest, Aquæ immotæ manent, & in neutram partem scurrunt.

Ratio est, quod in *plano declivi*, partes Aquæ superiores suo pondere suppositas premunt, quæ cum fluxæ sunt, & corporibus imminetibus facillè cedunt, in inferiora delabuntur, in quibus liberius expanduntur, & cum minori coactione decurrunt. Inclinatio enim, veluti quædam *perpendiculari*

III.

Cur quidam fontes tantum hyeme scaturiant & siccantur aestate.

IV.

Quare flumina non nisi in plano declivi decurrunt.

rum continua series, in qua comprimi Aqua nequit, quin in brevioris perpendiculi immo incidat, & sponte propria agatur. Nam *alvens*, per quem flumina decurrunt, inclinatus non foret, nulla assignari ratio posset, cur in hanc potius, quàm in alteram partem ferretur, & cur inagis versus *occasum*, quàm versus *orientem* pergeret. Deinde cur mare intumescens in æstu non æqualem in fluminibus altitudinem haberet, si illa in plano horizontali fluere, & non per declivia raperentur.

V. *Causa constans Nili inundationis post solstitium æstivum.* Nilus, qui *octodecim* duntaxat pedes altus est, interdum ad octodecim cubitos, hoc est viginti septem pedes excrescit; interdum ad duodecim tantum cubitos: sed ejus inundatio adeo constans est, ut statis temporibus semper accidat, nimirum post solstitium æstivum.

Communis Antiquorum opinio fuit, Nilum ab *Etesis*, qui per id tempus flare solent, incrementum accipere, qui, in fluminis ostia impacti, cursu ejus remorantur, efficiuntque, ut alveo completo exuberet. Hinc *Lucretius* libro sexto.

*Nilus in æstate crescit, campisque redundat,
Illicus in terris Ægypti totius annis;
Aut quia sunt æstate Aquilones ostia contra
Anni tempore eo, quo Æthiæ flabra feruntur,
Et contra fluvium flantes remorantur, & unda
Cogentes sursum replent, coguntque manere.*

Sed genuina Nili inundationis hæc ratio esse non videtur, cum constet, Nilum interdum

exun

xundare, priusquam molles isti venti spiant, & ejus ostia claudere queant: Atque tiam intumescantiam cessare, antequam flae definant, & ejus fauces concutere. Causa antiincrementi in *imbrium* frequentiam potius referenda est, quæ à medio circiter *Junio* in *Septembrem* usque in *Æthiopia* decidunt. Quippe illic Hyems maximè eo tempore viget, à *Maii* fine ad *Septembris* initium continuato rigore.

VI.

Fontes in montibus interdum subito nascuntur, qui antea non apparuerant; Et contra, nonnulli statim deficient, & vix tempore aliquo interposito evanescent & *extinguuntur*. Unde subito fontes oriuntur aut evanescent.

Id non raro Terræ motu accidit, dum scilicet aquarum scaturigines aperiuntur, fractis aggeribus, qui humorem illo tractu superiorem continebant. Siccantur autem, dum sibi opponuntur *aggeres*, aut in altis cavernis excepta Aqua evahi amplius non potest, Quoniam tunc cursum suum mutare cogitur, & aliò deflectere. Quis ignorat in montium specubus magnam aquarum vim recludi, quibus Terræ agitatione apertis carceres illi referantur, & delitescantibus aquis exiumprebeant.

ARTICULUS QUINTUS.

De Mari.

Moles *Maris* Terrâ altior esse conspicitur, & multo supra ejus superficiem videtur

I.

*Mare al-
tius Ter-
ra esse vi-
detur.*

detur attolli. Unde qui oculos è littore in Mare conjiciunt, ipsis Terra altius videtur; & è mari spectatum littus, humilior ac depressius apparet.

Nonnulli, omnia visu metientes, existimant, mare ob suam, quam cum Terra habet, convexitatem, paulatim aufergere, & Terram supergredi; ac proinde non Terræ fundo solum, cui incumbit, eminere; sed supra insulas & continentes attolli. Sed revera hic visus error est, qui cum in remotiores maris partes dentat, in illas per radios dirigitur, qui quanto magis à perpendiculari, & ad pedes vergente recedunt, tanto magis remotiores, altiores, ac veluti in fastigio positas repræsentant. Id non in mari solum, sed in quacumque planitie contingere experimur. Quod autem è diverso, littus è mari humilior depressiusque videatur, vulgaris est apud opticos effectus. Nam cum littoris altitudo, sub minimo visorio angulo contineatur, quem hinc & inde provoluti fluctus, interceptiunt, & illius prospectum furantur, mirum non est, si litus infra aquas deprimi videatur, & infra ipsos fluctus subidere.

II.
*Ratio cur
mare non
sit terra
altius*

At Ratio, quæ adigit ad asserendum mare, secluso fluctuum tumore, non Terra altius esse, maxime evidens est, quoniam dato Aquam super Terram fluere, sequeretur quod illa propria gravitate exundaret, & relicta superiori parte Terræ, inferiorem duntaxat occuparet. Aut cum Aquæ partes se mutuo impellant, & quæ superiores sunt, humi-

humiliores propulsent, tota Terræ superfices illico tegetur, & sic nullæ amplius innariinsulæ, nulli montes conspicui forent, sed Terra, aquis undiquaque obruta, rerum aliarum conspectum tolleret. Præterea quo pacto flumina ad mare descenderent, & ad suæ originis locum reverterentur, si mare Terræ emineat, & infra maris superficiem Terræ superficies collocetur? nihil enim grave proprio instinctu sursum attolitur, & ascendit potius quàm descendit, quod corpus se sublimius petit.

Flumina continuò in mare se exonerant, III.
& peragratis aliquot Terræ tractibus, in illud denuo revertuntur; cum interim mare non augeatur, neque solito magis exundet.

Cur flumina ad mare citra ejus inflationem revertuntur.

Id fieri evidentissimè constat mutua transformatione, qua Aqua maris in vapores, & ii vicissim in aquam transmutantur. Nam sicut in Animali videmus, sanguinem è vena cava in Cordelabi, mox ab eo per magnam arteriam in cæteras corporis partes dispergi: Ita vapores è mari, per Terræ meatus in montium verticem deferuntur, ubi in Aquam frigore succedente conversi, in flumina abeunt; quæ per decliviores exterioris superficiei partes denuo in mare labuntur, & primum originis suæ locum repetunt: Adeo ut quantum ex Terræ cavitatibus evaporatur, tantum ad eadem loca è mari devehatur; & quantum per Terræ meatus è mari elabitur, tantumdem per flumina refluat.

IV. *Maris aqua in aestate magis salsa deprehenditur.* Æstate fervida mare solito *salsus* evadit & acrius linguam pungit. Hinc, qui sub *Equatore & Zona torrida* degunt, aquam marinam eo tempore asperiores experiantur. Quia Sol, qui illic maximè fervescit, maris superficie tenuiores dulcioresque partes attollit, & in vapores exagitat, rigidi crassioribus relictis. Unde, quo vehementior est Solis æstus, eo magis aquarum exteriori concutuntur, pluresque ejusmodi vapores educantur, qui in *Aere* concreti, & in *Aquam* iterum reversi, non in eundem semper, ex quo profecti sunt, locum relabuntur: Sed quandoque per aerem expansi aliorum deferuntur. Hujus rei exemplum in Aqua in *cacabo* ebulliente habemus, quæ certe eo semper salior evadit, quo diutius subjectis prunis imponitur, & quo plus ex ea humoris effluit.

Effode *puteum*, paulo superius quam extremus maris allapsi fluctus excurrit, ea profunditate, quæ respondeat ultimo reflui maris decremento: replebit hunc æstuans mare aqua dulci potuique accommodata. Illud in oris Mauritanie populari constat experientia, ubi aquæ dulcis defectum illa sola pensat. *Bacon. centur. prima, sylv. sylvar.*

V. *Quomodo aqua marina exuere saltem possit.* Aqua marina suo sale exuitur, dum multam arenam permeat, demissis intra Terram angulosis suis partibus, quæ salugine eam afficiunt: non tamen cum multis opinandum est, ad aquarum *transcolationem* requiri, ut pori, per quos transmittuntur, angustissimi sint,

int, quoniam eorum aditus confestim à pri-
nis Salis particulis præcluderentur, & infi-
dida aquæ partibus omnis transitus impedi-
retur: Sed potius requiritur, ut aqua per cor-
pora transfundantur; quæ satis latos & pa-
tentes *meatus* habent, in quibus anguli & fle-
xus reperiuntur, Salis partibus retinendis
idonei. Necessarium quoque est, ut corpus
illud, quod prætergrediuntur, satis magnum
& compactum sit, ut *Aqua*, quæ paulatim de-
fluit, & omnes salas partes simul deponere
non valet, sufficiens spatium offendat, in
quò hic unam, ibi alteram exuat, prout an-
gulis aut flexibus à quibus retardatur, occur-
rerit, ac proinde aliquod quoque temporis
intervallum requiritur, ut omnes cas depo-
nat, priusquam totum percurrerit.

Aquæ marinæ fortius immixtis corpori-
bus oblectantur, quàm, fluviales: unde *naves*,
quas mare sustinuit, in flumine aut etiam in
portu merguntur.

Id ex eo provenit, quod Aqua maris *pen-
derosior* sit; quia crassis & solidis partibus con-
stat, quæ in minus spatium contrahi possunt,
ac proinde imposita onera facilius sustinet,
nec illa finit demergi: ut patet de *Assbaltise*
lacu, qui, cum salissimus est, hominem ma-
nibus pedibusque ligatum dorso suo susti-
net. *Hieronymus Florentinus* Decoctorem de
turri in aquas ligatum præcipitatum, per in-
tegram sustentatum noctem vidit: In *Hispa-
nia* lateres ex terra, qua argentea opera ab-
sterguntur, formatos, aquis innataffe obser-

vavit *Pofidonius. Jonst.* Nec aliaratio assignari potest, cur *Navis* in *portu* altius immergatur, quàm ubi in altum provecta est; quàm quod *Aqua*, quæ portum replet, propter *Aquæ dulcis* misturam, quæ tum ex fontibus, tum ex fluviis confluit, levior est, multumque suæ soliditatis ac gravitatis ea mixtione amittat.

VII. *Salsa aqua igni* *extinguendo immutiles sunt imo illum augent.* *Aqua salsa* minus, quàm dulcis, incendiis extinguendis, idonea est: imo potius promovet, & novam *flamman* excitat.

Id accidit, quod *Salis* particulæ, quæ in hac aqua maximè dominantur, cum rigide sint & inflexiles, facile objectis corporibus concutiuntur, & ita concussæ multoq; robore pollentes, non modo *flamman*, si illi immitantur, augent; sed ex se solis, aliquam accendere valent, si à corporibus, cum impetu exiliant. Accedit quoque, quod *Aqua marina*, multo fluviali pinguior est, plusque *alginis* in se contineat, quæ ignis pabulum subministrat, & *flamman* nutrit. Unde haud parvum in *Æliaca* pugna injectus in *Antoniniam* classem ignis, incrementum accepit, dum incauti rudesque maris naturæ milites cum aqua salsa aspergerent, & irrupentem *flamman* humiore extinguere conarentur.

ARTICULUS SEXTUS.

I.

Causa fluxus ac refluxus marini,


De Maris Fluxu ac Refluxu.

A Quasum moles viginti quatuor horarum & quinquaginta ferme minutorum spatio, bis ad littus accedit ac revertitur,

Causa

Causa tanti *miraculi* in corpus Lunæ re-
 anditur, quæ materiam cœlestem inter ipsam
 & terram intercurrentem premens, Aquam
 quoque Aere intermedio propellit & versus
 littora agitât. Sicut enim planeta ea parte
 angustior videtur, in qua crassum aliquod
 Corpus interjacet; & fortius ventus in cor-
 pora obvia impingit, quo peractiora spatia
 defertur; ita ob Lunæ præsentiam, spatio
 inter ipsam & Terram angustiore effecto, ne-
 cessum est *Aerem & Aquam*, quæ fluida sunt
 corpora, cedere, & versus littora attolli. Non
 alio prorsus modo, quo *liquor*, in vase majore
 copia infusus, versus labra affluit, si com-
 primatur, & medio, à quo expellitur, relicto,
 ad extrema defertur. Sed majoris claritatis
 gratia, ponatur Terra esse T. Aqua vero quæ
 Terram ambit EFGH, Luna B circulum suum
 mensibus singulis percurrents. NOPQ cœ-
 li vortex, qui pro centro terram T habet,
 quique cum *Luna* circa ipsam *terram* jugiter
 circumagitur. Nam eadem cœlestis materia,
 quæ ad O pergit, cursu suo ad P & Q conti-
 nuato, tantundem spatii ex una parte terræ
 requireret, quantum ex alia, & sic illam undi-
 que premeret. Verum quia *Luna* in puncto
 B adest, & cœli celeritatem non assequitur,
 oritur, ut cœlestis materia terram paulo ma-
 gis versus P quam versus O aut Q compri-
 mat, ac proinde Terra paulum ex vorticis
 centro recedat, & versus D accedat: quo fit,
 ut aqua, quæ est ad F. & ad H, comprimatur
 etiam aliquanto magis, ac deprimatur, quàm

aqua, quæ est ad E aut ad G. Deinde quia terra Viginti quatuorhoris circa centrum suum circumvolvitur, ea terræ istius portio, quæ nunc in puncto F existit, in quo mare subsidit, intra sex horas ex puncto G, in quo intumescit mare, futura est, & elapsis duodecim horis, in puncto H, ubi iterum subsidit mare,



Jam vero quia *Luna* nonnihil etiam progreditur, & eundem *terra* circuitum triginta ferme diebus perficit, duodecim horæ minutæ in singulis reciprocationibus addendæ sunt; Adeo ut aqua maris duodecim horas & vi-

& viginti quatuor minuta fluendo ac refluen-
do, in uno & eodem loco impendat.

Æstus maris non idem ubique tempus ser-
vat, sed ad quædam littora citius, ad alia
tardius aquæ devolvuntur. Ad *Aquitanicam*
enim oram septem horarum spatio pergit, &
ab ea quinque horis refugit: è contra verſus
Canadensem quinque horarum spatio move-
tur, & ab eo recedendo septem consumit.
Guineum mare quatuor horis affurgit, & octo
relabitur.

Hæ in fluxibus & refluxibus varietates
multis ex causis oriri possunt; sed præſer-
tim ab *alveorum*, in quibus aquæ continentur,
inaequalitate, aut littorum *situ* & dispositio-
ne; quibus aquarum cursus maxime juva-
tur aut impeditur. Hujus rei speciem in flu-
minum ripis habemus, in quibus aqua pro
ſitus diverſitate præcipitatur aut leniter de-
currit, torquetur, aut per vias rectas tendit.
Adeo ut, ſi mare ad littus *Aquitanicum* in-
ertius accedat, quàm reſſuat, id ejus declivitati
imputandum eſt, quæ ejus progreſſui opitula-
tur, & reſſuxum ejus tardat, & impedit. Quod
in mari *Hollandico* Aqua multo citius affuat,
quàm reſſuat, inde fit, quod per *Tocellum*
in meridionale mare, & per *Zelandiam* in *Rhe-
num* ſe exoneret. Quod *Amſterodami* tardius
effuat, quàm in *Friſio* littore, ſinus recessus
in cauſa eſt, in quem mare devolvitur, cumque
tam cito implere non poteſt, quàm apertæ
oræ allabitur. Quod autem in *Mediterraneo*
mari exigua aut nulla reciprocatio fiat, id

provenire putandum est, quod multæ insulæ interjiciantur, quæ muris æstum arcent, & turbant, atque ob loci angustias, quæ aquas exspatiari non sinunt, & ultra solitum sensibilibiter provehi.

III. Portus, qui sub eodem meridiano sunt, non omnes maritimum æstum iisdem horis patiuntur: ut de celebri illo portu *Havre de Graces* in Gallia nominato, qui in plenilunio aut novilunio summum æstum hora nona matutina habet, *Diepa* vero non nisi decima hora; quamvis hæc duo loca parum ab invicem absint, & vix semigradu differant.

Æstus in Havre de Graces cuius accidit in plenilunio quam Diepa.

Id illis accidit, non solum, quod inter angustias *Oceani Britannici* varii & inæquales anfractus sint, qui aquas deflectunt, & earum cursum immutant: Sed etiam ob ventorum impetum, qui in illo mari sæviunt, & à diversis partibus spirant. Sic *Caletum*, tum *Slusas*, quæ urbecula est in Flandriæ confinibus sita, *Brugis* contermina, nova plenaque Luna summo æstu implet, hora plus minus undecima, ea parte illustrata, quæ in Austrum reflexa est. *Arnemunde* ac *Metelliburgi* tractus hora secunda seu noctis seu dici. *Zirizea* hora tertia, Luna in occasum brumalem seu hybernium conversa, à quo *Africus* flat, & *Sol Capricornum* subit. *Bergis* sesquihora aut duabus serius, *Antverpia* ac *Dordraci* Luna inclinata in *Æquinoctialem occidentem*, à quo *Favonii* seu *Zephyri* spirant, hora propemodum sexta; *Mechlinia* octava, sic tamen ut modo tardius, modo properantius mare influat,

fluat, Aere vel tranquillo, vel ventis incitato. *Lemnius de occultis naturæ miraculis*, libro secundo, capite quadagesimo primo.

Majores æstus in conjunctionibus circa D, & oppositionibus circa B, sive *novilunio* & *plenilunio* contingunt, quàm in quadratis Lunæ aspectibus, nimirum circa A B C. Unde nautæ ob majores & celeriores affluxus & refluxus Luna nova & plena *mare vivum* nominant, dividua, propter minores & tardiores, *mortuum*.

IV.

Æstus sunt in plenilunio & novilunio majores.

Ratio est, quod Cœlum A B C D non sit perfecte sphaericum, sed ad figuram ellipticam aliquantulum accedat, & majora inter terram, & extremum A C exhibeat spatia, quàm ex diametro ei opposita circa B & D. Cum vero Luna in temporibus intermediis, in majoribus istis spatiis versetur, ob laxiores angustias, quas pertransit, necesse est, ut lentius progrediatur, ac proinde minor fiat aquarum compressio, & sic minor maris reciprocatio. Cum autem in *plenilunio* aut *novilunio* in ellipsis istius diametro minima sit, oportet majorem à materia cœlesti interfluente pressionem fieri, ac proinde majorem celerioremq; æstum provenire.

Euripus fluvius, si *Antiquis* credimus, incertis undis defluit, & septies in *Aegeo* sinu reciprocatur motus.

V.

An Euripus motus in die reciprocet.

Hujus effectus causa in Lunæ *interpositionem* referri etiam potest, cujus pressione fluvius defluit, non in unam mundi partem, ut

M s

cæte-

cætera maria, sed quoquoversum: adeo ut pars una in *Caciam*, alia ad *Boream*, altera ad *Austrum*, &c. feratur, quæ prout in freti angustias, aut littora incidentia inciderint, refluxus acceleratur aut retardatur. Quamvis non immerito ambigi possit, an, quæ de illo flumine à Veteribus prodita sunt, cum veritate consentiant. Cum Titus Livius libro octavo decad 3. id inficietur, & de Authorum fide dubitandi occasionem præbeat. *Fretum ipsum Euripi*, inquit, *non septies in die, sicut fama fert, temporibus statis reciprocatur; sed temere in modum venti, nunc huc, nunc illuc verso mari, velut monte præcipiti delapsus torrens rapitur: ita ut nec nocte, nec die quies navibus detur.*

VI.

*cur mul-
tus sit flu-
xus & re-
fluxus in
fluminibus.*

Flumina & lacus nullam reciprocationem patiuntur, & quantumvis Lunæ opponantur, nullam mutationem præ se ferunt.

Id ex eo potissimum oritur, quod eorum latera non satis ab invicem distent, minorque sit eorum superficies, ut in unam partem magis quàm in aliam à materia cœlesti premequeat. Nam sicut *vasa*, quo arctiora fuerint, motum liquoris minorem ostendunt; ita præter vastam hanc aquæ molem, quæ terram ambit, nulla alia extat, quæ possit eodem tempore, in omnibus suis partibus simul, liberiori spatio frui ex duobus lateribus, ut asurgat; ex duobus vero aliis comprimi, ut subsidat.

ARTICULUS SEPTIMUS.

De Igne.

Quidam ignes, dum *lucent*, omni calore destituuntur. Qui enim in mari vela faciunt, animadvertunt nonnunquam fluctibus in scopulos impotenti tempestate adactis, *scintillas* exilire. Sic è *lignis putridis* & *piscibus* sale conditis radii sine ardore erumpunt, qui ad oculos delati, nullum nervis aëtoris motum ingerunt.

I.
Aliqui sunt ignes lucentes tantum & non calefacientes.

Ratio est, quod materia primi elementi, in huiusmodi corporum meatibus, inclusa, licet satis virium habeat ad globulos secundi elementi impellendos, & ad retinam, quantum ad luminis perceptionem sufficit, movendam; nimium tamen debilis est, ut partes terrestres à se invicem sejungat, & in illis eam agitationem excitet, quæ ad calorem in ipsis procreandum requiritur. Ignis igitur tantum lucidus est, dum intervalla particularum terrestrium ita angusta sunt, ut soli primo elemento locum dent, & omne corpus crassum refugiant. Sic dum *Salis* spicula, angustos *Piscium* meatus ingrediuntur, & globulos secundi elementi isthinc expellunt, adeo ut Soli materiæ primi elementi pateant, efficiunt, ut piscium squamæ ad modum *lampyridum* luceant.

II.

Quædam Corporum magnum calorem exhibent, omnis vero luminis sunt expertia: ut *Animalium* vivorum *sanguis*, *simus equinus* in putredinem vergens, *calx* liquore aspersa, &c.

Quidam ignes arant, & non micant.

& similia, in quibus latens ignis urit, citra omnem flammæ emissionem.

Quoniam in ejusmodi corporibus, partes, quæ primum elementum circumstant; quæque ab eo agitantur, nimis molles flaccidæque sunt, quàm ut luminis actionem transmittere possint. Nam licet nonnullæ materiæ primi elementi innatent, atque ejus motibus obsequantur, quia tamen quædam sive aqueæ sive aeræ flexiles admiscuntur, vim quidem ignem excitandi habent, non autem luminis actionem recipiendi. Hinc spiritu *Vitrioli* & *Oleo Tartari* permixtis ebullitio oritur, quoniam impeditus in ipsis materiæ subtilis com meatus, quandam *luctam* inter eos liquores procreat, ex quo vehemens calor exurgit. Sic *simus equinus*, sic viventium Animalium *sanguis* incallescunt, primo elemento à molliore materia inter partium angustias intercluso. Ac proinde incallescunt tantum, sive vim habent nervos tactui inservientes agitando; non autem cœlestes globulos, in quo luminis ratio posita est, impellendi. *Calx* autem Aqua aspersa ignem concipit, quia ita adaptati sunt ejus pori, ut partes aquæ solo primo elemento septas recipiat; adeo ut globulis æthereis expulsis, sola primi elementi materia dominetur. Quippe illa formam *Ignis* habere dicuntur, quorum particulæ seorsim primi elementi motum sequuntur, & ejus agitationem imitantur.

III. Flamma ingenita quadam propensione, *Calum* versus fertur, & superiora loca affectat:

dat : unde quo, facilius eo pertingat, crassitiem suam deponit, & conicam figuram assumit.

*Cut flamm
ma sur-
sum a-
scendat.*

Dici potest, flammam non tam superiora petere, quàm eò extrinsecus deferri; nam cum undique ab aere circumcingatur, & ob minorem suam soliditatem quodammodo diverberetur, sursum potius quàm deorsum tendit; quoniam laxiori illic aere minus constringitur, & imbelliorem resistantiam offendit. Quomodo autem illud peragatur, sic accipe: primi elementi materia, quæ maximè in flamma viget, cum in continuo sit motu, ab eo loco, in quo est, semper egredi nititur, cumque globulis cœlestibus levior sit, sursum fertur, & à Terra centro se remouet, verum, cum Corpus aliquod moveri nequeat, nisi aliud in ejus locum motu circulari succedat, tantundem aeris versus flammam regreditur, quantum fumi elapsum est, ac proinde aer, qui candelæ summitatem lambendo, ad candelam accedit, cereis partibus mixtus, flammæ pabulum ministrat: Adeo ut vis ignem exporrigendi & sursum propellendi aliquo modo Aeri tribui possit. Quorsum vero Flamma conicam figuram habeat, & in acumen desinat, manifestum est, quia partes Flammæ, quæ ejus medium occupant, minimam soliditatem habent, ac proinde fortius moventur, citiusque in altum evehuntur, quàm exteriores, quarum agitatio ab aeris contactu minuitur, & imbecillior evadit.

Qui-

IV.

*Ignes
Græci
non pos-
sunt a-
quis ex-
tingui.*

Quidam ignes, quos *Græcos* vocant, aquis obluantur, & ab eis se obrui aut extinguere nullo modo patiuntur.

Vim illam ejusmodi Ignes à suarum partium soliditate mutuuntur, quæ celeriter agitata, aquam omni ex parte repellunt. Ad ignis enim conservationem potissimum requiritur, ut in eo sint particulae terrestres, quæ à primo elemento impulsæ, vim obtineant impediendi, ne ab aere aliisque liquoribus supra ignem positis suffocetur. Quæ virtute potissimum *Bituminosa*, *Oleosa*, & *Sulphurea*, ex quibus Græci ignes conficiuntur, præstant. Quippe ob suam crassitiem & ramosarum suarum partium coherentiam, maxime idonea sunt, à loco suo deijci, & aquam ita movere, ut globulos æthereos, Ignem suo illapsu extincturos arceant, ac repellant.

V.

*Quomodo
ignis
ex chaly-
be, lapi-
dibus, &
scintillas
edunt.
Quibus-
dam li-
guis ex-
cutiatur.*

Silicis in *chalybem* percussione Ignis excitatur, imo chalybs chalybi attritus ignem generat. Sunt quoque lapides, quos *vivos* appellamus, qui clavo aut lapide percussi, & scintillas edunt. Neque *vannus in attritione lignorum conatus est*, inquit Ovetan. libro sexto, capite quinto, *quum ipsi Indi quadam ligna, in hæciant, componunt, inter utrumque aliud interponunt, motu celerrimo velut terebellum verunt, Ignem sic excutiant.*

Causa est, quod Silicis partes rigidae sint ac friabiles, quæ, cum à duro etiam corpore percutiuntur, spatia, quæ inter multas eorum particulas interjacent, & à globulis secundæ elementi solent occupari, solito arctiora reddantur.

dantur, ac ideo cœlestibus globulis vi ietus expulsis, sola restat materia subtilissima, quæ crassas eas particulas recipiat, motu vehementi in orbem agitet. Sic dum *chalybis* partes rigidæ sint ac friabiles, ietus quidem impetu cedunt, sed illico resiliunt, & mox ab invicem sejunctæ, à primi elementi motu abreptæ, in *scintillas* abeunt, ignisque formam exhibent. Pari ratione Ignis ex vehementi *balneorum* frictione elicitur, quoniam continuato eo motu, eorum particulae primum constriunguntur, deinde maximo impetu unæ ab aliis in gyros agunt, quo non solum aeris partes, sed etiam globuli ætherici eas ambientes divelluntur, ac proinde à vehementi primi elementi agitatione in orbem actæ in scintillas abeunt, & *Ignis* speciem referunt.

VI.

Memorant scriptores, quondam *lucernas* ^{Quadam} extitisse, quæ perpetuo arderent, & in sepul- ^{lucerna} Chris lumine intemerato ad multos annos ^{per mult-} fervarentur. *Vives* ad librum vigesimum pri- ^{ta seculo} mum de Civitate Dei refert, eruto olim con- ^{in sepul-} ditorio *candelam* supra millesimum quingen- ^{Chris ar-} tesimum annum arsisse, tactam autem inter admotas manus in tenuissimum abiisse pulverem. Recenset *Forcunius Licetus*, ante annos centum, *Paulo tertio* sedente, in *Tullia Ciceronis* gnata sepulchro, lucernam in consumpti-pabuli esse reportam, sed cui idem fatum contigit, ut luce intromissa statim extingueretur.

Gassendus hujusmodi lucernas inter ludicra recenset, quæ secluso aere ardent, ad-
misso

misso autem evanescent & evaporantur; cum secundum ipsum aeris accessu denuo accendideberent potius, & novas vires assumere. Nihil tamen, meo iudicio, obest, quominus Ignis in locis subterraneis, ubi non *venti* flatu, non *aeris* intemperie concuti potest, conservetur. Contingere siquidem potest, ut multæ fuliginis particulæ undique lucernæ flammam ambiant, & sibi mutuo adherentes & immotæ, exiguum quasi fornix circa illam componant, quo *aeris* partes arceantur, ne in flammam irruentes, illam obruant, ac suffocent. Quippe ita compositus fornix ad vim *Flammæ* infringendam conducit, ne posteriores *olei* vel *elychnii* particulas inflammet & accendat. Unde fit, ut primum elementum in eo *Stella* ad instar in orbem revolutum, globulos æthereos, qui ipsum circumstant, repellat, & *lumen* per totum sepulchrum transmittat, tenue quidem & subobscurum, sed quod loco aperto, vires aeris externi agitatione recuperet, & amota, qua cingebatur, fuligine lucernam accensam, & lumine radiantem manifestet, & prodatur.

ARTICULUS OCTAVUS.

De Terra motu, & Ignibus subterraneis.

Campania per plures dies tremuit. Principio anni, quo *L. Cornelius*, & *Q. Minutius Consules* fuerunt, tam crebros Terræ motus fuisse

uisse tradit Livius, ut non tantum rei ipsius, sed & feriarum ob id indictarum tæderet homines. Idem narrat per dies duodequadranta Terra motum fuisse, libro quadragesimo quarto.

Quidam impetum illum, qui Terræ motum efficit, Soli tribuant, cum putent illum *Halitus*, qui in Terræ specubus coguntur, suo calore educere, & ad Terræ superficiem attrahere. Verum, id fieri non posse, ratio statuit, quod Solis radii tantum Terræ penetrare nequeant: quia licet particulæ terrestres à radiis Solis impulsæ, alias sibi vicinas, ad quas isti radii non pertingunt, agitent, hæque rursus alias, & sic consequenter; non tamen ea partium Terræ commotio, igni excitando sufficit. Melius igitur Terræ motus causa in *exhalatione* refunditur, quæ in rimas & terræ cavitates illapsæ, pingues ibi & crassos *fumos* componunt, non admodum iis dissimiles, qui ex *candela* recens extincta egrediuntur, & spacium circumvicinum implent, qui ignis *scintilla*, forte silicum attritu, excitata, confestim accenduntur, ignemque concipiunt; qui, subito rarefacti, omnia carceris sui claustra concutiunt, & obstantibus corporibus vim inferunt.

Terræ motu non nisi aliqui Terræ tractus agitantur: unde nunquam totus orbis concutitur, nisi *miraculum* adsit, & Divina potentia magnum quid moliat.

Ratio in promptu est, quod *exhalationes*, quæ in Terra grassantur, quæque eam com-

*Causa
terra mo-
tus in
Campa-
nia &
aliis par-
tibus.*

II.

*Terra
motus
non nisi
in aliquo
bus parti-
bus acci-
dit.*

movendi vim habent, non ubique dilatandi se spatium inveniunt. Cum enim innumeri sint subterranei specus, & varia recipiendi peregrinis corporibus *diverticula*, non omnia eadem materia opplentur. *Quidam* enim aquas continent, quæ, ob innatum frigus partiumque suarum crassitiem, torpescunt, & absque motu, veluti in lecto stagnant. *Alii* denso aere turgent, qui inter angustias reclusus, non nisi vi ex antris suis excluditur. *Alii* ignibus occupantur, sed qui carceribus reclusi, & extra prorupendi impares, innoxii manent, & nullos in terram impetus faciunt. Soli igitur *Ignes* illi terram concutiunt, qui carceris parietibus diruptis erumpunt, & laxatis *habentis* grassantur, ac se expandendi spatium quærunt. Cum vero ii pauci sint, nullamque ad Terræ globum proportionem habeant. Non nisi aliquas ejus partes agitant & commovent,

III.

Unde
oriatur.
frigor,
que terra
motum
sequitur.

Ex omni Terræ motu quidam *frigor* resultat tonitruum similis, qui ei fere semper conjunctus est, aut interdum etiam præcedit.

Id provenit, quod ignis intra Terræ cavitates rarefactus, per multas vibrationes & subsultus se reducat; nam cum in cavernis illis innumeri flexuosi meatus existant, quos accensæ *exhalationes* pervadunt, oportet, ut *Sonus* per eos delatus multiplicetur, & additione increascit. Ita *specubus* reboare solenne est; ita è tortuosis cornibus, quæ apud multos *Serpentis* nomen obtinent, quædam mugitus species emittitur, qui non nisi flexuosis meati-

ne atibus, per quos ad aures nostras pervenit, assignandus est. Major igitur minorve fragor e Terræ motu oritur, prout materia citius vel tardius accenditur, & prout rarefacti halitus fortius erumpunt, & se per plures aut pauciores vibrationes explicant.

Terra è visceribus nonnunquam Ignem I V.
expromit, & illum per montium vertices sur- Unde
tantus
ignis, qui
ex Ætna
& Vesu-
vio erumpit.
sum effert. Sic *Ætna* in Sicilia, *Vesuvius* in
agra Neapolitano, *Hecla* in Islandia, flammam
evomunt, & circumvicinas Regiones cineri-
bus opplent. *Vesuvius Mons*, teste Dion. Cass.
in Hecl. arsit, *Tuo Vespasiano & Flavio Domitia-*
no vij. Cass. Rupto vertice primum saxa eja-
culatus est, post tantas flammam, ut duo oppi-
da *Herculanum & Pompei* conflagrarent: tam
denso fumos, ut lumen Solis obscurarent:
postremo tam densum efflavit cinerem, ut
anquam nix vicinam regionem tegeret,
quem vis ventorum in *Africam, Egyptum, Sy-*
riam projecisse dicitur.

Dubitari non potest, quin intra Terram
igna gignentur, quum magna illic sulphuris ac
bituminis vis insit, quæ præ cæteris succis pin-
guia sunt, ignemque promptissime concii-
piunt, ac retinent. Nullam autem intra Ter-
ræ viscera materiam magis creandis ignibus
doneam deprehendimus, & quicquid ardet,
aut calefit, sui conservationem ab eorum mi-
tura habet. Unde nullibi Ignis erumpit, aut
aliquo in loco calor se prodit, quin utrumque
illic maximè vigere, aut saltem eorum alte-
rum imperium obtinere inveniatur. Nec pa-

rum ad *Ignis* in specubus latentis incrementum dilationemque conferre *Ventus* potest, dum cavernis afflatus, illum magis aut minus accendit efficitque, ut plus corruptæ materiæ in flammam abeat, & vehementius exaspetetur.

V. Ratio autem, cur *flamma* subterraneæ montium *vertices* petant, & relicta humiliori terra, in superiorem sæviant, ab ipso igne petenda est, qui cum vi intra cavitates detineatur, & illic se dilatandi copia non fiat, carceris sui parietes superne potius quam inferne infringit, quoniam ea parte debilius est obstaculum, & minus ejus impulsibus fit resistentia. Unde libertatem nactus, tamdiu perseverat, quamdiu materia subest, quæ ipsi alimentum subministrat, & in flammam convertitur.

VI. Montes accensi post aliquod temporis intervallum furere desinunt, & non diu post, vires suas resumunt, & ignes alios aut saxa jaculantur.

Quia Igne erumpente, laxatisque vacuis montium lateribus, aqua allabuntur, quæ desertæ loca occupant, ostiaque obstruunt, ne tam cito alia exhalabilis materia congregetur, & novis ignibus pabulum præbeat. Accedit quoque, ut vehementi flammarum emissionem, montium partes subvertantur, & ruinae in *barathris* profundis corruant, quibus via halitibus præclusa, expectandum est, donec satis *sulphuris* & *bituminis* denuo colligatur, quæ accensa, eam materiam depellant, & sursum

furfum ejaculentur. Unde non eandem semper vomiferi montes magnitudinem retinent; quum ipse *Vesuvius* miræ olim magnitudinis, vix solo nunc æquetur, tota ejus mole repetito incendio consumpta.

*Nec que sulphureis ardet fornacibus Ætna
Ignea semper erit; neque enim fuit ignea semper.*
Ovidius decimo quinto Metamorph.

ARTICULUS NONUS.

De Vitro.

NON ignobilis effectus *Vitrum* est ignis, cujus forma non minus quam materies ab eo pendet. Nam cum pleraque corpora indefesso motu Ignis agitet, & eorum partes, soluta unione diffingat, quasdam in *fumum*, alias in *calces* & *cineres* convertit, quæ nova ignis actione denuo connectuntur, & in *Vitrum* abeunt. Hoc corpus è cineribus assurgens, & reliquiis corporum ustorum exortum, *pellucidum est*, & liberum radiis Solaribus transitum præbet, nec nisi peregrinæ materiæ mistura opacum efficitur.

Hujus perspicuitatis causa facile ex *vitræ* generatione deducitur. Nam cum formaretur, liquidum esset, & ejus particule inter se moverentur, Ignis materia circa illas fluens, innumeros meatus excavavit, quos secundum elementum undique adveniens libere permeans, *luminis* actionem in omnes partes, secundum *lineas rectas* transtulit. Cum verò iidem pori, peracta generatione, continuo

I.

Unde
oriturpelluciditas
vitri.

subtilis materiæ transcurso illæsi serventur, & simili materia repleantur, eodem modo, quo antehac *lumen* per eos transfunditur, & par in concreto vitro ac in liquefacto pelluciditatis remanet. Hoc enim corporibus Igne liquefactis est commune, ut, dum adhuc liquida sunt, ipsorum particulae non ægre se accommodent ad quaslibet figuras, & cum postea frigore concrescunt, easdem retinent, quas ultimo induerunt. Quod si quædam *Opacitas* vitro innascatur, id semper ex *sordibus*, *nubeculis* & exiguis *bullis*, quæ in eo occurrunt, provenit, quæ cum in magna crassitie plures sint, quàm in minori, pelluciditatem ejus magis impediunt.

II.

Cum Vitrum sit fragile.

Fragilitas vitro maximè competit, & non nisi ægre *ductilitatem* patitur. Hinc levi tactu Vitrum frangitur, & in partes varias exilit.

Quia licet vitrum *durum* sit, & satis crassis partibus constet, quia tamen superficies, secundum quas illæ se contingunt, admodum exiguae sunt, & non nisi in punctis coherant, si pauxillum à locis suis dimoveantur, *unionem* suam amittunt & in frusta dividuntur. Multa autem molliora corpora difficilius franguntur, quia partes suas sic intextas habent, ut ab invicem sejungi nequeant, nisi pluribus earum ramulis ruptis atque avulsis.

III.

*Vitrum frigidum ignis ad-
motum frangi-
tur.*

Si vitrum *frigidum* igni admoveatur, adeo ut in una parte magis quàm in cæteris calorem recipiat, hoc ipso in illa parte infringetur,

ur, & rupto quarundam particularum nexu, integritatem amittet.

Ratio est, quod intromisso igne, omnes vitri meatus, non eodem modo dilatentur, ac proinde subtilis materia eos penetrans, quum non satis patulos ea parte, qua *frigidum* est vitrum, ad egrediendum meatus inveniatur, per ejus fracturam eos sibi aperit, & facto *impetu*, elabitur. Si vero lento primum igni, ac deinde gradatim potentiori apponatur, *vitrum* integrum remanebit, nec ullum damnum patietur; quia omnes ejus meatus ita copiose laxabuntur, ut libera materiæ subtili via pateat, & absque obstaculo egrediatur. Sic usu venit, ut *pocula vitrea*, si ejecto calido liquore, statim vento frigidiori exponantur, crepent, ac diffingantur; quia nempe subtilis materia, in *poculorum* vitreorum poris inclusa, cum exhalare nitatur, & liberum exitum, ob insidens frigus, non inveniatur, latera quibus detinetur, infringit, & per fragiles vitri particulas transitum molitur.

Vitrum rigidum est, & non nisi cum *fractura* periculo inflectitur. Unde si tantillum à vi externa in partem unam inclinatur, statim sibi relictum resilit, & *arcus* adinstar, ad priorem figuram revertitur.

Ratio est, quod ea inflexione figura vitri nonnihil immutetur, & angustiores illius pori efficiantur; unde primi elementi particulae per illos transire assuetæ, *vias* ibi solito minus commodas invenientes, & nihilominus quoad possunt, in motu perseverantes,

IV.

Cur vitrum ad instar arcus sit rigidum.

impetum in eorum parietes faciunt ad figuram priorem ipsis restituendam. Hæc enim *resiliendi* proprietas, non *Vitro* solum, sed & omnibus duris corporibus competit, quorum particulae immediato contactu, non ramulorum intextu conjunguntur; ut in *arcu ferreo*, aut etiam *ligneo* incurvato sit manifestum, qui se ad figuram priorem statim reducit, nisi nimis diu in eo statu cohibeatur, & aliorum materia subtilis transitum adinveniat.

V.

Quomodo
Vitru
si ignis
liquefacit

Vitrum Ignis actione liquefcit, & omnes figuras, dum candet, facile induit.

Quia ejus particulae Ignis vi antehac attrita, & lævigatae facile moventur, atque aliae supra alias oblique *repentes* & fluentes in exiguis quibusdam superficiebus se contingere incipiunt, & se mutuo sequentes, corpus liquidum componunt, quod pro artificis arbitrio duci potest, & in quaslibet figuras inverti.

I.

ARTICULUS DECIMUS

De Cineribus & Carbone.

Vas cineribus op-
pletum
saturum
pene a-
qua con-
tinetur,
quantum
aliud o-
jusdem
magnitudinis
dini &c.

CIneres tantum aqua hauriunt, tamque profunde eorum penetralibus liquor immergitur, ut vas cineres continens, eandem ferme aquae quantitatem, observatore *Aristotele*, capiat, quantum aliud ejusdem magnitudinis vacuum & inane complectitur.

Hujus ratio alia reddi non potest, quam quod *pore* & *cavitates*, quae eorum partibus inter

interponuntur, veluti flocci & tenues quædam exuvix sunt, quæ infusum liquorem recipiunt, & illum quodammodo exsugunt & absorbent; adeo ut cinis terrestris quædam nix dici queat. Nam sicuti in nive exquisito *microscopia* tenuissimæ congelatæ guttulæ deprehenduntur, in floccorum modum effictæ; Ita in cineribus corpuscula videntur exiguarum exuviarum adinstar, quæ injectum liquorem hauriunt, & intra tenues suas superficies recondunt.

Cineres tergendis corporibus adhiberi solent. Unde qui *oleum*, pinguemque aliam materiam è panno educere satagunt, *Cineribus* maxime utuntur, quarum ope quascumque sordes eximunt, & pristinum corporibus nitorem restituant.

Id ex eo provenit, quod corpora mutuo frictu lævigentur, & omnem asperitatem deponant. Unde cinerum aliorumque corporum attritu, quicquid sordium illis adhærescit, excutitur, & omnia plana efficiuntur, modo aqua aliisque similis liquor adsit, quo veluti vehiculo cineres ad intimos corporis recessus, in quibus sordes degunt, deferantur: quia cum aliquid uliginis & acrimoniæ habeant, illis implicantur, atque iterato affrictu, quicquid asperum est, secum auferunt. Unde ex diluto cinere fit *lixivium*, dum Aqua per cinerum meatus transmissa, & eorum acrimoniam uliginemque suffurata, ablucendis corporibus fit efficax, & iis *sordibus* tollendis, quæ ipsis adhærent ac im-

miscentur. Quippe telæ poros subeundo, & ad intimos ejus cuniculos penetrando, educit, quicquid illic sordium offendit, illud scilicet vel secum *vehendo*, vel in eorum superficie *destituendo*.

III.

*Radices
plantarū
a frigore
cineres
latentur.*

Plantarum radices, tempore hyberno *cineribus* muniuntur, ne frigoris injuriis sint obnoxia, & liquefacta nive aut glacie, quæ stirpibus nocent, perfundantur.

Quoniam cineres *aridi* sunt, omnique succo propemodum carent, ac proinde resolutæ nivi humorem exsugunt, & intra meatus suos recipiunt & fovant. Calidi enim cineres sunt, & intestino adhuc motu agitantur, Nam sicut *acetum* & *sax* *vini* vim calefaciendi retinent; ita cineres igneæ qualitatis participes sunt, & vim frigoris arcendi habent.

IV.

*Cur ignis
in carbone
conservetur.*

Carbones ignem conservant illumque diutentur, præsertim si cineribus tegantur, & ab *aeris* afflatu removeantur.

Quia Ignis in carbone latens, quibusdam particulis tenuibus & ramosis inest, quæ aliis crassioribus implicatæ, quamvis celerrime agitentur, non tamen nisi successive, id est, unæ post alias egredi possunt. Ignis corporis alicujus meatibus inclusus, aliquo tempore eget, ad omnes ejus particulas dissolvendas, ut se ab eis extricare & liberare queat: ac forte priusquam eo modo egrediantur, *Carbonis* partes longo motu deteri debent & singulæ in plures alias dividi. Facilius vero *Aeris* afflatu Ignis in carbone dissipatur,

spatur, quia cineribus excussis denudatur, fitque magis aeris impulsibus obnoxius, qui ejus poros subeundo, eosque solito magis dilatando, igneis particulis avolandi copiam facit, & liberum exitum præbet.

Si nonnihil aquæ carboni accenso infundatur, vegetior efficitur, majoremque calorem exhalat.

Quia Humor accensi corporis poros ingrediendo Ignis particulas ad intima loca repellit, cui cum immisceatur, & ob dominantem illic calorem reverti cogatur, ignis particulas, quæ in iis latibulis continebantur, educit, & secum ad corporis extrema desert. Unde Aqua, quæ mediocribus ignibus alendis inepta est, & vim illorum statim retundit, magnos tamen sua uligine juvat, eorumque calorem auget, quoniam flexillum partium suarum motu, ardorem educit, & flammam altius attollit.

Ad pyrium pulverem componendum Sulphuri & Nitro carbo admiscetur, ex quorum mixtura, humore aliquo aspersa, granula sive pillulæ formantur, quæ ignem concipiunt, & exigua interposita mora inflammantur.

Ad pulveris Pyrii compositionem carbo requiritur, quoniam meatibus abundat, & undique facile penetratur: tum quia plurimi in corporibus, ex quorum ustione superest, antea fuerant; tum quia dum comburebatur, multum fumi ex iis evanuit. Addi etiam potest, in carbone duo partium genera reperiri, aliæ tenuiores & ramosæ, quæ igni admotæ facile ignem

V.

Carbo
modica
aqua ad-
dita ma-
gis incen-
descit.

VI.

Cur Car-
bo ad
composi-
tionem
pyrii pul-
veris re-
quiratur.

ignem concipiunt; quia jam ante ignis vi concussæ fuerunt, sed longis & multiplicibus ramis implexæ, ex eo quoque jam evolassent, nisi ipsa extinctio eorum fugam stitisset. Aliæ sunt *crassiores*, quæ, si diutius ignis perseverasset, in cineres abiissent. Itaque *Sulphuris* ramuli, & *Nitri* spicula, ramos carbonis meatus subeuntia, ramosis ejus particulis involvuntur ac constringuntur, præsertim dum humore aliquo perfusa, & in exiguas pillulas compacta postmodum siccantur. Accenditur igitur pulvis pyrius, dum ignis *Sulphure* prius incenso paulatim *Nitri* particulas exagitat, ut tandem ipsæ viribus assumptis, & majus spatium ad gyros suos describendos exigentes, carbonis vincula discerpant, totumque granum confringant. Carbonis enim resistentia valde celeritatem auget, ut *Nitri* rotata spicula in flammam erumpant.

ARTICULUS UNDECIMUS,

De Aere.

I. *Cur Aer terra proximior calidior, & superior Atmosphæra pars occupat.*
EA, quæ Terræ vicinior est, Aeris *regio*, calidior est, majoremque æstum consequitur, quàm quæ à Terra longius removetur, & superiorem *Atmosphæra* partem occupat. In hac siquidem frigus dominatur, & *grando*, *nives*, cæteraquæ *gelida* corpora prodeunt.

Causa hujus effectus est, quod Radii Solares à Terra copiosius reflexi, Aerem acrius diverberent, ac illum magis solito concutiant. Vehementior autem terrestrium partium

ium *agitatio* calorem efficit, præsertim si illa a lumine proficiscatur, & aliquo temporis spatio perseveret. Quia vero *radii* à Terra remissi, non tam copiose versus altiorē aeris regionem feruntur, imo qui ab illa ascendunt, vires suas occurrentibus corporibus impertiuntur, necessum est, imminuta agitatione, *frigus* exoriri, & illic concrefcere *nubes*, atque *Nivem* ac *pluvias* produci.

Si Aer congregetur, & in vase aliquo per impulsione[m] intrudatur, pondus acquirit, & multo gravior eo fit, qui libere exspatiatur, & nulla coactione detinetur. Id Galilæus Galilæi hoc modo expertus est. *Accepi* inquit, *lagenam vitream satis amplam, cui os obturavi diligenter, præterquam quod inferui digitale coriaceum, cui juncta erat strictissime utriusque foris annula, cui deinde, instrumento ad id apto, maximam aeris quantitatem intrusi, & quia facile condensatur, duæ aut tres aeris lagena intrudentur, præter enim aerem, quo primum plena erat. Quippe hoc experimento didicit Galilæus, congestum aerem gravio-rem reddidisse lagenam, ore autem aperto, imminutum esse pondus, & vas minus grave evasisse.*

Hujus experimenti evidens est ratio; quia in corporum *condensatione*, partes ad se accedunt, & intimius uniuntur, ac proinde ob majorem suam copiam, necessum est rarefactis præponderari. Major enim solito aeris copia vas gravius efficit; Ut clare evincetur, si *lagena* aeris, alteri aqua repleta adaptetur, quæ ita in fundo perforata sit, ut pro libitu

II.

Quomodo

aer

potest

reddi

gravior.

libitu aditus aperiri queat: Quippe utroque vase ita conjuncto, datoque acri in lagenam aquæ plenam aditu, tantum aquæ effluet, quantum aeris condensati congestum erat, & violentius compressum. Ac proinde existimandum est, quantitatem aeris vi in lagenam adaptam, aquæ molis æqualem esse, ab ea per lagenam expulsæ.

III.
Vi aeris
compressi
glandes
plumbeæ
emittuntur
ex sclo-
petis.

Aer in vase aliquo inclusus, & vi quadam externa compressus, resiliendi vim obtinet, ut in *Sclopetis pneumaticis* experiri licet, in quibus opera Aeris compressi, plumbeæ *glandes* tanto cum impetu emittuntur, ut pulveris tormentarii vigorem excedere videatur. Similiter nonnullæ aliæ extant *machina*, quæ solius aeris ministerio aquas sursum versus jaculantur, atque eas fontium adinstar propellunt.

Hoc enim fit, quod Aere intra *tubos* machinasque compresso, unaquæque ejus particula sphaericum illud spatium, in quo circa suum centrum gyret, non habeat; sed aliæ vicinæ illud ingrediantur, & eam ab eo extrudere nitantur: Cumque interim eadem caloris vis, sive eadem istarum particularum agitatio, globulorum cœlestium motu conservetur, illæ cum libere expandi nequeant, & circumobsidentibus vicinis impediuntur, se mutuo extremitatibus suis verberant, & loco expellunt. Sicque omnes simul impetum faciunt, ut libertati se restituant, & majus commodiusque *spatium* nanciscantur.

Sit tubus vitreus tres pedes altus, una parte clausus, altera apertus, per quam *hydrargyrus* ad summam repletionem infundatur, tum in *vas* subjectum similiter *hydrargyro* plenum invertatur, adeo ut ea extremitate aperta in *vas* defluere possit. *Argentum vivum* non tunc ad tubi imum descendet, sed penfile ad *viginti septem* digitorum vel circiter altitudinem remanebit.

Aeris pondus, vulgaris huius phaenomeni causa est; quod *hydrargyrum* in ea altitudine detinet, nec patitur inferius descendere. Quia licet *hydrargyrus*, qui in tubo est, gravissimus sit, elabi tamen in *vas* subjectum non potest, quia *hydrargyrum* in eo stagnantem, mox totam aeris molem sublevet & attollat. Obstant autem crassæ & volantes aeris particulae, ut ad maiorem humilitatem flecti & condensari possint; quia licet complicatae facile volvantur, & in ordem gyrent, non tamen eadem facilitate compressionem admittunt, nec sinunt se ad minus spatium redigi. Non tamen omni Aeri æqualis vis ad resistendum inest: sed pro raritatis aut crassitiei suæ ratione, varios sortitur effectus: Tenuior enim, & cuius particulas calor aut alia causa debilius dilatat, facilius flectitur, minusque pressioni *Hydrargyri* obluctatur, quam crassior, & cuius particulae vehementius expanduntur. Unde fit, ut *hydrargyrus* humilior *sereno* quam *nebuloso* & *pluvio* cælo descendat, & aer minus impellenti *hydrargyro* obstat in *montis vertice* quam in *valle*, & umbro-

umbroso loco; quoniam illic crassiores sunt aeris partes, &que languidius à calore excitantur.

V.

Quando
nam im-
peditur
hydrar-
gyri de-
scensus in
tubo vi-
tro.

Si tubus vitreus viginti septem digitis brevior, modo supra explicato *argento vivo* compleatur, nullus continget in eo argenti vivi descensus; sed vertice tenuis repletus remanebit nulla argenti vivi facta substantia.

Quia aeris externi particulae ita agitantur, tamque globulorum caelestium motibus obsequuntur; ut ab hydrargyri pondere pauciores viginti septem digitos alti comprimi nequeant, ac proinde vim ejus ita retundant, ut omnem ejus descensum impedian.

VI.

Cur a-
qua in
antliis
altius
quam ad
21. pedes
ascendere
non possit

In Antliis ad motum emboli aqua sequitur, & per tubum liberè ascendit: sed altius quam ad unius & triginta pedum altitudinem evehi nequit.

Aqua cum *embolo* supra attracto ascendit, quia, cum nullum sit in natura *vacuum*, & omnia spatia corporibus repleantur, nullus in mundo fieri potest motus, quin integer corporum *arculus* moveatur. Unde embolus sursum elevatus efficit, ut aer, qui supra antlias erat, circa earum medium moveatur, & qui eorum medium ambiebat, ad locum, in quo stagnat aqua, succedat, atque hæc per tubum effecta, emboli locum occupet. Quia aqua eo potissimum fertur, ubi minima aeris pressio est, nempe intra tubum, quem embolus deseruit. Cur autem aqua ope antliarum ultra *unum & triginta pedes* attolli

attolli nequeat, ex hoc oritur, quod aer innato suo pondere, citra condensationem, illam sursum propulerit, postea altiore aquæ mole sustinere non valens, emboli motu, solito vehementius concutitur, & hoc pacto flectitur atque effringitur: Ac proinde materia subtili supra aquam in tubum expulsa ad unius & triginta pedum justam humilitatem deprimitur & subsidit.

HISTORIÆ NATURALIS PARS QUINTA.

De Fossilibus.

ARTICULUS PRIMUS.

De Metallis in Genere.

EXcusanda videtur Hominum *I.*
avaritia, qui officii sui obliti *Unde in*
Terra aperiuunt, & in eruendis *Terra*
metallis, communis parentis sinum *metallo-*
perfodiunt, & lacerant. Tot enim *rum di-*
versitas,
usibus deputantur *metalla*, ut iis carere genus humanum commodè non possit. Annon annulis, numismatibus cudendis materiam *Aurum* ministrat? Unde vestium, domesticæque supellectilis ornatus, si *Argentum* mundo exulet? Quis nescit *Æs* rei statuariæ auxiliari? & musicæ fistulis fabricandis *Plumbum*

bium inservire? Hinc providente natura, non unius metalli ferax Terra est, sed multa in eadem etiam fodina reconduntur, quæ indole discrepant, & varias affectiones sortiuntur.

Multiplicis hujus productionis ratio à diversis succis in ea occurrentibus, ibique condensatis petitur: cum enim ad metalla evahenda, *acres spiritus*, oleagineæ *exhalationu*, nec non Argenti vivi vapores inserviant, hi ex terra interiori ad exteriorem delati, metallorum particulas, quas secum vehunt, deponunt, & pro earum diversitate, quibus constant, varia *fossilium* genera oriuntur. Nam uti in *Arborum* fructibus videmus substantiam crassiorem in unas partes, subtiliorem & magis defæcatam in alias concrefcere: ita in eadem vena multa generantur metalla, quorum alia materiam minus elaboratam exigunt; ut *Ferrum*, *Plumbum*; alia vero magis præparatam, & omni facie immunem, ut *Aurum*. Quo fit, ut major vis ignobilium metallorum in fodina existat, quàm præstantium, quoniam plus temporis in iis formandis natura impendit, & majorem curam ad eorum perfectionem adhibet.

II.

*Metalla
in radici-
bus mon-
tium pro-
veniunt,
qui sunt
versus
orientem
& meri-
diem.*

Metallorum fodinæ maximè sub montibus frequentes sunt, in illis præsertim partibus, quæ Soli *meridiano* aut *orientali* obijciuntur.

Quia in montium radicibus multæ insunt cavitates, in quibus sublata metallorum particulae congregari possunt, & facilius ad externam Terræ superficiem ascendere, in
his

his præsertim locis, quæ Soli exponuntur, caloremque ejus impensius recipiunt. Nam licet ejus *radii* in Terræ superficie terminentur, & abdita ejus non penetrent, haud dubium tamen est, quin calor ab eo productus, ad intimas Terræ *regionis* partes pertingat, & ea loca fortius exagitet, in quæ directius radios suos vibrat, ac emittit. Terra enim nimis fatifcente, succi facilius attolluntur, & onera sua, nimirum metallorum particulas, sursum sine impedimento deferunt. Hinc *Fluviorum* scaturigines in radicibus montium oriuntur, quoniam per eas aqua facilius percolatur, & liberius ad eorum juga ascendit.

III.

Terra, quæ *metalla* tegit, passim sterilis *Terra* est, nullumque fructum fert; imo vapores *metallo-* malignos plurimum exhalat, quibus incolæ *rum fe-* offenduntur, & multos inde *rax steri-* morbos contrahunt.

Terræ sterilitas ex eo nascitur, quod succus alimentitius, qui ad *herbarum & plantarum* nutrimentum à natura deputatur, alio divertatur, ad præparandam scilicet metallis materiam. Cuius defectu necessum est *arbores* languescere, siccare *herbam*, & *Terram* ipsam omni vigore ac ornamento destitui. Tractus utem illi terrarum acrius olent, tetrumque odorem spirant, ob halituum diversitatem, qui ex ipsis exhalantur. Non enim tota illorum materia Metallis componendis insumitur, sed subtiliore eorum pars à spiritibus agitata, per rimas transmittitur, & acri permixta auram inficit, & illam haurientibus

noxam infert. Id in plerisque lacubus paludibusque *Zelandicis* experiri licet, ex quibus glebæ bituminosæ, quæ accensæ, ut *Naphia* ardent, non sine odore tetro ac viroso. Imo tanta earum vis est, ut ubi frequentius ipsis ædes incalescunt, *ferrum*, *cuprum*, *stannum*, *argentum*, atque *Aenea* quæque deurat, omniaque in ædibus, præter *Aurum*, deteriora efficiat. *Lemnius de occultis naturæ miraculis, libro primo, capite decimo septimo.*

IV.

In quibus
dam fluminibus
metalla
generantur.

Metalla nonnunquam in fluminibus reperiuntur, ut de *Tago*, *Gange*, & *Pactolo* referunt Historici, qui multas Auri Argenti que, & aliorum fossilium particulas continent, quæ passim ab Accolis colliguntur, & à se invicem secretæ, diversorum metallorum massas conficiunt.

Metalla non in iis fluminibus generantur, quasi ex succorum coagulatione, ut in *terra interiori*, illic producantur, & primam sui originem habeant; sed solum, quod eorum aquæ terram perlabentes, aliqua metallorum *ramenta* erodant ac suffurentur, quæ secum devehunt, & ad longum etiam spatium deferunt. *Aqua* enim ineptum est creandis metallis elementum, cum, quicquid ex ejus cum terra concreatione oriri potest, nihil aliud quam lutum esse queat.

ARTICULUS SECUNDUS.

De Mercurio & Sulphure.

I.

Mercurius seu Argentum vivum, maximè *ponderosum*, & si *Aurum* excipias, omnia metal-

metalla gravitate excedit. Unde corpora omnia illi innatant, & in ejus superficie continentur.

Ratio est, quod Mercurio pauciores in-
fint meatus, quos materia subtilissima pervadat. A sola enim *pororum* multitudine aut paucitate, corporum *gravitas* aut *levitas* pendet. Nam licet forte admittatur, metallorum aliorum partes ejusdem esse magnitudinis & figuræ, atque etiam earum motus esse similes; quia tamen plures *pore* in illis existunt, necessario Argento vivo sunt leviora. Nec alia ratione *Aurum* Argento vivo præponderat, eique immergitur, quam quod paucioribus meatibus perforatur, nec tanta copia primi elementi illud transgreditur; quam etsi non multum, quum teste Gassendo deprehendatur solum habere se ad illud, ut *quadraginta quatuor ad quadraginta tria*.

Argentum vivum liquidum est, & nisi intra vasis latera contineatur, per inclinata loca defluit.

Quoniam argentum vivum in multas exiguas particulas dividitur, quæ motibus propriis à se mutuo diversis agitantur, & è locis suis continuo recedunt. Nec obest, quod non humectet, & nihil sui in atrectantium manibus post se relinquat: quia non *Humidum* cum *liquido* confunditur, nec una est utriusque natura. Ignis enim *liquidus* est, & metalla fusa defluunt; non tamen nisi in nepte quis affirmabit, ignem *humectare*, & fusa metalla loca, per quæ transeunt, *madida* relinquere. Cum

*Argentum
vivum
cetera
metalla,
præter
aurum
pondero
vincit.*

II.

*Unde ori-
tur flui-
dis in
Mercurio*

ad fluiditatem sufficiat, quod partes corporum insensibiles commoveantur, aut ita solutæ sint, ut à subtili materia exagitentur, & ad motum impellantur. Causa igitur Fluiditatis, quam in *Argento vivo* cernimus, est, quod particulæ, ex quibus constat, tam læves sint & lubricæ, ut neutiquam possint inter se compingit, & quod, cum crassiores sint, quàm aquæ particulæ, vix transitum, inter se præbent globulis secundi elementi, sed tantum materiæ illi subtilissimæ, quam *primum elementum* appellamus.

III.

Quomodo annulus aureus attritus Argentum vivum. Mercurius Auro maximè afficitur; unde qui ex *Lue veneræ* inuncti sunt, si aureum annulum ore gestent, ac dentibus linguaque hinc inde volutent, Argentum vivum, quod Corpori ex unctione innatat, in annulum devolvitur, sic ut totus argenteus eximatur, & non nisi Igni admotus, pristino nitore restituitur. *Lemnius de occultis naturæ miraculis, libro secundo, capite ultimo.*

Id evenit, quod Mercurius, quem fluidum partesque commotas habere dicimus, modico calore exhaletur, & in fumum abeat; unde fuligini, quæ cum flatu ex pulmonibus extruditur, admixtus, sursum ad os defertur, ubi annulo, ut pote denso ac frigidiori corpori occurrens sistitur, & junctis denuo partibus, ad priorem formam redit. Eo ferè modo, quo *Aqua* in alembico, ignis calore in vapores convertitur, tolliturque in sublime, donec gelido corpore excepta, agitationem amittit, & rursus in aquam revertitur. Non igitur Argen-

Argentum vivum ab *Auro* attrahitur, ut nonnulli loquuntur, sed illi adhæret, & intra ejus poros intrudendo, denuo coagulatur, & priorem statum recuperat. Unde consulunt *medici*, ut, qui olim morbo gallico fuerunt infecti, ejusmodi ceromate delibutum annulum *aureum* in ore teneant, imo aliqua auriamenta hauriant, quum iis magna metalli hujus copia inhæreat. Adeo ut observatum sit, incisa vena aliquot drachmas profluxisse; atque hinc est, ut tales tantisper *palescant*, & tremuli existant, quorum corporibus aliqua hujus metalli portio inhærescit.

Si Mercurii notabilis quantitas ore in corpus immitatur, animalis vita in discrimen adducitur, imò ipsi non raro interitus infertur.

Quia cum Mercurius *gravissimum* liquidumque corpus sit, facilè in *venas* se ingerit, & sanguini immixtus, motum ejus interrumpit aut sistit. Unde, qui illum sæpenumero tractant, tremuli efficiuntur, & *paralyti* obnoxii; quod hujus metalli pondere ita sanguis condensetur, motusque ejus retardetur, ut è cerebro non sat spirituum suppeditet, quos inde in nervos immittere queat. Nam cum Mercurii particulae ob gravitatem suam mutuo sibi incumbant, sanguinem condensant, ejusque agitationem cohibent; Adeo ut nimis pauci spiritus è cerebro ad nervos traducantur, & non, nisi facta interruptione, *musculos* motibus inservientes inflect, ac repleant. Nec alia de causa iis, qui è fodinis

Mercurium educunt, *gingiva* laxantur, & *dentes* tremunt, quàm quod ille facilè ad imam usque radicem permeet, & partium nexum pervertat ac labefactet.

V.

Cur Sulphur in Senensi agro, in Aetoliis & ceteris frequens est.

Sulphur partim in aperto cœlo, & ubi ignis maximè dominatur, pròdit: Unde in agro *Senensi*, in *Aetoliis*, in *Neapolitano* tractu, in quibus subterranei ignes grassantur, Sulphur valde frequens est, & raro inquisitores fallit. Hujus ea est causa, quod ramosæ exhalationum particulæ, quæ succis acribus, ac metallicis quibusdam particulis admistæ, Sulphur constituunt, vi caloris subterranei, his in locis agitantur, atque celeriter motæ sursum feruntur, & ad externam agrorum superficiem ascendunt, ubi in succum pinguem, vel oleagineum concrecentes, Sulphur componunt. Hinc *adeps* & *Pinguedo*, quæ similiter ex tenuibus & mollibus partibus constant, loca calida affectant, nec ullibi magis in corpore animantis coagulantur, quàm ubi viget calor, ut circa *Cor* & *renes*, & alias partes, in quibus major vis caloris sentitur. Ac proinde sicut *adeps* in corpore animantis concrefcit; ita Sulphur formatur, dum pinguiore partes vi caloris expirant, & in terræ exterioribus concrefcunt, atque in unum corpus abeunt.

VI.

Quam ob rem Sulphur facile inflammatur.

Sulphur maximè inflammabile est: unde igne admoto, *flammam* statim concipit, & undique accenditur.

Quoniam particulis *succorum* acrium constat, quæ tam tenuibus ac spissis materiæ oleaginæ

gineæ ramulis sunt involutæ, ut permulti meatus inter istos ramulos, soli primo elemento pateant. Manifestum autem est, partes tenuiores primùm commoveri, & ab intercurrente materia arripi.

ARTICULUS TERTIUS.

De Sale.

Variæ sunt Salium species, prout è diversis locis fiunt aut generantur. Quidam *Tres Salis species, & quomodo à se invicem distinguantur.* *fossilis* est, qui vel cum arena educitur, vel è rupibus vi evellitur. Sunt enim multis in locis montes, Salis nativi, in quibus lapicidarum modo Sal ferro excinditur, & arborum adinstar repullulat. Non procul *Astracano* montes duo memorantur tam ingentis molis, tantaque Salis copia, ut, quamvis singulis diebus viginti millia frusta lignonibus vel rutris excindantur, tamen ne minima quidem pars detracta esse videatur, eadem quantitate indies concrefcente. *Petrus Perezus in descriptione Russia.* Alius est *Marinus*, qui ex mari derivatur, dum aqua in alveos deducta, Solis calore excoquitur. Alius *fontanus*, qui ex salsa fontana vel puteali aqua, Ignis operâ extrahitur, & evaporatis tenuibus particulis ponderosus evadit. Ea sola inter *fossilem* & alios interjacet differentia, quòd prior indilutus sit, nullaque exhalatione opus habeat; *Fontanus* vero sal, & *marinus*, ita aquis immisceantur, ut vi externa

indigeant, qua separentur, & aliud distinctum corpus constituent.

Hujus discriminis ratio est, quod aqua duplicis generis *particulis* constat, *flexilibus* & *inflexilibus*, quæ licet inter se confundantur, & unum duntaxat corpus constituent, diversam tamen naturam retinent, nec ita uniuntur, quin ignis aut Solis opera queant separari. Cum igitur *Sal* ex aqua in alveis educitur, non id partium aquæ coagulatione, ut quidam autumant, fit, sed earundem secretionem, dum *flexiles* nimirum & minus rigide in aerem evaporantur, solis *inflexilibus* in fundo remanentibus, quæ postea inter se junctæ, & transversim adhærentes, *Salis grana* componunt.

II

Quare sal in ignem immissus crepitat, si integer sit, non autem, si fractum.

Si *Sal* integer sive in grana compactus in ignem mittatur, *crepitat*, & cum fragore exilit; solutus vero, & in particulas divisus non item; uti nec ille, qui in lacubus, Solis ardore exsiccat, gignitur.

Illud ex aquæ dulcis *rarefactione*, quæ in granorum medio includitur, provenit. Cum enim *Salis* partes, quæ grana componunt, confuse duntaxat inter se complicantur, & non intime se contingant, satis spatii inter suas extremitates relinquunt, ad aliquas *dulcis aquæ* partes recipiendas, quæ, quamdiu non agitantur, conglobatæ ibi remanent: Verum, ubi vehementi calore concitantur, sese dilatant, & vim facientes, carceres suos infringunt, & cum crepitu erumpunt. Granorum autem *fragmenta*, sicut & *Sal* ille, qui in summa la-

ma lacuum concrefcit, non cum ftrepitu re-
filiunt, quoniam illorum claustra effracta jam
effe fupponuntur, & nihil amplius liquoris
inter cæteras partes contineri, quæ ignis ap-
pofitu rarefcant & dilatentur. Unde oritur,
ut Salis *particula* lento igne exficcatæ diffi-
culter admodum liquefcant, quoniam omni
humore carent, nec liquoris aliquid reflet,
quod earum emollitionem adjuvet, & eo mo-
do eas inflectat, quo ad fluiditatem requi-
ritur.

Sal linguæ admotus, & faliva humefactus
eam pungit ac penetrat.

III.

*Cur fal
linguam
pungat.*

Quia Sal ex partibus *teretibus & rigidis*
maximè conftat, quæ in cuspides erectæ,
punctim in linguæ meatus incidunt, & ejus
fibras penetrant. Sunt enim Salis particulae
telerum inftar, quæ vibratæ linguæ poros sub-
eunt, & magna vi ejus minutias concutiunt
ac divellunt. Unde, qui negant, Saporem *sal-*
is in eo confiftere, quod partes Salis in po-
ros linguæ punctim incidant, quum eas trans-
verfum attingere poffint, notare debuiffent,
Acum non nifi cuspide pungere, nec *gladium*
fine acie fcindere, reliquis autem fuis parti-
bus nullum poffe vulnus infligere; Unde
quia in qualibet Salis *mica*, permultæ hujus-
modi cuspides inveniuntur, non poteft ma-
gis contingere, ut illa in ore liquefcendo,
nullas cuspides in linguæ poros immittat,
quàm fi quis nudis pedibus fupra *fpinas* am-
bularet, & nullam læfionem pateretur.

Car-

IV. *Quomodo carnes ope salis a corruptione conservantur.* Carnes ope Salis diu incorruptæ servantur, temporisque lapsu duriores evadunt. Hujus causa ex præcedenti discursu colligi potest, quia Salis partes *punctim* carniū meatus ingrediendo, non tantum humorem tollunt, liquidasque partes depopulantur, sed ad modum pax illorum se habent, inter earum partes defixorum; ubi immoti, & non cedentes, illas fulciunt, impediuntque, ne aliæ magis *lubrica* & plicatiles immixtæ, illas concutientes loco depellant, & ita corpus corrumpant, quod componunt. *Sal* igitur carnem cibosque alios à corruptione servata cœtetur, duritie sua nimirum ac inflexilitate; quemadmodum *claviculis* asseres firmiores redduntur, & gladii *rigiditas* vaginam servat, ne frangatur.

V. *Sal terra fertilis, & agris sterilitatem expugnat.* Sal ad Terræ fertilitatem conducit, & agris sterilitatem expugnat. Hinc ejus aspersu agri feraces efficiuntur, & fructum adferunt. *Obese* quoque mulieres, & quæ magna ex parte effætæ sunt, moderato illius in condimentis usu, *fecundæ* fiunt & conceptui idoneæ.

Ratio est, quod Sal agrorum meatus penetrando, noxium humorem exugit, ubi plus satis palustres sunt, & nimia uligine referti. Exsiccandi enim vim Sal habet, & *humorem* è corporibus amovendi, ut dictum est; unde si *obese mulieres* moderato illius usu sterilitatem deponunt, & *fecundæ* fiunt, id ex eo potissimum oritur, quod Sal omnem uliginem abstergat, vulvamque plus satis udam ac *madidam*

am exsiccet, ac demum efficiat, ut *genitale*
men facilius utero, minus lubrico, adhære-
 cat. Non mulieribus modo, sed & ipsis viris
 ambos incitat, & acrimonia per eos trans-
 usa, tentiginem movet. Salcm autem fœcun-
 titati auxiliari, vel illud argumento est, quod
 immensa vis *murium*, *foricumque* in marinis
 avibus nasci soleat, & quod mulieres *salis*
maria continenter pruriant, multarumque
 orolium sint feraces. Sic frequens marino-
 rum piscium esus, omniaque testacea, *Ostrea*,
Gammari, *Locuste*, *Cancr*, *Cochlea*, *Conchaque*
Marina libidinem concitant, caliditatis mor-
 dacisquæ naturæ ratione. Ita Lemnius de oc-
 cultis naturæ miraculis, libro secundo.

Unum aut alterum Salis *granum* oleo, quo
 lampas ardens nutritur, impositum, ejus eva-
 porationem tantillum sistit, impeditque, ne
 tam cito consumatur.

Quia Sal, lampadis calore concussus, di-
 latatur, & adstringentes quasdam particulas
 subministrat, quæ in *ellyphnum* immissæ, *oleum*
 in transitu detinent, impediuntque, ne tam
 cito sursum ferantur & avolent.

VI.

Granum
salis oleo
admixtum
impedit,
ne tam
cito lam-
pas con-
sumatur.

ARTICULUS QUARTUS.

De Auro.

Aurum ignis vehementia, fusum & quàm
 proximè ad ejus ardorem accedens, *I.*
 non minuitur, aut quicquam sui ponderis aut
 molis amittit. Hinc commune Chymico-
 rum effatum, *Aurum ab Igne destrui non potest, quæ-
 cum*

Cur Au-
rum ab
igne con-
sumi ne-

cum post multa secula fornaci immiffum, nullam fenfibilem ja&uram patiatur.

Quoniam Aurum adeo tenuibus particulis conftat, tamque intimo nexu firmatis, ut à fe invicem dirimi nequeant. Nam licet aurum, ficut & cætera alia corpora, poros habeat, quos fubtiliffima materia intercurret; non tamen *fecundi elementi* globulos admittit; quo fit, ut maximè folidum fit, & magnam materiæ craffioris quantitatem fub parva mole ac fuperficie contineat. Ar&ta autem partium connexio, meatuumque paucitas, corpus *solidum* reddit, & vi externa indiffolubile efficit.

II.

Unde ori-
tur ducti-
litas auri

Aurum maximè dividi dilatarique poteft, utpote cujus *uncia*, ut loquitur Plinus, in feptingenas & quinquagenas pluresque bractæas quaternorum utrobique digitorum fpargantur. Imo referunt alii unicam *Auri* unciam, in bractæas diductam, decem terræ jugera cooperire poffe.

Tantæ ductilitatis ratio, partium ejus mollitiei, fingularique earum plexui tribuenda eft. Efficitenim mollities, ut partes citra feparationem cedant, & quæ antehac compactæ erant, in longum protrahantur. Ut in *argilla* & *pingui terra* experimur, quæ laxius ob mollitiem extenduntur, & aliam fuperficiem, defcendente profunditate, acquirunt. Denfitas enim compactioque partes fupeditat, quæ cum in profunditate minuuntur, in latitudinem excrescunt. Accedit quoque peculiaris partium *Auri nexu*, qui divifionem

nem

nem refugit, nec patitur illas à se mutuo separari. Unde quamvis *malleo*, aut alio quovis modo Aurum attenuetur, partium suarum nexum adhuc retinet, & quamvis demùm exiguos aliquos meatus admittat, ita tamen illi implicantur, fiuntque pervii, ut liquoris particulæ quoque verſum diſcurrere poſſint.

Aurum fuſum, aut alio modo calefactum, cæteris metallis acrius urit, caloremque diutius conſervat.

Id ex ejus partium *coheſione* provenit, quæ cùm pingues ſunt, & arcte inter ſe complicantur, ingeſtum ignem diu ſovent, & circumvicina corpora vehementius urunt. Quippe cum ejus meatus valde exigui ſint, & ſoli materiæ primi elementi pateant, partes ignis ita implicantur, ut quamvis celerime moveantur, non tamen niſi longo tempore elabi queunt: quo fit, ut Aurum illas intra ſe retinendo, majorem calorem exerat, & admotam *manum* aliave uſilia corpora citius corripit.

Aqua forti, (cui Regia nomen inditum eſt) ex Nitro & Vitriolo confeſta, Aurum diſſolvitur, non vero, ſi eidem Aquæ (ut præparari ſolet æquis Nitri & Vitrioli partibus) pars octava ponderis ex Sale communi, aut quarta pars *Ammoniaci* adhibeatur; quoniam tunc ſolum plumbum & argentum exſolvit.

Id ex varia horum metallorum contextura oritur: *Argentum* enim ita meatus habet diſpoſitos, ut Nitri & Vitrioli particulæ facile illas ſubeant, ſi ſolæ ſint, & Sali non admiſceantur.

III.

*Calefactum
Humana
rum eate-
rum metal-
lis acrimo-
rio.*

IV.

*Quomo-
do Aurum
Aqua
Regia
diſſolvitur.*

ſceantur. Quoniam inter ipſa analog
quædam eſt, & in partibus figurarum
militudo: In Auro autem talis analogia a
eſt, imo ita ejus pori diſponuntur, ut nu
modo *Vitrioli* & *Nitri* particulas admitte
queant. Salis enim particulæ, *Vitriolo*
Nitro admixtæ, corpusculorum ordinem in
vertunt, & nimis rigidas efficiunt, ut Au
meatus amplius ingredi queant. Inde a
ejusdem generis fortis aqua adhiberi ſol
ex *Chalcanto*, *Alumine* & *Halinitro* conſecta
Aurum ab Argento ſeparandum. Quonia
particulæ, quæ in hujusmodi aquis inſun
plexum illum dirimunt, quo Auri partic
cum Argenti particulis commiſcentur. Ad
ut dubium eſſe non poſſit, quin diverſi gen
ris corpuscula in talibus aquis reperiuntur
quorum aliqua cum *Argenti* particulis conv
niant, diſſentiant autem cum *Auri* particulis
Alia cum Auri particulis conſentiant, & cum
Argenti particulis differant & diſcriminentur.

V.
Aurum
fulgu-
rans ſi
accenda-
tur, ma-
gnum
ſtrepi-
tū
edit.

Aurum in pulverem reductum, ſi inco
datur, ingentem ſtrepitum producit, ad
ut fulminis adinſtar omnia ſuppoſita penet
ac perrumpat. Hinc fulgurans Aurum p
ſim appellatur.

Illud mirum non videbitur, ſi, quomo
is pulvis præparetur, attendamus. Aur
enim primo ab *Aqua forti* ſeu Regia diſſo
tur, deinde *oleo tartari* inſuſo præcipitat
convertiturque in pulverem, qui exſiccatur
non appoſito igne duntaxat, ſed & levi
lore agitur, & in *flammam* cum vehem

agore abit : quoniam, omnibus pulveris
 ranulis uno momento in flammam conver-
 s, vis illa ignis circumvicinorum corpo-
 rum meatus laxat, & partium plexum sol-
 vit, ut avolanti Auro viam faciat, quod tam
 eleriter crumpit, ut tonitru fragorem imite-
 ir, & fulguris imaginem referat.

VI.

Aurum multis corporis morbis auxilia-
 ur. Nam qui ex *Venerreo* sœdoque contactu
 ibem conceperunt, ac contagione ingui-
 um infecti sunt, eius usu manifestè suble-
 antur. *Elephantiasim* quoque, quæ vulgaris
 pra censetur, expurgat, aut saltem miti-
 at. *Dentes* labantes ac minus stabiles firmat,
 omniaque oris ulcera ac pustulas compescit;
 irus eluit, atq; eruptiones exsiccat. *Lemnio*
de oculis natura miracula, libro tertio.

Sed *Lemnio*, uti nec aliis quibusdam medi-
 is, hac in re non assentiri possum, qui existi-
 nem, *Anrum* nullo modo infirmis prodesse, nî
 rius resolvatur, & in ægrotorum corpori-
 bus digeratur. Quippe *medicamenti* vis in eo
 consistit, quod particulæ, in quas medica-
 mentum resolvitur, corpori se insinuent, &
 tumores noxios expellant, aut affecta mem-
 bra expresso succo foveant ac corroborent.
 At, quomodo id fiet, si Aurum semper inte-
 rum maneat, & nihil sui unquam amittat?
 quomodo medebitur, si nullas partes suppe-
 ditet, & semper inviolatum per corpus defe-
 rat? An non cotidie experiuntur *medici*
 prædoctas illas, quibus *pillulas* suas pharma-
 copœi contegunt, per ventriculum & viscera

intacta transire, & cum facibus emitti. Illæ nihilominus tenuissimæ sunt, & quæ facile detererentur, si calore naturali minui possent & digeri.

VII.

An detur
Aurum
potabile.

Non est, quod *potabile* Aurum suum medici obtrudant, id enim merum commentum est, & à circulatoribus duntaxat jactatum, ad pecunias lucrandas. Sed dato, id naturæ viribus effici posse, nullum in medicina usum haberet, quum inter *potabile* illud Aurum & *solidum* nihil præter concretionem & fusionem intercederet.

Si regeras, aquis *fortibus & salibus* resolvi Aurum posse, quod medicâ vi polleat. Id non inficior, sed assero solum, in salubre illud esse, & sanitati hujusmodi aquarum misturam officere. Neque juvât, quòd multi medici *laminas* aurique segmenta carnibus elixis admisceri jubeant, ad vires spiritusque vitales erigendos: Id faciunt non, quod illud aliquando Aurum præstitisse didicerint, sed quoniam ita inter illos receptum est, & talis vis nobilissimo metallo, consensu concessa est. Nam cum in *elixas* illas carnes nihil Auri traducatur, & ejus substantia semper integra maneat, non videtur, quomodo rei medicæ utile esse possit, sed potius inter eas positiones numerandum, quæ sumptæ, neque offendunt, neque juvant.

ARTICULUS QUINTUS.

De Argento & Stanno.

Argentum igni summopere resistit, & malleo contusum, in laminas etiam valde tenues ducitur. Diversi tamen ab Auro coloris est, utpote quod candescat, & luminis adios inviolatos ad oculum remittat. Mirari amen subit, quoniam corpus album nigrorem induat, & atras lineas post se in Charta reliquat? I. Quomodo Argenti color ab igne est, & quomodo lineas nigras in charta relinquit.

Argentum *candorem* à partium suarum
luritie mutuatur, quæ admissum lumen to-
um reflectunt, & eadem, qua receperunt
tione, remittunt. Argenti enim particula
nullam in radios mutationem inducunt, &
quamvis ex iis nonnullæ asperæ esse conci-
antur, radios tamen quaquaversum reper-
tunt, & sine ulla detorsione ad oculos
emittunt. Non tamen constans est huic *me-
allo* color, quippe si lævigetur, & partium
eius inæqualitas complanetur, candorem
uum amittit, & splendorem quendam adipi-
citur; eò quod albicantes ejus particulae
ceptum lumen versus unam partem reji-
iunt, quo fit, ut aliæ plagæ nigrescant, quo-
iam ob talem luminis impulsus obfuscan-
ur, impediunturque, ne acceptos radios ad
oculum reflectant. Candorem igitur Argenti-
um conservat, quamdiu lumen in omnibus
ræctibus recipit, & illud omni ex parte ad
rganum reverberat. Talis autem *albedo* non
best, quin Argenti in *charta* ductum lineæ

subnigras efformet, quia tali affricu, exiguae Argenti partes deteruntur, quae cum tenues sint & asperae, *nigrum* colorem facile inducunt. Nonnihil tamen pristini splendoris retinent, quoniam majores aliquae particulae eminent, quae priorem contexturam servantes, eodemque modo, quo ante, radios percutiunt.

II.

Argentum acutissimum sonum edit, & malleo, aliove modo percussum, vehementius quam Aurum aures flagellat.

Argentum acutissimum *sonum* edit, & malleo, aliove modo percussum, vehementius quam Aurum aures flagellat.

Quia argentum ad modum *arctum* tenditur, cujus partes compressae illico revertuntur, & ad priorem statum se restituunt. Constat enim *testudinis fides* eo acutius sonare, quo magis tenduntur, quoniam tunc celerius moventur, sive celerius progrediuntur & recurrunt. *Aurum* vero cum mollius sit, paucioresque poros habeat, facilius percussione cedit, & tardius vicinum aerem suo tremore commovet. Tremuli autem aeris celeritas sonum *acutum* efficit, & ejusdem tarditas *gravem*. Ea ratione loquela, aut cantu majorem strepitum creat, quam venti, qui cum vehementia flant, quoniam aer *laringem* feriens ad cantum efficiendum, multo celerius quam venti agitur. Argentum igitur *acutius* quam aurum sonum emittit, quoniam teniae ejus partes celerius aerem impellunt, & majorem tremorem ipsi impertiuntur.

III.

Liquatum Argentum *sulphuris* injectione in *calcem* abit, & in pulverem minutissimum redigitur.

Fit hæc mutatio, dum *Sulphur* igne concepto *argenti* poros subit, & ipsi admiscetur, quoniam tunc tenuiores quasdam ejus particulas frangit, aut à cæteris expellit, crassiori interim & pene tota ejus substantia intra postustionem remanente. Quippe nihil aliud apud *Chymicos* est, corpus in *calcem* converti, quàm subtiliori ejus portione avolante, reliquam quasi intactam manere. Inter cineres enim & *calcem* ea interest differentia, quod *Cinera* sint eorum corporum reliquæ, quorum magna pars igni consumpta est: *Calx* vero sit eorum, quæ fere tota post absolutam ustionem supersunt.

Stannum, quod *Chymici* tanquam *medium* inter *Argentum* & *plumbum* considerant, suas ab utroque distinctas proprietates habet, quippe illitum vas contra ignis impetum tuetur, impeditque, ne tam cito lique scat.

Id ex eo provenit, quod Stannum, quod multo *Mercurio* constat, facile vasorum poros & cavitates obstruit, obstatque, ne ignis eas subeundo, partes, quibus intersunt, agitet, & à vicinis suis divellat aut separet. Unde passim Stannum metallorum *defensor* à *Chymicis* appellatur, quod illa ab igne intacta tueatur, & vim ejus maximè arceat. Quoniam in eorum meatibus intrusum, veluti radices ibi agit, nec nisi summo calore inde deturbatur. Cum hac tamen cautela, ne stannum à ferro candenti tangatur, quia tunc introductis per majores poros ignis particulis statim lique- scit, & ejus partes ab invicem sejunguntur.

*Argen-
tum sub-
phure in
jelto in
pulve-
rem redi-
gitur.*

III.
*Stan-
num st-
litum vas
ab igne
defendit.*

Distantia etiam exigua interposita, calorem intensissimum fert, nec patitur se, ob datam rationem, ab igne subigi.

V. Stannum inter omnia metalla levissimum est, calcinatum tamen altero non calcinato est gravius.

Cum stannum calcinatum sit altero non calcinato gravius.

Stanni levitas non à minori *humoris* quantitate, qua forte *Argento* & *Aeri* cedit, sumitur, ut quidam autumant; sed præcisè à *pororum*, quibus constat, magnitudine. Nam cum Stannum non corpus simplex sit, sed multas heterogeneas partes includat, quæ inter se convenire non possunt, necessarium est, ut inter illas lata quædam intervalla relinquantur, quæ à materia subtili replentur. A multitudine autem vel magnitudine vacuitatum, corporum *levitas* provenit. Unde metallum unum non dicitur altero levius, nisi quia in eo plures aut majores *pori* sunt, qui eorum partes separant, & eas inter se arctius conjungi prohibent. Quod autem Stannum *calcinatum* gravius non *calcinato* evadat, mirum videtur, cum in aliis corporibus contrarium experiamur. *Crudus* enim *panis* sive non coctus, gravior est cocto; & lapis calcinatus alterum non calcinatum levitate excedit: sed quia id Stanno peculiare esse æstimatur, dici oportet inter duas Stanni moles æquales, quarum una calcinata sit, & non altera; calcinatam ponderosiores esse, quoniam majores illi meatus, qui in non calcinato erant, per calcinationem contrahuntur, & angu-

tiores sunt ; quod sufficit ad reddendum
Stannum ponderosius & solidius.

Glans ex Stanno confecta *bombarda* aut
Globo emissa, majori incommodo corpus affi-
cit, magisque noxium vulnus infert, quàm
plumbea, etiamsi illam molle ac figura ad-
æquet, & pulveris *nitrati* eadem quantitate
bombarda oneretur.

VI.
Glans
stannea
majus
damnum
corpori
adfert,
quàm
plumbea.

Ratio est, quod partes Stanni exteriores
inæqualiter prominent, & nonnullæ veluti
quædam *spicula* erigantur. Unde per carnem
transcundo delicatiores fibras abrumpunt,
& stragem in eis exitant. Vel dici potest
tenuissima illa ramenta, quæ *glans* in carne
lacerata relinquit, vim inficiendi habere, &
eam suo contactu corrumpere. Ut manife-
stum sit in *caninis* & *viperinis* dentibus, qui
contagium inflicto vulnere spargunt, & no-
xam ac perniciem brevi tempore per totum
corpus inferunt.

ARTICULUS SEXTUS.

De Plumbo & Aere.

Plumbum manu contactum faciliè flecti-
tur, & duri corporis impetui cedit. Hinc
igni appositum non tantum faciliè, sed etiam
citò liquefit, & fluidum efficitur.

I.
Cur
plumbū
facile li-
quescat.

Id ex infirma partium ejus adhæsione
oritur, plumbum enim ex iis particulis con-
stat, quarum unæ non difficilius quàm aliæ,
& vicinis sejunguntur, ac proinde igne appo-
sito, ejus particulæ non solum in aliquo motu

constituuntur, sed etiam quantum ad situm separantur. Mollia enim corpora à *duris*, quibus aliquo modo opponuntur, discrepant, quod Durorum partes mutuo contactu se contingant, & juxta se invicem quiescant, partes verò *fluidorum*, quorum naturam mollia participant, motibus à se diversis agitantur, & circa sua centra volvuntur. Li-
quescit igitur plumbum, dum, igne poros ejus subeunte, partes ejus solvuntur, & positionem suam variant. Hinc credidere nonnulli, *pilam plumbeam* motu celerrimo liquari posse, quod ejus particulæ intestino motu concutiantur, & non nisi debili nexu sibi adhæreant. Sed id effici solo motu posse non arbitror, quum videam glandes plumbeas, bombardâ emissâ, celerrimè deferri, & eorum motum, longè eum, quem arcus imprimat, excedere, non tamen ea agitatione illas liquari, & in termino defluere.

II.

*Plumbū
quibus-
dam
morbis
succurrit.*

Plumbum *refrigerandi* vim habet, & calorem noxium in corpore mitigandi: Imo quidam deploratam sanitatem, ad motū plumbi laminā, restituere, ut de quodam *musico* fertur, qui vocem conservandi gratia, pectori laminam plumbeam casu pectori adhibuerat, gravem *morbum* depulit, & ignoto remedio salutis suæ consuluit.

Plumbum enim refrigerat, quoniam illius partes valdè remisse agitantur, & unæ aliis impositæ tantum non quiescunt. Non enim frigus in omnimoda quiete consistit, sed sufficit, si corporum particulæ tardius move-

moveantur, & organum tactorium magis solito ea tarditate afficiatur. Quippe Corpus vehementer concussum facilius frigus percipit, & ejus rigore acrius exacerbatur. Plumbi igitur *lamina* æstuans corpus refrigerat, quoniam particularum ejus motus imminuit, & calorem noxium, qui in motu consistit, mitigat ac compescit. Hinc *lamine* venerorum substernuntur lumbis, si quando propter crebras veneris exercitationes, somnis vexati, *semen* emittunt. Talibus *Calvus Orator* cohibuit libidinem, ut vires corporis studiorum custodiret labori. *Plinius*. Nec minor est apud *Medicos* plumbi usus ad vulnera siccanda, humoremque superfluum sistendum, quoniam meatus suâ frigiditate obstruendo, humori viam intercludit, impeditque, ne ulterius subeat.

Plumbum in vase *liquatum* si baculo flagelletur, & continua agitatione pulsetur, disjungitur, & in pulverem minutissimum evadit.

Quoniam vehementi illo motu, partes *plumbi* tenuiores ac lubricæ, quæ crassiores conjungebant, avolant, & in aere exhalantur: ut in *aqua ferventi* experimur, quæ agitata turbidiorem fumum emittit, quod disjunctis per inhærentem calorem particulis, eorum nonnullæ abeant, & per *aerem* ferantur. Igitur sibi relictæ pinguiore Plumbi particula, ad se invicem accedunt, & firmitus quam ante copulantur. Ad eum fere modum, quo continuo *cremorio* concussu, pinguiore

III.

*Plumbi
liquati
baculo
agitati
in pul-
verem
redigi-
tur.*

ejus particulæ in *batyrum* coeunt, & in corpuscula concreſcunt, à *ſero*, cui immiſcentur, diſtincta.

IV. *Cur Æs difficulte liqueſcat, ni prius igne accendatur.* Æs inter dura metalla numeratur, quod ob arctiorem partium plexum diu igni reſiſtit, nec liquatur, ni prius accendatur, & tantum luminis diſfundat, ut in fornace *aſtri* cuiusdam ſpeciem referat.

Id Æri à primo elemento contingit; quod ita ejus anguſtiis includitur, ut partes inſenſibiles ei innatent, & adeò impetuoſè inter ſe ab illo impelluntur, & circa centra ſua gy-rantur, ut nervum *opticum* eminus, & *taſtorio* nervos cominus moveant. Non tamen ita fuſum liquorem patitur? Quippe ſi ei aqua aut aliud corpus homidum immergatur, ſubito ingens ſtrepitus oritur & Æs ipſum è vaſe exilit. Quoniſm *aqua*, quæ ipſo eſt ponderoſior, facilè ejus poros ingreditur, in quibus ob intenſum calorem dilatatur, & illic ob loci parvitatem continere ſe non valens, cum impetu erumpit, & circumambientes *Æris particulas* ſecum deſert & diſpergit. Non modo valde diſſimili, quo *pulvis pyritus* lapillis undique conſectus, igne admoto, cum exploſione erumpit, & circumpoſitos lapillos excutit & diſſipat.

V. *Unde Æs faciliè æruginem contrahit.* Æs æruginem facilè contrahit: unde à quibusdam ærugo propria Æri rubigo diſta eſt, quod ipſi adnaſcaſur, & illud quâdam fuligine contegat.

Ærugo ab *exhalationibus* & partibus *ſulphureis* provenit, quæ ex Æris ramentiſ efforeſcunt,

scunt, & ejus pororum orificia obstruunt. Originem suam ab aeris humore, qui Aeris partibus inseritur, habet, qui à materia subtili agitatus, foras erumpit, & in ejus superficie retentus, concrescit. Quemadmodum videmus marcorem in *carne*, *corio*, *pane*, & aliis concrescere, si in loco humido reponantur, & nonnihil salis ipsis apponatur, quia Sal earum meatus laxat, & spiritibus *sulphureis* vim patientiorem reddit. Hinc *Cyprium tersum*, & nulla asperitate obductum, facilius æruginem induit, quam *scabrum*, & cui partes aliquæ eminent; quia terso meatus apertiores insunt, quibus se facilius humida aura ingerit & admovetur.

ARTICULUS SEPTIMUS.

De Ferro.

Ferro durities maximè competit, quum eo *I.*
 nullum metallum difficilius fundatur, nec *Quomo-*
 interiori igne opus est, ut lique scat. Nihil *do ferrū,*
 minus *fornaci* immissum mole extenditur, ma- *quod du-*
 joremque quantitatem acquirit *rum est,*
 Accipiat *in igne*
 aliquis *laminam ferream*, quæ baculum ligneum *extensa-*
 adæquet, deinde Ferrum in ignem injiciat, *nem ac-*
 donec penitus incandescat, experietur, post- *quisit.*
 quam illud extraxerit, longius evasisse, &
 majorem quàm antea locum occupare.

Ratio est, quod Ignis in Ferri *meatus* intro-
 ductus, eos laxat, & ad majus spatium pro-
 tendit? cum enim Corporum penetratio re-
 pugnet, & duæ extensæ materiæ, in eodem
 loco

loco reponi non possint, necessum est Ferrum, ignis introductione dilatari & novam quantitatem acquirere.

II.

Ferrum aliquando in Æs commutatur.

Ferrum aceto & alumine illitum, fit Æri simile. Schmolnicii (oppidum est montis Carpathi) ex puteo extrahitur aqua, & in locatos triplici ordine infunditur canales, in quibus Ferri portiones in Æs vertuntur. *Agricola in Metallis.*

Contingit hæc transmutatio, non prioris forma jactura, ut quidam loquuntur, & nova alterius generatione: sed sola partium accessione, dum scilicet Ferri meatus, *aluminum* & *aceti* particulae subeunt, & ejus partium nexum immutant. Nam cum *acetum* ea acrimonia polleat, qua facile Ferri *poros* penetrat, non potest eos ingredi, quin partium ordinem solvat, & aliam dispositionem inducat: Quo fit, ut novus *color* in Ferro innascatur, & nigredine deposita *rubedo* quædam oriatur. Nec parum ad id efficiendum *alumen* conducit, quod cum adstringentem vim habeat, eas particulas transfundit, quæ aliis intime adhæreant, & firmiter implicentur. Ac proinde mirum non est, si immutatâ partium texturâ *Ferrum* Æri simile reddatur, & ejus speciem referat.

III.

Cur ferrum dum candens, si dum candet, in aquam projiciatur.

Si è fornace candens Ferrum forcipe eximatur, & in aere refrigerandum exponatur, non tantam duritiem acquirit, quàm si statim aquæ injiciatur, & celeriter frigeat.

Quoniam, dum candet Ferrum, meatus ejus maximè patent, & non tantum primi elementi

menti materiâ, sed & exiguis terrestribus particulis replentur, quæ igni innatantes, continuo illos subeunt & egrediuntur. Unde dum aeri refrigerandum exponitur, illæ eadem aeris particulæ, suum cursum per illius poros continuantes, efficiunt, ut pori non-nisi paulatim comprimantur, & Ferri partes eandem texturam & plexum, quem in fornace habuerunt, retineant. Ubi vero candens Ferrum *Aqua* immergitur, non impedit quidem illa, quoniam primum elementum è Ferri meatibus erumpat, sed quia nihil est, quod illa loca occupare potest, præter subtilem materiam, quæ in aqua existit, cujus particulæ nimis exiguæ sunt, quam ut poros illos eo modo quo antea apertos teneat; sit, ut citissime coarctentur, & eadem opera ad se invicem accedant. Ex quo ejus durities oritur, quæ nihil aliud est, quam arcta partium compressio, & mutuus earum contactus.

IV.

Ferrugo sive contracta Ferri rubigo, *pro fluxu* mulierum remoratur, imo si potui admisceatur, & propinanda foemina præbeatur, *conceptum* impedit, obstatitque, ne imprægnetur. *Ferrugine sistunt mulieres menstrua*

Ratio est, quod Ferrugo ex *sulphureis, ramosis, & angulosis partibus* constat, quæ maxime adstringunt, & orificia illa, in quæ inciderint, occludunt. Ut in eorum manibus, qui illam contrectant, videre est, quæ difficulter abluuntur, & non nisi longo temporis tractu pristinum nitorem recuperant.

Men-

Menstruos igitur mulierem *effluxus* sistit, quia venarum orificia, per quæ delabitur sanguis, occupando obstruit, impeditque, ne ulterius tendat. Sic hausta ferrugine *conceptio* impeditur, quoniam occlusis venularum orificiis, adhærere ingestum semen nequit, aut si forte adhæreat, succi defectu, qui ad fibrarum propagationem requiritur, illico decedit, & veluti evanidum, citraque omnem effectum deprimitur.

V.
Chalybs, si lente refrigeretur, evadit mollior.

Chalybs, qui fusione fit, magnaue ignis vehementia perficitur, redditur mollior, si denuo igni admotus & candescens, lente postea refrigeretur.

Quia dum hoc pacto refrigeratur, ramenta *angulosa* & *confragosa*, quæ ex grumulorum superficiebus, ad interiores eorum partes, vi caloris protrusa erant, foras se exerunt, & una aliis implicata, tanquam *uncis* quibusdam perexiguis unos grumulos aliis annexunt: quo fit, ut ramenta ista non amplius tam arcte in grumulis suis compacta sint, atque ut grumuli non amplius *immediate* contactu, sed tanquam *hamis* vel *uncis* quibusdam alligati, sibi muto adhæreant: & ideo chalybs non admodum durus nec rigidus, nec fragilis, sed mollis & flexilis evadit. In quo non differt à Ferro communi, nisi quod chalybi iterum candefacto, & deinde celeriter refrigerato, prior durities & rigiditas reddatur, non autem ferro saltem tanta.

VI.
Quomodo ligno

Ferunt nonnulli, *lignum* Ferri naturam interdum assumere, si quibusdam stagnis aut
fon-

fontibus immergatur. Ut de Stagno illo Hi-
 bernico narrat *Magirus*, in quo si *palum* ligne-
 um defigatur, ea pars, quæ limum subit, in Fer-
 rum convertitur; alia vero, quæ aquam con-
 tingit, non nisi lapidis formam adipiscente.

Id, si verum est, oritur, quod *lignum* diu in
 imo sepultum, halitum metallicum admit-
 at, qui se intra ejus fibras insinuando, pau-
 catim concrefcit, & ejus poros sensim occu-
 pat, adeo ut temporis decursu, aliquam ferri
 similitudinem habeat, & ejus duritiem ali-
 quo modo imitetur.

ARTICULUS OCTAVUS.

De varia Lapidum generatione.

L Apides, qui in *Ariatiensi* aut *Sparronio* agro
 in *Provincia* in Gallia nascuntur, seu rubei
 sint, seu chrySTALLINI, *Rhombi* figuram habent;
 quos cum fregeris, & in frusta partitus fue-
 ris, singula Rhombum efficiunt, & in mi-
 nores semper ac minores Rhomboidas pro-
 portionem divisionis abeunt. *Gassendus.*

Illud dispositioni materiæ, ex qua lapi-
 des generantur, tribuendum est, quæ cum
 maxime elaborata est, adeo regulariter di-
 stribuitur, ut singulæ ejus particulæ, in ma-
 joribus conformandis compingantur. Sup-
 ponendum est igitur, in prima ejusmodi la-
 pidum formatione, quasdam succi particu-
 las, vi caloris in longum fuisse protensas,
 quibus aliæ allabentes eodem modo se jun-
 gentes, paulatim exiguas quasdam tabulas
 con-

*in quibus
 dam staga-
 nis infer-
 rum con-
 vertitur.*

*I.
 Unde ha-
 pides in
 Provin-
 cia orti
 Rhombi
 figuram
 referunt*

contexerunt, mox aliis supervenientibus, quæ ipsis transversæ adhærent, factum est, ut anguli *Talchi* vel *specularis* lapidis speciem referrent. Ut in cujusque salis formationeprehenditur, cujus granorum *basis*, ea particularum dispositione, quadrata efficitur. Ac proinde sicut *Sal gemmeum*, quod tessellatam figuram habet, dum in fragmenta abrumpitur, in totidem tessulas compescitur, ita *Sparronis* lapides, qui *Rhombs* figurâ sunt, latera eadem semper retinent, & in exiguis etiam particulis inviolatam angulorum formam tuentur.

II.

Unde
Vitrei la-
pides, qui
interdum
nascun-
tur.

In Terra nonnunquam *vitrei* lapides gignuntur, qui cæteros non minus pondere quam duritie adæquant, nisi quod fragiles sunt, & in partes citius dispescuntur.

Talium lapidum origo in arenam refunditur, quæ igne vehementissimo fusa, in *massam* primo colliquatur, mox refrigerata, lapidum *duritiem* adipiscitur. Eo modo quo cinerum particulae, igne valido concussæ, lævigantur, & sibi ipsis adhærentes in *vitrum* abeunt. Sic usu venit, ut post ingentia terræ incendia, vitrei lapides ex ea eruantur, qui varias formas, pro locorum diversitate, in quæ liquor dilapsus est, referunt. Imo censuit Plinius, vitrum ab accensis arenis initium habuisse: *Fama est*, inquit, *appulsa nave mercatorum nitri, cum sparsi per lictu epulas pararent, nec esset cortinis attollendis lapidum occasio, glebas nitri e nave subdidisse: quæbus accensis permixta arena litoris, translucens nobilis*
ligno-

liquoris fluxisse rivus, libro trigesimo sexto, capite vigesimo sexto.

Calculi in corpore Humano generantur, qui uti magnitudine, ita & duritie discrepant. Nam alii *friabiles* sunt, aliqui omnino *duri*, & non nisi ægre dissolubiles.

Lapidum in *vesica*, & calculorum in *renibus* nascentium, eadem, quam aliorum originis est ratio; cum scilicet meatibus interclusis, arenarum granula intercipiuntur, & inter se firmiter cohærentia, in quoddam arduum corpus concrelescunt. Certum est enim, sanguinem & lotium percolari, exiguaque terrestrium corporum ramenta secum devehere, quæ talibus prædita sunt figuris, ut sanguine aut lotio tardius in renibus & vesica motis, cohærentia calculum vel lapidem componunt. Arenæ enim, quæ in corpore humano procreantur, partes *angulosas* habent, quibus facilè sibi ipsis implicantur, & in massam abeunt. Unde fit, ut tantum doloris, dum è corpore emittuntur, adferant, quoniam cum urina devolutæ, membranulam suis *angulis* contingendo, illam excoriant & diffringunt.

Lapides nonnunquam in fluminibus procreantur, imo fundus, qui aquam sustinet, exiguo tempore totus in durum corpus convertitur. Meminit *Patritius*, dum *Avinione* studiis incumberet, corpori abluendo, non raro in minorem *Rhodani* alveum æstivis mensibus descendisse, & fundum, quem antea placidum mollemque repererat, ita

III.

Quomodo nascuntur lapides in corpore humano.

IV.

Qua causa lapidum, qui in fluminibus nascuntur.

induruiffe, ut totus asperis lapidibus tegeretur.

Provenire id potuit ex Terræ motu, quæ antea circa vallem Clausam contigerat. Apertis si quidem Terræ succussu hiatus, magna arenarum vis erumpere potuit, quæ à *Sorga* fluvio in minorem *Rhodani* alveum delata, & illic sensim subsidens ac coacervata, pro varia eius distributione, diversos lapides composuit. Nec illud verisimilitudine caret, quum illi, qui *Rhodanum* aut *Druentiam* fluvios frequentant, testentur, se in eorum alveis, non raro equorum *soleas*, *clavos*, aliaque huiusmodi *ferramenta*, invenisse, circa quæ ita arenæ granula confluxêre, tantoque ordine sese adaptâre, ut una crusta lapidea circumcingerentur. Quoniam arenæ ferramentorum occurſu interceptæ, sibi ipsis adhæserunt, & duritiem mutuo contactu contraxerunt.

V. In camporum superficiebus lapides inveniuntur, iis per omnia similes, qui in fluminibus concreſcunt: quippe magnitudine & figura pares sunt, utpote *ovales*, & nonnihil ad sphericam formam accedentes.

Dici potest huiusmodi lapides aquarum impetu è montibus in subiectos campos defluxisse, aut è fluminibus aut stagnis, quæ aliquando exundaverunt, fuisse illic asportatos. Constat enim lapides, qui in *Crautia* campis sparguntur, non illic natos esse, sed ex *Druentia* & *Rhodani* effluviis, qui sedibus olim relictis, per ea loca vagati, limum & arenam,

nam iis efformandis vexere, Nam non omnes qui illic jacent, lapides, æquales sunt, sed magnitudine, quamvis non figura, differunt. Qui enim ad medium accedunt, cæteris majores sunt, minuuntur autem, pro ut ab eo distrahantur ac recedunt. Sed minimi sunt, illi qui extremum versus porrigitur, quoniam Druentia & Rhodano illic aliquamdiu stagnantibus, plus arenæ circa medium devolutum est, quam versus partes ultiores. Quod ita contigisse argumento est, quod planities, quæ procul à montibus absunt, hujusmodi lapidibus destituantur, & nullum eorum extet ullibi vestigium.

Deprehenduntur lapides in fontibus nasci, imo eorum fundus ita intumescere, ut notabiliter excrescat. Scaturiginis *Dania* mentionem facit *Gassendus*, quæ quos præterfluit canales, *Topachea* intus crusta obducit. VI. *Origo lapidum in fontibus.*

Generantur in fontibus lapides, dum eorum aquæ è rupibus, quas permeant, particulas quasdam deterunt: quippe particulas illas talis figuræ esse supponimus, ut faciliè inter se compingantur, quando in iis locis coeunt, in quibus aqua vivida minus minusque, quam in rupium istarum venis agitata, finit, ut fundum decidant. Talem partium erosionem testatur aqua illa Romæ è fonte defluens, quæ tubum per quem delabitur, ita incrustavit, ut illum Alabastride lapide jamdudum temporis successu oppleverit.

ARTICULUS NONUS.

De Unionibus & Gemmis.

I. *Cur eadem sit gemma & unionibus figura.* Gemmæ & uniones passim lapides appellantur, sed *pretiosi* addito nomine, quod eos magni Homines faciant, & diligentiori cura ac labore expiscentur. In hoc *Gemma* cum *Unionibus* conveniunt, quod eandem figuram habeant, & licet variis in locis orti, nunquam dissimilem formam referant.

Causa est, quod uniones in *conchis* politissimis generentur, quibus tantus nitor inest, ut procreati in earum cavitatibus lapilli, eandem prorsus politiem exhibeant. Sunt enim *Unionones* in initio veluti quidam tumores *verrucarum* adinstar, ex eadem concharum materia orti, qui post aliquod tempus excreti, lapides evadunt. *Gemma* vero succorum percolatione generantur, qui cum paucissimi sunt, nec magna eorum copia parari queat, fit, ut unius guttæ effluvio, singularis gemma exurgat, & non nisi aucta materia, sive pluribus guttis accedentibus, plures efformentur. Quæ licet forte inter se magnitudine differant, ob similem tamen in ipsis, materiæ subtilis actionem, uniformi *figura* donantur.

II. *Unde di-versis colorum in lapidibus pretiosis.* Lapidis pretiosi pene omnes colore discriminantur: quidam enim *diaphani* sunt, alii tantum non ad *opacitatem* accedunt; neque inter perspicuos est convenientia. Nam Carbunculus *purpureo* diluitur, Smaragdus *viridis*, Sapphyrus *caeruleo*, Hyacinthus *sub*

javu

*lavo igneo; Amethystus violacco, Opalus vario
& cætera.*

Lapilli perspicui sunt, cum Halitus sive vapores, qui in succos mutantur, ita in terræ meatibus colliguntur, ut lubricis ac fluidis eorum particulis exhalatis, ita mutuo se invicem adhærescant, ut globuli secundi elementi commodè eas perlabi queant, ad luminis actionem trasferendam. Illi autem opacæ edduntur, dum Halitus in arctis quibusdam terræ meatibus intercepti sistuntur, & ita terræ particulis involvuntur, ut nullis globulis æthereis aditus pateat. Quod autem quidam lapilli diversis coloribus diluantur, varia corpusculorum mistura procedit, quæ diversimodè lumen reflectunt, & variis modis oculos nostros afficiunt. Id ex aquæ cum vino mixtione dilucide apparet, ubi utriusque color ita confunditur, ut aqua vini *rubedinem* induisse videatur, & vinum ad aquæ *alorem* deflexisse.

Nonnulli lapides novos contrahunt, quasdamque maculas exhibent, ut Achates & alii.

III.

*Cur novæ**in ali-**quibus**lapidibus**apparens*

Quia succus, ex quo formantur, in receptaculis colligitur, ubi tanquam in matrice deponitur, tantillumque antequam onerescat, quiescit: unde quicquid im-
maturum est, paulatim in fundum devolvitur, & tanquam *amurca* subsidit. Si vero, priusquam heterogeneæ partes in unum petiverint, coaguletur, & in massam unam abeat, fit, ut lapilli maculas quasdam inducant, aut li-

neis variis aspergantur. Sic sæpe intra Chryſtallum *muſcha*, *formica*, & huiusmodi *animalia* conſpiciuntur, quoniam ſucco lapideſcenti admixta, prius in vaſibus illis in maſſam concreverunt, quàm ad imum potuerint deläbi.

IV.
Chryſtal-
lus potiſ-
ſimum in
montibus
offendi-
tur.

Chryſtallus in montibus invenitur, maxime ubi *hyberna* nives ſunt, ſummumque frigus dominatur.

Antiquorum fuit opinio exiſtimantium, Chryſtallum ex gelu & nivibus fieri, ſeu ut alii volunt, ex aquis ingenti frigore congelatis. Unde *Seneca*, *Aqua cæleſtis minimum in ſe terreni habens, cum induruit, longioris frigoris perſiſtencia ſpiffatur magis ac magis: donec omni aere excluſo, in ſectoria compreſſa eſt, & humor qui fuerat, lapis effectus eſt.* Naturalium quæſtiorum libro tertio. Illud tamen falſum eſſe multa convincunt. Primum quod appoſita igni Chryſtallus, non liqueſcat, aut tantillum calore etiam intenſiſſimo minuatur, quod tamen omni glaciæ competit, ſive corpori ex aquis concreto. Deinde, ſi Chryſtallus ex conſtrictis gelu nivibus oriatur, quomodo ejus affricu ignis elicitur? quis unquam ex aqua congelata ſcintillas exilire deprehendit, ſicut è Chryſtallo educi experimur? Poſtremo ſi loca nivibus conſperſa Chryſtalli origini favent, quare in iis montibus non naſcitur, ubi nives *perennes* ſunt, & in quibus æternum frigus inhabitat. Dicendum igitur eſt, Chryſtallum ſicut & *gemmas* alias, ſucco lapideſcentis percolatione concreſcere, &

pro

pro materiæ diversitate, variam in ipsa perspicuitatem & duritiem progigni. Si autem interdum Chrystallus è rupibus evellatur, quasi aliquid ex illis detractum, id contingit, quod aliqua pars succi per rimas inter concrescendum delapsa, productionis formæ evaserit, & imum versus propenderit.

Passim jactatur Adamas indomitæ esse duritiei, adeo ut nec ferro, neque malleis, aut incudibus cedat. Imo ejus natura ita esse ignium victrix, ut in ardentissimam fornacem injectus non incalcescat: nihilominus Hircino sanguine teritur, sed non alio, quàm recenti & calido.

Hæc quidem vulgo credita sunt, sed quæ falsitatis experimenta convincunt. Igni enim & ferro Adamas cedit, & non minus unius quàm alterius viribus minuitur. Nam teste Bodino Theatri nat. Libro secundo, malleo in scobem redigitur, & ferreo atteritur pistillo. Ab igne quoque superatur, & in calcem flamma diurna redigitur. Neque magis verum, quod de eo spargitur, nempe ejus pulverem propinatum dysenteriam gignere, cum constet quosdam servos, ut furtum tegerent, integros devorasse, quos tamen impune, citraque valetudinis læsionem egeserunt. Imo drachma unius pondere, sub forma scobis propinatus, non magis quàm panis obfuisse dicitur. Cardanus libro secundo, tract. 5. contrad. 9.

Adamas inter cæteras gemmas maximè fulget, & acre lumen versus oculos emittit.

Q 4

Qwo-

V.

An ada-
mas igni
non cedat
& lan-
guine hirci-
cino teri
possit.

VI.

Qui ada-
mas tan-

*sum sul-
gorens
emittit.*

Quoniam ex succo defæcatissimo con-
crescit, cujus partes in percolatione ita di-
viduntur, ut receptos radios undique rever-
berent aut refringant. Sunt enim singulæ
ejus particulæ veluti tot *specula*, quæ lumen
retorquent, & visum eo modo, quo percuti-
untur, referiunt. Id etiam tincturæ, cujus
maximè capax est, assignari potest, non
propter innatam quandam similitudinem,
ut quidam somniant, sed quia talis est par-
tium ejus dispositio ac situs, ut cuncta *tinctu-
ra* filamina apposite conveniant, & meatus
ejus omnes occupent; quod ad radiorum
retorsionem, maximè juvare sciunt omnes,
qui aliquid de Optica sciunt.

VII.

*Cur co-
rallium
sub aquis
molle,
statim
aeri ex-
positum
durefcit.*

Corallium, quod sub *aqua marina* arbore-
scit, & in truncum ac ramos expanditur,
extra mare educum, & *aeri* expositum, sta-
tim in lapidem induratur, & pristinam mol-
litiem amittit. Ut eleganter *Ovidius*, *decimo*
quinto Metamorph. describit.

*Sic et Corallium, quo primum contigit auræ
Tempore, durefcit, mollis fuit herba sub undis.*

Ratio est, quod Corallium sub aquis ma-
rinis delitescens, multo sale imbuatur: Un-
de in aerem educum humore exhalato,
solidum redditur, & firmitatem acquirit.
Fluida enim particulæ corporum meatibus
inclusæ, illos dilatant, aliasque ipsorum
particulas motu suo concutiunt, quod eorum
mollitiem efficit; sed iis evaporatis, aliæ
quæ remanent, arctius junguntur, & firmi-
ori

ori vinculo sibi adhærent. Sic teneriores *planta* ob humoris & salis copiam, quibus distenduntur, *fissiles* prius fiunt, sed senescentes, humore detracto, aereque earum poros permeante *indurescunt*, & frangi se potius quam duci patiuntur.

ARTICULUS DECIMUS

De Magnete.

I.

SI Magnes in aere tranquillo suspendatur, *Cur mag-*
aut, *hydrargyro* impositus libere superna- *gues Ger-*
tet, illico deprehenditur ita moveri, varias *fus polum*
que in partes deflecti, donec se ad meridia- *borealem*
num componunt, & polorum unus in *boream*,
in *Austrum* alter convertatur. Non tamen
æqualiter, quasi in *horizontali* situ sistatur,
sed ea parte, qua *boream spectat*, infra hori-
zontis planitiem deprimatur, & quantum
poterit versus polum Terræ *Borealem* diri-
gatur.

Hujus conversionis ratio à *materia striata*
pendet, à qua magnes vires suas accipit;
cujus particulæ ita sunt intortæ, ut quæ è
polo *Australi* egrediuntur, polum oppositum
scilicet *Borealem* subire nequeant, ac pro-
inde in magnetis meatu *hydrargyro* innatan-
tis oblique irruentes, illum ea, qua pollent
virtute, impellunt ad suum motum perseve-
randum secundum lineas rectas. Quo de-
rum fit, ut magnes post aliquot hinc & inde
agitationes, ad statum naturalem redigatur.
Adco ut, secluso impedimento polus *Austra-*

Q

lis ma-

lis magnetis versus *Borealem* terræ polum tendat, & *Borealis* versus *Australem*. Quia materia illa striata, quæ à polo Terræ boreali per aerem interjectum ad *Austrum* pergit, prius ab *Australi* cœli parte per mediam terram venit, & illa à boreali venit, quæ ad boream regreditur. Quod autem magnes non se in horizontali situ contineat, sed versus borealem polum declinet, id provenit, quod nos in boreali parte versetur, & polus ejus borealis infra horizontem proprius quàm *Australis* demergatur.

II.

Magnete
in partes
diviso po-
lus ejus
mutatur.

Magnete in duas partes per longum diviso, poli earum immutantur, & illa fragmenta, quæ ante sectionem jungebantur, eisdemque polos spectabant, se fugiunt & averfantur. Nam si partes A & a sibi mutuo prius adhærebant, item



B & b in extremo opposito, partitione facta a versus B convertitur, & b versus A, adeo ut polus borealis unius cum alterius boreali, nec Australis cum Australi amplius conveniant.

Ratio est, quod particula striata *Australis*, quæ per partem borealem unius segmenti e-

gre-

grediuntur, debent in aliud per Australem ingredi, & egredi per borealem. Cum igitur particula striata, quæ ex majori segmento A b egrediuntur, *Australis* sint, invertere debent superius A b, & ita illud adaptare, ut libere per a ingrediantur, & per B exeant. Supponitur enim A esse prolus *Australis*, per quem Australes particulae subeunt, quæ ab interiori segmento egrediuntur per b, quæque proinde in superius per b ingredi non possunt, cum sit *borealis*, & borealibus recipiendis idoneus.

Magnetis poli non semper accurate versus terræ polos diriguntur, sed ab iis varie declinant, ut *Gillebrandus Anglicus* nuper evulgavit prolata observatione *Burusi*, qui exquisita operatione deprehendit anno millesimo quingentesimo octogesimo, declinationem esse *Limhusii* prope *Londinum* graduum *tredecim*, minutorum triginta quinque. Itemque *Gunteri*, qui anno millesimo sexcentesimo vigesimo secundo, esse solummodo graduum *sex* minutorum *tredecim*: Ac denique sui ipsius, qui millesimo sexcentesimo trigesimo quarto, deprehenderit esse solum graduum *quatuor*, minutorum duorum. *Gassendus*.

Hujusmodi decrementsa à Terræ *inæqualitatibus* proficiscuntur. Constat enim quædam loca pluribus ferramentis abundare, quam alia, nec magnetes per totam Terram æqualiter dispergi; sed plures simul in uno ejus tractu reperiri. Unde fit ut particulae striatae,

striatæ, quæ liberius per magnetica corpora quàm per alia cætera feruntur, à terra interiori erumpens, majori copia versus certa quædam loca fluant, quàm versus alia. Sicque non raro ab itineribus suis devient, & versus illa corpora deflectant, quæ facilius permeant. Quia vero *polorum* magnetis, aut extremitatum *acus* conversio, à solo istarum particularum cursu pendet, versus illam partem dirigere se debet, in qua est major materiæ quantitas, ad illam trahendam idoneæ. Illius rei in *magnete*, qui alterius figuræ est quam *sphærica*, experimentum haberi potest: quippe si *Acus* exigua, diversis ejus partibus applicetur, non eodem semper prorsus modo, ad ejus polos se convertet, sed sæpe ab ipsis aliquantum declinabit. Mirum igitur videri non debet, si in uno & eodem loco magnetis *declinatio* mutetur, & temporis tractu ejus poli non semper accurate polos terræ respiciant. Quoniam hæc materia potest, nobis insciis locum mutare, exempli causa, in maris *fundo*, aut in terræ *cavis*, vel etiam ferrum ex unis *terra* partibus in alias ab Hominibus transferri potest, & diversis usibus deputatum corrumpi, & in aliud corpus degenerare.

IV.

*Magnes
ferro vim
suam
commun-
icas,*

Magnes virtutem suam Ferro impertit, & ita illud tactu suo immutat, sicut eodem, quo ille modo, ad mundi polos dirigatur.

Id fit ob magnam inter utrumque affinitatem: tanta enim est inter illa naturæ similitudo, ut magnes crudum indigestumque ferrum

ferrum dici queat : Ferrum autem decoctus magnes, & pars ejus defæciatior. Nam ferrum è *magnete* conflatur, ex quo tanquam ex vena eruitur, & defluit. Hinc in *Anglia*, *Italia*, *Germania*, aliisque locis, ubi *Ferrum* effoditur, *magnes* quoque passim reperitur, & ambo ab eadem matrice pendent. Quomodo autem Ferrum magnetis virtute imbuatur, & ei ad motum propensionem ejus acquirat, fiet manifestum, supposito, ferrum meatibus particulis striatis recipiendis idoneos habere, nihilque ad vim comparandam deesse, nisi quod exiguæ quædam ramulorum, ex quibus ramenta constant, extremitates, hinc & inde in meatibus istis prominent : quæ omnes versus unam & eandem partem inflecti debent, in iis meatibus, per quos striata materia ab *Austro* veniens, & in aliis versus oppositam transire queat. Verum *magnete* appposito, striata materia ab uno terræ polo ad alterum indefinenter comitant, magno robore magnæque quantitate, ad modum *torrentis*, in ferri poros irruens, istas ramulorum extremitates eo pacto inflectit : Ac proinde omnia supplet, quæ ad vim magneticam obtinendam in eo desiderabantur.

V.

Magnes si probe in caleſcat, omni virtute Ferrum attrahendi destituitur, imo non amplius versus Terræ polos dirigitur. Vidimus non sine magna animi nostri voluptate, *magnetem* accensis carbonibus cumulatam, cæruleam flammam sulphuream & ferream cruciatare,

*Caleſcat
plus ma-
gnes vim
ferrum
attrahens
di amittit*

cructare, qua dissipata, simul cum abeuntis animæ qualitate trahendî beneficium amis-
 sisse. *Porta magia naturalis libro septimo.*

Hæc jactura procedit, quod Igne magnetis meatibus immisso, multæ tenues ac lubricæ particulæ abigantur, quarum ablatione, novus partium plexus, novaque pororum dispositio oritur. Quemadmodum in baculo ligneo videmus, quod igni admotum paulatim incurvatur, & aliam inflexionem subit. Quoniam caloris vi quædam ejus partes propius ad se invicem accedunt, aliæ autem discernuntur, & aliam affinitatem cum aliis ineunt. Unde fit, ut igne magnetis ramentorum situm invertentestriata materia illam permeare solita, laxiores solito meatus inveniens, exiguam aut pene nullam virtutem in illis exerceat.

VI.

*Quid
 censendū
 de sepul-
 chro Ma-
 hamedis.*

Passim inter Homines jactatur Mahamedis sepulchrum inter duos magnetes paris roboris suspendi, & ita medium tenere, ut nec scutum nec culmen attingat.

Sed hæc & similia fabulas esse existimo: humanam enim industriam excedit, ut duo aut plures magnetes æqualis prorsus virtutis comparentur, quique ita adaptentur, ut interjectum ferrum ea sit figura ac temperie, ut non fortius ex una parte quàm alia alliciatur: cum exigua differentia in magnetes, ferro, aut in ipso etiam loco, æqualitatem illam invertere possit. Nec cum majori auctoritate recipiendum est, quod de Belle-rophontis equo, & de Statua in Serapis Tem-
 plo

lo à nonullis proditur. Hæc enim com-
mentitiæ fabulæ prodiderunt, & nimia in
Hominibus omnia credendi *proclivitas*.

HISTORIÆ NATURALIS PARS SEXTA.

De Meteoris.

ARTICULUS PRIMUS.

*De Vaporibus & Exhalatio-
nibus*

Vapores copiosiores è Terra
affurgere videntur tempore hy-
berno, quàm æstate, dum Sol di-
rectius Terram ferit, & acrius
flagna fluviosque diverberat. Hinc plu-
viarum vis major decidit, & Aer nebulis ac
etiam nubibus magis oneratur.

Hæc vulgi est opinio, qui de naturæ œ-
conomia solis sensibus judicat, & citra exa-
men admittit, quicquid magis est obvium.
Sed contrarium suadet ratio, quum fieri ne-
queat, ut Sol, cujus præsentia *exhalationes* &
vapores in aerem attolluntur, diutius sta-
guis & locis *paludosis* æstate incumbat, & non
plures vapores eleve, quàm hybernis men-
sibus, in quibus non nisi oblique & langui-
de ca exagitat. Deinde videmus *aquas* æsti-
vo cim-

I.
Cur & quâ
pores co-
piosiores
appare-
ant hye-
me quàm
æstate.

vo tempore, solito magis deprimi & notabiliter decrefcere. Quod autem vapores copioſiores *hyeme* ſint, aeremque largius complere videantur, ex eo oritur, quod Aere ob Solis abſentiam gelido, multum aſcendere non poſſint, ſed illico condenſentur, & graves effecti relabantur, & *terram* denovo repetant.

II.

Unde
plures
vapores
ex una
parte ter-
ra quàm
ex alia
oriuntur.

E quibusdam Terræ locis plures exhalationes erumpunt, quàm ex aliis, non ſolum in iis terrarum tractibus, quos denſæ & opacæ ſylvæ operiunt, ſed in iis, quæ æqualem à Sole calorem recipiunt.

Id ab ignibus ſubterraneis oriri poteſt, qui incluſum humorem agitando, illum per varios *ductus* transmittunt. Non enim ambigi poteſt, quin in multis terræ partibus, obſcuri quidam ignes lateant, qui exhalabilem materiam ad aſcendendum compellant, & diviſis ejus partibus in *vapores* aut *exhalationes* tranſmutent. Ut videmus cultos *hortos*, aut aratum *solum* plura emittere effluvia, præſertim ſi calore externo foveantur, & illis Sol impenſius incumbat.

III.

Quomodo
Homi-
nis hali-
tus in fe-
neſtris
concre-
ſcit.

Halitus ex Hominiſ ore emiſſi, frigido præſertim tempore, circa fenestras concreſcunt, & in aquæ *guttas* aut *glaciem* convertuntur.

Id fit, quod Stomachi calore vapores expulſi ad fenestras devehuntur, quas cum ob craſſitiem ſuam prætergredi, & tranſire non poſſint; urgente intrinſecus frigore in aquam concreſcant; & ſi contingant auram
nimium

nimum exasperari; frigusque solito acrius
 sævire, glacies circa fenestram efformatur,
 quæ, prout vapores paulatim congregantur,
 & uni aliis incumbunt, varias figuras repræ-
 sentant, aut etiam nonnullis florum imagini-
 bus fenestras adornant.

Effluvia, quæ è corporibus manant, odore
 distinguuntur: quædam enim *salubres*, alia *noxiæ*
 exhalationes emittunt. *Ubi rosarum* *Quædam*
copia est, totus circumvicinus aer rosaceo *corpora sa-*
odore perfunditur. E diverso, vitiosus putre- *lutares, aliæ*
dinique obnoxius evadit, si sterens aut aliud *noxiæ ex-*
quid fatidum ambiat. *halationes* *emittunt.*

Ratio est, quod effluvia, illa quæ per æ-
 rem vagantur, nihil aliud sint, quam vividæ
 ac subtiles terrestrium corporum particule,
 quæ Solis calore concussæ, in altum deve-
 huntur; ad eum modum, quo *madefactus pan-*
is *admotus igni, vapidos halitus emittit.*
 Salubres igitur *noxiæ* exhalationes sunt,
 prout sana aut vitiosa sunt illa corpora, è
 quibus extrahuntur. Sic vapores, qui ex so-
 la terra assurgunt, sicci sunt, quoniam terrea
 siccaque corpuscula secum deferunt. Qui
 è *maris* vero effluunt, humorem quendam
 frigiditatemque præ se ferunt, quia *flexiles* ac
 lubricas aquæ particulas devehunt, quæ si-
 mul junctæ liquidum ac gelidum corpus
 componunt. Non mirum igitur à quibus-
 dam videri debet; quod à *Domino Digbae*, in
 suo de pulvere sympathico libello, de *urbe*
Londinensi refertur, quod aer, qui illam cir-
 cumcingit, hybernis præsertim mensibus,

totus fuligine & sale volatili repleatur, quia cum per vastam illam urbem, è fossilibus carbonibus focò utantur, per aerem salis & fuliginis *particulae* volitant, quæ obserata conclavia, cistasque penetrando, *lectos, anlas, &* omnia quæq; *muta* scedant & corrumpunt. Nec absque ratione censent *Medici* innumeros *Londini* incolas *Phthisim* contrahere, & *peripneumonicos*, seu *consumptos*, ut ajunt, interire. Quia tali aere attracto, inflammatione pulmones infestantur, & sensim exulcerationem patiuntur.

V.

*Exhalatio
non tam fa-
cile sursum
fertur
quam va-
por.*

Vapor facilius citiusque sursum fertur, quàm exhalatio, ut videri potest in *Salis, Natri* ac *Vitrioli* distillatione, è quibus non nisi cum magna difficultate aliquid educitur.

Causa est, quod aqua, quæ vaporibus materiam subministrat, ex lavibus, longis ac lubricis partibus constat, ad anguillarum modum efformatis, quæ licet inter se adhæreant & implicentur, nunquam tamen ita nexu copulantur, quin facili opera à se mutuo divelli queant. Terra vero, ex qua *exhalatio* educitur, magis irregulares habet partes, quæ tanquam *virgultorum* rami in sepi- bus, facile sibi ipsis adhærent & non nisi ægrè divelluntur. Quo fit ut vapor ex tenuibus ac lubricis aquæ particulis conflatus, facilius ascendat, & minori Solis agitatione in altum evehatur, quàm exhalatio, quæ ob firmiorem *partium suarum* nexum infra detinetur, & non nisi ab aliis corporibus fulta ascen- dit.

Halitus, qui *hyberno tempore* ex ore transmittitur, sicut & *equorum* aliorumque Animalium sudor, dum calefcunt, magis fit conspicuus, quàm æstate.

VI.

*Halitus ore
emissus in
hyeme videtur,
non autem
in æstate.*

Ratio est, quod vaporum particulæ, quæ tempore *æstivo* per aerem deferuntur, materiæ subtili magis obsequantur, & quibuslibet ejus impulsibus cedant. *Hyemali* vero tempore, quo subtilis materia debilius agitur, *Halitus* aut *sapor* propter aeris frigus, specie densi & obscuri fumi crassescunt, & non raro in aquam abeunt: imo si augeatur frigus, & asperum inclemensque cœli fiat, *barbis* aut *capillis* adhærentes congelascunt. *Æstiva* autem tempestate, non videntur propter calorem aeris, in quo dissipantur, & liberius se explicant ac expediunt.

ARTICULUS SECUNDUS.

De Ventis.

Circa Solis exortum *Eurus* sive orientalis Ventus passim sentitur, & circa illius occasum *Zephyrus* sive occidentalis: quam differentiam illi maxime experiuntur, qui in longe disito à Terra mari vela faciunt.

I.

*Mañe Eurus
vesperi au-
tem Zephy-
rus passim
sentitur.*

Illud à Solis præsentia pendet, qui Terram concutit, & vapores in Aerem elevat, nam cum magna Terræ pars à Sole semper illuminetur, necessum est, ut ex ea plures vapores attollat, qui eo decedentē iterum elabuntur, & orientales atque occidenta-

les plagas petunt, eorum nempe vaporum spatium occupaturi, quos nocturnum frigus ibi condensavit: ac proinde, qui partes *orientales* incolunt, ventum orientalem, & qui *occidentales*, occidentalem sentiunt. Res dilucidius apparebit consideranti Terræ ambitum A B C D & oppositum ei Solem S qui hemispherium ABC radiis suis feriens & *Meridiem* ad B & *noctem* ad D faciens, eodem tempore respectu populorum habitantium ad A occidit, & respectu habitantium ad C oritur. Quippe vapores circa B diurno calore rarefacti, per vias oppositas versus D

tendunt, nimirum per A & per C ad spatium illorum occupandum, quos noctis frigus condensavit, ventum occidentalem creant, ad A ubi Sol occidit, & orientalem ad C ubi exoritur.



Dixi in initio, hanc ventorū diversitatem ab iis potissimum deprehendi, qui vela faciunt, & diffusiora maria metiuntur; quia multa in terra obsac-

et montium altitudo, climatumque varietas,
ne talis ventorum ordo semper observetur.

Venti ab oriente plerumque magis sicci
sunt, & ad lerenum aerem niditumque red-
dendum aptiores sunt, quàm occidentales, qui
passim Humidi sunt, & pluribus vaporibus
urgunt.

II.
*Cur Venti
orientales
sicciores
sunt occi-
dentibus.*

Hujus phænomeni ratio ex aeris motu
deducitur, qui circa Terram ab Oriente in
Occasum defertur; quia cum venti in C facti,
aeris agitationem sequantur, vapores ob-
vios ante se propellunt, dissipantque, ac ita
impediunt, ne concrecant, & in pluvias ab-
eant. Qui autem in Occidente A fiunt, quum
Aeris motui obnitantur, & alium quàm ipse
cursum teneant; vaporum œcurrentium
impetum sistunt, & in Nubes cogunt. Ob
eandem causam ventus ab Oriente C cæteris
paribus fortiores sunt, vehementiusque spi-
rant, quam ab Occidente A; quia illi, qui in
C fiunt, massæ aeris cursum sequuntur. Vel
etiam, quia in parte Terræ, quæ inter C & D
posita est, ob diuturniorem Solis absentiam
arctius vapores constringuntur, quàm in il-
la, quæ inter D & A sita est. Vaporum au-
tem condensatio adventorum vim conducit,
qui indubie fortiores evadunt, quo graviores
sunt illæ partes, ex quibus constant & con-
stantur.

Venti circa loca maritima interdum à ma-
ri, noctu vero à Terra spirare deprehendun-
tur.

III.
*Circa litus
maris Venti
à terra na-
scuntur.*

Hæc ventorum alteratio, Solis illumina-
tio :

diu a mari
proveniunt.

nationi tribuitur, qua vapores diversimode è mari & terra educit. Dum enim Sol splendet, communiter plures vapores è *Mari* quàm è *Terra* elevat: quia *Terra* multis in locis arida, & non illi tantum materiz quantum aqua suppeditat: è diverso cum Sol recessit, calor reliquus plures è *Terra* quàm è *Mari* attollit quia *Terra* utpote compactum corpus & multo humore grave, diutius quàm mare calorem sibi impressam retinet. Unde validi illi venti qui è locis mediterraneis in mari spirant, fortissimi sunt prope littora, sensim autem in alto mari deficiunt, quo longius provehuntur. Quod *Columbo* primo Indiarum occidentalium detectori argumento fuit, regiones alias ultra *Atlanticum* Oceanum non procul abesse, dum deprehendit strenuos ac feroces ventos versus Europam afflare, quos nimis validos existimaret, quàm ut ab aquis proficiscerentur.

IV.

Qua causa
Ethesiarum
& constan-
tium alio-
rum vento-
rum.

Quidam venti statim temporibus revertuntur, & eundem semper tenorem servant. Ut *Ethesia*, qui singulis annis biduo post *Canicula* exortum quadraginta diebus spirare solent. Zephyri qui ab *Equinoctio* verno ad *Autumnale* in mari mediterraneo flant. Australes, qui sub *Zona torrida* fiunt, vices & reciprocaiones diurnas, menstruas & semestres habent.

Horum omnium unica causa Sol est, qui pro vario ejus ad varias Terrarum partes, situ ventorum diversitatem excitat. Nam quantum ad *Ethesias*, qui post æstivum solstitium obser-

observantur, verisimile est eos, à vaporibus provenire vi Solis à terris & aquis, quæ in septentrione sunt, eductis postquam jam satis diu ad *Tropicum Cancræ* hæsit. Constat enim illum diutius in Tropiciis morari, quàm in spatio interjecto: & cogitandum mensibus *Martio, Aprili, & Majo*, maximam nubium & nivium partem, quæ circa polum nostrum hærebat, in vapores & ventos resolvi; ventosque istos ab initio veris (quo tempore sunt calidissimi) ad *Solstitium æstivum*, paulatim deficiente materia languescere. Mense vero *Junio*, nondum ibi terras & aquas satis esse calefactas, ut materiam novi venti suppeditent; sed paulatim Sole ad *Tropicum Cancræ* commorante, magis & magis illas incallescere, tandemque idcirco *Eschias* producere, quum magnæ illius & pertinacis diei, quæ ad sex integros menses ibidem extenditur, meridies paululum inclinat.

Simili ratione *Zephyri* in mediterraneo mari ab æquinoctio verno ad Autumnale flare solent, quia magna vaporum copia ex Oceano *Atlantico*, æstivis caloribus attollitur, qui aliquot horis, post Solis ortum, quæ certo temporis spatio post noctem mediam respondent, versus ortum aguntur, & usque ad occasum vires suas exerunt. Stati ac certi intra *Tropicas* sive in Zona torrida sunt venti, quia illic Sol in Terram directos & perpendiculares radios mittens, plurimos vapores excitat, qui luminis actione

V.
*Zephyri in
mari mediterraneo
certo annis
tempore
flant.*

agitati expanduntur, & ventum producant. Et ita de ventis aliis, qui certis temporibus oriuntur, ut de *Africa*, qui ab orientali ora *Africae* ad *Mozambicum* ab initio Augusti ad decimum quintum Septembris spirat: quia à mense Aprili usque ad Augustum multos vapores è mari Indico educit, qui versus *Africam* deferuntur, & comparato majori spatio dilatantur, & locum majorem occupant.

VI.

*Modus com-
ficiendi
Ventos arti-
ficiales.*

Arte venti efficiuntur, ut *Chymici* eo instrumento ostendunt, quo, loco follis, utuntur. Paratur enim ex Cupro globus, ita ut aqua repleti, claudique repletus possit. Fistula angusti orificii, ex una parte paratur, aqua igni admovetur repletus, fistula alteri loco follis. Ubi globus incalescit, & aerescit aqua, continuo aer expiratur, donec aqua tota absumpta sit, follis loco fungitur. *Jonstonus Admir. Meteor.* capite sexto.

Oritur talis ventus ex eo, quod aquae particulae, ignis fervore agitatae, inter se colliduntur, & magno molimine ab invicem recedere conentur: & quia dilatare se, & à se mutuo removere non possunt, nisi quatenus aliqua ex iis per fistulam egrediuntur, tota illa vis, qua plures colliduntur, tanquam in unum collecta, id agit, ut proximas per illud exturbet. Atque hoc modo ventus per fistulam spirans excitatur. Et quia continua ignis actione aliae semper hujus aquae particulae rarefiunt, & in gyros actae, à se invicem recedunt, dum interim aliae per

per fistulam enituntur, sic ventus non cessat, priusquam universa globi aqua evaporetur, aut ignis ab eo removeatur.

Venti aere tranquillo frigidiores sentiuntur, quam *Aer* ipse, quamvis non illo multo sint frigidiores, ut ex *thermometro vitro* dignosci potest, in quo aqua fortis inclusa, flante vento, non magis solito ascendit, quod tamen fieri deberet, si *Aer* internus ab externo vento refrigeraretur.

Ratio est, quod *Aer* tranquillus non nisi externam cutim perstringit, quæ quum interiori carne frigidior sit, minus advenientem frigiditatem percipit: ventus vero utpote concitator, in corpus nostrum adactus, carnem penetrat, & ad corporis interiora deferretur, quæ cum calidiora sint, magisque Cordis æstu agitentur, majorem frigiditatem eo impulsu sentiunt. Ad eum modum quo manus calida ad glaciei contactum majus frigus percipit, quam tepida, & cujus particulæ minus agitantur

VII.

Cur Ventus frigidior aere sentiat, cum tamen non sit illo magis frigidus.

ARTICULUS TERTIUS.

De Nubibus.

Nubes sustinentur libranturque in aere, quamvis ipsæ gravesque appareant.

Ratio est, quod glaciei particule, vel aquæ guttæ, ex quibus componuntur, exiguæ admodum sint, multæque superficiæ proportionæ suæ materiæ habentes, sæpe magis ab aeris

I.

Cur nubes librantur in aere.

R

refi-

resistentia impediuntur ne descendant, quàm à pondere suo impelluntur. Præterea venti, qui passim prope Terram spirant, quum crassiori materia consent, quàm illi, qui in aere sublimi feruntur, non tantum nubes suspendere, sed etiam ultra aeris regionem, in qua existunt, attollere possunt. Deinde licet *glaciei* particulæ ventis impulsæ continguz evadant, non tamen ideo omni conne-ctuntur; quinimo corpus adeo rarum, læve atque extensum componunt, ut nisi calor aliquas harum partium liquefaciens superveniat, atque hac ratione illas condenset, ac graviores reddat, vix unquam ad Terram delabi queant.

II.

*Quare fræ-
quentiores
sunt nebula
in Vere.*

Tempore verno plures nebulae conspiciuntur, quàm aliis anni tempestatibus: Unde Lucretius,

Persida nubiferi vetat inconstancia veris.

Quia eo tempore major est *inequalitas* inter calorem diurnum & nocturnum frigus: quo fit, ut magna vaporum copia simul cum aeris frigore concurrat. Ut enim vapores in *aquam* aut *glaciem* convertantur, duo requiruntur, *primum*, ut illorum particulæ ita ad se accedant, ut se mutuo contingere possint. *Secundum*, ut satis frigoris adsit, ad illas, dum propinquæ sunt, sistendas & uniendas. Nam inutile esset *frigus*, si vaporum particulæ à se invicem dissiderent & dividerentur. Parum etiam illarum *connexio* juvaret, si tanta esset caloris

caloris agitatio, ut illarum nexum impedi-
ret. Ac proinde cum in Vere vapores diur-
no calore attollantur, qui succedente no-
cturno frigore coalescunt, fit ut eo tempo-
re plures nebulæ appareant, & iis Terra
uberius humectetur; pari ratione frequen-
tius in locis maritimis aut paludosis, quàm
in locis procul ab aqua dissitis nebulæ na-
scuntur, quoniam aqua ibi suum calorem ci-
rius quàm terra amittens, aerem frigefacit,
in quo porro vapores, quos terræ calidæ &
humentes magna copia exhalant, conden-
santur.

In cælo sæpenumero *gemina* nubium acies
videntur, quarum una infra alteram desertur.

Causa est, quod vapores, ex quibus nubes
gignuntur, non æquali vi in aerem ascen-
dant, sed nonnullæ *altius*, aliæ *minus alte* eni-
tuntur, antequam satis condensati sint ad il-
las formandas. Unde oritur ut unas remo-
tiores, alias terræ viciniore intueamur, &
aliquando autem à diversis ventis agitatae,
Quod maximè in montanis locis videre est,
ubi sublatis vapores inæqualius, quàm in aliis
locis, à calore aguntur.

Altissimæ nubes ex glaciei particulis com-
ponuntur; quod ex summis editorum mon-
tium jugis colligi potest, quæ media etiam
æstate nivibus teguntur.

Illud ob aerem illic frigidissimum pro-
venit, qui indubie eo, ubi montium cacu-
minibus incumbit, gelidior est, aut ad mi-
nus æque frigidus: & quoniam vapores
quo

III.

Unde oritur
nubium ope-
do, ut una
supra aliam
videatur.

IV.

Nubes ab-
tissima ex
particulis
glacietis
componun-
tur.

quo sublimius ascendunt, tanto plus frigoris ipsos constringentis opperiantur, minusque à ventis premi possunt; propterea ut plurimum, maximè sublimes nubium partes, tantum ex tenuissimis glaciei capillamentis, longe à se mutuo dissitis constant.

V.

*Cut nebula
circa auro-
ram orientem
est.*

Nebulæ circa *Auroram* progigni solent, dum serena nox præcessit, & tranquillum cælum est, & ab omni vento immune. Et si unum eorum deficiat, non oriuntur nebulae, aut statim evanescent.

Ratio est, quod Nebula ex *vapore* potissimum assurgit, qui ex terræ superficie, atque lento calore educitur, ex locis scilicet *palustribus*, aut *fluviiis*, si tardi sint, & inerte defluant. Unde si calor nimius est, vaporem plus æquo dilatat, efficitque, ut sursum efferatur & avolet. Obest quoque, læviens bruma, & agitatam vento cælum, quoniam tunc à circumstante frigiditate vapor cohiberi non potest, & illa crassitudo amittitur, quæ nebulae maxime competit. Demum *nox pluvia* aut *nubila* impedit, quia *pluvia* teporem illum extinguit, qui ad halitus emittendos requiritur. Denique ubi *nox nubila* præcesserit, nebula non ascendit, quia cum nullus ros tunc decadat, nulla subest vaporibus attollendis materia; ac proinde necessum est, ad nebulae supra Terram efformationem, ut cælum *quiescat*, adsit telluri *tepor* & *nox serena* præcesserit.

VI.

Dum nebula collecta sursum fertur, aquam nuntiat, & pluviam minatur: secus vero,

vero, si paulatim extenuetur, & solutis partibus ascendat.

Quando nebula est pluviae nuntia.

Quia nebula dum ita conglobata per aerem attollitur, innumeras roris particulas, quæ in aere matutino & frigido sparguntur, colligit, quæ mox modico calore excitatæ dissolvuntur, & in imbrem abeunt. Unde coalescere subito nebulam observamus, cum paulo ante desæcatum esset cælum, nihilque minus quàm pluviam polliceretur. Partes autem nebulae à Sole discussæ, & à se mutuo avulsæ sursum nitentes, cum in molem unam concreticere nequeant, serenitatem non turbant, nec ullam pluviam portendunt.

ARTICULUS QUARTUS.

De Pluvia.

PLUVIÆ guttæ dum decidunt figuram sphericam affectant, & cum circa Terram pervenerint, rotundæ apparent.

Nonnulli id fieri existimant ab innato ipsis rebus instinctu, quo res quælibet à perniciæ defendere se conatur; adeo ut guttæ aquæ cadentes in orbem vertantur, ut ab aeris injuria, aut alterius obfistentis corporis actione se tueantur. Sed hi nimium rebus insensibilibus tribuunt, qui illis intellectum & voluntatem assignant, arbitranturque inanimata discurrere, & ratione uti. *Laves* igitur ac rotundæ guttæ evadunt à celestibus

I.
Cui guttæ cadentes rotundæ sunt.

stibus globulis, qui illas ambiunt, & intra earum poros se intrudunt. Hoc pacto: Cum globuli coelestes alio modo per *aque* partes, quàm in circumambiente aere moveantur, & secundum lineas rectas pergere affectent, fit, ut illi, qui in aere vagantur, minus à motibus suis impediuntur, si aquæ guttæ quibus occurrunt, *spherica* sint, quàm *angulose*, aut figuram aliam sortitæ. Unde si pars aliqua in eorum superficiebus, ultra figuram sphericam protuberet, globuli coelestes per aerem discurrentes majori virtute in illas impingunt, quàm in cæteras; ac proinde illas centrum versus adigunt. Si vero pars illa eo impetu protusa, ad centrum cæteris proximius accedat, coelestes globuli intra guttam ipsam inclusi, cum majori vehementia ea à centro detrudunt; & hac ratione omnes ad guttam sphericam reddendam conspiciant.

II.
Quorsum in
Egypto &
aliis regio-
nibus non
pluit.

Certis in Regionibus nunquam aut raro pluit; ut de *Egypto* saltem *ulteriore* passim ab Historicis fertur. Idem de *Libia* ac *India* regionibus *Plutarchus* memorat, quæ semper siccæ sunt, & nullo unquam humore reficiuntur.

Non id nimio æstui, qui in illis Terræ tractibus dominatur, adscribendum puto, quum aliæ sint Regionēs multo calidiores, in quibus tamen imbres decidunt & Itatis temporibus pluit. Melius hanc pluvie inopiam in Terræ *siccitatem*, partiumque ejus concretionem refundendam esse opinor, sub qua nullæ
latent

latent aquæ, quæ evaporentur, & *pluviam* generent. Aut si quæ inibi sint, ob Terræ densitatem in aerem transmitti non possunt. Nam uti *Canes* nunquam sudant, quoniam compactam nimis cutim habent, quæ omnem halitui viam præcludit. Ita in *Ægypto* tantæ duritiæ Tellus esse potest, ut ejus meatus nimis angusti sint, quàm ut à vaporibus, qui in ejus penetralibus formantur, penetrari queant. Non dicendum est *Eshefias* quotannis è mari *Mediterraneo* versus *Ægyptum* flare, & multas nubes eo devehere, quæ in *pluviam* concreescere possint. Verisimile enim non est vapores ventorum vi posse tam longe deferri, cum facile dissipentur, & *Eshefia* non continui sint, sed circa *tertiam* diei *horam* oriantur, & nocte sequenti penitus desinant.

Lac & Sanguis nonnunquam è cælo decidunt. & per longos Terræ tractus diffunduntur. In *inferiori cælo* relatum in *monimen-*
ta est lacte pluisset *M. Acilio & C. Porcio* consulis. *Plinius Hist. Natural. capite 56.* Sanguinez etiam *pluviz* meminit *Livius* deced. 4. libro nono; quæ biduo in arca *Concordiæ* decidit. Et inter *Neotericos* authores. *Gemma Frisus* libro secundo *Cosmocrit. capite secundo* refert in *Emdensi* ditione apud *Frisios* orientales, nocte quadam, sanguinem pluisset tanta copia, ut ad quinque aut sex miliarium spatium *Herbæ & velles* expositæ in *præcipuum*, ex albo colore penitus in purpureum sint mutata.

III.

*Quomodo
lactes san-
guine inter-
dum pluit.*

Gassendus existimat, lacteam pluviam nihil aliud esse, quàm candescentem aliquo modo aquam, cui nonnihil *plumbee* materiae aut *salis saturni* cum *halinitro* & *aceto* admixtum est, aut similis alterius materiae, quæ albedinem aquæ conciliare possit. Et purpuream pluviam ipsammet esse aquam admixtis *thalcarrinis* & *asphalticis halitibus*, qui pluviis non in aere labentibus, sed in terra collectis, rubrum colorem impertiunt, quarum guttae herbis aut vestibus insidentes, eas quadam rubedine aspergunt. Sed verisimilius videtur huiusmodi pluvias è vaporibus progigni, qui exhalant è locis *minio* aut *rubrica* abundantibus: quomodo nix in Armenia quandoque est rubra, ob *minium*, quo Regio illa abundat; vel ex locis sanguinolentis post magnas hominum clades; vel color propter intensum Solis calorem, quomodo febris laborantium *urina*, aut aquis per calidos cineres percolatis *rabor* conciliatur.

IV.

An vitulus
inquam
pluerit pro-
ut narrat
Avicenna,

Refert Avicenna, *vitulum* aliquando pluuisse, & ex alto etiam cœlo cum maximo imbre decidisse.

Haud arbitror Avicennam duxisse, vitulum in nubibus procreatum esse, & illic materiam animalibus compingendis idoneam suppetere. Sed solum vitulum aliud de ingenti turbine esse abreptum & cum pluvia in distantem aliquem locum delatum. Quis nescit *fluxam* cœli substantiam huiusmodi efformandis corporibus esse ineptam? quomodo tanta moles in nubibus sustineretur,

& ante completam generationem non dila-
beretur? An, quia Avicenna quondam vitu-
lo pluuisse scripsit, compactus in nubibus vi-
tulus est? Sed illi credant, qui authoritati
potius quam rationi patrocinantur, & qui
omnia promiscue admittunt, quæ ab anti-
quis Authoribus aut narrata sunt, aut so-
mniata.

Nihhil commuius tam apud veteres quam
novos scriptores, tempore æstivo *ranis* plu-
isse, & *agros, colles, vias* multitudine tecta &
insecta esse.

Quamvis inficiari non audeam *Ranas* in
nubibus gigni posse, non tamen iis facile as-
sensum præbuerim, qui illud nimis confiden-
ter asseverant. Ratio mea hæc est, quod hu-
jusmodi animalcula, nunquam in domuum
æclis, aut *tabulatis*, vel etiam in ipsis *flumini-*
bis decidisse deprehendantur, sed in viis
duntaxat, aut locis aliis multo pulvere con-
spersis, in quæ decidente pluvia exurgunt
& efformantur. Conjecturam meam firmat
Aemilianus libro secundo de Animalibus ca-
pite quinto. *Memini etiam ego in itinere ex Nea-*
poli Italica Dicaarciam versus, ranis pluisse, qua-
rum anterior pars, binis innixa pedibus, repebat,
posterior adhuc informis, & tanquam è cæno hu-
mido coalita trahabatur. Quod sane magnum
argumentum est *Ranas* ex putri pulvere,
& delapso imbre oriri, & non tam in ipsis nu-
bibus, quam supra terram originem habere.
Præterea, unde tanta *aeri* vel *nubibus* mate-
ria, formandis *ranis* suppeteret? qua vi coa-

V.

*Quomodo
do ranis
pluat, &
quomodo
illa gene-
rentur.*

V. 10.

lesceret? Quibus vinculis tamdiu suspensæ
Ranæ detinerentur, & quorsum nondum
perfecta generatione deorsum laberentur?
Quæ omnia cum explicari nequeant, veri-
similius videtur, Ranas ex *pulvere & aqua plu-
viali* infuso progigni, & non in cælo, sed
super *terram* profluere.

VI.

*Æstate
pluvia
gutta la-
tiores
sunt
quàm hy-
eme.*

Æstivo tempore grandioribus communi-
ter guttis pluit, quàm hyeme.

Ratio est, quod in *æstate* guttæ ex loco
eminentiori decidunt, & longissimum aëris
tractum metientes, in via augescunt, & in-
crementum accipiunt. Duobus enim modis
pluvia è nubibus labitur, vel cum *aer inferior*
recessu, vel superior incurfu, illas ad de-
scendendum invitat. Unde aere inferiori se
contrahente, stillicidium oritur, quæ pluvia
minutissima est, & pulveris instar in terram
decidens. Imber autem, seu etiam nimbus,
qui magnis guttis è cælo ruunt, efficiuntur,
quoties nubes solo aere superiori pressa,
descendit, quoniam tunc aquæ guttæ è loco
altissimo labentes, *alias* aquæ particulas of-
fendunt, quibus sibi adjunctis, crassiores
evadunt.

ARTICULUS QUINTUS

I.

*Minora
grana
grandinis
perspicua
sunt, non
autem
majora.*

De Grandine & Nive.

Minores grandinis *lapilli* nonnunquam
pellucidi sunt, nullumque colorem in-
duunt: Majores verò et si superficie tenus
perspicui appareant, intus aliquid nivis con-
tinent,

tinent, & quandam albedinis speciem exhibent.

Grandinis *pelluciditas* oritur, dum ventus frigidus, quicquam efficit, formatas jam aquæ guttas intercipit, & in corpus durum contrahit. Quoniam tunc meatus inviolati manent, per quos globuli secundæ elementi transeuntes, luminis actionem in omnes partes, secundum lineas rectas transferebant: ut de *Vitro* antea dictum est. Sed cum hic ventus floccis liquefcentibus appropinquat, calorem in illorum poros pellit, sive materiam subtilem maximè agitatam, quæ tunc in aere circumstante invenitur; quia ipse *Ventus* non tam facilè, nec tam cito atque hic calor eos pervadere potest. Is autem calor horum floccorum meatibus inclusus, ad ipsorum circumferentias magis quàm ad centra accedere nititur, quia subtilis materia (in cuius agitatione consistit) ibi liberior movetur, & ita magis ac magis liquefacere pergit, priusquam incipiant rursus in *glaciem* concrefcere: atque etiam liquidissimæ, id est, magis agitæ particularum aquearum, quæ alibi in istis floccis reperiuntur, ad eorum circumferentias accedunt: iis contra, quæ non tam cito liquefcere possunt, circa centra manentibus. Quo fit, ut crassiora grandinis grana in superficie pellucida sint, & intrinsecus alba.

II.

Grando lapidibus similis aliquando è cæ-
lo delabitur. Memoratur in Gallia, *Paschali solita*
Pontifice summo, frustum unum duodecim pedum

*diminuta
magnitudo
provenit.*

longitudine descendisse : Et aliud trium librarum pondere *Bomela* in Geldria anno Domini millesimo sexcētesimo sexagesimo sexto. Novi unum, qui grandinis *pilas* vidisse se aliquando testatur, ovorum non pondere solum, sed & magnitudine æquales.

Tanta crassities ab ipso vento *frigido*, à quo ipsa grando formatur, provenit, qui *nivem* è sublimi in inferiora præcipitans, pluviosos ejus floccos simul compellit, & gelu in unam massam constringit. Veldici potest, grandineos hujusmodi lapides in *altissimis* nubibus progigni, è quibus descendendo incrementum accipiunt, & in inusitatas moles abeunt. Fieri enim potest, ut plurimum humoris in via occurrat, qui ipsis adhærendo, præsentī frigore correptus, congeletur. Unde in grandine innumeræ superficies, veluti tot tunicæ efformantur, quæ illius magnitudinem augment, & ejus ponderi novam gravitatem infundant: ut in *candelarum* formatione animadvertimus, quæ repetita immersione crescunt, & novis partibus adjunctis, *crassitiem* acquirunt.

III. Nix ut plurimum *stellata* figura, sive sex radiis cincta decedit; quod quis facile detegit, si nivis floccos sicco panno excipiat, & disjunctis radiis à se invicem separet. Interdum etiam *rosea* & *pilosa* gignitur.

Unde fit, quod nix stellata, rosea aut pilosa decedat.
Illa figurarum varietas ex eo contingit, quod nivis *floci* priusquam in terram delabantur, diversas in aere mutationes subeant & secundum caloris & frigoris vicissitudi-

tudines, diversas figuras sortiantur. Gignitur nix stellata, dum ejus folia, calore accedente, paulatim liquefcunt, & illud tantillum liquoris, in quod solvuntur, per foliorum superficies diffufum, exiguas inæqualitates ibi occurrentes omnes replet; Atque ita planas & politas illas reddit, ac eæ corporum liquidorum funt, quamvis ibi ftatim iterum concrefcant. Cum enim tunc *Calor* non vehementior fit, quàm requiritur, ut exigua illa capillamenta, aere undique cinâ, reliquis integris in aquam folvat; Non fatis virium habere poteft, ad impediendum ne illud tantillum aquæ, glacialibus iis fuperficiebus illapfum, earum frigore iterum adftingantur. Poftea hic calor pervadens etiam alia capillamenta, quæ finguli glomi in ambitu, ubi fimilibus aliis sex cinguntur, habent, ea ex iis capillamentis, quæ maxime à sex vicinis globulis funt remota, indifferenter huc illuc flectit, & hoc ipfo iis, quæ è regione sex horum globulorum confiftunt, adjungit. Hæc enim eorundem sex *globulorum* vicinia refrigerata non liquefcunt; fed contra denuo materiam aliorum fibi junâtorum protinus glaciant: Atque ita sex cuspides aut radii, circa fingulos glomos formantur, qui diversas figuras recipere poffunt, prout hi glomi magis aut minus *craffi* & compreffifunt; capillamenta item denfa, & longa; calor, quo coquuntur, lentus ac moderatus. Unde nix *piloſa* generatur, dum glaciei particulæ, quæ floccos componunt, a calore

densantur, & mox à frigore denuo congelatæ, circa centrum suum vertuntur, & ab aliis glacialibus fragmentis constringuntur. *Rosca* vero, dum radii è nive prominentes, à calore flectuntur, & junctis extremitatibus, iterum congelantur.

IV.

*Gummi-
gem con-
tractanti-
bus ma-
nus ser-
vescunt.*

Si quis nivem contrectaverit, confestim manus ejus fervere, & quodammodo *hyri* videntur.

Aliqui id fieri per *Antiperistasis* opinantur, quod frigore expulso calor inducatur, & ignis particulæ accedant. Sed cum talem in *Natura* contrarietatem non agnoscamus, dicimus illum fervorem à particulis nivis congelatis procedere, quæ aqueo humore dejectæ, manuum poros subeunt, & sanguinem repellunt, obstantque, ne per venulas, quæ in manibus disperguntur, solito cursu diffundatur: Quo fit, ut manus intumescant, & rubore suffundantur. Quamobrem si ita affectas manus igni fervido admoveamus, acrem dolorem patimur, quoniam ignis in earum poros vi intrusus particulas glaciatas plus æquo dilatat, & non nisi cum aliqua strage extrahit. Unde debiliori calore manus fovendæ sunt, ut sensim denuo incalescant, & in vigorem pristinum restituantur.

V.

*Qua ra-
tione mix-
fecunda-
tatem a-
gris concu-
bas.*

Nivibus agri fecundantur, si ipsis per aliquod tempus insideant, & liquorem sensim præbeant.

Ratio est, quod nives *terram* tegendo, amicam plantis succum comprimunt, impediuntque, ne soli vigore exhalatione evanescat.

Tam

Tum etiam, quod *nives* paulatim liquefciendo, pinguem humorem suppeditant, quo aluntur plantæ, & vegetiores evadunt. Ut patet, dum *soluta gelu* Terra detegitur, & tepido diei exponitur. Scio quosdam medicos aliter censere, dum *Hortulanis* præcipiunt, ut soli superficies, in quo consistæ stirpes sunt, stramentis & inspersis cineribus à nivum injuriis fueantur, sed id non præcepisse existimo, quasi *nives* stirpibus noxias esse arbitrentur, sed solum ne perfusis stillicidio radicibus, frigus denuo exasperari, & succum intra illarum poros currentem congelari contingat: Cum constet eo humore imbutas *radices* marcescere & extingui.

ARTICULUS SEXTUS.

De Rore & Melle.

I.

Ros copiosior frequentiorque in locis humidis & paulustribus reperitur, quam aridis. Unde fluminum ripæ passim rore teguntur, cum agri & ex ucca alia loca nullo externo humore perfundantur.

Cur Ros in locis humidis potius quam siccis copiosior est.

Huius phænomeni causa in vapores passim refunditur, quia magna copia circa littora ascendunt, & cum ad modicam altitudinem evehantur, & in easdem sedes recidant, unde prius erupere: Non huic rationi penitus assentior, cum editissimi montes in æstate *rore* madeant, & in hyeme *pruina* cooperiantur. Non enim propè Terram solum, sed & in *sublimi* etiam aere vapores concresecunt.

Quæ enim in altum vi Solis attolluntur, frigore nocturno succedente cocunt, & in rorem convertuntur. Quod littora magis quam ficciora loca circa Auroram humore compleantur, ex eo oritur, quod terra arida priores roris guttulas hauriat, nec sinat eas in sua superficie concrefcere. Ripæ autem quum humo suffundantur, & veluti saturæ turgcant, rorem supra se detinent, & non patiuntur ultra pergere. Sic roris guttulae in *brassica foliis* in unam coalescunt, absorbentur vero, dum in *arenam* delabuntur, & inter ejus grana se insinuant.

II.

*Terra vero
vacua
mane, futuram
pluviam
arguit.*

Si mane Terra Rore non aspergatur, & nebula, quæ eam humectare solet, sursum recedens, *aridam* omnio terram deserit, pluviae sequentur.

Hujus ea est ratio, quo id vix contingere queat, nisi quum terra noctu non satis *refrigerata*, vel mane supra modum *calcfacta* multos vapores exspirat, qui nebulam in altum pellentes efficiunt, ut ejus guttæ, sibi invicem occurrentes, jungantur, atque ita tam crassæ evadant, ut paulo post in pulviam decidere compellantur.

III.

*Pruina
quasdam
herbas te-
meriores
officit.*

Pruina, ubi in quarundam herbarum folia inciderit, eas teneriores efficit, ut *caules* & similes, quæ tempore hyberno auræ exponuntur.

Quia frigus superveniens, illas herbas constringit, efficitque, ut earum particulis ad se invicem propius accedentibus, earum ordo & situs varietur. Unde fit, ut calore

in eas ita maceratas agente, plexus earum facile abrumpatur, & fibræ antea *imminuta*, & ex parte *soluta* omnino distrahantur. Sic *cavo* frigori nocturno exposita, fit tenerior, quod strictius conjunctæ ejus partes postmodum calore laxentur, & facilius ejus motibus obsequantur.

IV.

Unde
pruina
partes in-
ter se con-
nectuntur.

Partes *pruina* inter se coeunt, cujus contrarium in grandine experimur. *Grandinis* enim lapilli distincta grana conficiunt, & nullo modo sibi ipsis copulantur.

Causa imprimis videtur esse, quod grandinei lapilli ex alto decedentes, cum ad inferiorem aeris tractum pervenerint, ob vigentem in eo calorem, superficie tenus liquescunt, & prominentes particulas amittunt, quibus asperi reddebantur: non autem *Pruina*, quæ sua spicula semper retinet, & in cuspides prope terram desinit. Unde ejus particulæ ob mutuam scabritiem implicantur, & sibi adhærent. Vel addi potest, quod *Pruina* viscidiori substantia constet, quàm *Grando*, quoniam pluvia, ex qua grando componitur, mera est aqua, quæ confestim in aerem ascendit: *Pruina* autem ex *Rore* concrevit, qui pinguior est, utpote ex diversis Animalium, plantarum, fossilium, corporibus collectus. Manifestum autem est, ex tanta corporum varietate extractum humorem, tenaciorem esse, quàm pure aqueum; ac idcirco pruinae grana sibi adhærere, & intimius, quàm Grandinis lapilli, connecti.

V.

Qui Agriculturæ studio incumbunt, &
S s naturæ

*Mel ab
apibus
brevis
temporis
spatio
confici-
tur.*

naturæ miracula exactius contemplantur, animadvertunt Apes brevi temporis spatio Mel conficere, & alvearia sua adimplere.

Quidam hujus operis exacti speculatores, notant Alvearia interdum in mensis Maii initio, melle omnino destitui, atque dum Rores decidunt, & flores cœlesti humore teguntur, instar cellæ stipata invenisse.

Non satis adhuc evidens est, an *Apes* succum ex floribus extrahant, qui confestim in mel convertatur, an quæ collegerunt, insita proprietate, in talem *saporem* transmutent. Quibusdam placet, Apes non conficiendi mel, sed illud tantum colligendi *peritiam* habere. Alii volunt, ipsis *vim* quandam inesse, ea, quæ è floribus exsugunt, in mel vertendi, & mutata eorum qualitate, novum saporem impertiendi. His facile adstipulor, cum videam in Animalium *uberibus*, quod ex alimento superest, in *lac* mutari, & novum substantiæ genus assumere. Quidni quod in stomachum Apes transmittunt, parte una nutrimento destinata, reliquam debitis organis in mel convertant, & illam cotidie in alvearia deponant. Difficile quidem exploratu est, an, quem è floribus succum ducunt, ore evomant, an parte *alia* ejaculentur; sed rationi magis consentaneum esse videtur, parte posteriori ejici, si in Apum *stomachis* efformetur, & suum illic saporem acquirat. Non obest, quod Apes in confectum mel involent, & floribus desertis, iis locis maxime delectentur, quæ melle intinguntur, quoniam illud tanquam alimentum appetunt,

petunt, quo nutriuntur, & denuo in aliud mel convertunt. Sicut *mulieres*, quæ infantibus ubera præbent, *lac* hauriunt, & illud in stomachum traductum, in novum lac transmutant.

Manna secundum regiones, in quibus depluitur, varia est, & non nisi in certis generum arboribus colligitur. Plinius putat, in *Quercu* & *Tilia* potissimum coagulari. Calabri in fraxino, Syri in cedro.

Ratio est, quod *mana* non nisi in arborum foliis formetur, quæ ad ejus consistentiã & duritiem juvant. Cum enim ex solis exhalationibus constet, ejus particulæ talis sunt figuræ, ut cum foliis aliarum arborum conjungi nequeant. Unde *Baconus* mannam præstantissimam & uberi proventu *Calabriam* ferre asserit, quod *Mori* frondibus, ex quibus colligitur, quandam coaguli vim inesse existimet, quæ delapsus ros inspissetur. Hanc autem vim *mori* foliis attribuit, quod *aspera* sint ac *hirsuta*, & conservando liquori magis idonea. Non tamen hic succus cum melle confundendus est, cum diversæ sit ab eo indolis, & diversa ejus operatio. Mel enim bilem movet, & ad eam augendam plurimum conducit; manna vero eam abigit, & è corpore deturbat.

ARTICULUS SEPTIMUS.

De Tempestate & Tonitru.

EÆdem Tempestates acrius in *mari* sæviunt quàm in *Terra*: ut omnes, qui littora & altum mare explorarunt, testantur.

Ratio est, quod Vapores ex aquis sublatis, *humidiores* semper & crassiores illis sint, qui

I.

Tempestates in mari acriores sunt, quàm circa littora.

qui ex terris exspirant, quique ex aridis corporibus abstrahuntur. Unde plus aeris atque exhalationis secum devehendo, ventis validioribus creandis materiam suppeditant. Eam ob causam, venti non ubique pari affectione imbuuntur, sed qui in una regione *sicci* sunt, in alia *humectare* possunt. Sic venti *Meridionales*, qui in omnibus fere locis *humidi* sunt, *sicci* in *Ægypto* feruntur, ubi *Africæ* tellus calore exucca, & omni humore destituta, illis materiam præbet, & eorum vigorem tuetur.

II.

Quare
Hirundines
circa
terram
volitant,
instante
tempestate.

Hirundines tempestate imminente ad Terram accedunt, & solito dimissius per aerem feruntur.

Quia nubes, quæ ex alto decidunt, quæque suo pondere interjecta corpora depriment, *muscas*, quibus hirundines pascuntur, versus terram propellunt, quibus familiare est, ablandiente cælo, & clementi aere in altum evolare, & liberiora spatia evagari.

III.

Cur
Travados
ita
sint
nautis
formidabiles.

Mare raro aut nunquam magis concutitur, aut impensius ferverescit, quam dum turbinibus aut procellis, quas *Travados* appellant, agitur. Illæ enim inter cæteras maximè nautis formidabiles sunt, & quarum furorem omni conatu evitare moliuntur.

Earum tempestatum vehementia præsertim paulo ultra *bonæ Spei* promontorium sentitur, quoniam illic vapores magna quantitate ex *Æthiopico* mari emissi, quoniam latissimum est, & Solis radiis maximè ferverescit,

cit, ventum *occidentalem* facile producere possunt, qui eorum impetum sistunt, qui à mari Indico ipsi opposito proficiscuntur, & ta illos in nubem adigunt: quæ nubes, quia ex inæqualitate oritur, quæ inter immensa duo illa *maria*, & *terram* hanc, quæ etiam latissima est, interponitur, majorem molem habere debet, quàm quæ in regionibus nostris efformatur, ubi tantum à minoribus istis inæqualitatibus pendet, quæ planities nostras intersecant, & lacus ac montes dirimunt: Ita hæc nubes sublimis magno ponderè comparato, tota decidit, & magno impetu omnem subjectum aerem agens, tempestatem excitat; quæ vehementior passim efficitur, quo minor in initio nubes deprehensa fuerit, quouiam altissima, & maximè remota à Terra esse supponitur. Manifestum autem est, ponderosi corporis impetum validiorem esse, quo ex loco *editiori* descendit, & longius spatium dimetitur.

In magnis tempestatibus quidam ignes in malorum summitate aliquando consistunt, qui *Castor* & *Pollux* à nautis vocantur, si duo sint: *Helena* autem si unicus. Illos felici augurii esse existimant, hunc vero infaustum, & qui immitiorem tempestatem portendat.

Nascuntur hujusmodi Ignes ab exhalationibus, quæ vaporibus in nubem coalitis admiscuntur, quæ cum ob partium suarum soliditatem, & irregulares suas figuras, à nube delabente, pari impetu cum vaporibus propelli nequeant, acris agitatione,

IV.
Quæ origo Castoris & Pollucis & quomodo boni aut mali augurii esse existimantur.

ab ipsis sejunguntur: ac proinde hæ exhalationes, in varios cumulos congregatæ, quàm altissime possunt, juxta *nubem* volitantes, *malu* navium aut *funibus* implicantur; dum nubes ad sui motus terminum perveniens, illas eo usque detrudit. Duo autem *ignes* melioris *spei* signa sunt, quod procellæ acriores in fine sint, magisque sæviant, ac proinde multiplicatis ignibus franguntur tempestates, & plures nubes unæ aliis incumbendo brevi disperguntur. Uno autem solummodo Igne conspecto *acrior* tempestas, majorque aquarum eluvies expectanda est; quoniam superesse adhuc possunt nubes, quæ in inferiores ruant, & novis viribus mare concutiant.

V.

Cur Tonitru frequentius æstate quàm hyeme auditur.

Tonitru *æstati* familiarius est, quàm *hyemi*, in qua non nisi raro auditur.

Ratio est, quod Tonitru ad motum procellarum & nubium lapsu oritur, dum nimirum superiores magno impetu in inferiores decidunt; quod certe non contingeret, nisi dum aer calidior circa superiores delatus, illam sensim condenseret, & graviolem efficeret. Cum autem *hyverno* tempore, non tam facile calor sufficiens nubibus dissolvendis ad superiores usque pertingit, manifestum est frequentius in *æstate* tonare debere.

VI.

Unde varium Tonitru fragor.

Tonitru fragor varius est, & non semper, eodem modo aures nostras percellit; quandoque enim continuo fragore, alias ictibus repetitis auditur.

Continuatur Tonitru sonus ob varias corporum reflexiones, & circumambientis aeris resonantiam. Nam sicuti unus, *sormenti bellici* bom-

bombus, continuato fragore auditur, ob *collisum, adificiorum*, & aliorum locorum redundanti-
 am : Ita diuturnior redditur Tonitru fragor,
 ob aerem circumquaque positum, & dispo-
 sita per ordinem corpora, quæ illum rever-
 berant. Quod autem interruptis fragori-
 bus interdum tonet, ex hoc solo procedere
 potest, quod partes editiorum nubium vel si-
 mul omnes delabantur, vel una post aliam,
 vel tardius aut celerius ; vel quod inferiores
 majores aut minores, crassiores aut tenuiores
 sint, & magis aut minus obnitantur.

Post ingentem pluviam Tonitru desinit, &
 omnis in aere fragor cessat.

Quoniam nubes superior in subjectum de-
 lapsa, tanta vi pollet, ut illam concutiendo,
 eam penitus dejiciat ; & quamvis forte non
 satis virium habeat ad illam omnino infra de-
 turbendam, ex ea tamen aliquos nivis foc-
 cos excutit, qui per inferioris aeris calorem
 decedentes, in *pluviam* convertuntur. Ob ean-
 dem causam Tonitru vehementiam *bombar-
 darum* explosione, aut *campanarum* sonitu,
 fulminis vim infringere nitantur ; Quippe
 nix aeris agitatione concussa, discutitur, &
 ad descendendum adigitur.

Tonitru celeritate fulguri cedit, & quamvis
 eo sit prius, posterius tamē semper percipitur.
 Hujus rei manifesta redditur ratio, quod vi-
 rus ope globulorum cælestium peragitur ; qui
 cum solidi sint, & divisionem non patiantur,
 non vacillant aut deflectuntur. Auditus verò,
 sit tremula aeris agitatione, cujus particulæ,
 cum flexiles sint, & à se invicem disjungan-
 tur, in se reflectuntur & vacillant.

VII.

Quare
 post plu-
 viam
 omnis
 si agor
 desinit.

VIII.

Tonitru
 post ful-
 gur sem-
 per audi-
 tur, etsi
 illo sit
 prius.

AR.

ARTICULUS OCTAVUS.

De Fulmine.

I.

*Cur ful-
men in
Turrens
& proce-
ras arbo-
res pas-
sim deci-
dit.*

EDitiora loca magis quàm humilia Fulmine feriuntur: Hinc montes sæpius quàm valles Fulminis ictus tolerant, nec non proceræ arbores, ut *Ilices* & *Quercus*, illius injuriis maximè obnoxia sunt. Unde Claudianus.

*Ancubuit nunquam cælestis flamma falætiæ,
Nec parvi frutices iram meruere tonantis;
Ingentes quercus, annosas fulminat ornos.*

Ratio est, quod Fulmen accensis exhalationibus constat, quæ ob suam raritatem & volatilitatem à vaporibus secernuntur, & simul cum turbine in terram irruentes, debent potius *Turrium* fastigia, vel *montium* vertices percutere, quàm loca depresso-
Fulmen enim nube dehiscente, potissimum ex ea parte erumpit, quæ cæteris infirmior est, aut ejus impetui magis resistit. Cum autem *Turres*, *scopuli*, cæteraque alia eminentiora loca, illi magis oblucentur, facilius nubes talium corporum occursum diffringitur, & in illam vim suam exercet.

II.

*Quomodo lapis
in fulmine
generatur.*

Lapis interdum in fulmine generatur, & cum eo ex nubibus cadit, qui passim *Cumenu* seu *fulminis telum* nominatur, quoniam omnia corpora disrumpit, & obsistentia quæque prosternit.

Ip accidit, si exhalationibus, quæ Fulmen componunt, multæ aliæ pingues & sulphureæ

phurea admisceantur, præsertim si crassiores etiam adsint, ei terræ similes, quæ in fundis vasorum, in quibus collecta est pluvia, subsidit. Nam quemadmodum experientia discimus, si *hujus terræ nitri & sulphuris* certas partes simul misceamus, misturamque istam incendamus, illam, temporis momento, in lapidem quendam concrelescere. Ita lapis fulmineus, ex viscosis ac terrestribus exhalationibus, *sulphure* admixto generatur, quas in ipsa adhuc nube, vel etiam per aerem descensu sibi adjungere potest. Unde nonnunquam non lapis modo, sed & ferrum, aliaque metalla cum fulmine dilabuntur. Testatur *Agricola libro quinto de ortu subterraneorum*, in Persia, cum coruscat, corpora ærea & sagittis hamatis similia decidere, quæ in foracibus non liquecunt, sed quorum humor in fumum resolvitur, residua terra in cinerem abeunt.

III.

Aurum, *Aes*, *argentum*, fulmine liquatur ut fulmen aurum
ntus, sacculis ipsis nullo modo ambustis, in bursa,
ac ne confuso quidem ceræ signo, *Dolia* ex-
auriuntur intactis operimentis, nulloque
in dolio
lio vestigio relicto. *Marcia* princeps Roma-
illis intactis
norum ista gravis, partu exanimo, citra
his con-
illum aliud incommodum vixit, *Plinius* li-
sumet.
bro secundo capite 51.

Varii illi effectus à varia fulguris compositione pendent. Quoddam enim exhalationibus maximè subtilibus constat, quæ sa-
volatilis vim imitantur, aut quæ fortis
naturam sunt adeptæ. Et tale rara & tenera

corpora intacta relinquit; comminuit autem & dissipat densiora, & quæ illis renituntur & obstant. Unde Fulmen *argentum, Aes, Aurum*, liquefacere potest, *crumena* aut saccis illæsis: sicuti videmus aquam fortem per *ceram* libere transmitti, *ferrum* autem & simile durum corpus resolvere, & in minutias partiri. Cujus rationem adfert Seneca in *Questionibus naturalibus* capite 52. *Valentiora*, inquit, *quia resistunt, vehementius fulgur dissipat: cedentia nonnunquam sine injuria transit, cum lapide ferroque & durissimis quibusque confugit: quia viam necesse est per illa impetu querat: itaque facit viam, qua effugiat. Teneris & rarioribus parit, quanguam & flammis opportuna videantur: quia transiit patiente minus sedit.*

Quoad secundum de *Dolio*, quod intactis operimentis liquore evacuatur, dicendum est, per *Dolii* meatus subtilissimam materiam subire, quæ acerrima sua agitatione vias partes ita imminuit, atque ad eam exilitatem reducit, ut per ejusdem *Dolii* poros transmitti queant. Unde brevi temporis intervallo, *vinum* in vapores conversum, per *vasis poros*, atque compaginata ejus latera extruditur, & singulari modo exugitur. Unde huic malo advertendo solent nonnulli antequam tempestas ingruat, cados *vinarios* præmunire, superposita *vasis ferri lamina* cum *sale* aut *filicibus*, eo quod cum durissimis fulmen confictetur, & in ea potissimum vim suam exerat.

Quantum ad *Marciam*, quæ fulmine affla-

extinctum factum peperit, non necessarium videtur ad fulminis potentiam recur-
endi: quum id ex timore contingere potue-
rit, ut matrona illa scilicet, vicini fulminis
elapsu territa, abortum passa sit: Quod
per urbem Romanam postea vulgatum, Histo-
ricis occasionem dederit scribendi, ipsa in-
columni, exanimatum fuisse in utero partum.
Vel, si verè fulmine perculsam admittamus,
causa esse potuit, quod *exhalationes*, quibus
fulmen illud constitit, ad *oleorum* naturam
accederent; adeo ut lævem tantum flammam
faciendo, non nisi teneriora corpora corri-
puerint, durioribus relictis intactis.

Nihil inter Antiquos vulgatum magis,
quàm *laurum* fulmine invictum esse, & tanta
vi pollere, ut pestilentem ejus spiritum abi-
gat. Hinc *Tiberius* Imperator tonitrua veri-
tus, lauream coronam turbatiore cælo ge-
stabat. Et *Columella* præcipit, ut gallinæ in-
cubanti lauræ ramuli adversus fulmen &
tonitrua supponantur.

Hujus immunitatis causam quidam in Lau-
ri figuram referunt, quæ maximè *rotunda* est;
ac lævi & denso cortice. Unde inferunt ful-
minis exhalationes illi inhærere non posse,
sed intactam præterire. Verum infirma vide-
tur hæc ratio, quum columnæ marmoreæ,
quæ *lauri* truncum *rotunditate* & duritie supe-
rant, aliquando fulmine feriantur, & no-
xam recipiant. Ut testatur *Cardanus subtil. li-
bro secundo*. Florentiæ, inquit, in æde maxi-
ma, seu potius in ædis ambitu videmus co-

IV.

*An lau-
rus a ful-
minis
illu exo-
matur.*

lumnâ fulgurē percussam & violatam. Ego enim fabulam esse credo, quod de Lauro tamdiu jactatum est, quum authores non desint, qui asseverent, *laurum* aliquando de cœlo *tautâ* esse, ut *Conimbricenses*; & fictitiâ omnino esse illam immunitatem, ut exemplis ostendit *Vicomercatus comment. in Meteor. Aristotelis*. Ratio forte, cur illam Veteres lauro concefferint, esse potuit, quod *lauri* dum virent, spirituosos halitus ejaculentur, qui venenatos spiritus abigunt, & contagio obnituntur. Sed verisimile non est, *lauri frondes* aut truncum tantæ esse virtutis, ut erumpentia è nubibus fulmina eludant, & quos tegunt aut sustinent, ab eorum impetu liberent & tueantur.

V.

Non Phoca est fulmini impenetrabilis,

Phoca seu Vitulus marinus creditur nunquam fulmine afflari: ideo tentoria Imperatorum ex pellibus Vituli marini fieri solebant: & *Augustus* adeo fulmina expavescerebat, ut easdem secum semper portaret. *Suetonius*.

Quidam eam virtutem raro pellium contextui, minusque solido acceptum ferunt, quod *Fulmen* per earum poros transmittatur, & nullam injuriam ejus penetratione patiantur. Sed hæc ratio non satis solida videtur, ut tantam vim stabiliat. Nam quum immunis à fulgure is dici poterit, qui illis cooperitur? si fulmen per earum poros deducatur, & via ad eum, quem abscondunt, pateat; Hanc igitur phocæ tegmini attributam fuisse virtutem suspicor, ob miram, quam habet cum mari, *sympathiam*, cujus pili pelago turbato, &

in

in fluctus assurgente, eriguntur; dimittuntur vero, & in planum sternuntur, si aquæ subfidant, & æstus defluat. Hinc *Nauta*, aeris mutationibus cognoscendis, hujusmodi *pelles* circumferebant, quod forte nonnullis aniam præbuit imaginandi *Phoca*, *exuvias* adversus fulmen prodesse, & tabernacula illa ab ejus ictibus immunia esse, quæ talibus pellibus obtegerentur.

ARTICULUS NONUS.

De Iride.

Iris *primaria*, seu quæ sola plerumque apparet, vegetior firmioribusque coloribus tincta exhibetur, quam *secundaria*, quæ supra aliam assurgit. Hujus enim colores debiliores sunt, & non nisi ordine inverso conspiciuntur.

I.
Primaria
Iris Vegetior est
quàm secundaria

Illud à radiis provenit, qui ab utraque Iride ad oculum pertingunt. Qui enim ex interiori emergunt, veluti in *ampulla vitrea* post duas refractiones, & unam reflexionem, ad oculum nostrum perveniunt. Unde radii sub eodem angulo, quem faciunt, cum axe communi, in eodem oculi puncto occurrunt, ab eadem coni base. *Exterior* autem sive *secundaria* fit, quoniam radii infimo guttarum quadranti incidentes, post duas *refractiones* & totidem *reflexiones* emergunt, atque oculo incidunt: Quò fit, ut *rubedo*, *flavedo*, *viror*, cæterique alii colores, qui in iride *primaria* conspiciuntur, debiliores sint, & ordine perturbato in exteriori exhibeantur.

T 3

Quia

Quia radii incidentes, qui post duas refractiones & reflexionem unam, minorem elevationis angulum relinquunt, reflexione addita majorem, faciunt; & è diverso, qui majorem, saltem majori ex parte, minorem.

II.

*At: nu-
quam vi-
sa fuerint
irides in-
ter a.*

Sunt, qui referunt, *arcum cælestem* cornibus eversis, hoc est, versus cælum exporrectis interdum aspexisse, qui eandem prorsus ipsis speciem ac aliæ Irides exhiberet.

Quidam id somnium fuisse arbitrantur, & inter ea numerandum, quæ à deliris & amen- tibus finguntur. Sed meo judicio nihil obstat, quin interdum oriri possit? si Solares radii per reflexionem in *maris* aut *lacus* alicujus superficiem incurrant; modo sit magna aeris tranquillitas, nullusque ventus adsit, qui aquam commoveat, & inæqualem ejus superficiem reddat. Præsertim si quædam nubes illi aquæ superincumbat, quæ impedi- at, ne Solis lumen rectam ad pluviam tendens, illud, quod aqua eo remittit, supprimat atque extinguat. Verum est, talem arcum non nisi raro videri: At non ideo somnium dicendum est, quoniam paucis cum intueri contigit. Sufficit aliquando apparuisse, ut quo pacto ortus sit, inquiratur, & illius novitatem non miremur tantum, sed causam cognoscamus.

III.

*Quo pa-
to iris
pluviam
prænu-
ncet.*

Iris passim imbrum *nuntia* habetur, eo quod certissimam pluviam promittat. Hinc Claudianus,

*Jupiter interea cinctum Thaumantide nimbis.
Ire jubet.* —

Quamquam id passim à Philosophis pro indu- bitato

bitato recipiatur, non tamen ideo univerſaliter eſt amplectendum, quum contrarium experiamur, & non minus ſerenitas, quàm pluvioli dies arcum cœleſtem ſequantur. Nam licet nubes, in qua depingitur, *vorida* ſit, & aquâ turgeat, ea tamen eſſe poteſt aeris temperies, ut, quicquid humoris in ea continetur, evaporetur, & calore accedente in auras evaneſcat. Unde impedita concretione, & diſjunctis aquæ particulis, mirum non eſt, ſi nulli imbres naſcantur, & ſerenum cœlum appareat. Ex quo colligitur, non generaliter verum eſſe, quod aſſerit *Ariſtoteles*, arcum à meridie *oriſum*, magnam aquarum vim devehere; circa *occaſum* autem, non niſi leves pluvias minari. Cum iis ſignis non raro decipiamur, & fulgente à meridie Iride, quandoque ſerenefcât, & verſus occaſum, ingentes imbres decidunt. Unde Plinio magis aſſentior, dum ſcribit, *Arcus frequentes, ne pluviae quidem, aut ſerenos dies cum fide portendunt.*

Conſpecti ſunt interdum tres Arcus cœleſtes, adeo ut tertius ſupervenientiſ, duos ordinarios cinxerit, ſed *pallidior*, minusque aliis vegetus, & tantum circiter à ſecundo diſtans, quantum ab illo primus removebatur.

Contingit illa Iris *tertia* ope grandinis, quæ roranti nubi admixta fuit. Nam cum grandinis lapilli rotundi ſint ac pellucidi, & major in illis quàm in aere reſraſctio fiat, *Arcus cœleſtis* exterior multo etiam major in illis eſſe debuit, & ita ſupra alterum apparere. *Interior* vero, qui ob eandem rationem longe

T 4

minor

IV.

Tres Iridæ ali-
quando
viſæ.

minor debuit fuisse quàm in teretior pluvia, fieri potest, ut ob insignem hujus fulgorem, nullam sui speciem præbuerit, vel ut uterque limbis commissis, pro uno fuerit existimatus sed pro uno cujus colores aliter quam in Arcu ordinario dispositi esse debuerunt. Igitur Iris tertia cum *primaria* convenit, quod fiat per radios in superiorem guttarum portionem incidentes, ac proinde idem colorum ordo utrique insit, nisi quod in secunda color sensim deficiat, debiliorque sit, quàm in prima, & in tertia, quàm in secunda.

V.

*Non omnibus
Iris eadem ap-
paret, sed
cuique
sua.*

Iris non omnibus eadem apparet, sed sua cuique videtur: Unde tot in nube picti arcus conspiciuntur, quot oculi sunt, qui versus eam diriguntur.

Hujus multiplicis ratio est manifesta, ex eo, quod radii, qui unius oculo incidunt, ad alterius oculum non pertingant. Nam licet quælibet *gutta* solis radium remittat, nubes tamen coloratam Iridis speciem solum exhibet, dum in eo situ posita est, ut certo angulo reflexionem faciat. Unde si quis versus eam progrediatur, aut aliquot passibus ab eo retrocedat, non eandem semper Iridem contemplabitur, sed aliam aque aliam, prout *angulus* per processum augebitur, vel retrocessum decrescet.

VI.

*Luna etiam
Iridem
generare
potest.*

Luna interdum Arcum cœlestem depingit, quem *Aristoteles* die mensis unica, atque etiam in *plenilunio* contingere asseverat.

Ambigi nequit, quin radii lunares in nubem impingi possint, & eo modo in singulas

las ejus guttas agere, ut ad oculos nostros reflexi, Iridem exhibeant, Solari quidem *debiliorum*, nec tanta colorum varietate decoratam. Talem se Oxoniæ anno millesimo sexcentesimo sexto, mense Junio videsse testatur Bombachius. Verum quod certis duntaxat temporibus deprehendatur, ut Aristoteli placuit, falsum esse existimo, cum graves Authores fidem faciant, se bis illam duorum annorum spatio aspexisse, idque variis diebus, & luna non plena, sed medio orbe dissecta. Imo Scaliger exercitatione octava veluti de re cum uni in insula D. Thomæ loquitur. *In insula S. Thomæ*, inquit *si antecesserit pluvia, fieri à luna Iridem, cujus color sit quasi alba nebula.* Coloratum ego ipse duobus vix ab hinc annis in Anglia sum contemplatus prope *Amiempconis* Regis palatium decem aut undecim milliaribus Londino distans, circa medium octobris, & luna in cornua falcata. Hujus spectaculi testem habeo nobilissimum ac eruditissimum virum Equitem Carolum Vualdegrave, in cujus consortio tunc eram. Qui rei novitatem admiratus, aiebat, se talem arcum vespertinis horis nunquam aspexisse. Quippe adeo dilucidus apparuit, distinctosque præferebat colores, ut Solarem Iridem aliquo modo æmularetur, & similem quamvis *debilioris* speciem exhiberet.

ARTICULUS DECIMUS

De Ignibus in Aere accensis.

I.

Ignes fatui non raro viatores ad *lacus & paludosa* loca deducunt: Unde fit, ut domum *fatui ad lacus* noctu

T s

noctu

*flumina
homines
deducunt*

noctu petentes, eos insequendo, in præcipitia non raro decidant, & fraudulentorum ducum lumine, ab itinere devient.

Hic effectus ex iis, quæ antea de ventis diximus, colligi potest. Nam cum plures vapores tempore nocturno è Terrâ quàm ex aquis attollantur, fit, ut erratici ignes illi, qui aëris cursum sequuntur, versus aquas aut paludes deferantur: quoniam illic ob minorem agitationem Aer refrigeratur, fitque eo, qui Terræ incubat, condensior, ac proinde hujusmodi ignes aëris alis quodammodo fulti & ejus motibus obsequentes, eo è vicinis terris devehuntur.

II.

*Quomodo
factus
ignis se-
quantur
fugientes,
& fugi-
ant in se-
quentes.*

Nihil magis inter Philosophos tritum, quàm ignes *farnos* accedentes ad ipsos fugere, insectari autem eos, qui fugiunt. Ut multis exemplis apud omnes probatur, præsertim *Fromondum*.

Causa Aeri imputatur, qui cum levis ac fluidus sit, ambulantis agitatione concussus, illos propulsat, eosdem autem desert, dum fuga sequitur. Nam si ante ambulantem Ignis consistat, aere anteriori depulso, propellitur, & insequentem fugit: Si vero post ambulantem est, aere tergum *insequente*, comitatur, & ipse fugientem insectatur.

III.

*Unde
proveni-
unt flam-
ma, qua
circa cri-
mes pue-
rorum
interdum
apparent.*

Notatur in Veterum scriptis, quosdam ignes emicuisse, qui quorundam capillis adhæserint, & absq; illorum sensu, innoxioq; capillitio, aliquando fulserint. Id *Ascania*, *Æneæ* filio, contigisse narrat Virgilius libro secundo *Æneidos*,

Ecce levis summo de vertice visus Iuli

Fundere lumen apex, tactuque innoxia molli.

Lambere flamma comas, & circum tempora pasci.

Osiri

Oriri possunt hujusmodi flammæ, dum exhalatio subtilis & penetrans, talis nempe, quæ *salis* naturam participat, alterius pinguis & sulphureæ meatus ingreditur. Hoc enim sufficere potest, ad tenues quasdam flammæ tam in sublimi, quàm in infimo aere excitandas. Nam certum est, non tantum *violentam* agitationem, sed sæpe etiam solam diversorum corporum *misturam* igni producendo sufficere. Ut in *calce* aqua conspersa videmus, & in numeris aliis exemplis, quæ cotidie *thymacis* occurrunt. Gigni etiam possunt hujusmodi lambentes flammæ, ex spirituum commotione, qui è corpore erumpunt, quique inter se convoluti, quandam ignis speciem præ se ferunt: ut de *Alexandro* magno referunt Historici, qui in magno prælii ardore *scintillas* emisit. Et de feroci *Tiberii* equo, è cujus capite *flamma* emicuit. Nam cum *Alexander* igneæ fuerit complexionis, & multum vino indulgeret, potuere per ejus poros spiritus transmitti, formandis ignibus idonei: sicut ex equo *Tiberii*, velociori agitato incalescente, viscosus & pinguis sudor erumpere, ex quo Ignis accensus est, sed innoxius, & omni ardore destitutus. Hinc *Ignes fatui* locis pinguioribus, ut *cloacis, cæmeteriis, palustribus*, potissimum incumbunt, quoniam inde major exhalationum copia educitur, & viscidiores spiritus, illic magis erumpunt.

IV.

Serenis noctibus *Stella* de cælo delabi videntur, quæ veluti igne continuo iter suum signant, & illuc celerrime transfiliunt.

Quid sint
illa stella
qua de
nocte capi
dunt.

Tales

Tales Stellæ gignuntur, dum magnus æstus & siccitas præcessit, & dum spatium, quod inter duas nubes interjacet, multas exhalationes continet, admodum subtiles, & igni concipiendo idoneas: Quippe si tunc ita leves sint, & parum densæ, ut una ex loco satis alto ruente, nullus *fulminis* sonus audiat, neque tempestas in aëre excitetur; nihilominus interjectæ *exhalationes* ita convolvi possunt, ut minores flammæ oriantur, quæ stellæ *cadentes* vel *discurrentes* appellari solent. Unde pro varia accensæ exhalationis specie diversa sortiuntur nomina. Nam si exhalatio jaccens & oblonga accendatur, *Trabs* vocari solat, si basin Paulo latiore ampliorique habeat, *Pyramis*; si rotundam, *Clypens*; si circa medium insletur, & intumescat, minuatur vero versus extrema, *Draco* &c.

IV.

*Cur ignes
prope ter-
ram ge-
niti, ali-
quamdiu
durent,
non au-
tem illi,
qui in
sublimi
forman-
tur,*

Ignes, qui juxta Terram originem habent, aliquamdiu permanent, & non nisi post aliquod tempus pereunt: Illi vero, qui in sublimi summoque aëre formantur, statim ab ortu evanescent & extinguuntur.

Ratio est, quod flamma fortius debiliusque materiæ adhæret, prout illa magis aut minus densa est & compacta. Cum autem *Meteora* quæ altius in aëre formantur, valde tenui ac rara materia consent, necessum est illa intra breve tempus interire, & non nisi per brevissimam moram lucere. Quippe si eorum materia densa esset, proprio pondere in terram deducerentur, & sedem superiorem relinquerent. Et id circo *Aristoteles primo Meteororum*, illos

illos ei flammæ similes esse arbitratur, quæ secundum fumum *lucernæ* recens *extincta* decurrit, quum hæc lacerna ad alterius flammam ab ea nonnihil distantis denuo accenditur.

VI.

In cælo videmus aliquando *præliorum* simulachra, *armatos* milites, & irruentes in sele *acies*. Anno Domini millesimo quingentesimo quadragesimo quinto, tales in *Silesia* apparuere imagines. *Ursus* ab oriente aciem instructam ducebat, cui ab occasu armata manu *Leo* occurrit; intra utrumque exercitum lucidissima emicuit *stella*; mox inter se congressi dimicarunt acriter, ut distillare ex sauciatis *sanguis*, & ex anima corpora decidere viderentur. Inter præliandum *Aquila* sese supra copias *Leonis* de alta rupe alarum libravit remigio. Dirempto quasi certamine, *Leo* inter suas fulsit cohortes; nullum *ursi* vestigium, sed prostrata jacuere cadavera, qua alter constiterat exercitus, quibus canitie venerandi adstiterant *Senes*. Finito prælio, reduxit exercitum ad occasum *Leo*, quo aliquousque progresso, quidam albo equo & ornato *vetulus*, equo ad pugnae locum à copiis rediit, atque in eum equum juvenem cataphractum ibi stantem collocavit, & versus ortum procedentem comitatus, cum cæteris speciebus evanuit. *Jonston. admirand. Meteor.*

*Unde ori-
untur
exercitus,
qui in
acce ali-
quando
videntur.*

Haud ignarus sum, quantum apud plebem hujusmodi narrationes valeant, & quam proni ad ea credenda Homines sint, quæ futurorum notiam ipsis detegere imaginantur. Sat est, duas nubes in oppositum constitui, & ali-
quas

quas refractiones & reflexiones efficere, ut statim apprehendant illas inter se *concredi*, dilucidiores earum portiones, *cataphractos milites* esse, imò armorum audiri *crepitus*, *missilia* transvolare, & aliorum *clypeis* excipi. Vidi ipse in *Flandria* nocte serena in aere vapores modo insolito dispositos, & qui non nihil luminis in sese refundebant, ita incolas terruisse, ut proxima luce passim se instructas *acies*, directas *hastas*, emissos *globulos* spectasse se referrent: Imò *tuba* sonum, ensium *strepitum* audisse asseverarent.

Sed quia accidere potest, ut revera hujusmodi species conspiciantur, duas addam rationes, è quibus contingere hujusmodi simulachra posse videtur. Prior est, quod in aere variæ nubes esse possint, ea parvitate, ut singulæ militum speciem referant, & unæ in alias irruentes, satis magnam exhalationum copiam contineant, ad parva quædam fulgura excitanda, atque interdum glandulas emittendas, & aliquos sonos edendos; ex quo præliari milites, & inter se configere appareant. Posterior, dum omnes illæ exiguæ nubes sibi proprio lumine splendent, & lumen illud reverberant, quod coruscationes & ignes magnæ alicujus tempestatis, tam longe inde sævientis, ut ibi ex terra non percipiatur, ad illas usque transmittunt.

ARTICULUS UNDECIMUS.

De Halonibus & Parheliis.

I.

Cur Ha-
lonēs non
nisi dum
serenū
apparent.

HAlones sive *Coronæ* non nisi aëre sereno sunt conspicuæ, & in hoc ab *Iride* distinguuntur, quæ nunquam apparet, nisi pluvie cælo, ubi deprehenditur, & si forte, ubi consistit spectator, non pluat.

Ratio hujus diversitatis ex utriusq; compositione facile eruitur. Quippe *Halones* non per radiorum refractionem, quæ fit ex aquæ guttis, quemadmodum *Iris*, oriuntur, sed per eam, quæ ex *stellulis* sive *lamellis* ex glaciæ pellucida compositis, & licet hujusmodi stellæ nunquam nisi inclementi cælo, frigidisque mensibus decidere videantur; ratione tamen convincimur, ilas quacunque anni tempestate generari: imo cum calore opus habeant, ut ex albis, quales sunt initio, *pellucida* reddantur, verisimile est, æstivos menses, magis ad illarum formationē conducere.

Visæ sunt aliquando *Coronæ duplices*, ita dispositæ, ut una supra alteram expandetur, fieretque concentrica.

II.

Quomo-
do fiāt
duplices
coronæ.

Id accidit, si duo aut plures ordines particularum glaciæ congesti sunt, dummodo radios Solares, non ideo plane excludant: illi radii, qui per duos ordines in stellarum extremitatibus penetrant, bis fere tantundem incurvati, quantum alii, qui per unum tantum, alium circulum coloratum producent, ambitu quidem priori longe majorem, sed minus lucidum; ut ita duæ *Coronæ*, quarum una

Alie-

III.

Quare
corona
non vide-
antur
circa so-
lem aut
lunam,
dum ori-
untur,
aut occi-
dunt.

alteram ambiat, & quarum exterior interiori minus picta sit, appareant.

Coronæ circa Solem aut lunam videri non solent, dum sunt *horizonti* vicinæ, sive dum ista sidera oriuntur vel occidunt.

Quia tunc Siderum radii obliquius in *glacie* particulas incidunt, quam ut illas penetrare possint: ac proinde non fiunt illæ refractiones, quarum ope circuli sive coronæ peraguntur.

IV.

Unde
multi So-
les, in uno
circulo
nascun-
tur.

Spurii Soles interdum plures apparent in uno circulo contenti. Fertur enim *sex* anno Domini millesimo sexcentesimo vigesimo quinto, à *Polonia Rege* esse visos. *Quinque* toti populo Romano anno millesimo sexcentesimo vigesimo nono apparuisse, & per quatuor horas spectandos se præbuisse.

Oriuntur hæc *Parhelia* in nube continua glacie conflata, cujus superficiēs satis polita & terfa, à Sole versus meridiem elato, illustratur, & receptos radios in nivem nubis, quam circumdat, reverberat. Quoniam tunc *nix* è terra subjecta eam aspicientibus, admodum ingentis albæ coronæ exhibetur, in qua circulus unus ob radios directè à Sole fluentes apparet, duo sequentes ob eorundem *refractionem*, cæteri vero ob *reflexionem* conspiciuntur.

V.

Quis sit ut
plures So-
les in eo-
dem cir-
culo ab
uno quā
ab alio
videan-
tur.

Multi soles in cælo apparentes, non omnibus eodem modo sunt conspiciui: Aliqui enim spectatores in eodem circulo plures, alii pauciores deprehendunt.

Ratio est, quod radii à Solibus istis provenientes,

nientes, non pari ratione ad quemcumque spectatorem deferuntur, cum aliqui eo in loco collocari possunt, ut non nisi *duos* videre queant; alii talem situm nancisci, ut *tres* aut *quatuor*, alii *plures*. habita loci ratione, è quo oculos versus sidera obvertunt. Radii enim non omnium spectatorum oculos eodem modo afficiunt, nec radii, qui unius oculo incidunt, ad alterius oculum perveniunt: Quum indubie, qui ex uno loco in alium migrat, alia sidera contempletur, & sicut varios Halones, ut antea dictum est, ita alias Solis imagines spectet. Præterea quum Terra aut Sol necessario moveatur, oportet Sole situm mutante, aut spectatore cum Terræ vertigine devoluto, visionis angulum mutari, & conspecta prius Sidera, post aliquot horas eam latitudinem amittere, sub qua primum ei objecta sunt. Unde fit, ut cuique sui Soles videantur, & pro locorum varietate alia atque alia Parhelia appareant.

Referunt Historici, Solem aliquando *noctu* visum esse, & supra nostrum horizontem eo tempore apparuisse, quo constaret, illum infra delitescere.

VI.

Ut Sol nonnunquam noctu apparet.

Causa fuit, quod nubes ex glaciis stellulis conflata, in tam excelsa aeris regione fuerint collocata, ut radii Solis infra *horizontem* existentis, ad eam provenire potuerint. Nam si eas refractiones & reflectiones perpendamus, quas duæ aut tres exiguæ nubes variis in locis sitæ, & lumen unæ ab aliis accipientes efficere queunt, facile capiemus, quomodo

U

in

inassuetas quasdam luces, nocturno tempore exhibeant, efficiantque, ut *Sol* supra nostrum horizontem videatur, eo tempore, quo *infra nos* est; & umbræ in *horologis* plus iusto accedant vel recedant, & *horam* prorsus aliam, quàm revera est, denotent.

VII.

An Par-
belia
immi-
nentes
clades
præmon-
stent.

A Conspectis Parheliis regnorum *clades* populorum *defectio*, principum *caedes* aut *interritus* contingere observatur. Hinc *Meteorologi* pene omnes Sex Soles à Rege *Polonia* visos, *Francisci* Gallorum Monarchæ capturam apud Papium spondisse: Et adulterinæ Solis imagines quæ Anno 1157. apparuerunt, *Electorum* in Regis Romanorum creatione dissidium præmonuisse asserunt.

Haud inficiandum est, quin post Parhelia insoliti quidam eventus contingant: At quis asseret, tilos à visis siderum imaginibus originem habere, & non fortuito potius, quàm prævio sensu accidisse. Tantusne inter corpora cœlestia & res humanas interest *nexus*, ut iis præter morem apparentibus, prodigia sequantur? Crede mihi, apparerent *Parhelia*, quamvis nulli novi effectus prodirent; & novi effectus prodirent, & si nulla in cœlo *signa* præcessissent. Cessabit igitur natura, non naturales causæ coibunt, effectusve sua non producent, nisi belligerent *Reges*, ni principum capita devoveant *populi*, & nisi Imperia *clades*, *depopulationes*, *funera* mancant? Quot occumbunt Reges, quot provinciæ vastantur, non apparentibus Parheliis? Si forte post observata *Parhelia* clades contingunt, mirum

mirum videri non debet, si ad Hominum mo-
res attendamus, qui nunquam sua sorte con-
tenti sunt, & novi aliquid semper moliantur.
Deinde quid habent Parhelia, quod plus quàm
cætera naturæ *Phænomena* portendat? Annon
eorum omnium eadem est materia? Annon
causa eadem est, quod hac tempestate potius quàm
alia oriantur? Quæ Homini *vanitas*, ut sibi
imaginetur se tanti esse, ut sua causa, *Predigia*
in cælo generentur, *Cometa* fulgeant, si bel-
lum ineat; multiplicentur *Soles*, si regni ali-
cujus magnates sint conflicturi, aut alia *em-
blemata* in aëre pingantur, si ægrotaturi sint,
aut vitam cum morte commutaturi. Netanti
nos ducamus, ut fingamus illa non nisi ut nos
de futuris præmoneant, nasci: Cogitemus
potius hæc naturalia esse & concurrentibus
simul earum causis non posse non oriri. Ni-
hil ad eorum efficaciam confert, quod raro
contingant: Eorum enim infrequentia non
prodigia esse arguit, non magis quàm si *Leo-
nem* miraculum esse existimemus, eo quod
rarior quàm *Lupus* nascatur, & majori cum
apparatu oculis nostris exhi-
beatur.



HISTORIÆ NATURALIS

PARS SEPTIMA.

De Plantis.

ARTICULUS PRIMUS.

De Plantarum Partibus.

I.
*Circu-
libet
Planta
radix in-
est.*



Uælibet Planta radice constat, & si *Malabathrum Indicum* excipias, cujus folia supra aquam sparguntur, nulla stirps reperitur, quæ radice careat.

Hujus necessitatis causa, ab ipsius plantæ natura desumitur, ad cujus conservationem maximè refert, ut aliqua ejus pars Terræ imponatur, & ei firmiter adhæreat. *Planta* enim radice veluti manu vel ungue terram apprehendit, & ex currentibus fibris, quandam ejus portionem sibi arripit & vendicat. Accedit quoque, quod stirpes *Radice* tanquam ore utantur, ad alimentum exsugendum, & novam sibi substantiam comparandam. Nam enim plantarum vita in *continuo motu* consistat, brevi intrinsecus humor absumitur, ni alius per radicem accedat, qui elabentis locum suppleat, & plantas ab interitu tueatur. Nec etiam *Malabathrum Indicum* aut *lens*, quam palustrem appellant, radicibus destituuntur, quicquid de iis veteres Philosophi scripserint:

rint : quippe si ista propius intuearis , videntur folia tenui *cauliculo* prodire, & fundo, ex quo deducuntur, infigi.

Quarundam plantarum radices, prout profundius terram penetrant , tenuiores redduntur, & in *conum* seu mucronem desinunt, ut Arborum radices. Aliarum vero in orbem intumescunt, & figuram sphaericam assumunt , ut *Rape*.

Arborum radices versus extrema, quibus terram permeant, exiliores fiunt, quoniam succus per eas transiens sursum evehitur, & diutius in superiori plantarum portione remanet; nam licet calor, cujus vi nutritio peragitur, in omnes partes se extendat, & sursum deorsumque feratur, certum est tamen, acrius versus superiores partes transmitti, quam versus inferiores; ac proinde cum superior arborum portio plus alimenti suscipiat, diutiusque nutriatur, non est mirum, si in majorem molem excrescat, & radices in mucronem producantur. *Raparum* autem *radicis* orbiculares fiunt, quia alimentum in priori earum nodo recipitur, qui quum implexis partibus constet, angustosque meatus habeat, transmitti alimentum, & libere percolari nequit, ac proinde necessum est, ut materia illa versus latera diffundatur, & fibræ succo turgentes distrahantur & expandantur.

Quædam stirpes caudices cavos habent, & in medio perforantur, ut *arundinis calamus* *rumentorum culmi*, qui à radice fistulas ducunt, & inane spatium continent.

U 3

Id

II.

Unde
quarundam
plantarum
radices
rotunda,
alia exi-
les sunt.

III.

Quomodo
fiunt
cavitates
in qua-

rundam

*Rispium
caudici-
bus.*

Id provenit, quod fibræ, quæ nutrimento transmittendo inserviunt, non à *planta* medullæ deriventur, sed à *nodi* germinantis lateribus; quæ quia à medio recedunt, & certam distantiam servant, inane quoddam spatium relinquunt, & cavitatem procreant. Hinc in *capis* tubus circa medium magis extenditur, quoniam fibrarum extremitates à se longius recedunt, & figuram sphericam affectant. Sunt enim *caparum involucria* veluti tot folia, quæ circa medium latiora in *cylindricam* superficiem convolvuntur.

IV.

*Cur Ar-
borum
trunci ro-
tundi
sunt.*

Arborum trunci unam & eandem figuram habent, nempe *sphericam*, qua pene omnes afficiuntur, quamvis longitudine discrepent, & multiplicitate alia varietate distinguantur.

Rotunditatis causa in arborum truncis eadem est, quæ in liquidis corporibus, quæ à cœlesti materia in illos impellente formatur. Nam sicuti globuli cœlestes partem aquæ versus ejus centrum æqualiter premendo, *sphericam* efficiant; ita iidem globuli in exter-nam arborum superficiem impellendo, ad rotunditatem adiungunt, eique æquabilitatem conciliant. Non obest, quod *Planta* liquoribus mollitie cedant, nec tam prompte à circumambiente subtili materia figurari queant: illud enim eo compensatur, quod *Liquorum gutta* statim & quasi momento *secretæ* evadunt; viventibus vero longiori temporis intervallo, & iteratis innumeris pulsibus opus sit, ut similem figuram adipiscantur. Si *ferramenta*, quibus, nonnullæ partes eminent

frequen

frequentiore *manuum* aut *vestium* contactu poliuntur, & asperitatem demum deponunt.

Pars arboris exterior, & quæ velut *indusium* illam vestit, durior esse solet, quàm substantia ejus interna. Unde pleræque arbores *corticem* tempore verno exuunt, & illo ultro spoliantur.

V.
Qua causâ
sa duriti-
es corticis
in arbori-
bus.

Nascitur extima arborum durities ab aliis corporibus, quæ in illas impingunt, & quodam assultu adoriuntur. Innumera enim sunt corpuscula, non primi aut secundi elementi tantum, sed & particulae tertii, quæ semper in viventium *superficiem* irruunt, quæ cum omnia ejus meatus subire nequeant, vim faciunt, omnesq; ejus partes versus medium propellunt. Ita *manus* aut *pedes* aliorum corporum impulsu, *callum* contrahunt: sic *panis*, *carnis assa* superficies in furno, ignis fervore in eam agentis induratur, & interiori substantia compactior redditur. Quod autem vernis temporibus planta suis *corticibus* denudetur, ob humorem affusum oritur, qui cum ea tempestate uberior sit, majorique copia inter corticem & truncum interfluat, gluten diluit, & illud subigendo, utriusque nexum solvit.

Omnia pene plantarum *folia* discrepant, variasque figuras sortiuntur. Quædam enim ampla sunt, ut in *Cucurbita*: Alia exilia, & capillata, ut in *pinu*: quædam carnosa, ut in *portulaca*, &c.

VI
Unde
oritur di-
versitas
foliorum
in plan-
tis.

Foliorum conformatio ex diverso fibra-

rumplexu provenit, quæ prout vario modo coeunt aut distrahuntur diversa foliorum genera componunt. Hinc quædam *longa* sunt, quoniam fibræ in longum duntaxat porriguntur, alia *rotunda*, quum transversæ explicantur, & ita de cæteris. Nam cum eorum plurima non à *cortice* duntaxat, sed & ab ipsa etiam interiori substantia originem habeant, fit, ut secundum umbicularis modi dispositionem succus diversimode sugatur, ac percoletur, ex quo diversi fibrarum ductus oriuntur, & variæ foliorum species exurgunt.

ARTICULUS SECUNDUS.

De Plantarum Viribus.

I. *Quibusdam stirpibus vis calefaciendi, corporaque dilatandi inest; ut brassica, capivi parvi, cinnamomo. Aliis è contra refrigerandi, & eorum partes coarctandi, quibus insinuantur; ut hordeo, Cucumeri, Portulaca.*

Calefaciendi potentia in stirpibus oritur ex eo, quod tenuissimæ earum particulæ, subtili materia circumseptæ, corporum meatus subeunt, illosque ita penetrant, ut partes quibus immiscentur, ita agitent, ut earum compaginem solvant, atque continuitatem interrompant. Hinc ex impedito materiæ subtilis comineatu diffidium, & quædam rixæ species oritur, ac proinde calor vehementiorque partium agitatio. Ut in mixtionē *spiritus Vitrioli* & *olei tartari* cernitur; ubi ebullitio efficitur, dum utriusque consueti motus turban-

turbantur, & unum in aliud vim suam exerit. Aliæ autem stirpes *frigus* generant, quarum particulæ insensibiles talis sunt structuræ, ut nostri corporis partium agitationem impedire aut retardare valeant. Sic *portulaca*, *hordeum*, frigida dicuntur, quod eorum corpuscula non faciliè à subtili materia discutiantur, & motum spirituum vitalium sistant aut temperent. Ac proinde censendum est *maiores* subtilis materiæ particulas, in calidis corporibus dominari, *minuscule* autem, & debiliores in frigidis, quoniam hæ minoris agitationis capaces sunt, & faciliè ad quietem rediguntur.

II.

Quibusdam corporibus plantæ duritiem conciliant, & illa firma solidaque reddunt. Aliæ vero eadem emolliunt, & quandam in eis flexilitatem procreant.

Qui corporibus duritiem aut flexilitatem conciliant.

Herbarum admixtione corpora *dura* evadunt, dum, quibus constant, particulæ, calore antea concussæ, & à se mutuo separatæ, ab herbarum succo occupantur, qui meatus permeans, earumque agitationem coercens, efficit, ut ad sese propius accedant, & intimius postmodum uniantur: quippe tenuioribus ejus particulis exhalatis, quæ supersunt arctius junguntur, & firmiter sibi ipsis adhærent. *Dura* autem corpora mollescent, & flexilia evadunt, dum eorum particulis, à se invicem calore divulsis, perigrinus humor irrepit, qui distentas partes tenet, atque ipsis interpositus, mobiles & cedentes efficit. Ex hoc enim mollities originem ducit, quod pares à se

invicem divellantur, & aliquid inter eas interfluat.

III.

In quo
consistit
vis diu-
sic diu-
viscapi-
plantarum.

Quædam Herbæ virtute *diuterica* præditæ sunt, ut *radices fæniculi*, *pimpinellæ*, *apii*, *bacca juniperi*, *uricæ*, *amygdalæ amare* & similes, quæ urinam cient, & lotium excitant.

Hæc facultas in iis plantis maximè viget, quoniam calidæ sunt, & earum particulæ facile à subtili materia agitantur. Nam quum urina obstructionibus detineatur, illæ penetrandi vim habent, eaque obstacula removendi, quæ lotii cursum fistunt ac remorantur. Quippe in meatus irrumpendo, *pituitam* incidunt, & *arenulas* quadam viscositate coalitas dissipant ac excernunt. Unde fit, ut renibus ea commotione laxatis, materia in eis contenta dissolvatur, & facile per eos trajici queat. Pari ratione de illis plantis disserendum est, quæ mulierum *mensæ* provocant, & sanguinem retentum diluunt; ut *crocus*, *pulegium*, *salvia*: quia calore suo opilatos meatus aperiunt, obstructionesque tollunt, quibus in uterum sanguis devehitur.

IV.

Quædam
herbæ do-
lores &
vulnera
curant.

Quædam stirpes *Anodyne* sunt, sive quæ dolores carnis mitigunt, vulnera occludunt, & iis cicatrices obdunt.

Hac virtute plantæ imbuuntur, quæ *stipice* sunt, & similibus particulis constant, quæ in *alumine* reperiuntur: quæ nimirum, dum sese vicissim irretiunt, & se concutiendo loca depressiora penetrant, humorem noxium ac superfluum exsugunt & extrahunt;

hant; quo inde egesto, partem illam debito alimento recipiendo idoneam efficiunt; quo fit, ut *vulnus* hiansque plaga sensim nova substantia compleatur, coalescat, & demum cicatrice obducatur.

Papaver, *Cydonia*, *granatorum succus*, & similes, sanguinem sistendi vim habent, & nimia mulierum *profluvia* cohibendi.

Quoniam talium corporum particulæ poris se se insinuando, commotas sanguinis partes dividunt, easque ab invicem suo interposito separant. Unde fit, ut minus agitæ, earumq; actione interrupta, ad se accedant, atque ex parte coagulentur. Vel oriri potest hic effectus, quod *granatorum* succo exempli gratia, venarum & arteriarum orificiis incumbente, earum angustia obstruantur, nec amplius decurrenti sanguini exitus pateat. Experimento enim discimus sanguinem frigore coerceri, cursumque ejus interrumpi: ut dum frigidam aquam *temporibus* aut naribus adhibemus, aut *laminam ferream* certæ corporis parti apponimus.

Nonnullæ herbæ multum ad lactis ubertatem conferunt, ut *feniculum*, *polium*, *polygama*: Aliæ semini generando usui sunt, ut *asparagi*, *pinæ nuces*; *oryza*, quæ seminis productiva passim habentur, quæque illud impense adaugent.

Priores copiosius *lac* efficiunt, quoniam nutritivam vim habent, & ut alimenta corpori famulantur. Unde succo alimentitio admixtæ meatus laxant, viasque illas suacraf-

V.

Papaveri
cydonia
mest vissanguis-
nem sis-
tendi.

IV.

Fenicu-
lum, po-
lium &c.
lactis
quantum
ad-
augent.

crassitie aperiunt, quibus sanguis ad *mamas* transmittitur. Constat enim facili percolatione sanguinem in *lac* converti, & ubera humore madescere. Par est de *seminis* generatione ratio; nisi quod Herbæ illæ, quæ ad *Seminis* productionem concurrunt, plus *Salis* habeant, majoremque calorem per corpus diffundant. Quo fit, ut organa ad semen generandum à natura destinata, liberius laxentur, & copiosius materiæ transitum præbeant.

VII.
Ab-
syn-
thium,
amygda-
la amara
&c. Ver-
mes ne-
cant.

Amygdalæ amara, *Ab-synthium*, *cornua cervi* &c. vermibus adversantur, eosque in corpore humano enecant, vel expellunt.

Ratio est, quod hæc omnia amara sunt, & acrimoniam sumentibus ingerunt. Vermes enim solis cibis dulcibus pascuntur, ex quibus non nutriuntur modo, sed & primum generantur. Nam cum *amara* particulis constent asperis, & multis spiculis undique illæ circumsepantur, facile vermes, qui teneri, spongioloque corpore sunt, penetrant, & eorum interiora disacerant. Hinc fit, ut *vermes* inteant, vel *amarorem* vitando cum facibus eji-ciuntur, vel nonnunquam in sublime tendant, & ex ore vel naribus prolabantur.

ARTICULUS TERTIUS.

I.

Cur
planta
passim
virides
sint.

De obviis Plantarum Qualitatibus.

INter colores, qui plantis conveniunt, *viridis* maxime communis & pene universalis est, quo non adolescentiores modo imbuuntur,

tur, sed quem nonnullæ etiam *viæ* retinent, & in longam ætatem tuentur.

Liquet ex præcedentibus, *Colorum* naturam in varia luminis reflexione consistere, & pro diversa superficiæ visibilium corporum, in quæ inciderit, dispositione. Adeo ut illa variis coloribus tingantur, quorum extimæ particulæ diversimode coarctantur, & admissos luminis radios ad oculum reverberant. Sic foliorum *Viror* in plantis nascentibus, à copioso humore oritur, cujus corpuscula peregrinis aliorum particulis admiscuntur, ut incussum lumen eo modo remittant & refringant, quo ea solent, quæ in *fluminibus* & aquis stagnantibus, aliorum mixtura, in *muscum* vertuntur. Et ita secundum variam humoris cum externa materia commixtionem, diversus viroris status in plantis deprehenditur. Quædam enim maximè *virescunt*, in quibus humor abundat, & succus negligentiori cura percolatur; Aliæ dilutiores, minusque viroris præ se ferunt, illæ nimirum, quorum folia ætate provehuntur, aut fructus ad maturitatem pervenit. Quoniam temporis tractu magna pars humoris avolat, & crudior succus calore subactus maturescit & decoquitur. Hinc fit, ut plantæ *folia* alios colores induant, & in *flava*, atque etiam interdum in *rubra* corpora degenerent.

II.

Radix in Terra delitescens, cæteris aliis plantarum partibus tenerior evadit, & ut plurimum *albo* colore tingitur.

Hujus causa est, quod succi particulæ, quæ intra

*Cur
plantarum
radices
passim
albae sunt*

intra radicum poros calore agitantur, exitum moliantur, atque etiam multæ ex iis carceres suos perrumpant & elabantur. Sed cum à circumjecta terra impediuntur, ne ultra pergant & longius evagari non permittantur, ad radicem redeunt, ubi denuo decoctæ, teneriorem efficiunt. Cum autem humor ille, qui virorem foliis conciliat, concutiat, & terræ tepore in *spumam* coacervetur, fit, ut radix candida appareat, & secundum multiplices suas superficies, varias luminis partes reflectat. Hinc *Olitoribus* solenne est, plurimas plantas defodere, & injecta humo obtegere, ut *cichorium*, *brassicam*, *carduos*, *porum* &c. quo teneriores fiant & alborem nanciscantur.

III. Plantarum aliæ alias odore superant: quæ enim in Arabia locisque fervidioribus gignuntur, cæteris odore præstant, ut de *cynamomo* patet, quod multos annos odorem suum servat, & non nisi serò senectutē sentit. Ratio est, quod Halitus è corporibus odoriferis egredientes, ex *sulphurea* seu pingui quadam materia componantur, quæ calore attenuata, & mamillaribus narium processibus allabens eas leniter aut aspere ferit & implicat. Cùm verò stirpes illæ, quæ in regionibus calidis nascuntur, radiis Solaribus sint expositæ, eorum opera humore aqueo exhalato, solus pinguior remanet, qui odori materiam ministrat, & libere ad nares nostras deferretur. Quippe eo per distillationem sublato, nihil amplius odoris in corporibus residet:

Unde nascitur
odor herbarum.

det: ut in illo materiæ residuo, ex qua pinguior portio, sive *essentia*, quam vocant, quæ per *alembicum* extrahitur, experiri licet: quæ peracta distillatione, omnis odoris expers remanet. Ac proinde mirum non est, si plantæ fortius *oleant*, quarum pinguior materia calore exsolvitur, & illas olfactus fibras debilius pulsant, quæ in locis humidioribus frigidisque oriuntur. Quoniam caloris *imopia* non perfecte succus subigitur, prohibetque aqueus humor, ne debita coctio fiat, & pinguedo odori inserviens dilatetur & rarefcat. Hinc fit, ut huiusmodi plantæ dum arefcunt & siccantur, odorem acriorem spirent, quoniam earum particulæ copiosius effunduntur, nec amplius humore aqueto cocunt & implicantur.

Fructus non eundem semper odorem retinent, sed illum pro temporis ratione mutant: qui enim maturefcunt, suavius olent, halitusque gratiores afflant, quàm qui *virides* sunt & adhuc adolescunt.

Quia, cum Odor in *siccis* ac tenuibus particulis consistat, jucundior redditur leniusq; olfactus organum afficit, si materia, è qua diffunduntur halitus, dilutior & magis digesta fuerit. Quod certe potissimum accidit, dum fructus maturefcunt, & ad collectionis tempus accedunt. Quoniam tunc per longam decoctionem succus defæcatur, partes subiguntur, & perfecta agitur percolatio, Quæ omnia dū contingunt, necessum est, novos è fructibus effluere halitus, & jucundiores percipi odores.

FRU,

VI.

Car fructus in suo progressu odorem mutant.

V. *Causa
diversi
saporis in
fructibus* Fructus pene omnes *sapore* distinguuntur, & linguam peculiari & proprio modo afficiunt. Quidam *acerbi* gustu deprehenduntur; ut *pruna sylvestria*. Alii *acres*, ut *cape*, *semen sinapi*, &c. Nonnulli *dulces* ut *triticum*; alteri *acidi*, ut *acetosa*; quidam *amari*, ut *Absynthium*, *aloes* &c.

Hæc saporum differentia à diversa particularum textura nascitur, quæ fructus componunt, & gustus organi meatus subeunt. Hujusmodi enim corporum particulis, ubi humore diluuntur, vis in est, linguam movendi, & varias ei affectiones imprimendi. Unde corporum particulæ, quæ linguam contrahunt & exasperant, *acerbi* dicuntur. Eorum particulæ, quæ eam pungunt, & cum dilatantis caloris sensu partiuntur, *Acrida*: Quæ linguam lenire videntur, & exasperatas ejus partes æquare, *dulcia*: Quæ linguam punctim feriunt, & cum frigoris constringentis sensu dividunt, *acerba*: Quæ autem linguam detergunt, & quandam ei siccitatem conciliant, *Amara* vocantur. Adeo ut totum corporum illorum discrimen in hoc consistat, quod variam magnitudinem habeant, & figura, motu, duritie, levitate, & modis aliis discrepent.

VI. *Allium
& capæ
coctione
amaritudinem
exerunt.* Nonnulli fructus Saporem mutant, & qui antea *acres* & *amari* fuerant, *dulces* & mansueti evadunt, Sic *allium* & *capæ* coctione mitescunt, & aquæ infusa macerantur, & acrimoniam deponunt.

Ratio est, quod fructuum sapor in rigidis & pun-

pungentibus *Salis* particulis consistit, cuiusmodi sunt, quæ *Salem* componunt. Unde, dum *cape* & *allium* mitiora coquendo fiunt, id oritur, quod ignis eorum partes laxet, viamque salinis corpusculis ad exhalandum aperiat. Unde ceteri fructus maturescendo suaviore efficiuntur, quia humore discusso, & in auras abeunte, *salis Ammoniaci*, vel aliorum volatilium portio discedit; iis duntaxat relictis, quæ fructibus suavitatem conciliant. Nec alia ratione *allium* & *cape* aquâ macerata, leniora efficiuntur, mitiusque gustus organum pulsant, quàm quod *Salis* particulæ aquæ particulis implicitæ exsolvantur, & cum ipsis extrahantur, & avolent.

ARTICULUS QUARTUS.

De occultis Plantarum Qualitatibus.

VOcantur plantarum Qualitates *occultæ*, I. quæ ad medicinam spectant, & quarum *in quo* vires ratione potius quàm sensibus digno- *consistit* scuntur. Inter eas primæ numerantur, quæ *vis pur-* *gativa* virtute pollent, quæque excrementitios aut corruptos humores è corpore humano detrudunt. Nam radix pontica, vulgo *rhæbarbarum* & *Scammonium* flavam luteamque bilem educunt. *Sena*, *Polypodium*, *Epithimum*, *Helleborum*, atram & succum melancholicum: *Cnicos* vulgo *Carthamus*, *agaricus*, *mercurialis*, *esula*, & septem *Tribimali* species, pituitam & aquosos humores. *Fumaria*, *casia*, *cylindracia*, vulgo fistularis violæ, *pruna* *damascena*

damaſcena, *bugloſſus* ſanguinem à ſeculenta clivie expurgant. Lemnius de occultis naturæ miraculis.

Veterum medicorum fuit opinio, medicamenta, quæ vi *purgativa* ſunt prædita, ſubſtantię ſimilitudine id exequi; adeo ut humores ſibi familiares proliciant, & eam materiam ad excretionem impellant, quæ illis maximè affinis eſt, & cum qua aliquam cognationem habent. Unde *Galenus*, qui purgandi vim in attractione poſuit, ſimpl. lib. 3. vult quandam ſimilitudinem inter ſubſtantiam, quæ *purgat*, & illam, quæ *purgatur*, intereſſe: ita ut medicamenta quosdam humores ſeligant, cum quibus magis conſentiunt; ut illa *bilem*, alia *melancholicam*, altera *pituitam* educant. Sed adduci nequeo, ut huic opinioni aſſentiar, cum uſu cotidiano probeatur, melancholicum humorem, qui viſcidus ac lentus eſt, à *Caffia* laxativa, & pungente *corynide* eximi, quæ tamen nullam cum cognationem habent. Annon hydropicorum aquæ *aloe* & *rhabarbaro* diſſipantur? At quæ inter illa aſſinitas & ſimilitudo; purgantia igitur medicamenta depravatos humores evacuunt, per quandam fermentationem hoc pacto: Ingeſtum in corpore pharmacum, aeri ſucco, ut pote ex *liene* effluente excipitur, quod veluti aqua forti minuitur & atteritur: ſed quoniam diſſimilis eſt ab eo ſubſtantię, nec niſi ægre cum eo admiſcetur, ſuccus illius additione intumeſcit, ac fermentatur; ut videmus *vinum* ſulphurcarum ſæ-

cum

cum copia, aut etiam rei alterius impositione, efflari & exandescere. Deinde ita humore vestum medicamentum ad *jecur*, & sensim in corporis venas transmittitur, in quibus, quum sanguini ob partium dissimilitudinem admisceri nequeat, *bili*, *pituita*, aut alteri *humori* adhæret & sociatur. Sed quoniam à sanguine per rotum corpus defertur, in transitu ejus partes mordet, pungit, & ut corrugentur, efficit; quo fit, ut contractis partibus graves humores exprimantur, & extra vasa, quibus continebantur, detrudantur, Cum subinde omnes corporis partes undique humores illos propellant, nec ullum eis in venarum receptaculis sit refugium, denuo ad *jecur*, mox ad *ventriculum*, & intestina repellantur, ubi excitatis excrementis egeruntur, & per secessum erumpunt.

Quædam plantæ vomitum excitant, & noxios humores sursum evocant, ut *cortex juglandis medianus*, *colocyntis*, *genista folia*, *nuxvomica*, &c.

Hæ similem cum purgantibus pharmacis vim habent, nisi quod celerius virtutem suam exerant, & citius fermentatione completa effectum suum sortiantur. Per vomitum igitur humores evacuantur, dum stomachus vellicantibus pharmaci particulis commoveatur, & ita constringitur, ut amplius contentam materiam retinere non valeat. Redundante enim ventriculo, necesse est, humores illos exprimi, quibus gravatur. Hinc non absque periculo vomitus præscribitur

iis qui *asthmate* aut *cabe* laborant, aut qui contracto nimium angustoque sunt pectore, ne irritatis in ventriculo humoribus exitus sufficiens non pateat, aut compressis nimirum ventriculi fibris, nociva corpori convulsio oriatur.

III.

*Vitæ inest
venenulæ
plantis
quæ
animalia
enecandi.*

Quibusdam plantis inficiendi corpora vitæ inest, & in Animalia non grassandi modo, sed & ipsis vitam adimendi. Ut de *napello*, *arsenico sublimato*, apud medicos constat; quæ noxio suo calore corpus adurunt, & firmiores ejus partes absumunt, & erodunt.

Hujusmodi effectus, plantarum figuræ & motui assignandi sunt, quibus solis, vires suas præmunt, & ea patrant, quæ attoniti miramur. Rationi enim maximè consentaneum est existimare, partes quibus venena consistantur, *rigidas* esse, *penetrantes*, *duras*, & *spiculis* instructas: Ad eum modum, quo microscopio deprehendimus, *urticam* aculeis undique armatas esse, & infinitis telis exasperari. Unde tale corpus, fermentatione in ventriculo peracta, variis humoribus in eo repertis admixtum, ultra modum excandescit, præsertim dum è vena *cava*, in sinistrum cordis latus, mox in dextrum deferatur. Quoniam inde adaucto calore, & maxima vi erumpens, in viscera irruit, & partium suarum spiculis, eorum substantiam penetrat, erodit, & exurit.

IV.

*Cicuta
frigore*

Aliæ plantæ sunt, quæ vi contraria pollent, quæque *frigore* Animalia enecant: ut *Cicuta*, quæ homines extinguit, aut amentes reddit.

Scam-

Scammonia, quæ ita fauces constringit, ut ad mortem perducatur.

interius
Scammo-
nia fau-
ces strin-
gendo.

Hujusmodi plantarum vis in eo consistit, quod sanguinis circuitum sistunt, & nativum calorem supprimunt. Quippe cum placidus & lenis sit sanguinis motus, & uno tenore per totum corpus defluat, trajecta in humorum massam frigida seu tarde mota corpusculca, sanguinis motionem perturbant, & calorem in extremis partibus hebetant: Quæ sensim per venas ad Cordelata, illud refrigerant, & ad teporem adigunt. Nam sive in re *Venenata*, agitatio partium sit sanguinis motui contraria, sive earum tarditas calorem ejus imminuat, idem semper effectus sequetur, si earum accessu in Corde mutatio oriatur, & orificia, per quæ sanguis eo defluit, tantillum obstruantur. Nam quod *Cicuta* efus delirium inferat, aliunde oriri non potest, quàm quod in cerebro in ordinatæ vellicationes fiant, & spiritus per ejus fibras inusitato modo deferantur.

V.

Quædam Herbæ *antidoti* vim habent, & venenis adversantur. Ut *Portulaca*, quæ serpentium vtrius educit: *Endivia*, quæ araneæ puncturis medetur. *Vinum merum*, quod *Cicuta* viribus obsistit, & frigiditatem expugnat. Sunt quoque antidota stirpes communes, ut *Calendula*, *Carduus Benedictus*, *Angelica*, *Rosa*, & similes, quæ veneni robur frangunt, & stragem impediunt.

Quo pa-
do portu-
laca &
alia simi-
les vene-
ne ob-
stant.

Ratio est, quod hujusmodi plantæ iis particulis consent, quæ cum veneni particulis

X 3.

affini-

affinitatem habent, & cum quibus facile sociantur: quæque ejus sint potentia, ut à natura subigi & domari nequeant. Unde venenim sua interpositione infringunt, & illa corpuscula exsolvunt, quæ sanguinem figunt & coagulant. Quæ enim calida sunt, facile frigidorum venenorum malignitatem discutunt & obtundunt. Unde *publicus ille nocentissima facinifer Critionem admonerat, ne Socratem permitteret attentius disputare, propterea quod ex ea mentis agitatione caloris quid contraheretur.* Scaliger exercit. 152. Frigidæ autem Plantæ adversus frigida venena utiles etiam habentur, & iisdem extra corpus evocandis profunt: quoniã coagulatus frigore sanguis paulatim humore superveniente dissolvitur, & ejus expeditæ particulae denuo concitantur, quo fit, ut confusa utriusque materia, variis motibus agitetur, & demum simul extra corpus expellatur.

ARTICULUS QUINTUS.

De Sympathia & Antipathia Plantarum.

I.
*Palma
famina
maris
confinio
delectatur.*

PALMA *famina* maris confinio maximè gaudet; cujus communicatione concipit, & fertilis efficitur. Unde prona in marem blandioribus comis nutat, & sponte versus illum fertur. Ab illo avulsa veluti vidua languefcit, & contrahitur, ac nonnunquam intercidit.

Causa hujus Sympathia inter palmas hãtui tribuenda est, qui è *mare* promanat, & ad *faminam* transmittitur. Inest enim hujusmodi effluvio vis seminalis, fecundansque facultas.

eultas, qua femina imbuta, speciosius adolefcit, & uberius impregnatur. Nam quidquam palmæ similisque naturæ stirpibus contingit, quod *Gallinis*, quæ ova quidem citra galli ministerium excludunt, sed quæ animari formarique in pullos nequeant, quantumvis Gallinæ incubitu fovcantur, atque incalescant. Ita Herbæ vegetante vi præditæ, non minus quam animantes, quæ lubrico udosoque semine se propagant, generandivim, ac vitalem spiritum aliæ in alias transfundunt, mutuoque complexu ac concubitu fruuntur, atque id ipsum tacito quodam naturæ consensu, ac latenti occultaq; inspiratione foveantur, germinant, animantur, florent, ac semina fructusq; concipiunt & proferunt.

Cucumeres & Cucurbitæ *oleum* respuunt, & illud ita averfantur, ut illi admotæ resiliant, & in hamum incurventur.

II.


Id provenit, quod profluvium, quod ex oleo emanat, talibus particulis confect, ut in ipsas exhalatæ, veluti tot contulis percutiant, efficiantque, ut impulsibus suis corrugentur & resiliant, atque ita se contrahendo reducantur, ut oleum effugere videantur.

*Cucurbitæ
oleum
respuunt.*

Herba viva, quæ ab Arabibus & Persis *Sulne* & *Sulne* passim vocatur, & cui Philosophi *pudica* vocabulum indidere, si, dum viret, levi manu contactu attingatur, illico refugit contrahiturque, mox subducta tangentis manu, paulatim erigitur, & priorem situm repetit. Similem fuisse ad Memphim arborem narrat *Theophrastus quarto Historiarum*, capite

III.
*Quomodo
herba
manni
contactu
refugiat.*

tertio, specie spinosam, & *filici* quoad folia non abfimilem, cujus ramis contactis folia decidunt, marcescuntque; & postea veluti recuperatis viribus, iterum assurgunt, & statum pristinum recuperant, ut in duabus illis figuris ostenditur.



Henricus Regius *libro quarto Philosophiæ Naturalis*, hujus miraculi rationem adferre conatur; supponendo primum, magnam hujus plantæ teneritudinem, quæ levi contactu quodammodo ulceretur, & contunditur. Secundò nervos quosdam interiores, esse quos 1. 1. designat, exterioribus 2. 2. ampliores, quo fit ut halitus ex *terra* γ majori copia in superiores foliorum fibras $\alpha\alpha$ transmitti,

mitti, quàm in inferiores $\beta\beta$. Quippe manu superioribus foliorum partibus admota circa $\delta\delta$ figuræ 1. 1. *spiritum* in illis partibus contenti per nervos interiores 1. 1. deorsum feruntur, eoque valvulas & meatus aperiunt, qui sunt circa $\zeta\zeta$. & ex amplioribus in angustiores 2. 2. transeunt. Cum autem propter obstaculum sursum tendentium valvularum 6. 6. nequeant descendere, ascendunt, clauduntque suo ascensu valvulas 4. 4. ex angustioribus nervis in latiores spectantes; atque ita necessario transeunt in interiores musculos sive fibras $\beta\beta$ easque inflando, folia versus inferiora, quantum articulatione seu flexibilitas, quæ est circa puncta adscripta, ... patitur, in situm scilicet & figuram, quam figura 1. 1. exhibet. Postea vero, cum folia ista, ut in 1. 1. figura ostenditur, sunt depressa, & manus ab herba tollitur, halitus per interiores amplioresque nervos 1. 1. valvulasque sursum spectantes 3. 3. copiosius quàm per exteriores angustioresque 2. 2. ex terra $\gamma\gamma$ in caulem ascendunt; eoque claudunt primo valvulas, quæ circa $\zeta\zeta$ existunt, atque ex latioribus & interioribus nervis in exteriores 2. 2. spectant, progredientesque porro ulterius, transeunt in superiores foliorum musculos $\alpha\alpha$, eosque inflando, non nihil folia attollunt, quæ erant depressa $\delta\delta$, premuntque ista foliorum aliquanta sublatione halitus copiosos in inferioribus foliorum musculis $\beta\beta$ existentes; iique pressi aperiunt in angustioribus nervis 2. 2. valvulas ex exterioribus

terioribus nervis in interiores spectantes 4. 4. transeuntque in nervos latiores & interiores r. r; ibique cum propter halituum vehementiam ex terra y copiosius in illos exhalantium, & valvulas s. s. in angustiores nervos spectantes, claudantium, neque descendere, neque ad latera transire queant; à copiosioribus halitibus in nervos illos laxiores perpetuo ascendentibus determinantur necessario in superiores foliorum musculos u u: quos cum halitibus ex terra per latiores nervos ascendentibus, ingressi, attollunt folia secundum superiores partes u u halitibus copiosioribus repleta, secundum interiores vero β β inanita, in illum situm; quem folia ante habuerunt, qualemque figura r hic nobis ostendit.

IV.

Pudifetana arbor hominis afflatum edit.

Quidam Historici referunt *pudifetanam* arborem non hominis tantum manum, sed & ejus afflatum odisse, atque ejus accessum refugere.

Contingere id potest, quod halitus corpuscula ita in ejus substantiam impingantur, ut delicati ejus nervi aliquomodo solvantur, & textura porcellatur. Sicut experimur *annu* halitu tenera infantium corpora offendi & infectionem contrahere.

V.

Adiantum & brassica aquam non patiuntur.

Adiantum sicut & *brassica* aquam refugiunt, & illam à se, quantum possunt, propulsant. Unde si aquis immergantur, non madescunt, & ab omni humore immunes se tuentur.

Hujus ratio ab earum superficiebus desumenda est, quæ ita læves & tersæ sunt, ut nullam aquam sibi inhærere patiantur, ut enim corpori

pori humor affigi queat, opus est, ut rugis quibusdam asperatam superficiem habeat, & nonnullæ particulæ emineant, in quibus implexus liquor detineatur. Hinc pinguis aquam non admittunt, quoniam adeps facile complanatur, & ad æqualitatem redigitur. Vel refundi potest hæc *Adianti* & *Brassica* ab humore averfio, in lanuginem, sive tene-ram quandam pilationem, qualis in quibusdam fructibus cernitur, qui suis apiculis ita aquæ guttas colligunt, & conglobatas detinēt, ut eos altius penetrare, & nisi longo temporis spatio detentas madefacere non sinant.

Tanta est inter *dictamnium* & *ferrum* affinitas, ut ad illius præsentiam, telum ex inflicto vulnere extrahatur. *Capras auditum est in Creta feras, cum essent confixa venenatis sagittis, herbam querere, quæ Dictamnus vocaretur, quam cum gustavissent, sagittas excidere dicunt è corpore.* Cicero secundo de natura Deorum.

IV.

Quomodo dictamnium fer-
rum è corpore extrahat.

Quidam sibi imaginati sunt, *Dictamno* vim quandam magneticam inesse, qua ferrum educit, & è corpore insita vi vocat: sed id falsum esse usu cotidiano comprobatur. Quippe dictamnus ferro admotus, nullam vim testatur, nec minimam quidem *scobem* allicit. Dicendum potius telum *dictamni* esu, è corpore depelli, quoniam vulnus aperit, & extrema illius, partium suarum agitatione laxat. Quo fit, ut ferrum vulnere aperto, sponte decidat, aut leni opera educatur. Accedit etiam, quod illud non nisi extra corpus viventis animalis expellatur, ac proinde illius virtu-

virtu-

virtute, naturæque irritatæ impulsu extra detrudi.

VII.

*Fraxinus
serpentis
abigit,*

Fraxinus serpentibus est inimica, illosque procul abigit.

Causa alia non posse esse videtur, quam halitus è fraxino erumpens, qui in serpentibus fibrarum plexum lacerat, & pessimè afficit. Quodcumque enim animal, ingrata sibi & infecta averfatur, & solo naturæ ductu illa fugit. Sic musca colocyntidem averfatur, mus laurum, vespertilio hederam, non electione aliqua, sed mero naturæ impetu, in quantum emissi ex illis plantis spiritus, ipsis noxii sunt, & fibrarum plexum, quibus constant, evertunt & amoliuntur.

ARTICULUS SEXTUS.

De Ortu Plantarum.

I.
*Quomodo nascuntur
plantæ
absque
ullo semine.*

Aliquæ plantæ inter cæteras notantur, quæ sponte oriuntur, & sine prævio semine assurgunt. Ut sylvestre illud *Nardum* Asiarum vocatum, quod in muris etiam crescit. Et quædam *Adianti* species, quod circa puteos procreatur, imò innumeræ aliæ stirpes quæ è terra alte suffossa proveniunt, nullo semine imprægnata.

Qui sideribus inferiorum virtutem assignant, putantque nihil in terris peragi, quod cœlestibus influentiis non adjuvetur, harum plantarum authores in promptu habent; Solem nimirum, aut quenquam ex planetis, quibus stirpium natalitia tribuunt, & quorum

rum

quorum opera omnia fieri volunt, quæ in terrarum orbe gignuntur. Unde Cabalistic accedunt, dum veluti è cathedra perhibent, nullam herbam esse aut plantam inferius, cujus non sit stella in firmamento, qua eam percussit, & discat ei, Cresce. Verùm, cum de Siderum potestate antea dictum sit, existimemque nostri ævi Philosophos non ita desipere, ut singulares omnes effectus generalibus causis acceptum referant, aliunde plantarum origo est investiganda. Generantur igitur plantæ absque radice aut semine, dum insensibiles terrestris materiæ partes, in superiori terræ crusta, à subtilimateria agitata, talem figuram adipiscuntur, cumque situm & motum obtinent, quæ ad primam stirpis formationem requiruntur: quo veluti jacto fundamento, cæteræ partes producuntur, dum succus nutritius per primum illud rudimentum ascendens partes dilatat, eisque certam figuram tribuit: Nam quemadmodum *serpentes, glîres, anguilla, murena, limaces, lumbrici* non semper ex semine; sed plerumque ex lentore Terræ, atque ex sordibus ac putrilagine germinant, sic in locis arenosis multi *frutices* sponte emicant ex alimenti confluvio, qui postmodum seminio se propagant; ac numerosa prole se tuentur. *Lemn. de occult. Natur. Miracul.* Non tamen inficiandum est, quin Sol ad hujusmodi effectus procreandos aliquid conferat, terram nimirum calefaciendo, humorem educendo, atque etiam illa inter se coagulando: At quid illa ad *radicum, fibrarum, vena-*

rum, nervorumque formationem. Sol enim extrinsecum duntaxat agens est, quod nullum semen ministrat, sed illud in terræ superficie repertum agitat tantum, & impedimenta amovet, quæ partium ejus unionem arcebant.

II.
Quomodo
sylvæ
sine semi-
ne ali-
quando
e terra
eruperit.

Memoriæ proditum est, sylvam in *Cyrene* post magnos imbres è terra pullulasse, quod ad multa milliaria extenderetur. Meminit quoque *Theophrastus sexto Histor. cap. 3.* insignem arborem nomine *Laser* (quam *Plinius* inter eximia naturæ dona numerat, quod pluribus compositionibus inseritur, concoctionique plurimum confert, senibus & fœminis) post pluviam è terræ sinu erupisse, antea in illis partibus incognitam.

Scio nonnullos imaginari sylvam, magnificamque illā arborem non sponte è terra prodisse, sed seminibus è plantis aliis adductis, quæ ventorum opera in *Cyrenem* delata sunt. Sed illud haud necessarium esse mihi videtur, quum *Theophrasto* teste, terra apud *Cretenses* vix tantillum subigi queat, quin cū pressi illico oriantur, non mutuatis ab aliis seminibus, sed quod in ea regione corpuscula lateant, quæ cum egeruntur, & Solis agitatione copulantur, primum earum stirpium rudimentum componunt. Quod verò idem in aliis terris non contingat, id provenit, quod seminis particulæ non ita misceri queant, & eo modo concreescere, quo ad primam ejus organizationem necessarium est. Notum enim est, non quaecumque terram stirpibus gignendis esse idoneam, quum quæ in *Indiis*,

Bra-

lia, Arabia, nascuntur, in Anglia, Italia, frigidioribusque aliis mundi partibus produci non possunt. Imo in eadem regione plantæ peculiaribus locis delectantur, terræ pars quæ uni congruit, alteri inest, aut officit. Generari igitur sylva potest, non hominum industria tantum, aut ventibus à vento devectis, sed corpusculis terræ repertis, quæ pro eorum motu seu celeritate ita componi & conformari possunt, ut ex eis in varias stirpes exurgant. Nam quod prædicto Asparagi, referente Dioscoride, contusis & detossis arietum cornibus produci possunt? Qui farris spica ex mulieris naso, & dæda ex cervi cornu crevere? Quo artificio Platanus ex Æneo tripode prodire quævis, nisi terræ particulis, quæ talem situm, motum, & motum acquisiverunt, quæ contingendo tyrocinio inservirent. Hæc autem contingit non Dioscorides modo, sed & alii summi authores, Plinius, Plutarchus, Theophrastus ut comperta referunt.

Plantæ, quæ in Philippinis insulis proveniunt, variis qualitatibus imbuuntur, & proinde in varias mundi plagas spectant, diversas affectiones habent. Quippe ea folia, quæ prædictis insulis respiciunt, salubria sunt, sanitatemque afferunt: quæ autem in occasum vergunt, venenosa, & mortem fumentibus inferentia. Præterea nos poma, quæ prope ea loca creverunt, ubi brassicorum est copia, odorem terreferunt.

Ratio est, quod è terra aut è plantis vicinioribus.

VI

III.

Cur
planta in
varias
locos cre-
scentes,
diversas
affectiones
habeant.

nioribus effluvia quædam exhalentur, quæ folia aut fructus afficiant, & suas illis qualitates impertiantur, Constat enim, arbores aut Herbas veneficas, virus suum proximis corporibus communicare & illa eodem odore & sævitia afficere. Quia vapores ascendentes aliquid illius terræ secum vehunt, ex qua ascendunt: & faciliè juniores plantæ inficiuntur, quæ juxta putridas & male olentes consistunt.

IV.

*Quomodo planta
degenerant, &
in alias
vertuntur.*

Uso frequenti deprehenditur plantas agrestes fieri, & in alias diversas degenerare. Sic *brassica* in *rapam* convertitur, *ficus* in *caprificum*, *triticum* in *lolium*, *hordeum* in *avenam*, & similes, quibus & vires & forma immutantur.

Id oriri compertum est, aut cultoris negligentia, vel loci situ, aut etiam ambientis aeris qualitate. Sylvescunt enim plantæ, nisi secundum uniuscujusque indolem, loca idonea ipsis destinantur, & modus, quo fieri debeant, observetur. Quod cum in multis, maximè tamen in *viola altilis* deprehenditur, quæ nisi annis singulis loci situm mutare edoceatur, in vilem ac sui dissimilem flosculum, minusque odoratum degenerat. Quod expertus Virgilius ita scribit.

*Vidi testâ diu, & multo spectata labore
Degenerare semen, ni vis humana quotannis
Maxima quæque manu legeret, sic omnia fatis
In pejus ruere, ac retro sublapsa referri.*

Cujus deficientiæ ea est ratio, quod plantarum rudimenta in prima sui origine certam

mate-

materiam exigant, ex qua earum plexus, partiumque dispositio producat. Cum autem in omni loco talis materia haud reperiatur, cui commissum semen est, tali plexui efformando idonea; mirum non est; si illic plantæ deficient, & in alias degeneres commutentur. Quippe hæc transmutatio non in radice fit, sed in ipso semine, quod dum congruentem materiam non offendat, aut præ vetustate vigore destuat, naturam variare necessum est. Hinc periti *Hortulani* seminum vires explorant, iis aquæ leniter ebullienti injectis: quæ horæ intervallo si proba fuerint, germinabunt ac pullulabunt.

Inter præcepta quæ ab Antiquis authoribus da plantis serendis derivata sunt, unum est, ut cœli ad spectum ratio habeatur: adeo ut, quæ ex uno loco in alium transferuntur, iisdem cœli partibus respondeant, quas antea spectabant.

V.

Cur sera
vanda
cœli: ars
in partem
tatum
transmuta
tione.

Quinetiam cœli regionem in cortice signant.

*Ut quo quaque modo steterit, qua parte calores
Anstrinos tulerit, qua terga obverterit axi.*

Restituant. Virgilius 2. Georg.

Ratio est, quod facie arborum variata, & in aliam cœli regionem conversa, interna partium dispositio immutetur, & meatus seu viæ, per quas alimentum à radice in sublime tendit, invertantur, & situm alium acquirunt. Si quis enim stirpem in campo aperto genitam, & ad certam aliquam magnitudinem iam provecctam falce cederit, *circulos* varios deprehendet, versus *Anstrum* latiores, angus
Y
stio-

stiores autem versus *Aquilonem*. Quod certe in nullam aliam causam refundi potest, quàm in ipsum calorem, qui ab *Australi* parte proveniens, fortius arboris particulas agit, venasque illius magis extendit, quàm qui à *boreali* proficiscitur. Quod si non idem in ligno *brasiliensi* reperiatur; sed concentrici sint ejus circuli, & æqua mensura ab invicem distent, id provenit quod in Zona torrida Arborea æqualem ab *Austro* & *Borea* calorem recipiant, & alternis vicibus Soleas concutiat & penetret. Ex quibus patet, in plantarum translatione cœli aspectus esse attendendos, & ei cœli parti esse obvertendas, in qua satæ primum fuerunt.

ARTICULUS SEPTIMUS.

De Plantarum Nutritione.

I.
Sterquilinum ad segetum fecunditatem confert.

UT Tellus stirpibus ferendis idonea reddatur, *sterquilinum* ei, priusquam imbres decidant, adhibetur. Vitium enim tritici, aliarumque segetum sterilitas; stercore impugnatur, & ipsis nova ubertas fecunditasque accedit.

Ratio est; quod fini omnes multo *sale* consent, qui in terra dispersus ejus humiditatem temperat, & germinationem promovet. Plantarum siquidem vita in *calido & humido* consistit, quorum prius agentis, & posterius patientis rationem obtinet, obest tamen interdum *stercoroso*, ni humor accedat, qui finum diluat, & *salinas* partes dissolvat, quæ ipsæ admiscen.

admiscentur. Hinc Agricolis solenne est, si-
num agris adhibere, dum pluviarum spes
adeſt, ut ante *Ver*, & sub *Autumni* finem, qua-
tenus ſimo aqua ſubacto, *Sal* diluatur, & hu-
moris vehiculo ad intimos radicis meatus
perveniat. Alioquin commiſſæ telluri ſe-
getes, calore aduruntur, ſi integer *Sal* maneat,
aut ſimi copiam terra nimium oneretur. Unde
Plinius libro decimo octavo: *Ager, ſi non ſter-*
coratur, alget, ſi nimium ſtercoratus eſt, aduritur.
Nam magna eſt inter ſimos differentia; quip-
pe *columbinum* ſumme calidus eſt, tum *ovillus*,
qui non niſi terræ viribus reparandis pro-
ſunt, quas nimirum frigus, aut cruditas labe-
factavit. *Suillus* acer eſt, & mordacis natu-
ræ, quo capæ maxime gaudent. Medii tem-
peramenti ſunt *bubulus*, *equinus*, *afininus*, qui
ſegetes maxime juvant, & eis fertilitatem
conciliant.

II.

Terræ *novales*, ſeu quæ alternis tantum an-
nis proſcinduntur, fertili ores probantur, Cur ter-
ra nova-
les ferti-
liores
ſunt aliis,
quæ con-
tinuo
ſeruntur.
quàm quæ continuo ſeruntur; & eo magis
uberes ſunt, quod diutius, ut cum *Virgilio* di-
cam, *ſequem patiuntur ſeu dureſcere campum.*

Cauſa eſt, quod pori qui in terra innumeri
ſunt, cultura aperiuntur, & facilius per eos
tanquam paratos *tubulos* ſuccus furſum attol-
litur. Agris autem neglectis, meatus illi
occluduntur, nec expirandis halitibus ſit
locus. Accedit etiam, quod plantæ eo interſti-
tio in campis genitæ vellantur, aut ſi excre-
ſcere permittantur, ſponte aſcendentes, aut So-
lis calore aduſtæ, demum circa *hyemem* putre-
ſcunt;

fiunt, quæ vice fumi terram impinguant, ac
fœcundam reddant. Et ob hanc causam gle-
bæ in agris uruntur, quia crematis mello tru-
mento stipulis, aqueæ partes avolant, & quic-
quid solidioris substantiæ residuum est, à ter-
ræ humore diluitur, & sua crassitie, ejus fer-
tilitati consulit. Quare Virgilius

*Sape etiam steriles incendere profuit agros,
Atque levem stipulam crepitantibus urere flammis
Sive inde occultas vires, & pabula terra
Pinguia concipiunt —*

III
*Planta
feliciter
crescunt
in agro
plano
quàm de-
clivis.*

Ager planus nutriendis stirpibus aptior est,
quàm *declivis*: unde plantæ, quæ in inclinata
terra nascuntur, infeliciter crescunt, & vix
unquam ad æquam magnitudinem prove-
niunt.

Quia cum *Sal*, ut dictum est, haut parum
ad stirpium nutritionem conferat, facilè in
deflexo loco, ubi pluviae delabuntur, dissol-
vitur, & viribus ejus temperatis, fit illis fo-
vendis inutilis. Ager autem *planus*, & qui
defluxionibus citra declivitatem patet, ultra
Salem pinguemque materiam, quam continet,
peregrina etiam substantia ditatur, quæ ad
eum cum pluvia divertitur, & ejus fertilita-
tem adauget.

IV.
*Tenerio-
res & sa-
dunt cu-
cumeres,
si eorum
semina
prius la-
cte mac-
rentur.*

Cucumeres teneri & delicatiores evadunt,
si ante sationem, earum semina fuerint pau-
lulum lacte macerata. Transire posset hoc ex-
perimentum ad *carduos alistes*, aliaque semina
sublato marcore aut amaritudine. *Bacon*.

Hujus peregrinæ suavitatis causa, ex eò
provenire potest, quod semine lacte emolli-

to, fibræ, quæ primum in radice formantur, talem induunt figuram, talemque contexturam adipiscuntur, ut iis solis particulis pateant, quæ dulcorem componunt, & crassiores alios succos respuunt. Hinc qui Florum odores augere student, & eorum vires artificiosè excitare, præscribunt, ut *Rosa*, exempli causa, prope *allium* conferatur, quatenus hujus radices ita foetidum succum, acrioresque terrestris materiæ particulas exsugant & allicient, atque earum paucae relinquantur, quæ illi succo misceantur, qui per *Rosæ* tubulos est evahendus.

V.

Plantarum aliæ aliis tardius aut citius crescunt aut nutriuntur. *Salix* enim, *vitis*, *cucurbita*, brevi temporis spatio incrementum accipiunt, cucurbitæ præsertim, quæ tantæ sunt magnitudinis, ut scribente Plinio, *vix crescunt*, *ferri queant*. E contra *messilus*, *quercus* & similes tardius argentur, & non nisi ramos & truncum diu protendunt.

Ratio est, quod plantarum nutritio à succo pendet, qui à radice per poros tanquam totidem venulas impellitur, quippe illas ita replet, ut turgeant, & omnes ejus particulas capere non possint. Cum autem pororum latera duriora sunt; quàm ut ab alimento extendi queant, fit, ut non nisi lente augeantur, aut etiam omnino crescere desinant; ut *annosis* arboribus contingit, quæ nullum accedente materia proventum accipiunt, & in eodem statu remanent. Corpora autem mollia cum heatus habeant facilè penetrabiles, mirum

non est, si plantæ, quæ iis constant, augeantur & crescant. Hinc immanes *cucurbitarum* moles, quæ in India nascuntur, quæ, uti apud *Soaligerum* refertur, tredecim palmas æquant & quibus ferendis, non unius bajuli vires sufficiunt.

VI.

Quomo-
do fru-
ctus in-
cisione
furculi
reddan-
tur me-
liores.

Si in Arbore sylvestri incisio fiat, & ei ex urbana proveniens surculus inseratur, fructus mansuescunt, & mitiores redduntur. Quod etiam contingit, si ex eadem arbore evellatur surculus, & ipsi postmodum idem restituatur.

Causa videtur esse, quod surculi apppositi fibræ non ita cum arboris fibris correspondent, ut succus ex unis means, libere in alias transire queat: quia *pororum* ordo mutatur, & aliæ viæ ad materiam alimentitiam transmittendam efformari debent: quo fit, ut alimentum veluti in alio *stomacho* elaboretur, & novo modo occurrentes succi misceantur. Hinc fructus ex *hortensi* sureulo *sylvestri* arbori inserto meliores evadunt; quoniam saccus nutritius, qui per plantarum partes ascendit, in priori *stomacho* decoquitur, & non nisi exacte digestus in secundo recipitur. Imo si aliquis incisiones multiplicaverit, & inserto surculo alios superinduxerit, experietur, mitiores semper gigni fructus, quoniam materia alimentitia per tot ductus transeundo, melius præparatur, & magis defæcata in posteriori *stomacho* recipitur. Hujus rei exemplum *Gassendus* ex *Plinio* refert de *Corellio Equite Romano*, qui cum in agro Neapolitano inseruisset

seruisset *castaneam* suomet surculo, facta est castanea, quæ ab eo nomen accepit, inter laudatas; & cum postea Hæres ejusdem *libertus* iterum inseruisset, facta est minus quidem copiosa, sed melior tamen quam *Corelliana*.

ARTICULUS OCTAVUS.

De Plantarum Germinatione.

OMnibus stirpibus ingenitum est, germen ^{cur} in *sublime* emittere, quamvis in declivi ^{planta} serantur, & deorsum propendeant. E diverso ^{furfum} *radices* loca inferiora petunt, & non nisi raro ^{germen} in terræ superficie versantur. ^{emittunt.}

Hujus rationem reddere arduum non erit, si attendatur, qualiter germinatio fiat, & cujus opera vis seminalis humo se exerat. Cum enim germinatio quædam plantæ dilatatio sit, qua succi interventu protenditur, & versus cacumen excrefcit: Cumque nulla expansio sine *calore* fiat, evidens est, illud quod *planta* erumpit rudimentum, à calore proficisci, & ejus impulsu fursum tendere. Nam id Caloris est in genium, in sublime ferri, & eo obvia corpora propellere. Par est de plantis in *declivi* crescentibus ratio: nam sicut ignis in deflexo loco accensus, non loci declinationem sequitur, aut ad *angulos* ipsi declivitati rectos ascendit, sed ad perpendicularum: Ita stirpes, quæ in collibus nascuntur, fursum semper evchuntur, quoniam à calore diriguntur, qui eo tendit. Verum

est, quod radix, ob eandem causam, sursum ferri debere videtur, quum calore utique dilatetur, & ejus opera, fibras suas protrahat; sed quod in contrarium pergat, & in terram demergatur, ejus alimento tribuendum est, quod talem situm occupat, ut omnes ejus partes debeant extendi. Nam sicuti funalis *flamma* sensim deorsum nutat, & ad eam depascendam inferius devehitur, ut eam ad partes superiores transmittat: Ita *calor* intra radices contentus, ad imas earum partes pergit, ut attractum inde alimentum trunco ramis, foliis nutriendis transfundat.

II. *Quomodo capae & scilla germinant.*
 Omnia bulbacea, cujusmodi sunt *Capa*, *Aloes*, *Acetabulum*, *Crocus*, *Scilla*, *Porrus*, & aliae similes rotundae ac tunicatae radices, humo avulsae germinant, & caules proferunt. Imo in carneario laquearibus suspensae, etiam per hyemem turgent & profiliunt.

Ratio est, quod *Bulbi* non quemadmodum caeterae stirpes per radicum filamenta alimentum exsugunt, sed illud superne attrahunt, illum nempe succum, qui in eorum corporibus, & crassis illis, quibus cinguntur, tunicis, delitescit. Unde fit, ut hae radices humore assatim imbutae, multumque succi alimentitil intra membranas continentes, calore excitatae, se proferant, & *caules* procreent. Id ita fieri cotidiana experientia demonstrat; Quia, dum bulbacea pullulant, sensim imminuuntur, quia *succus*, quo turgebant, exhauritur, & in *caules* & semina abit.

Rami & folia in quibusdam arboribus,
 non

non nisi in vertice profiliunt, quemadmodum
videre est in *abiete*, *picea*, *cupresso* & *cedro*, quæ
solis comis virent. Aliæ autem ramos undi-
quaque protrudunt, & se omni ex parte foliis
contegunt.

Oritur hæc germinationis diversitas à *paris*,
per quos alimentum à radice ad fructum & ra-
mos transmittitur. Quippe si recti fuerint, &
perpendiculari linea deducantur, iis veluti
fistulis, succus sursum desertur, eodem sem-
per tramite servato, donec ad cacumen dela-
tum; ob nimiam copiam illic erumpere co-
gatur, & in ramos abire. Accedit etiam, quòd
succus, qui in hujusmodi arboribus ascendit,
viscidus sit, & quadam *Pinguedine* imbuatur.
In iis vero Arboribus, quæ circumfusus ha-
bent ramos, meatus deflectuntur, & succus
interfluens, à latere viam sibi aperit, & corti-
cem penetrando in multam sobolem erumpit.
Vel etiam quia non ita tenax est, ac viscidus,
sicut in *resinisferis*: sed sicut copiosus ignis, per
tubulum fistulæ instar pertusum ascendens,
quædam illius partes per foramina exiliunt:
ita *succus* per arborum poros sublatus, per pa-
tentes *vias* erumpit, præsertim ex surculis,
ubi ob teneritudinem exitus est liberior, &
facilior eruptio.

Plurimas stirpes *folia* nunquam destituunt,
& per *hyemem* summumque frigus ea in cor-
rupto virore ferunt: ut *Laurus*, *Cypressus*, *Ha-
dera*, *Rosmarinus*, *Abies*, *Buxus*. Aliæ autem sub
finem Autumnii virorem amittunt, & suis or-
namentis exuuntur,

IV.

Cur qua-
dam ar-
bores
semper
virentia
folia ser-
vant.

Y 5

Causa

Causa *viriditatis* in quibusdam plantis ex eo provenit, quod folia solidiorem habeant materiam, calidioribusque succis perfundantur, quàm ut pori, in quibus fluunt, à superveniente frigore intercludi queant. Defrondescent autem aliæ, undæque per totam *hyemem* remanent, quia earum folia delicatiora sunt, quàm ut premente algore eorum meatus non obturantur, & ita sufficiens alimentum radicibus aut foliis nutriendis admittunt.

V.

*Surculi
molles ad
infusio-
nem sunt
inidonei.*

Surculi molles, & quibus nondum latera tempus firmavit, iis ad insitum ineptiores sunt, qui cum trunco ætatæ conveniunt, & aliquam duritiem sunt adepti.

Ratio potissimum ex eo petenda est, quod, ut *Infusio* feliciter procedat, debeant *rami* fibræ ita cum *trunci* fibris adaptari, ut alimentum è radice proveniens, ad utrumque libere traducatur. Debent enim inter illas quædam oscula, vel potius *Anastomoses* interjacere, per quas cibus transeat, & ab una in aliam transferatur. Molliores autem surculi propter teneriorem fibrarum plexum, ita inter *libros* constringuntur, ut coarctatis eorum poris haurire alimentum haud valeant. Atque sic aut infelicitè crescunt, aut brevi extinguuntur. Surculum enim *anniculum* esse oportet, ut agglutinari possit, & cum trunco cohærere. Sic è diverso stipites aridi, aut quos longa ætas sicciore effecit, insitioni inutiles redduntur, quia iis humor deest, quo tanquam glutine, utriusque fibræ connectantur, & in unam plantam abeant. Uti videmus *terram aridam*

~~dam~~ sterilem esse & vix aliquando semini excitando idoneam.

Fructus, ubi ad maturitatem pervenerunt, arborem deserunt, & sponte in terram delabuntur.

VI.

Cur fructus
maturi ex
arboribus
decidunt.

Id provenit, quod eo tempore nimium laterales fructuum fibrae intumescunt, nec amplius alimentum continere valent. Unde fit, ut, ad quod, partes ad superiores ascendebat, aditu negato, deorsum refluat, & ipsum pedicolum siccum & exsuccum relinquat. Hinc quidam fructus cum pedicolo, ut *Poma*, *Pyra*: alii sine pedicolo, ut *Pruna*, *Mala aurea*, *Armeniaca* &c. decidunt, prout transcurrentis materia proximius aut remotius pediculos destituit.

ARTICULUS NONUS.

De Plantarum interitu.

Plantæ *sola* avulsæ languescunt, & quamvis ligna tempore verno amputata, aliquamdiu in terrajacenti germinent, ab ea tamen sublata sensim deficiunt, & emoriuntur.

I.
Cur
planta
à solo avulsa
non statim
emoriatur.

Stirpes terra detractæ non statim marcescunt, quoniam succus aliquantisper fluere perseverat, nec tam cito pori immutantur, quin ad extremas ejus fibras alimentum pergere queat. Plantarum autem *moeror* nunquam sequitur, nisi cum succus iners redditur, & à subtili materia incalescere, & sursum propelli amplius non potest, *Calore* enim deficiente, omnis *moeror* cessat, ac proinde

inde non amplius *germinatio*, non *nutritio* peragitur, in quibus plantarum vita consistit. Hinc stirpes tempore hyberno, non nisi improprie mortuæ dicuntur, quia licet tunc temporis, extra se nihil proferant, & sensibilis succi transcursus non appareat, negari tamen non potest, quin aliquis insit, cum eadem prorsus dispositiones maneant, quæ in viventibus corporibus reperiuntur, & alia sit earum conditio ab iis, quæ exaruerunt.

II.

*Quomodo
contusio-
ne aut
aut tere-
bratione
arbores
moriuntur.*

Arbores sæpe *contusione* tabescunt, & *fissione*, *terebRATIONE*, similique alio vulnere enecantur.

Ratio est, quod *contusione* Ordo partium perturbetur, obstruanturque viæ, ne alimentum decurrat, & ad partes posteriores traducatur. Unde fit, ut quæ supra *contusionem* sunt, succi inopia marcescant, & quæ infra illam sunt, præ nimia copia turgescant & suffocentur. *Fissione* quoque, seu alio inflicto vulnere plantæ intereunt, quia tunc materia alimentitia ejus poros permeare desinit, nec ut antea diffundi potest. Quod autem nonnullæ, ut *Pinus*, *Abies*, *Terebinthus*, vulnere accepto proficiant, & solito fecundiores reddantur, id ob humoris exuberantiam provenit, cujus aliqua portione per vulnus elapsa, plantæ veluti pondere exoneratæ, fructus suos facilius proferunt, & vim suam *genitalem* expeditius exerunt.

III.

*Cur quædam
planta
calore, a-
lia frigore
percutiunt.*

Quædam plantæ nimio æstatis fervore percutiunt, præsertim *novellæ*, quas ætas nondum contra aëris intemperiem firmavit. Aliæ frigori cedunt & nimia hyemis asperitate obri- gescent & emoriuntur.

Causa

Causa est, quod plantarum vita in *calidi* & *humidi* temperie, ut dictum est, constituitur; Adeo ut *humor* in vivente sine calore admixto, aut *calor* citra *humorem* diu foveri non possit. Unde alterutro horum prædominante, & consortem suum destruyente, necessum est corpus interire, & vita privari. Novellæ igitur citius aliis nimio æstatis ardore interimuntur, quia *calor* externus tenera earum corpora facile penetrat, quorum partes vehementius agitando, *humorem* non è truncis solum, sed & ex ipsis radicibus extrahit ac depascit; cuius iactura, cum à terra, quæ etiam nimium incalefeit, reparari non queat, necessum est, plantas *exficari* & exarescere. Aliæ autem *acri hyeme* perimuntur, quia poris præ frigore constrictis, calor intrinsecus exire compellitur, cuius absentia, cum *succus* non promoveatur, & non satis alimenti è radicibus eliciatur, oportet *nutritionem* in plantis cessare, & alias vitæ functiones interrumpi. Ob eandem rationem plantis mors à *ventis* imminet, qui si *fervidi* sint, & calorem in corporibus procreant, meatus laxant, & reconditum *humorem* exhauriunt. Si vero *gelidi* sint, & frigus intensum adferunt, poros comprimunt, & calore expulso, vim genitalem debilitant, ac depopulantur.

IV.

Plantæ *sylvestres*, & quæ locis montosis de-
lectantur, longius vivunt, quàm *urbana*, quæ
in hortis crescunt & stercore saginantur.

Causa esse videtur, quod plantæ, quæ in
hortis adolescunt, nimia succi copia sese
quodam-

*Sylve-
stres
plantæ
longiorē
vitā sune
quam
horrentes.*

quodammodo ingurgitent, & nativum calorem alimenti exuberantia extinguant. Nam cum *cultura* pro scopo habeat, lætiores aut præcoces fructus ex arboribus educere; tota in hoc occupatur, ut agros uberes & fertiles efficiat; parum autem sollicita, an robustæ evadunt, modo luxurient, & largius fructus profundant. Certum est autem, nimia materiæ alimentaris copia *Plantarum* poros dilatari, & minus adhærentē vitali humore, calorem quoque evanescere & elabi. Ad vitæ brevitate hortensium plantarum etiam conducit, quod *lacamen*, quo reficiuntur, illas undique ambiat, & hæud longe à terræ superficie positum sit; quo fit, ut illarum radices non ita profunde dimittantur, & non nisi leviter terram penetrent. *Sylvestres* autem, quum macra materię circumcingantur, & hausto parcus alimento altius deprimantur, firmiores evadunt, & exterioribus incommodis magis resistendo, vitam longiorem ducunt. Ambigi enim non potest, quin radicum expansio & crassities ad plantarum diuturnitatem conferant, & longiori tempore durent, quo profundius *Terram* penetrant, & per majores *angustias* irrepunt.



HISTORIÆ NATURALIS PARS OCTAVA. De Animalibus.

ARTICULUS PRIMUS.

De Animalibus sponte genitis.

Nihil magis inter Authores tri-
tum, quàm Animalia absque
femine progigni; ut *Cimices* ac pe-
diculi ex sordibus humanis; ex
libris *blatta*, ex ligno *coffi*, ex
velitibus *tinea*, & innumera alia, quæ sine
ullo animantis congressu nascuntur & pro-
deunt,

I.

*Ut nasci
cuntur
quadam
animalia
absque
semine.*

Nonnulli *Medici* specie tenus duntaxat re-
rum spectatores, quoniam harum productio-
num principia non intuentur, & causas, quæ
hujusmodi animalia generant, non oculis
deprehendunt, earum formationem *aqui-
vocam* appellant; quasi à dissonis principiis
proficiscerentur, & nullam cum ipsis cognat-
ionem haberent: sed revera eodem jure, quo
cæteteræ *generationes*, univocæ sunt nuncupan-
dæ, quum eadem necessitate fiant, & non mi-
nus quàm aliæ semen prævium, requisitasque
in eo dispositiones exigant. Quicquid enim
in natura gignitur, à *femine* promanat, &
nihil

nihil casu, aut ludente *natura* in terra produ-
 citur. Verum est, quod illa semina potissi-
 mum interna sint, & non oculis semper sese
 offerant, sed talia in corporibus latere, nega-
 ri non potest; quum videamus *pediculos, eru-
 eas, tipulas* &c. apprime elaboratas esse, &
 omnes inter se partium similitudine conve-
 nire. Quippe nihil ipsis ad perfectionem de-
 est, & non minus quo ad internas quàm ex-
 ternas partes completæ dicuntur. Quis enim
 imaginari potest tantam membrorum *varietate*,
 tam concinnam singulorum *formam*, tam
 miram omnium *proportionem* ac nexum tem-
 erarie produci, & non determinatum aliquod
 semen supponere? Nam si *monedulam*, si *filum*,
 exempli causa, à semine derivari existima-
 mus, quod nimis elaborata esse putemus, ut
 à vago agente compingi queant, quidni idem
 de aliis animalibus erit censendum, cum in
 eis non minus animadvertatur artificium, &
 eorum partes non minus inter se correspon-
 deant? Nascuntur igitur *cimices, pediculi, eruce*
 & similes, dum multæ seminales particule
 à subtili materia seu calore agitatæ, ita inter
 se disponuntur, ut figuras organaque con-
 venientia componant. Non autem hic mo-
 tus temere, & casu perficitur, sed juxta natu-
 ræ leges, aut vires seminarias, ex materia
 scilicet idonea, & calore determinato pro-
 cedit. Quo fit, ut ita exagitata materiæ par-
 tes, non modo ad *cordis venarum* formatio-
 nem, & earundem cum *arteriis* unionem con-
 currant; sed etiam ad principium *cerebri sen-*
 sorium

itorium, & fibrarum, nervorum & spirituum motorium concinnandum, quibus suppositis, ad perfectiora instrumenta fit progressus, ad ea nimirum, quæ sensationi, locali corporis motui inserviunt, & famulantur.

II.

Mures ex quisquiliis, ex fimo bubulo *scabiei*, ex humore rossido *papiliones*, locusta, cicada progerminant. Imò ex ipsis aquis præsertim stagnantibus diversa animalcula, Tipulæ vocata oriuntur.

U. mures
ex quis-
quiliis
Es pa-
piliones
ex rossido
humore

Causa alia esse nequit præter semen, quod inter quisquillas, finum bubulum, madorem acrem eo modo coaluit, quo intra animalium corpora concrevit & absolvitur. Nam quod aliud principium effingi potest, cum videamus post aquarum inundationes, multa insecta in agris progigni, post pluviam rana pul-lulascere, quæ non oriuntur, nisi quia aut semina illuc devehuntur, aut antea derelicta humorem requirunt, quo subigantur. Minutissimorum piscium meminit *Lemnius libro secundo de occult. natur. Miracul.* quos Aphias vocat, qui ex spuma maris apud *Batavos* copiose generantur, ubi post diuturnas siccitates copiosi imbres ingruunt. Siquidem com ostia *Mosæ* ac *Rheni* assiduo oceani influxu salsescunt, æstivis præsertim mensibus, flumina illa affluentia pluvia diluta, atque irrigata pisciculis hujusmodi undique scatent; qui ubi grandescere incipiunt, in toto complexu posteritati insistent. Mures igitur ex putredine nascuntur (quod de aliis idem sensendum) vel quia sordibus primordia à

progi-
nentur.

Z

muri.

muribus relicta inerant: vel quia terrestres particulæ calore agitatæ ita concreverunt, ut primum earum rudimentum component, ex quo cætera sensim progenita sunt.

III. Vermes intra fructus progengerantur, & *Qui ver-* *musca*, quæ in æstate adeo numerosæ sunt, *mes intra* nullo concubitu efformantur, quum toto *fructus* muscarum genere destructo, nullæ supersint, *efformantur.* quæ illas producant.

Vermes intra fructuum pulpas nascuntur, non sponte, quasi nihil in fructu præfuerit, ex quo oriri possint, sed semine præmisso, dum scilicet floribus *apes* aut *musca* insidentes, quædam semina post se relinquunt, quæ intra fructus intercepta, urgente calore explicata sunt, & in vermes abierunt. Ita non spontaneo motu *musca* prodeunt, sed coitu præmisso, ovisque editis, quæ in terra promiscue dispersis, calore verno postmodum fotis, natæ sunt. Quippe si *Plinio* credimus, *musca* sicut & *formica*, *scarabei*, *apes*, *apes*, *aranea*, *vespa* & similia animalcula congregiuntur & commixtione generant. Quod hoc maxime argumento probatur, quod annis quibusdam *musca*, *locusta*, &c. copiosiores sunt, magisque agros depopulantur, ac Homines infestant: Quod certe aliunde oriri non potest, quam quod clementi hyeme conservata sint semina, & parvam ex frigore aut telluris humore cladem subierint. Hinc *Plinius* lib. decimo cap. 65. Unde vis tanta missæ *pupulæ* tantum agrestium, ita præsertim occidentis deinceps multitudine, ut nec exanimas reperiantur.

ent, neque exstet, qui matrem hyeme in agro deso-
derit. Nisi quia semine propagantur, & co-
ram primordia in terra derelicta sunt.

IV.

Quædam Animalia ex vento nascuntur, ^{An equi}
ut de Hispanicis, & Cappadocicis equabus, ^{in Lusit.}
Plinius refert, lib. octavo cap. 24. Constat ^{Vento}
inquit, in Lusitania circa Obysiponem oppidum, ^{nascun-}
& Tagum amnem, equos sævæ flantæ obver-
sas, animalem concipere spiritum, idque parvum
fieri, & gigni perniciosissimum, sed triennium vi-
væ non excedere. Cui favet Siletius Poeta lib. 3.

Hic adeo cum ver placidum, statusque tepescit,

Concubitus servans tacitos, græcæ prostat equarum,

Et venorem occultam genitali concipit aura:

Sed non multa dies generi, properasque senectus.

Id quidem à veteribus creditum est, sed ve-
teor, ne non satis exacta indagine; quippe
peragi generatio non potest sine maris & fœ-
minæ interventu; ni forte Hippomanes pro
fœtu accipiat, quod equi, dum vento ex-
ponuntur, emittunt. Ego Londini degens Lu-
sitanos quosdam rogavi, an verum esset quod
de Lusitanarum equarum fœcunditate Anti-
qui Authores prodiderunt, an tantum apud
eos Ventus valeret, ut viventium pater dici
mereretur. Ex iis nonnulli rem se penitus
ignorare profitebantur. Alii, quos forte ve-
terum lectio ad veritatem indagandam solli-
citarat, asserabant, audiisse quidem, equos
interdum informes quasdam massas carneas
enixas esse, sed quæ nihil omnino equina forma
haberent similitudinis, Idque etiam raro, &

Z 2

non

non nisi cum nimium saginantur & nimia coeundi cupidine æstuantibus mares dene-
gantur. Unde mirari subit *Plinium*, *Columel-
lam*, & alios accuratos rerum naturalium
scriptores hanc genituram pro certissima di-
vulgasse, quam ipsi haud observarant, nec
satis firmis testimoniis assertam publicarant.

V. In Cypro insula, ærariis fornacibus, ubi
Pyrausta chalcides lapis ingestus plurimis diebus cre-
nascun- matur; bestiolæ *pyrausta* nomine in medio
tur in igne nascuntur pennatæ, paulo *muscis* gran-
flammeis. dibus majores, quæ per ignem saliant atque
ambulant. *Aristoteles libro quinto Histor. Ani-
malium, cap. 19.*

Proveniunt *pyrausta* non ex simplici ignis
substantia, sed ex terrestri aliqua materia
chalcitidis vaporibus admixta. Quippe facile
mihi persuaserim, chalcitidem in fodinis ex
quodam succo coagulari, quo veluti vehicu-
lo quædam semina *pyraustis* generandis ido-
nea, ex vegetabili aliquo corpore esse pro-
fecta. Adeo ut *pyrausta* ex pingui *humore* me-
tallicæ materiæ admisto procreentur, quæ
ideo intactæ in igne vivunt, quoniam ea est
materiæ, qua constant, temperies, ut ignem
diu patiatur & *Adianti* adinstar, flammarum
vires eludat,

ARTICULUS SECUNDUS.

De Animantibus ex semine productis.

I. QUædam Animalia unius tantum sexus
esse existimantur, & absque maris ad-
mi-

miniculo generare, & fœtum emittere; ut de *Rubellionibus* & *Passeribus* inter pisces refert *Aristoteles* quarto *Hist. capite undecimo*. Qui dum capiuntur, omnes ova habere deprehenduntur. Item de *Testaceis* jactatur, quæ proprio semine impregnatur, & citra coitum sibi similia procreant & enituntur.

Qui *Aristoteli* patrocinantur, & quæque ejus scripta defendunt, non ægre admittunt rem ita se habere, quoniam sic ille censet, sic scribit. Nos vero, qui veritatem *Aristoteli* præferimus, nihilque amplectendum esse ducimus, quod cum ratione & experientia non consentit, illud ut fabulosum rejicimus; quum inculpatæ fidei homines noverimus, qui *Rubelliones* sine ovis aspexisse se asserant, & *Passeres* inter se commisceri. Enim vero rationi adversatur animal se solo propagari, & sine alterius opera suam protrahere propaginem. Unde facile crediderim, *Aristotelem* id recitasse, non tam propria ratione aut experientia innixum, quam piscatorum fide, quos ad piscium indolem detegendam conduxerat. Idem de *Testaceis* est opinandum, cum plurimi testentur, se *buccinas* & *purpuras* congregi vidisse; imo certis quibusdam temporibus convenire ad rem generationis peragendam.

II.

Catuli nonnunquam parentum defectus referunt, & ipsis per omnia assimilantur. *Catliparenem* proponit *Gassendus*, quæ catulos integros trina, postquam deinceps habuit lapidis istius confractum, catulos omnes edidit claudos. Mulieris

ris ejusdam à se in Barbaria visæ meminit *Eques Digbaus*, quæ duos in sinistra manu pollices habebat, campuellæ quatuor, quas pepererat, in hoc vitio imitabantur.

Una apud medicos horum ac similitum effectum causa adfertur, nempe *seminis* ex omnibus corporis partibus defluxus. Quippe cum sanguis motu perpetuo per corpus Animalis deferatur, ambigi non potest, quin portio ejus subtilior, quæ generationi est subiecta, omnes ejus partes permeando, ab unaquaque illarum concoquatur, & quodam peculiari modo afficiatur. Adeo ut singulorum *qualitates* induat, & secum ad *Cor*, ad quod proficiscitur, devehat, in quo ab aliâ crassiori secernitur, & in receptaculis à natura destinatis reconditur. Et illud semen est, quo Animal ad sui similitum generationem utitur. Unde si contingat Animal, ex quo spermatica illa materia elicitur, membro aliquo carere, aut partis alicujus exuberantia onerari, nulla illius membri virtus sanguini inerit, ac proinde foetus mutilus nascetur, & certa aliqua parte destitutus. Si vero Animali partes multiplicentur, ut in *Afra muliere* memorat *Digbaus*, aut exuberantia succrescat, deformitatem quoque in foetu adferet; nisi hæc redundantia alterius parentis semine temperetur, aut sanguinis superfluitas castigetur.

III.

Cur fa-
mina an-
te prole-
ntes
maris

Fœminæ (quarum nomine non mulierum modo, sed & *equæ, vacca, oves, suæ, canes*, cæteraque viviparâ intelliguntur) quibus

men-

menfes non profluunt, conceptui sunt in idonea. ^{non concipiunt.} Unde illæ, quas menstruus sanguis defecit, steriles fiunt, & omnem fecunditatem deponunt.

Ratio est, quod conceptus tunc temporis alimento caret, & semen in utero non satis firmiter adhæreseit. Quippe vasis obleratis vulva lævis efficitur, & injectum in eam semen illico defluit, nec satis coagulari potest. *Aspera* enim magis humorem continent, & ægrius apprehensa relinquunt. Unde feminae, quibus sicci aridique sunt uteri, liberis procreandis sunt inhabiles, quod genituram retinere non valeant, nec sufficienti sanguine madescunt. Menstrui enim stillicidio vulva irriganda est, ut impleri queat, & semine concepto in fructum intumescere. Hinc feminae inceptis mensibus, vel præcipue cessantibus, citius impregnantur & concipiunt; Quoniam tunc humore quodam roscido *utero* madeseit, & semen facilius allicit, & retinet.

IV.

Puellæ, quæ tempestive concubitum admittunt, quæque non satis adhuc firmo corpore congregiuntur, *feminas* potius quam *mares* generant: sicut & ætate provecæ mulieres, & quæ aliquantulum in *senectutem* vergunt. ^{*Puella, & seniores feminae potius quam mares præcreant*}

Conceptionis hujus causa in caloris defectum refundenda est, qui in novellis mulieribus & senescentibus imperfectus est, & æstum virilem non æquat. A diversis enim *feminum* viribus *mas* aut *famina* provenit, & prout unum in aliud dominatur, varius sexus nascitur. Hinc si muliebri semine

terum enim quodammodo complectitur, ac concludit. Hincque plærumque fieri solet, ut unius tantum lineamenta prætendant, si vero æqua fuerit ex pari semine permixtio, figuras quoque misceri, ut *soboles illa communis*, aut neutrum referre videatur, quia totum ex altero non habet, aut utrumque, quia partem de singulis mutuata est.

VI.

Matronæ *Hollandica*, ut animadvertit *Le-* Unde sic
ut in Hol-
landia
bifurca-
tis labris
infantes
sapient
nascuntur.
minius, ex leporis obtutu infantes edunt, labello supremo bifido, ac bifurcatim dissecto. Simili ratione nonnulli simis existunt nari-
bus, ore distorto, labris indecore promi-
nentibus, totoque corporis habitu deformi.

Id oritur, quod mulier conceptus ac gestationis tempore, oculis totaque mente ac cogitatione in monstrosas quasdam species fuerit defixa. Ea enim est *Imaginationis* efficacia, ut, ubi aliquid mulier defixis oculis intuetur, aliquid conspectis aut cogitatis cognatum efformet. Sic mulier illa, quæ abjecto pudore, dum maritus abesset, alteri se submitit, infantem edidit non adultero similem, sed absentis mariti imaginem prorsus referentem. Cujus causam lepide *Tho. Morus* hoc epigrammate describit,

*Quos ante conjux quatuor
Natos Sabine protulit,
Multum ecce dissimiles tui,
Tuos nec ipse deputas.
Sed, quem tibi puellulum
Enixa jam nuperrime est,
Solum tibi similem.*

Pro quatuor complecteris,
 Adulterinos quatuor
 Vocas, repellis, abdicas.
 Atque graves, tradunt Sophi,
 Quodcumque Matres, interius
 Imaginantur, fortiter,
 Dum liberis, datur opera,
 Ejus latenter, & notas
 Certas & indelebiles.
 Modoque inexplicabili
 In semen ipsum congeri,
 Quibus receptis intima
 Simulque concrenentibus
 A mente matris insitam
 Natus, refert imaginem,
 Quum tot abesses milibus,
 Dum gignit, uxor quatuor,
 Quod esset admodum tui.
 Secura, dissimiles parit.
 Sed unus omnium hic puer,
 Tui refert imaginem,
 Quod mater, hunc dum concipit,
 Sollicita de te plurimum,
 Te tota cogitaverat,
 Dum pertimescit anxia,
 Ne tu Sabine incommodus,
 Velut qualupus in fabula
 Supervenires interim.

VII.

Quae
 nascuntur
 Hermaphro-
 diti

Androgyni seu alio nomine *Hermaphroditi*
 aliquando nascuntur, qui utrumque sexum
 participant. Frequentes inter barbaros esse,
 praesertim in *Virginia*, *America* Provincia
 referunt *Historici*, quibus ob robur corporis,
 Indi

Endi veluti jumentis ad Regum suorum annonam portandam utuntur.

Cum ex seminum victoria masculus foeminae generetur, videtur *Hermaphroditorum* origo æquali eorum vigori esse tribuenda, dum nimirum utriusque parentis genitalis materia tanquam in libra collocatur, & neutrum alteri præponderat. Nam sicuti *mas* generatur ex prædominante viri semine, *femina* vero, dum muliebri semen prævalet, & masculinum absorbit; Ita *Hermaphroditis* progignuntur, dum utriusque genitalis materia æqualis est, & pari robore pollet ac commiscetur. Unde credendum est, eos populos, & quibus passim *Androgyni* emergunt, plurimum *feminis* emittere, & æquam maris ac foeminae esse superfluitatem, dum hujusmodi vitiosi infameque conceptus efformantur.

ARTICULUS TERTIUS

De monstris.

Belluæ nonnunquam *bicipites* generantur: ut de *Porco*, *agno*, *visulo* refert *Licosthenes*. Imo in pago quodam, qui ad Argentinensem Episcopatum spectat, *Sugenheim* nomine, *Anser* monstruæ plane formæ in ovo inventus est, duobus capitibus, totidemque linguis, collo unico, quatuor pedibus, quorum duo eum locum occupabant, ubi in aliis alæ emergunt, reliqui vero circa podicem apparebant, alæ vero duæ circa collum expansæ. *Licosthenes* anno Domini 1496.

*Idem
unde
aristoteles
monstra*

Talium

Talium monstrorum origo, ex feminis copia, & *superfluitate* deducitur; dum scilicet genitalis materiæ portio ad caput, aut membrum aliud efformandum destinata, in plures partes dividiur, & multis ejusdem formæ delineandis inservit: Quod potissimum fit, dum *semina* non simul subeunt, sed unum alteri superinducitur; quæ cum in utero confundantur, necessum est, ut illa coalescant, & à se mutuo separentur. *Caput* autem præ cæteris aliis corporis partibus excrescit, quoniam spermatica materia, quæ illi effingendo inservit, abundantior est, utpote quæ ex capite derivatur, & ex illius nutritionis alimento est residua. Sic seminis superfluitas multiplicium in *Anfere* membrorum causa fuit, quod cum uni efformando nimium esset, & duobus non sufficeret, in partes alias erupit & discriminatum est.

II.

*Quomodo
gemini
nascuntur
inter se
conjuncti*

Gemini aliquando nascuntur corporibus in unum coniunctis. *Constantia* ad locum *Acronium* duo infantes, masculus & foemina, duobus capitibus, quatuor brachiis, totidemque pedibus, nembris omnibus absolutis, sed circa umbilicum conjunctis corporibus nati sunt. *Licosthenes* anno 1063.

Hic *hic* corporis foetus non ex redundantis materiæ influxu tantum, sed & ex ipsa uteri angustia oriri potest; dum aliqua seminis portio, quæ situ ab alia secreta, in membrum corporis aut *embryonem* ab alio distinctum compingi cœperat, ob spatii angustiam, alteriusque vicinæ partis compressionem, incre-

crementum accipere non valet. Unde necessarium est, ut magnitudine debita careat, aut alteri membro connectatur & adhærescat. Sic provenit ut, *Gemini pulli* ex ovis nascantur, non bicipites modo, sed & toto corpore impliciti: Quia cum *vitelli*, ex quibus procreantur, gemini sint, & communi *membrana* involvantur, non possunt non inter se uniri, & veluti unum componere. Idem in *fructibus* contingit, si in arctis locis excipiantur, priusquam ad debitam magnitudinem pervenerint. Unde apparet, quàm inconsulte agunt *matres*, quæ toto gestationis tempore, domi inertes & otiosæ degunt, & cruribus decussatis, deflexoque nimium in genua corpore, acus operibus incumbunt, & foetus suos nimia compressione fatigant. Quippe illa corporis contractione, non raro *obstipos*, *gibbosos*, *loripedes*, membrisque aliis *distortos* infantes generant & enituntur.

III.

Nascuntur interdum infantes absque manibus & pedibus, quorum loco aliqui demissam cuspidem habent: ut *ille*, cujus mentionem *Aldronatus* facit, qui à vertice ad hypochondria, humanam figuram referebat, ab *umbilico* autem relicta hominis figura, in formam pyramidalem terminabatur, referens in cuspide similitudinem caudæ suis implexæ.

Causa hujus deformitatis à materiæ seminalis defectu petenda est, quæ cum in principio formandis omnibus corporis membris non sufficeret, ad quæ effingenda destinata est;

est; residuo interius ejus corrupto, aut si quid superfluit: adeo tenue & exiguum fuit, ut firmum membrum componere non valens, in exiles quasdam & foetui indecoras abjerit.

IV.
Interdum
fusa
informes
aut loco
procreantur.

Mulieres, quæ oras *maritimas* incolunt, rudem sæpe numero, atque inelaboratam massam, quæ *ferri* aciem respuit, proferunt: imò non raro quiddam specie difformi, quod palpitet, ac vitale existat, formamque inchoati operis obtineat. *Linnæus* de occultis naturæ mirac.

Insueti hujus partus rationem idem *Linnæus* refundit in virorum incontinentiam, qui mulieres indebito tempore ineunt, & non observato à natura cursu congregiuntur. *Nauta* siquidem, ubi ex longa diutinaq; peregrinatione, in portum sunt delati, contestim uxores subigunt: nulla habita *mensura* decursus ratione, quo tempore congressus noxius esse solet, ac perniciosus: Quippe tunc semen, ut dictum est antea, coalescere nequit, nec debite cum mulieris sanguine uniri. Quo fit, ut genitura destituat, vel si omnino coherere contingat, non possit natura nisi confusam maleque coherentem materiam elaborare. Aut si quid efficere tentet, operique manum admoliatur, *monstruosam* quandam *formam*, ab hominis specie prorsus alienam embryoni inducat. Quamobrem non est, quod quisquam magnopere miretur, unde tot *monstruosi* partus, tot deformes hominum *species*, tot passim *vari distorti, mutili*; cum non aliunde quam ex enormi concubitu, atque intempestiva venere

hæc proveniant; vel potius ex vitioso corruptoque progenitorum semine in posteros deriventur.

V.

Moguntia duæ puellæ natæ sunt, in vertice frontæ tenus *inseparabiliter* connexæ, seseque mutuo inspicientes, quæ simul gradiri, somnum capere, & è lecto surgere cogebantur. Ambæ ad annum *decimum* vixere, sed una prius moriente, alia ab ipsa ferro avulsa, post paucos dies etiam extinguitur. *Münsterus in Cosmogr.*

Duæ puellæ Moguntina frontæ sine adhærentes.

Hujus monstri causa, alteri rei, meo iudicio, tribui non potest, quam secundinarum, in quibus involvebantur, fracturæ, ex qua utriusque caput cohæsiō consecuta est. Quod quis facile admittet, si eventum, qui huic monstro occasionem dedit, perpendat. Duæ mulieres inter se sermones miscebant, quarum uni uterus tumebat; superveniens inopinato altera, apprehensa utriusque capita concussit, & inter se collidit: quo facto prægnans terrefacta embryoni percussione notas induxit. Potuit enim *imaginatio* collisionis effigiem, spirituum animalium opera, ad tenera puellarum corpuscula devehere, & ita utriusque capita afficere, ut inter se quoque colliderentur, & membranæ, quibus à se invicem disjungebantur, frangerentur, & frontes se immediate contingerent. Unde adhærentia illa in posterum perseverante, & membris illis alimento incrementibus, puellæ ita inter se connexæ sunt, ut separari amplius nequirent.

ART.

ARTICULUS QUARTUS.

De Partu Animalium.

I.
Unde ori-
tur abor-
tus in
mulieri-
bus.

Contingit haud rarò; foeminas *immaturum* foetum edere, & ante tempus à natura praestitutum effluxum pati aut *abortum*.

Fit *effluxus*, dum seminalis materia, primum dies aliquot coalita, ob uteri laevorem, ac lubricitatem praematurè delabitur & effluit. Sic indigestum quiddam ac futuri tantum foetus adumbratio decedit, ad *salicis* istius modum, quam *Plinius Fragiperdum* appellat, quæ semen amittit, priusquam omnino maturitatem sentiat. *Abortus* autem fit variis modis, interdum ex parte infantis, dum *cotyledones* adeo infirmæ sunt, ut acetabula cito frangantur, vel *membrana* illum involventes ita tenues, ut praeproperè diffringantur, & humoribus erumpentibus, langueat foetus & deficiat. Aliquando ex parte *igestantis*, si debilioris quàm par est naturæ sit, & tanto oneri ferendo non sufficiat. Nonnunquam etiam subita aliqua consternatione aut noxia aeris temperie: Quo pacto censet *Alianus* mulieres in plagis *Australibus* magis abortui obnoxias esse, quàm quæ *Septentrionales* incolunt, quod illic artus magis laxentur, & quæ ad partum cunducunt, partes facilius solvantur.

II.

Unde Vipe-
ra disse-
ctis late-
ribus
vibrat.

Vipera non nisi enecta foetus edit, quippe catulos tertia die intra uterum includens, singulos diebus singulis parit viginti ferme numero. Itaque ceteri tarditatis impatien-

tes

tes prærumpunt latera & matrem interimunt.
Unde Mantuanus,

— *Et moriens infausto vipera morfu.*

Id ab *Herodoto* ad nostra ferme tempora proindubitato habitum est, *Viperam* nimirum matrem in coitu exanimari, capite in os *fœmina* exserto & præ voluptate ab eo exciso. Deinde fœtus intra se excludere, qui ejus uterum lacerant, & abroso demum pectore in lucem erumpunt. Verum, hujus contrarium illi experiuntur, qui *viperas* in vasis vitreis asservant, aut illas in vivariis, pharmacis suis componendis alunt. Hanc fabulam ex eo originem habuisse suspicor, quod *vipera* in membranis suis circumseptæ nascantur, quas cum aliquæ non nisi post diem tertium à partu effringant; aliæ autem illis intra uterum exuantur, *membranam* nonnulli pro *utero* sumplerint scripserintq; , viperarum *casellos*, earum latera percurrere & matri mortem corrosione adferre. Verum est, quod *Aco* pisci venter, dum parit, ob piscium multitudinem dehiscat, sed non id catetellorum morfu peragitur, sed solius cutilaris rimæ apertura, sub imo ventre delitescens, qua contra aliorum piscium morem *alvus* ejus distenditur, dum prægnans est, & in qua ova sua recondit. Quippe *Rondeletius*, *Antiochia* edoctus, testatur, dum hujusmodi piscem secaret, se in illa rima plurima ova invenisse: imo in duobus aliis, cum rimam inspiceret, ova quædam deprehendisse jam exclusa, pluresq; alios fœtus jam perfectos,

A a

quo-

quorum nonnulli grandiores movebantur, alios adhuc imperfectos, quorum oculi & rostra tantummodo deprehendebantur. Ex quo colligi potest, *Acum* non tam *casulos* parere, quam illo aditu laxato expellere: & *viperam* catellorum partu nihil detrimenti pati.

III. Animalia certum & determinatum parienti tempus servant. *Elephantes* enim biennio utero gravescunt: *Eque* viginti & duobus mensibus: *Cameli* duodecim: *Vacca* decem: *Oves* quinque: *canes* duobus, &c. *Aves* definito tempore à suscepto semine fetus emittunt: *Mulieribus* quoque nonus & decimus parienti mensis assignatur, quod spatium si prætervehatur, partus non naturalis aut legitimus existimatur.

Communis horum omnium est causa, quod partus jam grandior, non sufficienti alimento satiatus commoveatur vimque faciat, ut uberius nutrimentum sibi comparet: Tum etiam quod arctis limitibus inclusus & *membranis*, quibus involvitur, nimium compressus, carceris sui parietes concutiat & libertatem acquirat. Quod non in grandioribus duntaxat *animantibus* & *vivipatis* contingit, sed & in *oviparis*. *Pullus* enim in ovo reclusus, quum vitello alatur, eo absumpto comparare aliud molitur, & putamine *matris* *tunsonibus* effracto, sponte egreditur. Sic ovum à *gallina* utero erumpit, dum formatione perfecta, ita uterum gravat, ut eo quodammodo irritatus, nitatur illud propellere, & ab importuno onere se liberare.

Cuncta

Cuncta Animantia, si juxta naturam nascuntur, inversa deferuntur, & in caput pro-

IV.

Cur ani-
mantia
capite de-
missa na-
scantur.

na os utri aperiunt.
Ratio est, quod corporis pars ab umbilico ad caput multo ea sit ponderosior, quæ ab eodem umbilico inferne demittitur. Cumque graviora propendeant & loca humiliora sponte petant, necesse est, ut infantis caput ad uteri orificium primo deducatur; sicut è duabus lancibus gravior declinat, altera ad locum superiorem tendente. Quod si aliter eveniat, partus ille non naturalis dicitur, quasi naturæ ordinem pervertat. Ut dum pedibus ad exitum accedit, vel uno tantum pede porrecto, alium ad latus inflectit, aut dum una manus vel ambabus matricis orifice offert, &c.

V.

Censent antiqui Medici partum septimo mense, five infantem mense septimo natum, vitalem esse, octavo mense autem ut plurimum mortuum.

Cur vi-
talem
septimo
non au-
tem octa-
vo mense
vitales
sint.

Hujus causam Hippocrates septem planeta- rum ordini attribuit, qui rebus humanis præ- sident, & alternis vicibus dominantur; adeo ut secundum illum primus mensis Saturno respondeat, secundus Jovi, & sic de aliis usque ad Mercurium, qui planetarum est infimus; quo circuitu peracto denuo ad Saturnum revertendum est, qui cum frigida sit indolis, & viribus deficiat, mirum non est, si foetus octavo mense editus vitalis non sit. Verum unde Hippocrati illa errantium siderum potentia constat? In quo vis tanta consistit?

Quibus instrumentis involutum membranis infantem impetunt? Sed quia hæc ut sapientis seu potius vigilantis *somnia* esse existimo, magis *Plinio* ad stipulor asserenti, contrarium in *Agypto* accidere, & nihil in ea regione familiarius quàm *octomestres* partus vivere. *Casoniam* Cæii principis uxorem in exemplum adducit, quæ in mense octavo in lucem edita est. Huic sententiæ favet *Cardanus*, qui *Cardinalem Sfondanum* & alios refert octimestres genitos esse, & longam etiam posthac ætatem duxisse. Quidni potius eo mense maximè vitales esse asseratur, quum vigorem potius testentur, dum ordinatum à natura tempus anticipant, & diutius carcere includi dedignantur, nisi maternæ infirmitatis id vitium sit & irritato nimis utero partus acceleretur.

ARTICULUS QUINTUS.

De Fame & Siti.

I.
Cur A-
niman-
tia ali-
quando
fame &
siti tor-
quean-
tur.

Omnia Animantia fame interdum torquentur, & si *Chamæleon* excipiat (penes authores sit, quod de illo asseritur) qui nec cibo nec potu alitur, nulla sunt, quæ non ventriculi vellicationem sentiant, vel exueas fauces experiantur.

Frequentis hujus molestiæ causa est, quod in ventriculum magna *acris* cujusdam *liquoris* copia defluit, qui illuc è corde per arterias delatus, ad modum Aquæ fortis, inter manducatorum ciborum particulas irrepit, & illos

los diluendo, *chylum* componit. Cum vero humor ille nullos in ventriculo cibos diluendos invenit, vim suam in *membranulas*, quibus ventriculus constat, exerit atque hoc pacto *nervos*, quorum extremitates hisce membranulis adhærent, eo agit modo, quo ad *esuriæ* sensum efficiendum requiritur. Unde mirum non est, si ventriculo inani, consumtisque nativo calore cibus, fames succedat, & animalia ventris corrosionem sentiant. Pari ratione Animalia *bibendi* cupiditate ducuntur, dum *serum* sanguinis, quod per arterias ad ventriculum & guttur sub aquæ specie affluere solet, & ita illas partes humectare; interdum etiam sub *vaporis* specie advenit, atque ita guttur & *Oesophagum* exsiccat, eademque opera nervos eorum eo modo exagitat, quo ad bibendi desiderium excitandū requiritur. II.

Intereos, qui *febris* laborant, difficilius ii *Febris laborantes* sanantur, qui cibos appetunt, quiq; suo morbo magis edaces redduntur. Hinc medicorum observatio, diurnas esse febres, quæ *difficilior* sanantur, si sint *famelicos* homines efficiunt; breviores autem, *famelici*, quæ *siticulosos*.

Ratio est, quod *siticulosi*, affuso liquore facile imitescunt, qui cum sudore extra corpus transmittatur, nihil residuum post se relinquit, quo febris alatur. *Famelici* vero, & quibus febris acido falsoq; humore accenditur, cum in cibum nimis avidi sunt, stomachum cibis fatigant, & ita morbum alunt. Irregularis, est ciborum appetitus, nec semper eodem tenore nos movet.

III.

Unde acci-
dit, ut
aliquan-
do nullo
co, rendi
da fiderio
tenean-
tur.

Accidit sæpe ut bene etiam valentibus nulla insit ciborum cupido, & diu sine ullo dolore impasti maneamus.

Variis ex causis contingere potest hæc inappetentia, interdum *obstructionibus*, dum liquor *famem* generans arcetur, & omnis illi ad ventriculum aditus denegatur. Aliquando frigidis quibusdam ac glutinosis *humoribus*, quibus vis eius retunditur, impediturq; ne vim suam in membranulas excerceat. Nonnunquam corrupto sanguinis *temperamento*, quo fit, ut ille acer succus ab arteriis in ventriculum impulsus degeneret, & diversæ sit à solito naturæ. Quippe iis assentiri nequeo, qui famem à liquore è liene veniente fieri autumant: Nam brevis *vasis venosi* ligatura, quæ inter ventriculum & *lienem* interjacet, sua intumescencia in vivo animali obstat, ne aliquid ex liene ad *ventriculum* effluat. Id quoque valvulæ in venoso illo vase existentes ostendunt, cum ita sint dispositæ, ut aliquid quidem è *ventriculo* in *lienem* transmitti possit, non autem ex liene per venas aliquas in ventriculum effluere.

IV.

Aliqui
cur sent.
per cibū
appetunt.

Sunt, qui vix cibus saturantur, & nova semper edulia concupiscunt, cujusmodi sunt illi, quæ *canina* famē ducuntur. Meminit *Frisius lib. 1. Cosmocris. cap. 7.* mulieris cujusdam sua ætate adeo grandævæ, quæ ne ad momentum quidem absque ciborum ingestione vivere potuit, quin illico anxia supra modum exiliret, & tanquam injecto laqueo strangulanda quamprimum videretur. *Maximianus Imperator*

ralor

rator, qui Alexandro Mammeæ filio successit, quadraginta carnis libras die uno esitabat, viniq; amphoram, hoc est, octo congios hauriebat.

Potest illa voracitas ex duabus causis procedere: *primum* quod tanta sit acidæ succi in ventriculo copia, ut licet alimentum ingeratur, adhuc tamen adeo acer pungensq; remanet, ut ab eo stomachus corrodat, & vehementem adhuc vellicationem sentiat. Cum autem cibus in ventriculo, non eo, quo par est, modo solvitur, fit, ut corruptus ille *chylus* plerumq; per os regrediatur, & tenquam inutile ac onerosum alimentum egeratur. *Secundo*, potest indefessa illa cibi cupido à vermibus oriri, qui in ventre scatent, & non continuo pabulo alantur, ventriculum mordent & variis ictibus pungunt. Ut de muliere quadam narratur, quæ, postquam duodecim digitorum *vermem* excrevisset, esurire conquevit: Et alia desit, postquam *centum* excrevisset vermiculos.

V.

Quidam dies aliquot nulla fame laborant, & quamvis inani stomacho, nulloq; per nares aut aliunde adhibito refrigerio, nullum cibum appetunt, & *jejuni* diu citra aliquam molestiam permanent.

Qui sit ut aliqui absque cibo & sine edendo desiderio maneant.

Hoc illis provenit, quod liquor ille, qui suo acore *membranulas* afficit, nimium dilutus sit, quam ut vellicare ventriculum possit. Vel quod id temporis possit à sanguine puro recedere, vel in sudorem abire, vel per transpirationem insensibilem, vel per urinam. Qua ratione confirmari illa *Historia* potest

de quodam *Homine*, quem sub terra tribus septimanis conditum fuisse referunt, hausta tantum propria urina vitam tuitum esse: Nam cum sub humo latens concluderetur, sanguis ejus per transpirationem insensibilem minus quàm in aere libero minuebatur, arctiusque intra venas recludebatur.

VI. *Mulieres pręgnantes* primis pręsertim tri-
Mulieres bus mensibus, cum nimirum vomitus acce-
pręgnan- dunt, & fętus minus absumunt, insolito-
tes insola- rum ciborum usu delectantur. Nonnullę *ster-*
tus cibus coribus vescuntur, alię *corium*, alię ex vesti-
se sentur. mentis fila, lacertas, carnem crudam, librorum
 corsees devorant.

Insoliti hujus appetitus causa ex ipsius famis ratione deducitur ; nam cum liquor , qui ex *sanguinis* massa , per arteriarum extremitates, in *stomachum* continuo illabitur, in illum, ciborum defectu , ut dictum est, vires suas convertit, nervorum ejus filamenta solito vehementius agitando. Si vero *humor* ille ejus sit temperamenti , ut vires suas in certos quosdam cibos exercere valeat potius quam in alios , ad eum modum quo *aqua fortis* facilius metallum dissolvit quam ceram ; singulari quâdam ratione stomachi nervos afficit. Unde fit, ut *anima* in hos potius quàm alios cibos feratur , & vehementiori desiderio appetat, quòd alias respueret & averfaretur.

ARTICULUS SEXTUS.

De motu Cordis, è Sanguinis circulatione.

Cor corpori exemptum diu Animantibus palpitat; & motum sensibilem præferet: Imo si in partes disseccetur, aut in minora frustra dividatur, non statim motum suum amittit, sed aliquamdiu pulsatur, præsertim in *piscibus*, quorum Cor diutius agitur, quàm Animallium terrestrium.

I.

Cur cor
piscium
à corpore
a pulsione
& dissec-
tione mo-
veatur.

Quidam hunc motum ab animæ facultate proficisci existimant, cujus vim Cor à corpore ablatum intrinsecus servat, & aliquamdiu retinet. Verum, quo pacto humanum cor *pulsationem* suam ab *Anima* mutuari potest, cum illa indivisibilis sit, & partes à corpore sejunctas non attingat? Satiùs hunc motum *sanguinis* intra cordis fibras contento acceptum referimus, qui in corde oculis etiam sæpe deprehenditur, vel intra ejus fibras delitescere supponendum est. Pauxillum enim sanguinis ex una cordis parte in aliam tantillo calidiorem illapsi, huic pulsationi efficiendæ sufficit. Imo quo minor est liquoris alicujus copia, is eo facilius rarefcit & dilatatur. Nam sicuti quædam corporis nostri membra, eo facilius *motum* aliquem repetunt, quo frequentius eam antea exercuerunt: sic *cor* quoniam à primo suæ formationis momento, continua reciprocatione *diastoli* & *systoli* assuevit, minima vi ad hoc continuandum impelli potest. Unde, quum nonnullæ sanguinis reliquæ in exemptis cordibus semper dilabantur, sit, ut

II.

Arteria
pulsus si-
stitur im-
misso in
ea cala-
mo aut
Stula.

is calore dilatatis, aliquamdiu pulsant, & vicissim intumescant, & deprimantur.

Si quis arteriæ *solidum* corpus aliquod intrudat, ut via sanguini occludatur, illico Arteriæ motus cessat: imo si incisæ arteriæ *fistula* argentea, aut *calamus* indatur, & arteria subinde vinculo super arteriam constringatur, idem plane effectus sequetur, quamvis illum sanguis permeet.

Prioris experimenti ratio evidens est, quia arteriarum pulsus a sanguine fit rarefacto: per vices, in arterias defluente: dum nimirum sanguis arteriæ magnæ Cordi proximæ partem occupans, totum alium sanguinem in ea, ejusque ramis contentum protrudit, & conculcit. Corpore autem crasso in arteriam detruso, sanguinis cursus impeditur, & illa sanguinis portio *aortam* ingrediens, alias in ea contentas partes trudere non valet. Quoad *secundum* experimentum distinctione opus est, ut rite explicetur; aut enim tubus arteriæ injectus, tantæ crassitiei est, ut totam arteriæ capacitatem oppleat, & ita internæ ejus superficie ei connectatur, ut in sanguine innatare non possit, & intus tam angustam cavitatem habeat, ut non nisi ægre a sanguine penetretur. Eo casu constat, *tubulum* etiam omni vinculo solutum, arteriæ motum sistiturum. Aut intrusus in *arteriam* tubulus, ejus est cavitatis, ut liberum sanguini transitum præbeat, & tunc sive vinculo constringatur, sive non constringatur, nullo pacto arteriæ pulsationem impiediet.

Venæ non pulsant, licet non minus quàm III.
Arteria sanguine oppleantur, & per varias *Cur Ge-*
na non
pulsant
sicut
arteria.
anastomoses illis jungantur.

Ratio est, quod venarum extremitates, per
 quas sanguis ingreditur, earum alveis, in
 quos defluit, angustiores sunt: Quo fit, ut ex
 angusto loco in latiorē transeundo, ma-
 gnā virium suarum partem amittat. Unde
 licet continuo affluxu *venas* implere possit,
 tumidasque reddere, non autem distinctis
 subsultibus agitare, qui ad sensibilem pulsa-
 tionem efficiendam sufficiant.

Si hominis *brachium* constringatur, adeo ut IV.
 venæ omnes, quæ eo tendunt, vinculi pres-
 sione, nullum amplius sanguini aditum præ-
 beant, *brachium* illud brevi temporis spatio
 supra modum inflabitur; sed posthac paula-
 tim detumescet, & si ligatura non solvatur,
 exsiccabitur, & arescet.

Venis *ligatis* *brachium* intumescit, & præ-
 ter solitum assurgit, quia sanguis ex arteriis in
 ipsas defluit, qui cum transitum non reperiat,
 non potest non illas inflare, & earum molem
 augere. Paulatim autem minuitur hic tumor,
 flaccescuntque *venæ*, quia sanguis in venis li-
 gatis stagnans, brevi tempore crassus effici-
 tur, & nimis diu vinculo venas premente, non
 ramuli venarum modo obstruuntur, sed &
 ipsarum arteriarum meatus occluduntur, im-
 pediunturque, ne amplius sanguinem in ve-
 nas transmittant. Unde *sera* sanguinis in iis
 contento per insensibilem transpirationem
 elabente, necessum est, *brachium*, detumescere,
 exsiccari & arescere.

Mor

V.

*Moribundi ali-
quamdiu inter-
dum Si-
gunt
sanguine
non flu-
ente.*

Moribundi interdum citra omnem sanguinis circulationem aliquamdiu vivunt: Id *Anatomici*prehendunt, dum cadaveribus dissectis venam cavaminanem, & omni sanguineo liquore destitutam sæpe inveniunt.

Id contingere potest per vasorum sanguini transmittendo inservientium contractionem. Nam licet sanguis *moribundi* in minoribus primum, & longe à Corde diffitis venis refrigeretur, calorisque defectu incrassetur, ac proinde solidus sanguinis motus ex arteriis in venas demigrantis sistatur: potest tamen vena cava non nihil calidi & fluidi sanguinis continere, quem se contrahens *cordi* tanquam fomitem ministrat, ad eum modum, quo *Vesica* porcina aëre distenta, ore ab ejus *urethra* amoto, spontanea contractione, aëris partem expellit, & foras agit. Quippe non nisi moribundus, cessante sanguinis circuitu extinguitur, cum omnis vitalis fomes in vena cava contentus, absumtus est, & omni propemodum sanguine *vena cava* eximitur.

VI.

*Cur Chi-
rurgi bra-
chium li-
gant in
vena se-
ctione.*

Chirurgi ad *Phlebotomiam* instituendam, brachium mediocri cum *adstrictione*, supra locum, in quo scissionem cogitant, ligant, quo venæ magis intumescant, & sanguis copiosius effluat.

Ratio apud eos luculenta est, qui sanguinis circulationem per corpus humanum fieri admittunt. Quippe vinculum, moderate adstrictum, obitare quidem potest, ne sanguis, qui jam in brachio est, ad *Cor* per venas re-
vertatur,

vertatur, non autem, ne novus semper ex *arteriis* in venas Cordis motu trudatur & affluat. Arteriæ enim infra venas collocantur, & durior est ipsarum cutis, quam ut levi arctio-
ne comprimi & deflecti queat. Accedit etiam, quod sanguis è Corde proveniens majori cum impetu per *arterias* ad *manum* pergere nitatur, quam inde ad *Cor* per *venas* re-
gredi.

VII.

Quædam animalia corde abscisso adhuc *Quomo-
do que-
dam ani-
malia
corde ex-
tracto
movean-
tur.*
moventur, ut lacertæ, anguillæ & similes. Vidi ipse ranam, quæ corde detracto, ali-
quamdiu substitit, & non nisi post horæ qua-
drantem extincta est, sive moveri desiit.

Ratio esse potest, quod motus in animali-
bus, ope *musculorum* fiat, sive subtiliorum earum sanguinis partium, quæ à corde ad cere-
brum per magnam arteriam commeant: cum autem magna earum copia in cerebri *ven-
triculis* existat, factum est, ut *trana* aliquamdiu duraret, cum dubium non sit, quin novi etiam spiritus ex sanguine in arteriis conten-
to effluerint. Capite autem truncato mo-
veri omnino desiit, quia nulli amplius spiri-
tus ex *arteriis* in musculos migrare potuerunt. Unde, si quæ animalium partes, capite ex-
secto, adhuc moventur, id à solis spiritibus proficiscitur, qui in ipsis musculis adhæ-
rent; ut in abscissis lacertarum caudis
cernitur.

ARITCULUS SEPTIMUS.

De Animantium actionibus.

I.
 Ut Ajatochilus
 ceruicem
 decipit.

Ajatochilus five *Tatus* in Brasilia cælo plente supinus cubat, & in ventre inter laterum crustas aquam colligit; coque in statu, imbre transacto, interdum per diem integrum perseverat: donec sitibundus ceruicem incaute occurrat, qui ore admoto humorem hauriat; quem ubi haurientem Ajatochilus sentit, se claudit, & duris laminis, quibus armatur, cervi labra & nares comprehendit, nec unquam quædam laxat, donec hinc & inde discurrentem & spiritus angustia fatigatum interimat. Non minor in vulpibus nostris astutia deprehenditur, quæ mortuas se simulant, ut gallinas anasesque ad se alliciant, & omni semoto motu, imprudentius accedentes arripiant, & devorent.

Multi iudicium brutis Animantibus assignant, licet imperfectum, & ut eorum nomine utar, *umbratile*, quo actiones suas dirigunt, & cogitationis specie; quæ meditantur, efficiunt; ea ratione ducti, quod lingua, auribus, oculis, cæterisque sensuum organis prædita sunt: ac proinde probabile esse, illa sicut & nos sentire, quia vero in nostro sentiendi modo perceptio five cogitatio includitur, similem quoque iis assignari debere cogitationem. Verum, non satis ad cogitationis naturam animadvertisse videntur, dum illam brutis Animantibus tribuunt: quippe non illa

corpori, sed soli menti propria est. Alioquin cætera animalia intellectu & voluntate donarentur, & non hominibus *æqualia* modo, sed & *superiora* asserere necessum esset; cum videamus illa solo intuitu objecta consequi, & id, quod moliantur, prima, qua tentant, vice obtinere, quod vix sapientissimis inter homines conceditur, qui longo duntaxat discursu colligunt, quæ ipsa simplici apprehensione cognoscunt & assequuntur. *Affectus* quidem in *Brutis* agnosco, quibus ad sua agenda impelluntur, non autem *cogitationem*, & provenientes ex illa cogitandi modos. Unde *Ajatochlo* contingere potuit, ut lassatus & sub dio quiescens delapsam aquam in ventre post pluviam contineret, ad quam hauriendam *Cervus* accedens *Ajatochlum* evigilaverit, qui subito expectatus constrictis laminis, *Cervus* buccam comprehenderit, & prædam nactus sit, cujus casus postea memor, sollicitante fame, eo artificio usus fuerit, ad novam prædam comparandam. Quæ certe omnia sine ulla *rationis* ope aut consilio, sed sola partium corporis dispositione, & *organorum* ordinatione peragi possunt.

II.

Canes amisso feræ vestigio consistunt, & si contingat plures seminas, exempli causa, tres occurrere, duabus odoratu exploratis, tertiam absque ulla hæsitacione ingrediuntur, velut non amplius dubitabundi, sed certi *feram* illac iter suscepisse.

Hæc actio, quæ aliquid rationis præ se ferre videtur, solius corporei organi est opus.

Canes

An canes
semitas
eligendo
discut-
rant.

Canes enim dum summo ardore *feram* persequuntur, contingere potest, ut primam semitam leviter indagent, ac proinde illa neglecta, ad alias explorandas se conferant; sed nullum in ipsis bestiae vestigiorum odorem percipientes, ad primam denuo, per quam *fera* elapsa est, revertuntur, in qua hausto odore, submoti omni cunctatione, ductum ejus sequuntur, & *feram* vestigant.

III.

Quomodo Cameli saltandi modum addiscunt.

Cameli, qui maximè musica delectantur, saltare docentur: visi sunt *Alcaici*, qui tripudia miscerent, & ordine servato, ad *tympani* sonum, interdum in orbem, interdum laxatis, disjunctisque corporibus moverentur.

Cameli hoc pacto instruebantur, cum adhuc juvenculi, tenerisque artubus essent: In hypocausto includebantur, cujus pavimentum calorem imbiberat, mox *atrabata* aut *tympanum* præ foribus pulsabatur; bestiae ob caloris molestiam alterum *pedem* exigebant, & motu continuo se agitare cogebantur. Sic continuato per multos menses hoc exercitio, ita assueti erant, & cum in publicum prodibant, liberoque aëri exponebantur, audito *tympani* sono, more solito pedes attollerent, & *saltationem* simili agitatione molirentur.

IV.

Unde vocatur Vociferitas in gallina.

Gallina cum pullos vocat, *crocitat*: cum pullos ad fugam ob milvum hortatur, *extendit vocem* in longum & extollit; cum capit, *clamat anxie*, repetitque quasi singultiens; cum ovum parit, *exultat*; cum pullos deducit, voce *asperiore*, crassiore atque rariore

utitur.

utitur, quàm cum illos ad se vocat; cum cubat, voce demissa, & ab aliis dissimili utitur. Ut adnotavit Cardanus lib. 15. de Varietat. cap. 82.

Sonorum hæc diversitas, quæ in gallina aliisve Animantibus, à variis eorum affectibus five passionibus provenit, quæ illa agitant, & corporis dispositionem immutant. Nam cum vox per halitus emissionem ex ore, per arteriam asperam perficiatur, constat pro varia instrumentorum, quæ ad vocem formandam concurrunt, dispositione, peculiare voces oriri debere. Et cum pro diversis, quibus commoventur passionibus, organa diversam dispositionem sortiantur, inde fit, ut animalia differentes edant voces, & variis sonis suas molestias aut voluptatem testentur. Qui ad bestias ejusdem generis, aut etiam diversi delati, illas diversimode afficiunt, sic *Cercopitheci* ejulatus, cæteros alios allicit & ad opem ipsi ferendam longe etiam diffitos evocat. Sic *porcus* dum à cane impetiur, suo *grannit*, reliquos in locis proximis ad sui auxilium invitat. Ita *Gallina* diversis pipationibus varias suas passiones significat, pro varia organorum vocalium dispositione, quam dominatrix passio, in ipsius corde inducit. Adeo ut, qui brutorum animalium interna penetraret, & reconditiores eorum affectus scrutaretur, posset sine ullo negotio, earum vocum causam detegere, & à quo cordis motu impellantur, manifestare.

Lepores, ut insequentium canum odorem

Qua can-
sa astutia
quam le-
pores o-
stendunt.

vim eludant, vestigia sua disturbant, frutices-
que maximè vitant, ne pilis affricati, odo-
rem prætereuntibus canibus præbeant. In-
terdum ad sepes contendunt; alias se gregi
ovium immiscent, quatenus fortiori odore
suo, is, qui ex eorum corpore emanat, absor-
beatur, & sensibilis amplius non fiat. Imo si
nimium à Canibus premantur, multoties
eandem viam remetiuntur, aut magno sal-
tu in cavum seu cubile suum prosiliunt.

Omnes illæ actiones, quæ à quibusdam le-
porum astutia, vel prudentiæ imputantur, non
nisi unius passionis, timoris scilicet effectus
sunt. Nam quod leporibus, dum insequuntur
Canes, magis obvium esse potest, quam ea lo-
ca, quærere, in quibus abscondantur, & eo-
rum gratia, ab hostibus se incolumes servant?
Cum sylva absint, in quibus occultentur,
objectæ damæ aut oves eorum oculos feriunt,
ad quas tanquam ad asylum feruntur; inter
quas delitescunt, donec canum insequentiu-
um larratu, ad iter continuandum compellan-
tur. Vel si, prius quam ingruant Canes, fugam
capessant, eorum pavore adscribendum est,
quo agitati cerebri spiritus, eos quiescere
non sinunt: ut in defessis hominibus cerni-
mus, qui statim quiescere non valent, sed ali-
quantulum ob commotos spiritus moveri co-
punguntur. Quod forte causa est, quod lepores
iteratis saltibus, huc & illuc prosiliant, & cu-
bile suum elato in aere corpore ingredian-
tur. Nec alia ratio reddi potest, cur fatigati le-
pores tot flexus agent, & eadem vestigia
sapi-

sæpius repetant, quàm quod metu nimio concussi distrahantur, & à cæpto itinere revocentur, nì canum in persequendo portinacia ad cursum priorem tenendũ adigantur.

VI.

Aves miro artificio in foetibus educandis pollent; quippe statim à coitu *nidis* extruendis incumbunt, *muscum, paleas, festucas, plumas* congerunt, nidum in orbem compingunt, *ovis* emissis incubant, *pullos* excludunt, eos *mira sollicitudine* alunt, & *volatum suum* edocent.

*Quæ abrum
um ars in
nidis adi-
ficandis
& pullis
educandis
dit.*

Hæc omnia absq; ratiocinio peragi possunt: manifestum enim est *Avibus*, statis temporibus, innatum esse congregi, ad quod vel anni tempestate vel cibis, quibus tunc vescuntur, impelluntur. Constat etiam ex coitu ova produci, quæ in foeminæ ventre conclusa, non possunt non gestanti, dum ad aliquam magnitudinem pervenerint, molesta esse, quo fit, ut se iis exonerandi cupientes, locum iis reponendis idoneum præparent, & rebus mollioribus, quibus tunc ob overum pondus maxime delectantur, instruant; non alio rationis ductu, quàm *feles & canes*, quæ imminente partu locum catulis suis edendis, commodum quærunt. Ovis sponte ex utero delapsis incubant, ob certum tunc temporis fibrarum plexum, quo ad hoc disponuntur; ut videmus in *gallinis*, quæ certe anni tempore humi requiescunt, ac si ovis affiderent, quamvis illis nulla supponantur. Quod satis ostendit, illas ea tempestate aliqua corporis intemperie affici, quam *incubatus* levat & tollit.

Bb 2

Ex

Ex quo patet, hæc omnia non discursu aliquo aut cognitione fieri, sed spirituum motu, vel reliquarum corporis partium dispositione: Sicuti *Fontes* artificiales, *Horologia* & similia *Automata* humano artificio elaborata, quæ per solam suarum partium concinnitatem, admiranda quædam facere videntur.

VII.

*Quid
censenda
de
Remora,
Francisci
Cardinalis
Turonensis,
cum aliquan-
do è Gallia
maritimo itinere
pergeret, ferunt,
narrantes
Petro Melata
Bononiensi, in
medio de-
tentam cursu.*

Echeneis seu *Remora* navem retardat, & validis etiam ventis magnoque remigum conatu propulsam sistit ac remoratur. Navem *Francisci Cardinalis Turonensis*, cum aliquando è Gallia maritimo itinere pergeret, ferunt, narrantes *Petro Melata Bononiensi*, in medio detentam cursu.

Tanta Echeneidis vis, omnium, quos legi, Philosophorum subtilitatem obtundit & remoratur; qui lubenter ingenii sui tenuitatem agnoscentes, se tam stupendi effectus causam ignorare profitentur, ultro ad *Asinorum* asylum, occultam nempe qualitatem recurrunt: Nec immerito, arduum enim est, rei alicujus, quæ nunquam extitit virtutem nosse, & quomodo nondum editum animal mira operetur. Quippe si authorum scripta, qui Remoræ meminerunt, attente pervolvuntur, luculenter apparebit, illius vim non ex propria sententia, sed aliena duntaxat fide asserere. Unde *Aristoteles secundo Historiar.* postquam Echeneidis naturam ac effectus recensuit, subjungit, ut aliqui volunt. *Plinius lib. 9. Hoc carinis adharente, naves tardius ire creduntur. Plutarchus lib. 2. Quæst. conviv. Erant tunc qui Cheremonianum viderent,*
tan-

tanquam commentum fabulosum. Et multi alii, quos hic recensere nimis longum esset, qui hunc pisciculum, ut mere fabulosum, & à fide alienum esse existimant.

At constitere naves & ulterius pergere subito prohibitæ sunt: Esto. An propterea id pisciculus *expes* secundum Aristotelem; *murex* & *limaci* similis secundum alios, & vix *cubiti* longitudine effecit? Quidni potius ad maris æstum extemporaneum recurrunt, qualem in freto *Siculo* multi experti sunt, cujus occursum naves plenis etiam velis investæ retardantur, aut etiam omnino immotæ detinentur? Quis nautarum ignorat vehementissimos flatus è maris fundo nonnunquam erumpere, & aquam summa vi contra carinas propellere? Annon hæc retardandis aut sistendis navigiis sufficiunt absq; exiguæ molis pisciculi opera? Imo certè, & quæ solùm ut causas immobilitatis navium agnosco. Præterea, si tantum remora præstare potest, quidni idem in navi recepta efficit, dum sæpe gubernaculo adhærentem excepere nautæ, & in navim secum detulere? Unde non absq; causa *Caius Imperator* ab *Astura* *Antium* remigans, admiratus est, quomodo *Echeneis*, qui ejus quinqueremi adhæsisse ferebatur, in navigium delatus, non item polleret, & vim suam non transfunderet.

Bruta Animantia *Ventos*, *Serenitatem*, *Pluviam*, &c. portendunt; *Echini* lese affigentes tempestatis signa sunt; *Halcyones* nidulantes futuram tranquillitatem loquuntur. Imo aves

VIII.

Ut bruta animantia tempestates, pluvias &c. innuunt dicant.

ova nostræ domesticæ, ut anates, anseres, galli, &c. non dubiam fidem imminentis mutationis cœli faciunt.

Hoc habent Animantia à perfectâ organorum suorum dispositione: Nam cum in aere quædam sint earum mutationum præludia, Animantia ob sensuum, quibus pollent, vivacitatem, facilius illas, quàm *Homines* præsentiant, quorum imaginationes objectorum varietate distrahuntur, & sensus obtusiores habent. Nonnisi tamen improprie Animantia prædicere dicuntur, nisi quis velit *tubercula* in pedum digitis eminentia, & *luxatores* olim artus præscientia, & rerum futurarum cognitione præditos esse.

ARTICULUS OCTAVUS

De Animalium Aversione & Concordia.

I. *Basiliscus* ea est veneni acuitate, ut *serpentem* quantumlibet magnum immisso spiritu suffocet: Imo si Historicis habenda fides est, ejus cavernis admotum hominem si aspi-
an bas-
sileus.
hominem
visu ene-
cet. ciat, solo intuitu perimit. Hinc Mantuanus,

*Natus in ardenti Libya basiliscus arena,
Vulberat aspectu luminibusq; necat.*

Haud mihi facile persuadere queo *basiliscum* solis oculis posse tantâ homini perniciem adferre. Nam unde tam funesta visui malignitas? Qua vi ejecti ex oculis radii, ut totum hominis corpus trajiciant, & vitam etiam distantî extinguant? Crediderim potius, si verum est, quod de basilisco jactatur, non
 tam

tam spiritibus ex oculis emissis, quam protu-
so ex ore halitu exitiosum esse. Cum constet
cum *frutices* necare, frangere *saxa*, & *herbas*
non contactas modo, sed & afflatas dunta-
xat exurere. Hinc ejus venenum reliqua
serpentium genera fugiunt, & illum, ut com-
munem pestem, averfantur. Unde *Lucanus lib. 9.*

*Sibilaq; effundens cunctas terrentia pestes,
Ante venena nocens, late sibi submovet orane.
Vulvus, & in vacua regnat basiliſeus arena.*

Tam noxius igitur halitus ore efflatus ad
hominem, cum casu aspicientem perveniens,
sua subtilitate & violentia, totam ejus *substan-*
tiam pervadit, & *fibrarum* plexum invertendo,
ita affligere potest, ut minus ad vitæ munia
habilem efficiat.

Tanta est inter *Gallum* & *Leonem* antipa-
thia, ut ille crocitante suo sonitu, alarumq;
plausu huic formidinem terroremq; incutiat.
Elephas suis grunatu pavet, & quamvis fe-
rarum fortissimus, ita eo strepitu concuti-
tur, ut omnibus pene artubus contremiscat.

Talis aversio in utroq; hoc animante ori-
tur ex organorum contextura, quæ talis est,
ut galli cantus & suis grunitus ad ipsa delati
cum quam vellicatione penetrent, & cum
aliquo acore discerpant: quo fit, ut hujusmodi
strepitus eorum auribus excepti, illos cere-
bri poros aperiant, non in musculos dunta-
xat, membris movendis idoneos, sed etiam
in illas cordis fibras, quæ timori excitando
inserviunt. Manifestum est enim, multos *sonos*
nobis ingratos esse, & ad varias *passiones*

II.

Leogal-
lum hor-
ret &
elephas
suis grū-
nitum
non sola-
rat.

excitandas nos commovere. Quis non expeditur se ad *ferra*, aut rerum aliarum *stridorem* exhorrescere, & omnem dissonantiam averfari; pavet igitur *Leo* ad *Galli* cantum, & *Elephantus* ad *fuis* grunnitum terretur, quoniam ita sunt disposita eorum organa, ut iis offendantur, & sine læsione penetrari non queant.

III.

Camelus
equum,
mus fe-
lem, &c.
aversa-
tur,

Camelus equumodio prosequitur, nec unquam absque rixis & pugna cohabitare queunt. *Mustela* *bufonem* exhorret, nec nisi reluctans & invita ad illum accedit. *Mus felem* fugit, & ut hostem evitat. *Attagines* *Cervis* insidiantur, qui eorum tergis insidentes, pilos vellicant, & carnem rostro impetunt &c.

Peripatetici nudo nomine *antipathia* has omnes inimicitias explicant, difficultati se satisfecisse existimantes, si dicant naturale quoddam odium inter animalia intercedere, quo se fugiunt & averfantur. Verum, quis illud ignorat? an hoc responso doctiores fimus; non, an dissentiant animantia, quæritur, sed quo pacto, & in quibus motibus illa discordia consistat. Certe alio modo fieri non potest, quam à passione aliqua in cerebrum per sensus externos nervorum ope traducta. Ea enim est in animalibus cerebri dispositio, fibrarumque plexus, ut à tali specie exterius proveniente talis affectio oriatur. Non alia ratione, quàm calor quædam corpora indurat, alia autem emollit & liquat. Odor igitur *Cameli*, adeo equi cerebrum perturbat, ut penitus ad certamen ineptus redatur.

datur. *Equi* halitus tantum in *Elephantem* potest, ut eum in rabiem agat, & furore percellat. Qui certe effectus, non in aliud, quàm in talem organorum dispositionem, talemque fibrarum plexum refundi potest. Eo modo quo sanguinis color *Elephantem* & *taurum* exasperat: *Panthera* odor *simias* attrahit, & leoni timor viso *galla* incutitur.

Sanguis ex vulnere exprimitur, tametsi obligatum obductumque sit, si ille, qui facinus admisit, ex ad verso constituatur. Unde *jurisperiti* in quibusdem regionibus, semper probationis locum habere dicunt, si interfecti hominis cadaver, sanguinem emittat.

IV.

An sanguis ad interfectionem praesentiam decurrat.

Lemnius libr. 2. de occultis naturæ miraculis, Causam hujus effectus in imaginationem rejicit. *Tanta*, inquit, *ac tam valida latens natura vis, atque imaginatio, modo aliquid vite supersit, aut corpus mortuum incalescat, ut sanguis ebullire, accensaque bile effervesce incipiat.* Alii ad Antipathiam inter cadaver & homicidam recurrunt, quasi adhuc quædam spirituum colluctatio restet, ei similis, quæ necis tempore horrorem incussit. Sed illa apud me parum ponderis habent, qui rem dubiam esse existimo, imo si fas est tot hujus casus assertoribus contradicere, omnino falsam. Cum ipse cruorem ex occis naribus & ore effluere post tertium aut quartum diem aspexerim, sicario absente, imo defuncto. Deinde nemo adhuc visus est, qui rei veritatem ausus fuerit juramento attestari, sed sola referentium fide, vel scriptorum autoritate innixi.

Bb 5

At

At interdum contingit, ut ad homicidæ conspectum, cruentum cadaver fiat, non repugno: Igitur quoniam interfector adest, aut adesse suspicio est? Cur non potius naturalibus causis id adscribunt; quod factu facile est, si, quæ circa *cadavera* passim contingunt, examinent? Corpus in conclave deferitur, quo multi spectaturi confluunt, ærotot hominum halitu incalescit, & *sanguis* jam frigidus tepido illo calore excitari potest, & tantillum è naribus aut ore erumpere. Unde colligi potest, quàm iniquus testis sit ille sanguis, quamque leves sint illæ conjecturæ, quæ à iudicibus sumuntur ad interfectoris præsentiam; nisi cum *Platone* occisorum animos, illos persequi velint, à quibus luce orbatii sunt.

Omnibus umbra locis adero, dabis improbe panem.

Virgil 4. *Æneid.*

V.

*Bestia
aversan-
tur suis
similiis
interfe-
tores.*

Bestiæ sibi similibus infectores averfantur, & eos suo modo persequuntur. Miratus sum ipse, cum nuper ruri versarer, unius pagi *porcos*, *scrofas*, imo & ipsos etiam *parcellos*, viro prætereunte grunnire, & omnes velut invasuros in eum obtutum vertere. Tantæ novitatis causam sciscitanti, à muliere responsum est, virum *Ianionem*, qui eo die quosdam *porcos* in eodem pago mactarat.

Causa istius aversionis in *suis* esse potuit, quod interfectorum porcorum *odor*, aut aliquid sanguinis viri vestimentis adhæserit, qui jam corruptus, & à naturali temperie, degenerans, sensum illorum offendebat, & quen-

quendam in ipsis horrorem creabat. Ambigi enim non potest, quin naturalis *temperamenti* depravatio, ingratam impressionem animantibus, præsertim ejusdem speciei reddat, efficiatque, ut illa animantia ea magis lædantur, quàm si ab aliis diversæ speciei efflueret & derivaretur.

ARTICULUS NONUS.

De Somno & Vigilia.

I.
Infantes & pueri somno facile capiuntur, & eo correpti diu dormiunt, nec facile expergiscuntur.

*Cur in-
fantes
multum
sint som-
no dediti.*

Pueri enim multo *humore* perfunduntur, ejus crassitie pori plexus *choroidis*, aut arteriarum *carotidum* obducuntur, & nullam amplius spiritibus animalibus viam præbent. Quemadmodum enim videmus navium *vela* nonnunquam corrugari, eo quod ventus placidius spiret, nec satis illis expandendis sufficiat: Ita ubi non tanta est animalium *spirituum* à corde proficiscentium copia, ut *cerebri* medullam impleant, omnesque ejus meatus apertos teneant, necessum est *Somnum* oriri. Cum autem in pueris ac infantibus magna humorum vis exundet, eorum ad cerebrum appulsu, spirituum animalium motus minuitur, & cerebri pori facile obstruuntur.

II.
Papaver, Crocus, Mandragora, & similia, narcotica virtute polleant, & stuporem fumentibus inferunt.

*Papaver,
crocus
&c. sa-
mum
concilia-
ant.*

Caus.

Causa videtur esse, quod hujusmodi plantæ multo *uliginoso* humore abundant, quo op-
 pleti choroidis plexus *pori*, spiritus à corde
 venientes ad cerebrum transmittere neque-
 unt. Nam sicuti quædam plantæ *lienem*, aliæ
hepar obstruunt, impediuntque, ne numere
 solito perfungantur. Ita *Papaver*, *Mandragora*,
Crocus &c. sentientem plexum obducendi
 vim habent, efficiendique ut pauciores spiri-
 tus à corde ad cerebrum mittantur. Somni-
 fera enim sive extrinsecus applicentur, sive
 intra sumantur, humectationem quandam
 per Corpus spargunt, refrigerationemque
 inducunt, quibus spirituum copia minuitur,
 vel eorum motus retardatur. Pari ratione
 qui *reumate*, aut *catharro* laborant, facile in
 somnum incidunt, & quodam marcore pre-
 muntur, ob humoris copiam, quæ nervorum
 capita occupat, & eorum meatus obstruit.

III.

*Lethar-
 gia ut
 Homine
 in so-
 mnum in-
 ducit.*

Quidam morbi, ut *Lethargia* & alii, gravedi-
 nem conciliant, & demum stuporem pariunt.

Quia materia morbifica, quæ apud medi-
 cos frigida *pituita* esse existimatur, multum
 humoris suppeditat, qui in cerebrum dela-
 tus, nimium illud madefacit, & ejus ventricu-
 los præsertim posteriores occupat: Unde fit,
 ut talis somnus non modo sensuum extero-
 rum ligamen sit, & vinculum, sed & omnium
 rerum oblivio. Quo circa qui *peste* corripion-
 tur, cum somnolenti sint, si se somno & *quieti*
 dedant, citius inficiuntur, ac segnius natura
 contagioni resistit: Et homines, si in *venenatis*
 potionibus somno opprimantur, gravius affli-

affliguntur, & virus promptius vitalia corripit; quoniam nimius vapor naturales facultates opprimit, & inertes, atque ad expugnandum malum inhabiles reddit.

IV.

Gallus media nocte expergefit, & somnum circa id tempus constanter abruptit. Unde Mantuanus.

*Cur gal-
lus circa
noctem
mediam
experge-
fiat.*

Jam cecinit mediam volucris Titania noctem.
Cicero secundo libro de Divinat. arbitratur Democritum optimis verbis causam explicuisse, cur antelucem Galli canant: Depulso enim de pectore, & in omne corpus diviso, & mitigato cibo, cantus edere, quiete satiatos, qui quidem silentio noctis, ut ait Ennius, *favene faucibus ruffis cantu, planusque premunt alas.* Verum non, satis facere videtur Democritus, quoniam si à somno post mediam noctem, ob cibum digestum, Gallus cessaret, sequeretur quod postmodum non amplius quieti indulgeret, quod experientiæ adversatur. Præterea in meridie satur canit, nec non à coitu. Dici potest melius, quod Sol noctis meridianum prætergressus, & ad auroram jam declinans, gelidam noctis auram antea immotam agitat & propellit, cujus frigido appulsu expergefactus Gallus, alis perstrepat, & cantum edit. Vel quidni ipsi Gallo certa dormitionis tempora, sicut & cæteris animantibus concedantur, ad quæ motu sibi innato evigiletur, & spiritibus concitatis in cantum prorumpat, & vigiliam sua crocitante voce testetur.

Statim à prandio aut cœna facile somnus

con-

conciliatur : Hinc plurimorum post cibum contracta dormiendi *consuetudo*, ad quam natura invitatur, & cui nisi ægre obluantur.

V.

Unde post
cibum in
somnia
proclis
somnia.

Causa hujus propensionis, ex ipsa ciborum concoctione petenda est: cum enim tunc temporis spiritus in ventriculum, ad ciborum concoctionem evocentur, necessum est, cerebrum spirituum jactura eo tempore refrigerari, & quendam soporem contrahere, adeo ut qui remanent, ad nervorum meatus apertos retinendos non sufficiant, aut impediendum, ne sponte laxentur, & inter se complacentur. Hinc experimur externas corporis nostri partes, post cibum sumptum refrigerari, *caput* tantillum demitti, *palpebras* cadere, nisi ferio rei alicui incumbamus, & spiritibus animalibus utamur.

VI.

Qui sit, ut
difficilissimum
in luce
quàm in
tenebris
expergeretur.

Difficilissimum somnus abrumpitur in luce, quàm in tenebris. Id enim *verno*, aut *æstivo* tempore experimur, in quo Solis lumine cubiculi fenestras pervadente; segnius, majorique cum difficultate expergiscimur, quàm *hyeme*, dum Sol à nobis abest, & caligine undique circumcingimur.

Non illud à lumine tanquam à causa effeetrice provenit, quasi lumen conciliandi somnum vim habeat; sed ex accidenti dumtaxat, in quantum imbecilles jam oculi, & subito fulgore perculsi, connivere & obduci de novo coguntur. Cum enim tunc *palpebras* aperimus, lumen instat, feritque oculos, qui inassueti radios remittendi, eorum percussu sconduntur, & contractis iterum *palpebris*,

bris, occasionem dant in somnum relabendi.

Qui incomode decumbunt, & sive *lodium* VII.
plicis, cubilis duritie, vel etiam *vesica* levandæ *Qui in-*
desiderio molestantur, sæpe evigilant, so- *comode*
decum-
bunt, fa-
cile exci-
 mnunumque interrumpunt.

Ratio est, quod animales spiritus, qui tem-
 pore somni fiunt, & continuo per Cor sangui-
 nis motu generantur, possint in tanta copia
 tandem convenire, ut nervorum orificia re-
 ferandi vim habentes, illos eo modo com-
 plent, quo necessarium est, ad illorum fila-
 menta extricanda, & dandam animæ occasio-
 nem, ea objecta percipiendi, quæ corpus in-
 festant. Quodcumque enim gravamen sen-
 sum aliquem ac motum supponit, qui somno
 inimicus est, illumque impedit.

ARTICULUS DECIMUS.

De Morbis Animalium.

Nulla sunt Animalia *morbis* penitus ex- I.
 emptæ: Sed pro varia eorum temperie, *Quæ natu-*
 diversis corporis malis affliguntur. Quæ *sa morbo-*
 dam artuum tremore laborant: Aliorum fau- *rum in*
 ces *Angina* stringuntur: nonnullis *hectæ* vel *animali-*
 pulmones intumescunt. *bue.*

Causa in promptu est; quod *Sanitas* quæ-
 dam corporis dispositio est, qua suis muniis
 perfungendis idoneum redditur: Unde si
 contingat partium temperamenta alterari,
 aut ejus organa intercipi, necessum est, eo or-
 dine inverso, Animal *agrotare* & à primæ-
 vo statu delabi. Sic artuum tremor, à nervo-
 rum debilitate, aut prava affectione oritur,
 quam

quam forte transacta convulsio post se reliquit; vel frigidus humor, per occultos meatus irrepit, & ad hunc motum sollicitat, & adigit. Sic *Angina* quorundam fauces perstringit, ut vix respirare, nedum quicquam deglutire valeant, quoniam *inflammatio*, aut malignus humor, ita nervos occupat, ut motui pene inhabiles reddantur, & faucibus aperiendis, vix sufficiant. Sic *jecoris* intumescencia iis provenit, quibus ventriculus à quibusdam humoribus obstruitur. Nam cum per jecur *sanguis* percoletur, contingere potest, ut ille, qui à *liene* per *vas splenicum* traducitur, aut à *Mesenterio* defluit, corruptus sit, porosque, quos transiturus est, obducatur, & viam sequenti occludat. Pari modo de cæteris morbis, qui animalibus contingunt, disserendum est, qui semper eorum actiones pervertunt, & facultatibus impedimento sunt, ne vitæ munera libere exequantur.

II.
Origo
morbi
gallici.

Morbus, quem passim *Gallicum* vocant, in Neapolitana obsidione initium accepit, cum antea ignotus esset, & non nisi Indis, & Canibalis familiaris.

Causam tam fœdæ ac diræ luis, Galli in quosdam mercatores referunt, qui ex Mauritania, mercibus vendendis ad obsidionem appulsi, carnem hominum nuper interfectorum sale conditam, loco *Thunnorum*, seu porcorum marinorum pretio commutabant.

Quo cibo milites pasti, morbum illum contraxere, qui postea contagione irrepit, & *mulieres*, quibus cum congregiebantur, infecit.

Nec

Nec Gallorum ratio à vero dissentit, quum manifestum sit *Canibalos*, qui carne humana vescuntur, hoc morbo maxime affligi, atque etiam *Indos*, cum primum detecti sunt, venerea lue infectos esse. Quod caro humana foedos & graves vapores generet, quibus appetitum caput vitiatur, & *cerebri* fibrarum plexus cor-rumpitur.

Elephantiasis seu *lepra* vulgaris, tum is qui *Stomacacæ* & *Scelotyrpe* nicitur, nunc mitiores sunt, quam annis superioribus, quibus homi-
 nes mirum in modum cruciabantur, & intol-
 randos dolores sentiebant.

Causa est, quod aut sumptis medicamentis mitigata sit malisæ vitia: vel naturalis malis assucta *callum* obduxerit, & leviora videan-
 tur, quæ diu tolerata sunt. Ita nonnulli ob-
 servantur in vegeta ac florenti ætate, oppido excarnificari, qui minus provecta ac decli-
 nante minus torquentur. Cujus ratio esse potest, quod ardor ebullitioque minuatur; vel *natura* diuturno malo assucta, tanquam familiari ac domestico obluetari desinat, aut etiam corruptis humoribus nutriatur, aut il-
 lis haud lædatur. Sicut enim viles illi *Homi-
 nes*, qui *latrinas* evacuant, aut *cloacas* pro-
 luunt, tetrum odorem non percipiunt, ita lue *Veneræ*, exempli causa, correpti, tanquam sensum amiserint, non amplius corporis vi-
 tia, non naturæ detrimenta percipiunt. Quod natura & morbus inter se consentiant, & unius *humores*, cum alterius *humoribus* com-
 misceantur.

IV. Quædam febres à frigore incipiunt, quo non extremæ membrorum partes duntaxat frigescunt, sed & quodam horrore totum corpus contremiscit & concutitur.

Cur febres nonnullæ à frigore incipiunt.

Hujus causa est, quod febres à quodam humore manant, in *mesenterium*, aut aliam corporis partem, delapso, qui per *venas* fluens, seque eo pacto sanguini admiscens, ad *Cor* demum cum eo deferitur, ubi obstat, quo minus sanguis, prout suevit, illic calefiat & dilatetur, atque cum calorem, quem à *Corde* mutuatur, ad cæteras corporis partes deferat; ex quo necessum est, quendam tremorē oriri, & febricitantes membrorum succussu corripì, quod nunquam nisi in initio *paroxysmi* contingit. Nam quemadmodum *lignum viride* recens injectum, ignem extinguit, aut eius ardori obluatur, semel vero accensum, acriorem flammam emittit, quàm aliud *lignum*: Sic postquam vitiatus ille humor fuerit aliquandiu sanguini permistus, demum calefit, & magis quàm ipse sanguis in corde dilatatur, quod quidem *paroxysmi* æstum facit, qui durat, quoad corrupta illa materia tota exhalata fuerit, aut ad naturalem sanguinis constitutionem redacta.

V.

Unde ori-
tur febris
um di-
versitas,
qua ho-
minem
affligunt. Febres, quæ tantopere Homini familiares sunt, non eodém semper modo corpus ejus affligunt. Quædam enim *indefinenter* fervere-
scunt: Aliæ *intermittuntur*; & inducias præ-
bent: nonnullæ *cunctantius* tardiusque inva-
dunt: Alteræ *anticipant*, & præter insolitum
invalescunt.

Tota

Tota harum omnium febrium differentia, à morbifica materia oritur, quæ febris *paroxysmum* accendit. Nam licet illa in priori *paroxysmo* tota expurgata fuerit, quidam tamen *fomes*, seu perversa dispositio eo in loco remanet, in quo humor primum vitiatum est, quo fit, ut is, qui eode novo tendit, illic coaguletur, & denuo corrumpatur, qui post certum aliquod tempus maturescens, ad instar prioris versus cor defluit, & eadem *symptomata* procreat. Unde si humor morbificus, qui in eundem locum succedit, in quo prior corruptus fuerat, trium dierum maturatione indigeat, priusquam sanguini immisceatur, febrem *quartanam* efficit: si duobus dumtaxat illi opus est, *Tertianam*; ubi autem materia illa continuo appulsu cor subit, & illud indefinenter vellicat, *continuum* procreat. Demum si sanguis ita vitiatum est, ut intra tempus illud, quo ultimo depravati humoris gutta effluxit, & illud, quo prima coaliti recens humoris gutta fluere cœperit, purificari nequeat, novum *incrementum* febris accipit, & ardentius inflammatur.

VI.

Qui febre laborant, aut calore insolito stimulantur, sensim extenuantur, & macilenti evadunt.

Cur macilenti fiunt, qui aegrotant.

Ratio est, quod *sanguinis* particulæ, quæ corpori alendo inserviunt, & in membris, ad quæ accedunt, subsistere deberent, celerius agitentur, quàm ut in iis immorari possint, & nutrimentum præstare, sed membra illa sub sudoris specie pertranseunt, aut per in-

senfibilem transpirationem trajiciuntur. Unde corpus exhauriri necessum est, & alimenti defectu extenuari: pari modo quo stirpes exsiccantur, viroremque omnem amittunt, dum nimio solis æstu, succus ad earum nutritionem deputatus, intra earum poros nimium celeriter percolatur, & nulla facta ibi mora elabitur & defluit.

VII.

Unde nascuntur deliria in morbis acutis.

Morbos acutos frequenter deliria committantur, quibus ægroti maxime discruciantur, & in varias ac molestas cogitationes distrahuntur.

Id ex eo contingit, quod animales spiritus, qui fortuito, citraque aliquam determinationem in cerebro divagantur, motibus propriis feruntur, ad quosdam ejus *poros* aperiendos, eo modo, quo antea ad objectorum præsentiam aperti sunt. Quo fit, ut objecta illa sub iisdem imaginibus percipiantur, ac si revera adessent, & ita *animam* in *cerebro* residentem afficiant, ac si eorum speciebus feriretur.



HISTORIÆ NATURALIS

PARS NONA.

De Homine.

ARTICULUS PRIMUS.

De Sensu Tactus.

Quidam nobili in Delphinatū fœmi-
næ amputatum est crurum alte-
rum, quod gangrena invaserat;
sed ita solerter, tantaque indu-
stria, ut cruris amissione quidem
illi in suspicionem venerit, fallente eam cru-
re ligneo, quod pannis involutum Chirur-
gi apposuerant. Diu tamen post abscissionem
conquereretur, se puncturis & acerbis cru-
ciatibus affligi, non in crure modo, sed & in
ipsis digitorum extremitatibus. Nec ab illo
questu desit, etiam postquam ipsi res detecta
est, asserens se dolores adhuc in crure sentire.

I.
De mu-
liere, qua
quereba-
tur se in
abscisso
crure ad-
huc dolo-
res senti-
re.

Causa alia esse nequit, quàm quod talis est
corporis nostri constitutio, ut nulla ejus pars
ab alia parte aliquantum remota agitari
queat, quin pari ratione ab intermediis mo-
veri possit, quamvis remotior nihil ad motum
prorsus conferat. Qui enim funis ABCD
ultimam partem D trahit, eodem modo pri-
ma pars A movebitur, quo moveri posset,

si ab una ex intermediis B vel C traheretur, ultima parte D remanente immota. Ita cum nobilis mulier, *cruris pedisque* articulorum dolorem sentiret, id contingebat, quod nervi, qui prius ex cerebro ad pedem descendebant, tuncque in femore juxta genu terminabantur, ibi eodem modo moverentur, ac prius moveri debuissent in pede, ad sensum hujus vel illius digiti dolentis, animæ in cerebro residenti imprimendum.

II.

*Cur quis
ex impro-
viso ta-
ntus hor-
re scilicet*

Dum quis ex improvise, & mente ad alia distractus, contingitur, statim contremiscit, & quodam horrore subito corripitur.

Causa videtur esse, quod repentino illo ictu, sibi malum aliquod inferri apprehendens, illud refugit, & in sese contrahere nititur. Tunc enim spiritus animales repente concitantur, & in majori copia ad cerebrum tendunt, quàm ut inde ordine in musculos deduci possint. Quod enim ad animam per *sensus* venit, eam magis afficit, quàm quod illi à *ratione* repræsentatur, licet ut plurimum minus veritatis habeat. Unde quia inopinato illo contactu levis fit in corpore impressio, & malum, quod sibi imminere apprehenderat, minus esse cognoscit, illico ad se redit, & omnem horrorem, post exiguum tempus, deponit.

III.

*Cur Titillatio ma-
xime in
plantis
pedum
excitatur*

Titillatio in pedum *plantis* maximè excitatur, quæ patientem quadam lætitia afficit, & grato pruritu delectat.

Gignitur titillatio, dum nervi in univerſo corporis *extremis* desinentes, solito vehemen-
tius

tius agitantur: sed ita tamen, ut nulla inde læsio sequatur, sive cum filamenta, quæ à cerebro ad cæteras remotiores corporis partes deferuntur, pari impetu trahuntur, sic ut nec rumpantur, nec à membris, quibus adhærent, separentur. Qui pruritus in podum plantis potissimum percipitur, ob cutis tensionem, quæ levi contactu impellitur, & motum ad nervos sensuum organa transmittit. Veletiam ob insolentiam, qua spirituum agitatio promovetur, & ipsis vis nova accedit. Sic *penna* aut *juncus* labia aut malas leviter percurrens, titillationem excitat, ob cutis tenuitatem, & rarum in illis partibus contactum. Quippe si res illis durior apponatur, aut frequentius urgeantur, *Titillationem* non admittunt, aut insolito modo concutiuntur. Lætitia vero ex Titillatione sequitur, quod objecta motum aliquem in nervis excitant, qui ipsis nocere posset, nisi satis virium haberent ad resistendum illi, aut nisi corpus bene dispositum esset, quod in cerebro efficit impressionem, quæ cum à natura instituta sit ad contestandam hanc bonam dispositionem ac robur, eam Animæ exhibet ut bonum, quod ad ipsam spectat, quatenus cum corpore conjuncta est.

Inter omnia Animalia Homo *sensiendi* facultate præcellit, & primas rerum qualitates, aliasque ad tactum in genere spectantes qualitates, ut *Humiditatem*, *siccitatem*, *duritiem*, & *gravitatem*, & similes distinctius percipit.

IV.

Homo tactu cætera animalia superat.

Eam prærogativam *Aranea* passim tribuunt, quæ uti *Aper* auditu, gustu *Simia*, *Vultur* odoratu nos præcedunt, ita sentiendi facultate vegetiore pollere creditur. Sed non nisi Tactus vigor *Aranea* assignatur, ob sensum motus, dum in telæ medio residens, *muscam* in remotissimâ etiam parte impegisse sentit. Quod certe mirum videri non debet, cum lineæ æquales sunt, quæ à centro deducuntur. Unde in medio, insidiis inhærens, & filorum extremitates pedibus tenens, facile, quæ circa illam geruntur, deprehendit. Homo vero sentiendi prærogativa eminet, ob insignem cutis temperiem, subtilemque fibrarum plexum, quibus cætera animalia antecedit. Exquisita ejus tangendi vis in vola manus, extremisque digitis potissimum dignoscitur, quoniam in illis partibus, nervorum filamenta exilia sunt, & facili negotio commoventur. Unde fit, ut naturæ instinctu, dum aliquid tactu explorare aggredimur, manum admoveamus & digitorum extremitatibus utimur.

V.

Unde
provenit
formica-
tio in pe-
dibus.

Si diu hyberno præsertim tempore, sedeamus, formicationem in pedibus sentimus, adeo interdum molestant, ut vix terram absque sensibili dolore contingere queamus, veluti spinis pes pungeretur, & inueneri aculei omnes ejus partes percurrerent.

Oritur hic formicans pruritus ab humore frigido, qui intra nervos illapsus eorum orificia obstruit, & nova pressione illos constringit & afficit. Quo fit, ut admota pede manus non sentiat, & pars illa perinde se habeat,

ac

ac pondus aliud extrinsecus appensum, quo fit, ut non cesset, nisi accedente exterius calore, qui humorem dilatet, & nervorum poros de novo aperiatur.

ARTICULUS SECUNDUS.

De Gustu.

Non semper idem cibus placet; qui enim jejuno acceptus est, depaſto ingratus redditur, & potus qui sitibundos delectat, ebriis fastidium facit.

I.

*Cur
idem ci-
bus non*

*semper
nobis
gratus est*

Ratio est, quod res sapida affectionem in organo gustatorio imprimit pro contexturæ ac dispositionis ratione, qua imbuitur. Sic lingua *exsucca*, & quæ nimium arescit, nihil esculenti percipit; & è contra, quæ nimio humore turget, ejusque pori liquidis corporibus opplentur, nullo *sapore* moveri potest. Cum igitur diversa sit linguæ jejuni ac saturi dispositio, fit, ut idem cibus, aut etiam idem potus non eodem modo in ejus rimis & exiguis poris excipiat, ac proinde variam in illa affectionem inducit. Vel illud oriri potest ex temperamenti mutatione, dum saliva ex stomacho profecta, *qualitatibus* humoris, quo stomachus repletur, se ciborum particulis immiscet, quæ ori insunt, & earum actionem promovet.

Qui *lilera* laborant, cibos, quos gustant, *labe-*
narios esse arbitrantur, & noxia ipsis qualita-
te imbutos.

*Labe-
rantes*

lilera e-

Hic error à flava bile, quæ per linguam

mnis a-

dis- marga-

Cc 5

*stare se-
putant.*

diffunditur, provenit. Talis enim humor salivæ admixtus, cibos inficit, & *gustus* instrumentum sua amaritudine imbuit & depravat. Quare hujusmodi homines falluntur, non circa affectionem impressam, quia revera amarum gustant, organumque male afficitur, sed, circa illius causam, quod saporem illum cibo acceptum referant, qui tamen soli humori est assignandus. Nonnulli enim sine *ullo cibo* quempiam saporem gustare sibi videntur, quoniam illapsus humor linguam vel fauces vitiat, & eorum temperamentum corrumpit. Idem in *Tactu* contingit, dum quis caloris vim sentire se judicat, ignemque corpori suo applicari, cum interim ignis ab illius corpore absit, & solum defluens humor, vel partium tensio, aut etiam *tumor*, eam affectionem imprimat, quam flamma doloris instrumentum imprimeret.

III.

*Quomo-
do lingua
morbum
detegit.*

Lingua morbum maxime prædit, & qua præmimur infirmitate, signa exhibet. Hinc *medicis* in more, linguam ut exerant, ab ægrotis postulare.

Ratio est, quod lingua partium corporis tenerima est, & facile subigitur. Cum enim spongiosæ sit naturæ, multoque sanguine irrigetur, statim vi morbi corripitur, aut sanguinis *vicio* inficitur, à quibus male affecta, mirum non est, si corporis alterationes exhibeat, & quibus urgeatur infirmitatibus, detegat. Hinc *rubeat*, hinc *flavescat*, & cum plexus ejus singularis sit, singulari quoque affectioni est obnoxia.

Qui

Qui frustum panis in jentaculum cum vini I V.
 haultu sumunt, *spinas* quodammodo in intimo *Panis*
 linguæ recessu sentire videntur. *mane ad*

Quoniam farina, ex qua fit panis, cum fer- *modum*
 mento & sale, ut plurimum subigitur, quo- *spinarum*
 rum alterum aliquid acuminis impertit: *linguam*
 implexæ enim partes acriores efficiuntur,
 quàm quæ solutæ sunt & minori nexu sibi
 adhærent. Hinc panis recens magis placet,
 fitque gustus organo gratior, quia minus in-
 tertextæ ejus particulæ, à saliva melius subi-
 guntur, & lenius initium palati tractum mo-
 vent & afficiunt.

V.

Qui Sapores percipiendi facultate carent, *Quare*
 olfactu quoque destitui videntur. *qui cibos*

Hujus consequentiæ causa à corpusculis
 pendet, quæ utrique sensui famulantur. *non sapi-*
 Quippe illa eadem sunt, & non nisi secun- *unt, eos*
 dum variam expansionem discrepant. *olfacere*
 Odoribus enim sensus à particulis halituum in aere vo- *non vi-*
 lantibus proficiscitur, quæ aeri, quem in- *dentur.*
 spiramus, admixtæ, ad nares advehuntur.
 Particulæ autem, quæ *gustui* inserviunt, mi-
 nus quidem subtiles sunt, & humore aliquo
 imbibendæ sunt, ut linguæ organum ferire
 possint, eadem tamen sunt, & in hoc solum
 distinguuntur, quod humore dilutæ, *saporem*
 faciant, & exhalatæ perque aerem transmis-
 sæ, *odorem.*

VI.

Ægroti & qui invalido sunt corpore, dul- *Cur agra*
 cia omnia respuunt, solisque acidis & acri- *dulces*
 bus delectantur, *cibos a-*
 Ægri dulces cibos averfantur, ob vitiatum *versan-*
 sen- *tur.*

sanguinem, malignamque humoris morbifici qualitatem, qui, cum ut plurimum *bilis* sit, & in linguam utpote teneram irrumpat, innumeras obstructions facit, impeditque, ne admotos cibos rite percipiat. Hinc ægris *acria* placent, quod eorum lingua uliginoso quodam tegumento cooperiatur, quod *dulcia* subire & pervadere non possunt. Secus *acida*, quæ partibus longis & parum flexilibus constant. Nec aliam ob causam pecora *salem* appetunt, ejusque esu maxime capiuntur, quam quod eorum lingua scabra aspera que sit, & quadam crusta obtegatur.

ARTICULUS TERTIUS.

De Olfactu.

I. *Homo hebetis est odoratus.* Inter animantia Homo hebetioris esse odoratus existimatur, & emissos à corporibus halitus obtusius excipere.

Hujus causa ex ipsius *cerebri* constitutione petitur, quod cum spongiosum sit, multoque humore perfundatur, odoris vim retundit, minusque ab illis afficitur. Hinc qui *catharra* laborant, supervacaneoque humore corripiuntur, sæpius nihil olfactu hauriunt, quod *pituitosus* humor nares & os cribri-forme obsidet, ad quod appulsi halitus concresecunt, & quodammodo suffocantur. Sic etiam sub aquis nullus propemodum odor excipitur, humore nimirum exhalata corpuscula excipiente, eorumque diffusionem impediante.

II. Qui patulas *nares* habent, quibusque ossis spon-

spongiosi meatus ab initio distrahuntur, *Habentes*
facilius fortiusque odores excipiunt. *largas*

Quia major halituum copia per illas cavi- *nares me-*
tates ad cerebrum deferitur, qui in illis colle- *lius olfa-*
cti, mutuoque impetu cerebri nervos appe- *ciunt.*
tentes, majorem affectionē imprimunt; haud
dispari modo, quo vibratus aer per amplam &
excavatam aurem, copiosius meatum *andsto-*
rarium subit, & *fumus* melius per patentem *ca-*
minum ascendit, quam per angustiolem.

Qui rem odoram diu nasu admotam reti- *III.*
nent, aut in loco odoribus referto, per aliquod *Odor*
tēpus degunt, nullum amplius odorem per- *continua-*
cipiunt. *us desinit*
senti.

Id ipsis contingit, quod ē corporibus hali-
tus perpetuo evaporentur, & succēssive ad
nares per aerem devehantur, quas ubi subie-
rint, non illico regrediuntur, sed illic ali-
quamdiu inhærent, & cerebri appendices ita
opplent, ut, qui perveniunt, penetrare eas
nequeant, & vim novam sensorio facere. Il-
lud in iis manifestum apparet, qui vestes *felis*
sudore vulgo *civette*, aut castoris *testiculis* refer-
ciunt, aut etiam *jasmīno* pulvere crines asper-
gunt: Quippe post tempus aliquod, olfacere
illa desinunt, & tanquam non amplius respi-
rarent, nullo halitus odore afficiuntur. Qua-
re qui flores, exempli causa, odorantur, aut
loci fragrantiam explorare volunt, illos naso
per *vices* admovent, & locum sæpius repetunt,
ut aromatum particulis ex organo disceden-
di tempus concedatur, & supervenientibus
viæ pateant.

*Quomodo inter-
dum præ-
gnans
gravi o-
dore a-
bortum
patiatur.* Contingit nonnunquam ut prægnans tetro
odore aboriat: novi ego in *Anglia* foemi-
nam, quæ lucernæ extinctæ suffitu, partum
nondum maturum emisit, nec sine vitæ discrimi-
ne enixa est.

Ratio est, quod foedi odores stringendo
præterlabantur, ita organum comprimant,
ut talis motus ad cerebrum transmissus, ute-
ri quoque fibras, quæ cum foetus fibris con-
nectuntur, afficiat, talemque determinatio-
nem inducat, ut foetus, ruptis *umbilicariis* va-
sis, erumpat & excutiat. E diverso gratus
odor prægnantes refocillat, viresque ejus re-
ficit, quoniam eo tempore gravi foetidoque
halitu inficiuntur, ac proinde odore suavi
tanquam lenimento recreantur, & quodam-
modo reviviscunt; ni forte *vulva* nimium corru-
pto humore laboret, & cruditatibus turgescat.

V. Odores minus tempore *hyberno* percipiuntur,
quàm *æstivo*. Hinc *Canes* venatici melius æstate
quàm frigidis mensibus feram insequuntur.

*Odores
æstate
melius
quàm
hyeme
percipi-
untur.* Alia hujus experimenti causa esse nequit,
quàm quod *calor*, qui *æstate* dominatur, cor-
porum meatus expandat, atque dilatet; quo
fit, ut halitus facilius diffundatur, & circum-
cinctum aerem percurrat. Frigus vero per
condensationem poros comprimit, obstatque,
ne corporum particulae resolvantur, & in
vaporem abeant. Eo fere modo, quo fumus ca-
lore ignis excitatus extenditur, contrahitur
vero, dum gelu circumambitur, & per frigi-
dum aerem ascendit. Quanquam etiam dici
possit, *æstivum* odoribus recipiendis magis

aptam

aptam esse quàm hyemem, quod *hyeme* corporum meatus contrahantur, parumque halitus ex illis educatur: Æstate vero odores ob aeris calorem nimis dissipentur, & eorum copia perturbetur organum ac distrahatur.

VI.

Qui *simis* naribus sunt, foetidum halitum ut *Quare* plurimum spirant. Hinc tot Poetarum in *Simos* *simi* *us* *pluri-* *mum* *fa-* *tidum* *halitum* *emittunt*, quibus eorum graveolentia taxatur.

Id contingit, quod *pori*, per quos defluens ex cerebro humor ad nares pergit, obstruuntur, aut nimis angusti sunt, ut per illos libere delabi queat: quo fit, ut illic concresecendo corrumpatur & putrescat. Addi etiam potest, quod *simi* vitiatos pulmones ut plurimum habeant, quia cum aer per breviorē narium cochleam traduci purgarique nequeat, necessum est cerebrum ac pulmones infici, & graveolentiam procreare.

VII.

Qui ingenio præstant, obtusiorē sunt olfactu, imo hanc sentiendi facultatem interdum penitus amittunt. *Ingeniosi* *hebetioro* *sunt olfactu.*

Causa est, quod ii maxime ingeniosi sunt, quibus *cerebrum* probe defæcatur, exonerato scilicet superfluo ac excrementitio pituitoso humore, quo expeditum cerebrum promptius efficitur, ad ea opera exequenda, quæ ab ingenii facultate pendent. Illi autem quibus *pituita* defluit, & ad nares continuo delabitur, non possunt non hebetiore olfactu fieri, quod pituita nares obducatur, & advenientes odores arecat, & vim eorum obtundat.

ARTICULUS QUARTUS.

De Auditu.

I.

*Cur au-
ribus
mutis
confuso
sonos ex-
cipiant.*

HI quibus abscissæ sunt auriculæ, referunt se omnes sonos confuse haurire, adeo ut sibi quendam *cicada* stridorem, aut defluentis *aquæ* murmur audire videantur.

Ratio est, quòd aures exteriores, ad modum infundibulorum excavatæ sunt & ampliatae; ita ut vibratus aer per earum *helices* & amfractus transeundo colligatur & intendatur. Aer enim eo copiosius meatum auditorium ingreditur, quo ex ampliori spatio veniens, ad angustias defertur. Unde *surdastri* facultatis suæ defectum admota *manu*, aut *cornu* imposito supplent, quatenus in tortuosis finibus sonus amplietur, & vi majori aures subeat. Abscissis itaque auriculis, sonus recta in meatum auditorium incidit, deestque illa determinatio, quam ex tali illapsu & incidentia adipiscitur. Ac proinde sonus non alio modo illis advenit, quam si ex variis partibus proveniret; ut contingit in *cicada* stridore, & murmure *aquæ defluentis*.

II.

*Cantilena
na tibia
iuncta
suavior
fit, quam
lyra con-
iuncta.*

Cantilena, si *tibia* jungatur, suavior red- dicitur, magisque *Auditus* organum demulcet, quam si ad *lyram* cantetur.

Quia *tibia* sonus magis continuus est, minusque distrahitur. Nam quum modulis delectemur, magisque volupe sit motus proportionatos audire; illis magis caquimur, qui quendam tenorem servant, & repetitis ictibus ani-

animum pulsant, Addi etiam potest, quod Sonus tibiæ, quemadmodum vox, flatu perficiatur, ac proinde facilius inter se commisceantur. *Lyra* enim asperitatem quandam efficit, & quomodocumque pulsetur, quandam acerbitatem auribus generat.

III.

Qui *Tarentula* veneno infecti sunt, *Musica* *A Tarentula* curantur: Unde si quis illis admotus *Barbyto*, *percussu*, aut *cysara* desideratum soni vel cantus *musica* modum canat, æger veluti somno expergefactus, subito cubili assurgit, & tanto conatu *sanatur*, per aliquot horas, pedes movet, ut saltando virus è corpore sudoribus expellatur.

Tam mirabilis effectus causa, *musici* instrumenti motui tribuenda, quo *Tympanum*, mox *cerebrum* percussa, eorum opera arteriæ, nervi, & musculi excitantur: Adeo ut pulsata vehementius *cythara*, æger se ab illo veneno liberaturus saltet, atque eo modo prohibeat, ne vis veneni ulterius grassetur, sed continuo corporis concussu excutiat, & per sudores transmittatur. Sic ut *cythara* motus in nervis agitationem sollicitet, ut veneni vim, quod arterias occupat, dissipet.

IV.

Si quis intra cubiculum constituatur, clarius distinctiusque verba, quæ foris prolata sunt, excipit, quàm foris positus voces audit, quæ intra cubiculum pronuntiantur.

E cubiculo melius verba foris prolata audiuntur quam è contra.

Id oritur, quod sonus per aerem diffusus, corporum objectu reflectatur, ut *Echo* satis prædicat; nam cum intra cubiculum multi sint obices, exempli causa, *parietes*, *tabula-*

D d

ta &c.

ta &c. quæ appulas voces remittunt, fit, ut sonus robustior sit, magisque aures feriat, quam in aere libero, ubi illa obstacula non reperiuntur, è quibus soni resultent. Hinc, qui de summo aliquo loco loquitur, melius ab eo auditur, qui in inferiore est, quam è diverso, de imo loquens ab eo, qui supremum locum occupat: quoniam plura corpora occurrunt, è quibus reflecti vox potest, dum deorsum tendit, quam dum in auras evolat, & per aerem divagatur.

V.

Cur Campana non semper in loco ubi est, auditur.

Sonus campanæ ita nonnunquam audiri accidit, ut non è loco, ubi est, & à quo profectus est, provenisse judicetur, sed ex loco opposito.

Illa fallacia procedit à soni reverberatione, qui ultimo aures feriens, ex eo loco proficisci existimatur. Nam sicuti res per radiorum reflexionem, non ubi est, sed illic, ex quo radii ultimo derivantur, apparet: ita campana aliudque sonorum corpus eo in loco esse judicatur, ex quo sonus ultimo ad aures pervenit.

VI.

Unde oritur murmur, quando clausis auribus percipitur.

Si quis utramque aurem, aut earum alteram probe obturet, tremulum quoddam murmur audiet.

Hujus causa ab aeris agitatione in auribus inclusi petenda est: nam cum ex auribus plurimum halitus continuo effluat, si obice apposito effluvium istud sistatur, aer intra aurium cavitates constrictus, & angustius spatium naetus, in *sympannum* agit, impellitque: Ex qua agitationis vehementia quoddam murmur oriri necesse est, & aures eo modo afficere

cere, ac si ab objecto sonoro esset profectum.

Urinator ille tam celebris in *Gallia, Machi-* VII.
na sua obvolutus, quæ degenti in aere audi- *Quare*
tionem non adimit, testatus est, se cum in fun- *sonus sub*
do Oceani decem plus minus orgyas non *aquis*
procul *Diepa* versaretur, non obaudiisse pror- *non au-*
sus idus tormentorum aliquot, quibus è por- *diunt.*
tu solvens navis jussit, jussaque fuit solvere.
Gassendus.

Quia Sonus procreari nequit, nisi in mo-
bili subjecto: Adeo ut si medium illud, per
quod transferendus est, nullum tremorem
concipere valeat, aut aliorum corporum tre-
mori obluetetur, nullum strepitum produce-
re possit. Quare cum tanta sit *aqua* moles,
ut à commoto aere agitari nequeat, eiusque
tremoribus resistat: mirum non est, si stre-
pitus supra aquas excitatus ad fundum usque
non perveniat. Nam sicuti videmus *lapidem*,
ex alto etiam loco in *fluvium* cadentem, nul-
lum sonum cum ad fundum pervenit, edere,
quamvis in alios lapides impingat: ita exte-
rior Sonus notabilem aquarum altitudinem
sic penetrare nequit, ut ab ullo excipiat: *I.*
Cum ipsi, qui *supini* natant, vix quicquam au-
dant, quamdiu immerfas aures habent, &
infra aquæ superficiem reconduntur. *Quomodo pulcrum*

ARTICULUS QUINTUS.

De Visu.

SI quis proprius *pulicem* intueatur, & in *Quomodo pulcrum*
equum, aut aliud similis magnitudinis ani-
Dd a mal

*Et æquus
ejusdem
magni-
tudinis
videri
possunt.*

mal procul distans, oculos conjiciat, æquales apparebunt, & sub eadem magnitudine conspicientur.

Illud ex *Optica* manifestum est; quod nimirum videndi facultas, seu potius *Anima* in cerebro residens, objecta majora vel minora apprehendat, prout sub majore vel minore angulo oculis offeruntur. Cum autem *Pulex* proxime visus, *æquus* remotius, sub eodem angulo videantur, ab *Anima* æquales esse judicantur. Evidens enim est, objectum majus percipi, quod majorem nervo optico sive retinæ affectionem imprimit: minus autem, quo minor organi portio afficitur. Hinc quo res à nobis magis recedit, eo minor apparet, & quo magis accedit, nobisque propius admovetur, *major*: eo quod objectum, quo amplius à nobis removetur, eo auctiore minoreque angulo apparet, atque minorem affectionem imprimit. Horum omnium ratio est, quod, dum objectum recedit, seseque paulatim oculis subtrahit, non solum secundum circumferentiam minuitur, sed etiam secundum omnes, quæ ad oculum obvertuntur, partes; Quia licet semper pari modo radios ex singulis punctis remittat, eorum tamen plurimi pro ratione recessus & elongationis oculum præterlabuntur, & alio distrahuntur.

II.

*Contra-
cta pupil-
la objecta
interdum
desinunt
videri.*

Objecta pupillæ contractione interdum penitus evanescent; Ut si quis oculos in illustre aliquod sidus, exempli causa, *Venerem*: aut *Jovem* dirigat, & pupillam arte aliqua con-

strin-

stringat, sidus antea visum, paulatim disparebit, & demum oculum effugiet.

Hujus Phænomeni ratio ex parte ipsius *pupillæ* desumitur, quæ pro coarctationis, aut dilatationis ratione, efficit, ut objectum videatur aut evanescat. Cum enim *contracta* pupilla pauciores radios sub minori angulo excipiat, efficit, ut objectum minus appareat; ac proinde si ita pauci sint, ut insensibili angulo comprehendantur; retinam nullo modo, quantum ad visionem requiritur, afficient; & sicut illa affectio non percipitur, ita nec objectum, quod illa mediante sentiri debet, amplius deprehendetur. Juvat etiam ad insensibilem illam affectionem reddendam, quod in pupillæ contractione *Chrystallinus* aliquantum laxetur, quo fit, ut retinæ *fundus* tantulum, retrogrediatur, debiliorque fiat elapsorum radiorum incidentia; quæ duo sufficiunt, ut ad pupillæ *contractionem*, objectum dispareat, & quod antea videbatur, postmodum videri desinat.

III.

Strabonem constat, tam certa oculorum acie fuisse, ut à *Lilibao*, portu Chartaginensium egredientes classes intueretur, in iisque singulas naves numeraret. Distantia vero centum triginta quinque millia passuum erat. Referatur etiam *Hispanum* quendam *Lopem* in Gadiibus fuisse, qui ex edito monte, quem vocant *Calpen*, per fretum illud oppositum acie penetrabat, & ex Europa, Africae littus (cujus tractus vel teste *Cleandro* in Epistol. ad *Janib. Labocum*, mari tranquillo trium aut qua-

Ut aliqui
ad lon-
gam di-
stantiam
objecta
depre-
hendunt.

tuor horarum est) collustrabat, quæque ibi agebantur, indicare poterat. *Jonston.*

Tam mira oculorum acies, ab eorum duplici dispositione maxime pendeat. *Primum* à chrySTALLINI docilitate, faciliq; processuum ciliarium usu, dum nimirum secundum diversam radiorum ab objectis reflexorum incidentiam, *Chrystallinus* ita adaptabatur, & eo modo disponebatur, quem exacta projectio requirebat. *Secundo* oportuit, ut retina capillamenta ita fuerint exquisitè disposita, ut minimam affectionem reciperent. Quia licet, quæ oculis intuemur, non nisi quatenus colore quodammodo discrepant, dignosciqueant: non tamen distincta colorum perceptio ex eo duntaxat pendet, quod omnes radii à singulis corporum punctis provenientes, in fundo oculi in totidem aliis circiter coeunt: sed etiam ex multitudine capillamentorum nervi optici, quorum extremitates in illo spatio continentur, quod imago in oculi fundo occupat. Unde dubium non est, quin *Sirabo* & *Lo pes* ille *Hispanus* tam accurato retinae plexu gauderent, tamque docilem *Chrystallinum* habuerint, ut præ cæteris distinctius objecta contemplari possent, & alia ad tam ingentem distantiam prospicere.

IV.

*Cur
montis
summi-
tas longe
distantis
contigua
monti vi-
deatur,*

Montis fastigium longe ultra visibilem horizontem exporrecti nobis apparet cum ipso colle conjunctum; & sol dum oritur & occidit cum ipso horizonte adhærere & uniri videtur. Hujus apparentiæ causa est, quod res à nobis indistantes cernuntur, dum radii cohærent & absq;

& absq; aliorum corporum interpositione ad oculos nostros appellunt; quod in casu posito contingit. Quippe licet inter *Solem* & *Horizontem* immensa distantia interjaceat, multaq; corpora in ea contineantur; quia tamen ex illis nulli ad nos radii perveniunt, sed ex ipso tantum Sole & Horizonte, fit, ut illa inter se contigua & cohærentia cernantur. *Horizontis* enim distantia non alio pacto à nobis cognoscitur, quàm ex corporum diversitate inter eos & illa interpositorum: Unde, si contingat, spatia illa intermedia obtegi, nihilque eorum ad nos transmitti illa, quæ ita procul videmus, contigua esse judicamus, & nullo intervallo dirimi.

Experimur cotidie, res, quæ in luminoso loco sunt, à nobis in tenebris existentibus deprehendi; non autem è diverso, è loco lucido, ea notantur, quæ in tenebris pœnantur.

Ratio est, quod ad oculum in caliginoso loco constitutum, luminis radii dirigi possint, aut ex eo ita reflecti, ut nonnulli eorum in locum obscurum penetrent, si interjectum foramen satis pateat, & per illud lumen in intuentis pupillam illapsum, ad retinam usque perveniat: Non potest autem is, qui in medio lumine est, res, quæ in obscuro loco sunt, deprehendere, quoniam ab eo nulli radii proficiscuntur, qui directe aut per reflexionem retinam contingere queant; nisi forte tenebræ aliquo modo dilutæ sint; & quosdam luminis radios remittant; quia tunc nihil obest, quo

V.

Cur è tenebris videremus, quæ sunt in luce, & non è contra.

minus pauci radii è rebus reflexi, oculum sensibiliter afficiant, & aliqualem rerum imaginem repræsentent.

VI.

*Cur simplex ob-
jectum à
duobus
oculis
cernitur.*

Objectum, quod per *geminos oculos* ad cerebrum transmittitur, *simplex* apparet, quamvis nervi etiam optici non coeant, ut patuit in quodam juvene, quem *Vessalins* disparatos habuisse deprehendit.

Simplicitatis objecti causa in quandã glandulam, in cerebri medio sitam, quam medici passim *Conarion* appellant, refunditur; in qua duæ illæ imagines, quæ à duobus oculis proveniunt, uniuntur antequam ad Animam perveniant. Nulla enim in cerebro pars reperitur, quæ non sit *gemina*. Nam quod ad *Cerebellum* spectat, non nisi superficie & nomine tenus unum est; imo manifestum est ejus *processum vermiformem*, & medullam *spinæ* dorsif ex quatuor partibus constare; quarum quidam duæ ex duabus cerebri medietatibus, aliæ vero duæ ex duabus cerebelli medietatibus proveniunt: septum vero lucidum, quod duos anteriores ventriculos separat, geminum quoque est. Ac proinde sola illa *pinealis* glandula restat, in qua species à geminis oculis venientes convenire possint, priusquam ad Animam deferantur.

VII.

*Unde homo pictus
singulos
aspectantes
respicere
videatur.*

Homo pictus in omnem partem circumjacentem obtutum dirigere videtur, & singulos quodammodo intueri.

Hujus ratio est, quod *Hominis picti* oculus in *plano* sit, ac proinde ab omnibus ejus punctis ad spectantis oculum radii duci possint.

Cum

Cum vero viventis hominis oculus *convexus* sit figuræ, & magna ejus pars occultetur, undique radios remittere non valet, ut in sculpris imaginibus cernimus, quarum effecti oculi, cum porrigantur, & curvitatem quandam præ se ferant, radios quoquoversum emittere nequeunt.

ARTICULUS SEXTUS.

De Imaginatione.

Multa in advertentibus nobis occurrunt, ^{I.} quæ antea *sensibus* nostris nunquam fuerunt obvia, aut aliquod sui vestigium reliquerunt; ut dum *Hippocentaurum*, exempli causa, ^{Unde multa nobis obveniant, de quibus antea non cogitabimus.} *Scyllas*, *Scropodes*, *Chymeras* imaginamur, quæ qualia ea formamus, nunquam se oculis ingesserunt.

Licet forte, quæ imaginatione percipimus, non prius in *sensibus*, quoad eorum compositionem, fuerint; ambigitamen nequit, quin eorum partes, è quibus illa constata sunt, cerebrū aliquando subierint; aut si fortè non per se ipsa, saltem per quædam alia, quæ aliquam cum illis cognitionem habebant. Et enim cum *equus* & *homo*, exempli causa, passim oculis nostris obiciantur, & utriusque species super *imaginationis* organo exarentur, illas facile componimus, & *Hippocentaurum* sive Animal ex homine & equo constans apprehendimus. Pariratione de cæterarū rerum vestigiis discernendū est, quorum intuitu multa efformamus, quæ antea sub sensus nostros non ceciderunt.

II. Quidam morbo correpti, ut solent febricitantes, multa se facere arbitrantur, quæ revera non faciunt; & illos dolores sentire, quorum omnino expertes sunt. Quendam enim novi, qui *tertiana* laborans, sæpius querebatur, se humeri vulnere multum torqueri, cum nulum tamen vulnus haberet.

Quomodo febricitantes, imaginantur se pati, quæ non patiuntur.

Illud ex eo contingit, quod species, quæ super glandula *pineali* per cursum spirituum exarantur, aut ope vestigiorum memoriæ excitantur, æque vivæ sint, nec minori robore polleant, quàm quæ à *sensibus* proficiuntur. Cum enim spiritus animales tunc temporis plus æquo agitentur, quàm sanitas exigit; ad aliquarum specierum creationem, cum memoriæ vestigiis concurrunt; quæ nobis omnia repræsentant, tanquam extra nos existentia, & sensibus nostris præsentia. Accidit etiam nonnunquam in morbo, ut objecta nullam impressionem faciant, cum qua mens species illas conferre possit, quas memoria, aut spirituum impetus illic procreant.

III. Quædam notæ seu characteres, vi imaginationis maternæ foetibus inuruntur: ut patet in illis matribus, quæ rem aliquam vehementer appetunt; nam si se in *gena* aut alia corporis parte tangerent, rem illam, exempli causa, *cerasum*, aut *uvas*, in tali foetus membro imprimunt. Cujusdam nobilis foeminæ meminit Forestus, quæ gravida cum brachium fregisset, filium peperit, cujus quoque brachium fractum est.

Quæ est causa notatum in foetibus impressarum.

Hoc oritur, quod *ceras* aut *uvarum* imago in

in cerebro parentis impressa, motu spirituum, ad infantis partem deferitur, propterea quod eadem dispositio, quæ in matris cerebro inest, illique istius fructus desiderium movet, in *infantis* etiam cerebrum transit, & parti signatæ respondet. Unde mater se in illa parte fricans, quo tempore istiusmodi cupidine tenetur, imaginationis suæ effectum illuc producit. Quia mater se tangendo, statim illi in mentem subit character *fatus* imprimendus, ex quo *pudoris* cuiusdam, vel etiam *timoris* motus nascitur, sine quibus nulla infantium corporibus nota inauritur. Cum itaque unumquodque infantis *membrorum*, unicuique parentis *membro* respondeat, & utriusque fibræ ac humores continuentur, mirum non est, si nobilis illius sceminae filius cum rupto brachio editus est, & iisdem remediis ad infantis & matris brachium adhibitis, ambo separatim sanati sunt.

Persina *Aethiopissa* imaginem albi infantis in congressu contemplata, candido vultu *filium* produxit: E contra Regina alia *alba* nigrum infantem genuit.

Quidam medici id *Spermati* tribuunt, quod pro varia qualitatis ratione, diversas formas inducit: Unde si subflavescat, colorem *rufum* tribuere asserunt: si cinericiū colorem præ se ferat, *pullum*: si candidi coloris est, *Album*. Quamvis hæc vulgaria sint, & forte etiam vera, nihil omnino maiorem sibi partem hoc in opere imaginatio vendicat. Quia cum nervi, per quos spirituum cursus inde-

IV.

Quomodo factū sit ut Aethiopissa filium album peperit.

finenter feruntur, à cerebro in omnes corporis partes protendantur, *imaginationis* vis præfertim, si paulo vehementior sit, in viscera operando humorumque motus excitando, nigrum vel album colorem inducere potest. Sic *Oves Jacob*, pro diverso appositarum virgarum *intuitu*, foetus varii coloris ediderunt.

V.
Cur deli-
rii qui-
dam e-
undem
semper
sermo-
nem reti-
ment.

Quorundam mentes tanta insania occupat, eorumque iudicium ita pervertitur, ut perpetuo eadem loquantur, nec ad aliorum verba attendant aut respondeant. Phreneticum *Parisiis* vidi, qui integro die sermones eosdem repetebat, & si casu interrompebatur, à loquentis ore pendeat, tanquam ad singula responsurus, sed finito alloquentis sermone, eandem quam prius *fabulam* recitabat.

Id talibus obvenit, quod tanta spiritus animales eorum perturbatio occupat, ut aliorum verborum impressionem haud sinat, nisi exiguo tempore *glandula* in hære: quo fit, ut prima rerum imagine, quæ detinebatur, illico revertente tanquam dictorum obliti, ad ea respondere non valeant: sed tantum conformiter ad ea, quæ glandulam impellunt, & menti eorum, tunc temporis, obijciuntur. Mihi enim facile persuadeo huiusmodi Homines *Phrenesi* non infici, nisi dum illorum Anima, in glandulæ motus imperium non habet; aut quia ita commoti sunt animales spiritus, atque adeo *inequali cursu* super ea feruntur, ut eam citra modum ac mensuram concutiant, innumerasque species super ea excitant, quæ
statim

statim effluunt & elabuntur, Aut etiã quod cursus spirituum glandulam quibusdam *memoria* vestigiis ita tenaciter imbuunt, ut eadem semper imago repræsentetur, à qua se explicare anima nequeat.

VI.

Aliqui sibi persuadent *nasum* tantæ molis *Quidam* habere, ut nullæ eis januæ perviæ sint. Alii *in morbo* se *Reges* esse credunt; ut servus ille *Hispanus* *se Reges* *esse ima-* *ginantur*, cujus *Joannes Huartus* meminit, qui se regem arbitratus, prudentissimos in morbo de regimine faciebat discursus. Quidam apud montanum imaginabatur totam *mundi* superficiem ex subtilissimo esse vitro; subtus Serpentes latere; & in lecto tanquam in insula morari; unde, si egrederetur, facile in serpentes, vitro fracto, incidere posse. *Jonstonus*.

Hujus extravagantiæ causa ex jam dictis deduci potest; quippe dum pertinemet aliquam spirituum dispositionem; & firma quædam memoriæ vestigia, glandula ad eam cerebri partem convertitur, ubi pori reserantur, quorum apertura, *Regis*, *Serpentis*, *Vitri* &c. species revocari potest, aut etiã eo ipso tempore efformatur, Anima talem speciem intuita, se ipsi *Regi*, *Serpenti*, *vitro*, quæ per illam speciem repræsentantur, conjunctam considerat, & veluti unum totum cum illa componentem. Novi ego quendam Londini, qui se *Archiepiscopum* Cantuariensem esse diceret, à *Rege* creatum, & præsentem indubie successurum: cum interim in rebus aliis cæteris sapiens videretur, & nullo alio phantasmate laboraret; nam sua sollicite curabat, tempus *seriis*

feriis impendebat, & muneri exequendo, cui adstringebatur, solers & providus incumberebat. Quod illi contingere arbitror, dum *spirituum* agitatio, à quibus antea glandula trahabatur, eo tempore cessat, quamdiu nihil illi obijcitur, quod pristinos illos motus renovare possit: donec ipsius *paroxysmus* revertatur, & tanquam feбри obnoxiiis nova accessio superveniat.

ARTICULUS SEPTIMUS.

De Memoria.

I. *Cur infantes parum memoria valeant.* **P**ueri & infantes minus memoria pollent, citiusque, quæ didicere, obliviscuntur, quam dum grandiores sunt, & ad ætatem mediam pervenerunt.

Ratio est, quia memoria ex quibusdam *vestigis* in cerebro manentibus pendet, postquam rei alicujus species illi impressa est: unde si contingat aliquas cerebri partes per *accretionem* aut *diminutionem* immutari, necesse quoque est vestigia illa perturbari, & nonnulla ex illis evanescere. Cum autem *pueri* & *infantes* continuo augeantur, illisque semper aliquid novæ substantiæ accedat, plura in cerebro, spirituum animalium transcurso efformata, facile pervertuntur, & pristinum suum ordinem amittunt. Quemadmodum *plumæ* in *papyro* facile evanescunt, si quæpiam deterantur, & nova aliqua substantia superinducatur. Ad id etiam potest, quod puerorum cerebrum nimis molle ac humidum sit, ut tenaciter cohaere-

la retineat : nam licet facile ea recipiat , non tamen eorum distinctionem retinet , perinde se habet ac lutum plurima aqua inaceratum.

Senes , ubi ad decrepitam ætatem pervenerunt , omni pene *memoria* cadunt , nihilque eorum , quæ paulo ante fecerunt , recordantur. *Juventutis* autem suæ gesta meminerunt , atque illa pertinaciter retinent. II.

Perit *Sensibus* memoria , ob nimiam cerebri siccitatem. *Arida* enim non ita facile dimoveri , & impressionem suscipere queunt : aut si penetrari se patiuntur , statim se pristino statui restituant , & loca priora occupant. Senes vero , quæ olim memoria complexi sunt , retinent , quod cerebri partes induruerint , & ejus pori , quibus antea spiritus cursitarunt , quandam facilitatem acquisierunt ad alicujus objecti præsentiam , spiritibus ad eos venientibus , eadem ratione se aperiendi. Hinc ex ætate tempora maxime extollunt , quoniam olim factorum memores sunt , & quæ nuper ipsis contingere , statim obliviscuntur.

Si res aliqua , quam antea novimus , memoria excidat , & denuo postmodum illius recordemur , statim etiam illud occurrit , quod cum illa conjunctum est. Ut si *Hominis* recordemur , statim mentem subit *injurya* , quam ab illo accepimus. III.

Ratio est , quod quando memoriæ vestigia rei alicujus imaginem super glandulam roderunt , spiritus simili modo per eosdem poros revertentes , aliam quoque speciem reducunt cui prior fuit conjuncta : Quo fit , ut spiritus

tus in eosdem musculos fluentes, corpus nostrum disponunt ad easdem iterum actiones edendum, quas edidit occasione objecti, quod eos primo excitavit. Id non in Homine tantum, sed & in *bestiis* contingere experimur. Si enim *canem* in nos involaturum *fuste* excipiamus, & ad fugam adigamus; quamvis postmodum eidem cani absq; *baculo* occurramus, non minus se fugæ comittet, quam si nos armatos cerneret. Quoniam ope *Plagarum*, quibus exceptus est, cursum spirituum junximus, quem noster aspectus excitabat, cum eo cursu, quem flagella produxerunt. Adeo ut duabus illis viis in cerebro occurrentibus, & in unam confusis, parvi referat, quænam illarum aperiatur, ad motum *musculorum* efficiendum, & easdem actiones excitandas.

IV.

Magis
mane
memoria
valemus
quam
alias.

Quæ *matutino* tempore mente revolvimus, facilius memoriæ mandamus, firmitusque inhaerent, quam quæ reliquo diei decursu.

Quia eo tempore cerebrum liberum est, & nullis adhuc *rerum* vestigiis impeditur, nam quemadmodum in *charta* plicarum multitudo & in *aëre* sonorum copia confusionem parit; Ita in *Cerebro* rerum multarum delineatio vestigia perturbat, & non finit, ut illa in debitis locis reponantur, & secundum naturam propriam percipiantur. Sensus enim pluribus intentus facile distrahitur, & minor fit, quo magis ad distincta contemplanda occupatur. Accedit etiam, quod cerebrum tempore *matutino* minus vaporibus impediatur, utpote ciborum digestionem jam peracta, ac proinde

fibræ

fibræ magis expeditæ fiunt, ac celeriores cerebri motus, & novam affectionem induendam.

Morbus interdum omnem memoriam adimit, & illam ita labefactat, ut qui antea memoria pollebant, rerum pene omnium post infirmitatem *obliviscantur*. Quidam, teste *Plinio* ex alto elapsus, parentum, cognatorum & propinquorum *nomina*, quoad vixit, oblitus est. *Messala Corvino*, ex morbo, non famulorum & affinium modo, sed & proprii nominis *memoria* excidit.

V.

Quidam post morbum suorum parentum nomina oblitus sunt.

Id contingit, quod ægritudinis vis, vel ictus capiti inflictus cerebri dispositionem immutat & poros ope spirituum efformatos pervertit. Quo fit, ut vestigia expungantur, vel fibrarum plexus eo statu relinquatur, ut ad prædictam functionem minus idoneus evadat; nam sicuti in fusus *papyro* humor, omnes ejus plicas eluit, sic ut dum aruerit papyrus *nulla* amplius supersint: ita fieri potest, ut Humor morbificus ita invalescat, ut omnes cerebri *plicas* tollat, & nulla amplius vestigia earum rerum remaneant, quæ ægrotus antea noverat. Ex opposito evenire potest, ut qui obtusæ antea erant memoriæ, *felicem* ac vegetam iisdem de causis acquirant: Ut de *Clemente* sexto Pont. Max. refertur, qui felicis adeo fuit memoriæ, ut quod semel legisset, non amplius oblivisceretur. Quam facultatem ei obvenisse *Petrarcha* scribit ex inflicto capiti vulnere, quo indubie quædam obstructions dissolutæ sunt, & cerebri meatus aperti, quibus

Ec

bus

bus commoda transcurrendis spiritibus via fieret. Alterius meminit *Fulgosus lib. I. cap. 6.* tempore Friderici II. Imperatoris, qui hausto è vena sanguine, servatâ rerum cæterarum memoriâ, non *legere* amplius, non *litteras*, exarare noverat, ac si utrumq; nunquam didicisset. Anno autem transacto, renovataq; venæ sectione, legendi scribendiq; scientiam recuperavit, & sibi ipsi quodammodo restitutus est.

ARTICULUS OCTAVUS.

De Somniis & Insomniis.

1.
*Cur somnia
interrupta
sunt.*

Somnia ut plurimum *interrupta* sunt, & non nisi raro aliqua connexionem coherant.

Illud ex eo procedit, quod spiritus diversimode agitati, & variarum impressionum vestigia reperientes, per quosdam poros potius quam per alios cursum suum dirigunt. Spiritus enim animales *cerebri plicas* percurrendo earum series quodammodo instant, & pro varia eorum agitatione, uno tenore illas commovent, aut ab una in aliam transiliunt. Hinc si contingat, quod spiritus una vestigiorum serie relicta, in aliam atque aliam, & ita porro subsiliat, necessum erit, varias *imaginationes* oriri, quæ nullo inter se nexu coherant, & se cum quadam interruptione comitentur. Unde *Aristoteles* tales impressiones, quæ per somnum in cerebro formantur, *Ranis* ex subere confectis comparat, quæ *sale* graves in aquam demerguntur, quæq; sale demum colliquato, alternatim enituntur, & nullo ordine servato, in *aqua* superficiem emergunt, *Ari-*

Aristoteles libr. de insomn. capite ultimo, nonnullos citat, qui nunquam somniasse observati sunt. Talem fuisse temporibus suis *Cleonem à Danlia* Plutarchus memorat. Cum quodam *Londini* medicinæ doctore familiaritate fui conjunctus, qui mihi non semel protestatus est, se nihil unquam per quietem vidisse.

Quamvis forte hujusmodi Homines somniasse se haud fuerint recordati, non tamen somniorum expertes fuisse dicendi sunt. *Anima* enim nunquam ab omni cogitatione cessat, & quātumcumq; corpus sopiatur illa *essentiam* suam non amittit, quæ in cogitatione constituta est. Quod igitur tales Homines cogitationum nocturnarum non meminissent, non inde convincitur, eos nullas habuisse; quum nobis usu veniat, non somniorum duntaxat, sed & cogitationum, quas expergefacti habuimus, non reminisci, quamvis interrim certi simus, aliquid nos per somnum vidisse, aut rem aliquam distincte percepisse. Sic *Cleon*, sic memorati ab *Aristotele* viri non à somniis liberi fuerunt, sed eorum solum immemores, quorum species propter temperamenti qualitatem obliterarentur.

Nonnulli inter dormiendum se opprimi imaginantur, veluti *Damon* aliquis pectori eorum incumberet, & respirandi facultatem adimeret. Hinc talis suppressio, quam Latini *incubum* vocant, à Græcis veluti *insultor* appellatur.

Talis corporis fatigatio ab humore crasso ac pituitoso, ut vult *Fernelius*, provenit, quæ in-

II.

An sint alii qui, qui nunquam somniant.

III.

Unde oriatur incubus inter dormiendum.

testinis adhæres, *diaphragma* & *pulmones* fatigat, quorum impulsibus agitata glandula illud menti repræsentat, tanquam *phantasma* quoddam quod in pectus insilit & respirationem suffuratur. Nam quæ nobis per somnum offeruntur, cerebrum fortius afficiunt, quam quæ per Sensus vigilando eidem ingeruntur. Sic dum somno indulgemus, si *pituita* in ore abundet, fit ut certos aliquos cibos masticare, & multa iteratione moliri videamur, quod nunquam nobis per vigiliam contingit. Ita licet forte humor ille fuliginosus, dum *supini* decumbimus, leniter irrepat, & nervos tactorios commovens, levi impetu, *glandulam* agitet, nihilominus opprimi videmur & molestis suppressionibus fatigari, quæ nobis vigilantibus nunquam contingunt.

IV.

*Quomodo
nonnulli
dormiendo
à lecto sur-
gunt &
ambulant.*

Quibusdam solenne est, intempesta nocte è cubili surgere, & ea perficere, quæ vigiles aggredi non auderent. Quidam sursum deorsumque rapiuntur, & nullo fulti adminiculo, *summa* arborum ac domuum fastigia ascensu superant. Cujusdam nobilis meminit *Horstius*, qui turrim conscendit, & spoliatis avium nidis, se iterum funis ope dimisit.

Medici illa à sanguine turgido, & spirituum fervescencia fieri autumant, quæ in mentis sedem delata, ea motuum instrumenta agitant, & ad illos effectus peragendos impellunt. Quo fit, ut corpus *spiritus* animalis impulsu, in sublime feratur, ejusque vi etiam per somnum ad tales actiones incitetur. Sed hæc omnia sine *imaginationis* adminiculo evanida fore

da fore existimo, quæ pene sola difficilia illa præstat, & operatur. Imaginatio enim non solum ab objectis externis incitatur, sed & ab illis, quæ per somnum repræsentantur: Unde reservatis rerum speciebus agitata, facultatem motricem stimulat, & ad ea peragenda impellit, quæ spectantibus admirationem stuporemque incutiunt.

In somniis eadem munia & actiones nobis obversantur, quibus *interdum* intenti & occupati sumus. Unde Claudianus lib. 3. præfationis.

V.

*De iis passim
somniamus
qua per
vigilam
tractamus.*

*Omnia quæ sensu voluntur vota diurno,
Tempore nocturno reddit amica quies.
Venator defessa thoro dum membra reponit,
Mens tamen ad sylvas, & sua lustra redit.
Judicibus lites, auriga somnia currus,
Vanaque nocturnis meta cavetur equis,
Gaudet amans furto: permutat navita merces,*

*Et vigil elapsas quarit avarus opes.
At quoque musarum studium sub nocte silenti
Artibus innumeris sollicitare solet.*

Ratio est, quod partes cerebri, quæ antea objecti exterioris actione concussæ fuerant, facilius à spiritibus animalibus commoveantur, quàm illæ quæ in quiete manserunt. Unde cum rerum earum vestigia, quas primum sumus imaginati, aperta sint, & quodammodo hiantia remaneant, spiritus ea transcurrendo easdem imaginationes animæ referunt, quas vigilando ei impresserant. Quare nisi male constitutum sit corpus, & noxiis humo-

minus pauci radii è rebus reflexi, oculum sensibiliter afficiant, & aliqualem rerum imaginem repræsentent.

VI.

*Cur simplex ob-
jectum à
duobus
oculis
cernitur.*

Objectum, quod per geminos oculos ad cerebrum transmittitur, *simplex* apparet, quamvis nervi etiam optici non coeant, ut patuit in quodam juvene, quem *Vessalins* disparatos habuisseprehendit.

Simplicitatis objecti causa in quandã glandulam, in cerebri medio sitam, quam medicipassim *Conarion* appellant, refunditur; in qua duæ illæ imagines, quæ à duobus oculis proveniunt, uniuntur antequam ad Animam perveniant. Nulla enim in cerebro pars reperitur, quæ non sit *gemina*. Nam quod ad *Cerebellum* spectat, non nisi superficie & nomine tenus unum est; imo manifestum est ejus *processum vermiformem*, & medullam *spinæ* dorfi ex quatuor partibus constare; quarum quidam duæ ex duabus cerebri medietatibus, aliæ vero duæ ex duabus cerebelli medietatibus proveniunt: septum vero lucidum, quod duos anteriores ventriculos separat, *geminum* quoque est. Ac proinde sola illa *pinealis* glandula restat, in qua species à geminis oculis venientes convenire possint, priusquam ad Animam deferantur.

VII.

*Unde homo pictus
singulos
adstantes
respicere
videtur.*

Homo pictus in omnem partem circumjacentem obtutum dirigere videtur, & singulos quodammodo intueri.

Hujus ratio est, quod *Hominis picti* oculus in *plano* sit, ac proinde ab omnibus ejus punctis ad spectantis oculum radii duci possint.

Cum

Cum vero viventis hominis oculus *convexus* sit figuræ, & magna ejus pars occultetur, undique radios remittere non valet, ut in sculptis imaginibus cernimus, quarum effecti oculi, cum porrigantur, & curvitatem quandam præ se ferant, radios quoque versum emittere nequeunt.

ARTICULUS SEXTUS.

De Imaginatione.

Multa in advertentibus nobis occurrunt, quæ antea *sensibus* nostris nunquam fuerunt obvia, aut aliquod sui vestigium reliquerunt; ut dum *Hippocentaureum*, exempli causa, *Scyllas*, *Scropodes*, *Chymeras* imaginamur, quæ qualia ea formamus, nunquam se oculis ingesserunt.

I.
Unde
multa
nobis ob-
veniant,
de quibus
antea
non cogi-
tavimus.

Licet forte, quæ imaginatione percipimus, non prius in *sensibus*, quo ad eorum compositionem, fuerint; ambigitamen nequit, quin eorum partes, è quibus illa constata sunt, cerebrum aliquando subierint; aut si forte non per se ipsa, saltem per quædam alia, quæ aliquam cum illis cognationem habebant. Et enim cum *equus* & *homo*, exempli causa, passim oculis nostris objiciantur, & utriusque species super *imaginationis* organo exarentur, illas facile componimus, & *Hippocentaureum* sive Animal ex homine & equo constans apprehendimus. Pari ratione de cæterarum rerum vestigiis discedendum est, quorum intuitu multa efformamus, quæ antea sub sensus nostros non ceciderunt.

II. *Quomodo febri- citantes, imaginantur se pati, quæ non patitur.* Quidam morbo correpti, ut solent *febricitantes*, multa se facere arbitrantur, quæ revera non faciunt; & illos dolores sentire, quorum omnino expertes sunt. Quendam enim novi, qui *tertiana* laborans, sapius querebatur, se humeri vulnere multum torqueri, cum nullum tamen vulnus haberet.

Illud ex eo contingit, quod species, quæ super glandula *pineali* per cursum spirituum exarantur, aut ope vestigiorum memoriæ excitantur, æque vivæ sint, nec minori robore polleant, quàm quæ à *sensibus* proficiscuntur. Cum enim spiritus animales tunc temporis plus æquo agitentur, quàm sanitas exigit; ad aliquarum specierum creationem, cum memoriæ vestigiis concurrunt; quæ nobis omnia repræsentant, tanquam extra nos existentia, & sensibus nostris præsentia. Accidit etiam nonnunquam in morbo, ut objecta nullam impressionem faciant, cum qua mens species illas conferre possit, quas memoria, aut spirituum impetus illic procreant.

III. *Quæ est causa notarum in foetibus impressarum.* Quædam notæ seu characteres, vi *imaginationis* maternæ foetibus inuruntur: ut patet in illis matribus, quæ rem aliquam vehementer appetunt; nam si se in *gena* aut alia corporis parte tangerent, rem illam, exempli causa, *cerasum*, aut *uvas*, in tali foetus membro imprimerent. Cujusdam nobilis sceminæ meminisse Forestus, quæ gravida cum brachium fregisset, filium peperit, cujus quoque brachium fractum est.

Hoc oritur, quod *ceras* aut *uvarum* imago in

in cerebro parentis impressa, motu spirituum, ad infantis partem deferitur, propterea quod eadem dispositio, quæ in matris cerebro inest, illique istius fructus desiderium movet, in *infantis* etiam cerebrum transit, & parti signatæ respondet. Unde mater se in illa parte fricans, quo tempore istiusmodi cupidine tenetur, imaginationis suæ effectum illuc producit: Quia mater se tangendo, statim illi in mentem subit character *fœtus* imprimendus, ex quo *pudoris* cujusdam, vel etiam *timoris* motus nascitur, sine quibus nulla infantium corporibus nota inauritur. Cum itaque unumquodque infantis *membrorum*, unicuique parentis *membro* respondeat, & utriusque fibræ ac humores continuentur, mirum non est, si nobilis illius *fœminæ* filius cum rupto brachio editus est, & iisdem remediis ad infantis & matris brachium adhibitis, ambo separatim sanati sunt.

Persina *Æthiopissa* imaginem albi infantis in congressu contemplata, candido vultu *filium* produxit: E contra Regina alia *alba* nigrum infantem genuit.

Quidam medici id *Spermati* tribuunt, quod pro varia qualitatis ratione, diversas formas inducit: Unde si subflavescat, colorem *rufum* tribuere asserunt: si cinericium colorem præ se ferat, *pullum*: si candidi coloris est, *Album*. Quamvis hæc vulgaria sint, & forte etiam vera, nihil omnino majorem sibi partem hoc in opere imaginatio vendicat. Quia cum nervi, per quos spirituum cursus inde-

IV.

Quomodo factū ut Æthiopissa filium album pepercit.

finem et

sinenter feruntur, à cerebro in omnes corporis partes protendantur, *imaginationis* vis præfertim, si paulo vehementior sit, in viscera operando humorumque motus excitando, nigrum vel album colorem inducere potest. Sic *Oves Jacob*, pro diverso appositarum virgarum *intuitu*, fœtus varii coloris ediderunt.

V.
Cur deli-
viqui-
dam e-
undem
semper
sermo-
nem reli-
quent.

Quorundam mentes tanta insania occupat, eorumque iudicium ita pervertitur, ut perpetuo eadem loquantur, nec ad aliorum verba attendant aut respondeant. Phreneticum *Parisiis* vidi, qui integro die sermones eosdem repetebat, & si casu interrompebatur, à loquentis ore pendeat, tanquam ad singula responsurus, sed finito alloquentis sermone, eandem quam prius *fabulam* recitabat.

Id talibus obvenit, quod tanta spiritus animales eorum perturbatio occupat, ut aliorum verborum impressionem haud sinat, nisi exiguo tempore *glandula* in hære: quo fit, ut prima rerum imagine, quæ detinebatur, illico revertente tanquam dictorum obliti, ad ea respondere non valeant: sed tantum conformiter ad ea, quæ glandulam impellunt, & menti eorum, tunc temporis, objiciuntur. Mihi enim facile persuadeo huiusmodi Homines *Phrenesi* non infici, nisi dum illorum Anima, in glandulæ motus imperium non habet; aut quia ita commoti sunt animales spiritus, atque adeo *inequali cursu* super ea feruntur, ut eam citra modum ac mensuram concutiant, innumerasque species super ea excitant, quæ
statim

statim effluunt & elabuntur. Aut etiam quod cursus spirituum glandulam quibusdam *memoria* vestigiis ita tenaciter imbuunt, ut eadem semper imago repræsentetur, à qua se explicare anima nequeat.

VI.

Aliqui sibi persuadent *nasum* tantæ molis *Quidam;* habere, ut nullæ eis januæ perviæ sint. Alii *in morbo* se *Reges* esse credunt; ut servus ille *Hispanus* *se Reges* *esse ima-* *ginantur,* *Joannes Huartus* meminit, qui se regem arbitratus, prudentissimos in morbo de regimine faciebat discursus. Quidam apud montanum imaginabatur totam *mundi* superficiem ex subtilissimo esse vitro, subtus Serpentes latere, & in lecto tanquam in insula morari, unde, si egrederetur, facile in serpentes, vitro fracto, incidere posse. *Jonstonus.*

Hujus extravagantiæ causa ex jam dictis deduci potest; quippe dum per tenacem aliquam spirituum dispositionem, & firma quædam memoriæ vestigia, glandula ad eam cerebri partem convertitur, ubi pori reserantur, quorum apertura, *Regis, Serpents, Vitri* &c. species revocari potest, aut etiam eo ipso tempore efformatur, Anima talem speciem intuita, se ipsi *Regi, Serpenti, vitro*, quæ per illam speciem repræsentantur, conjunctam considerat, & veluti unum totum cum illa componentem. Novi ego quendam Londini, qui se *Archiepiscopum* Cantuariensem esse diceret, à *Rege* creatum, & præsentem indubie successurum: cum interim in rebus aliis cæteris sapiens videretur, & nullo alio phantasmate laboraret; nam sua sollicite curabat, tempus *seriis*

feriis impendebat, & muneri exequendo, cui adstringebatur, solers & providus incumberebat. Quod illi contingere arbitror, dum *spirituum* agitatio, à quibus antea glandula trahatur, eo tempore cessat, quamdiu nihil illi obijcitur, quod pristinos illos motus renovare possit: donec ipsius *paroxysmus* revertatur, & tanquam febris obnoxiiis nova accessio superveniat.

ARTICULUS SEPTIMUS.

De Memoria.

I.
Cur in-
fantes
parum
memoria
valent.

Pueri & infantes minus memoria pollent, citiusque, quæ didicere, obliviscuntur, quam dum grandiores sunt, & ad ætatem mediam pervenerunt.

Ratio est, quia memoria ex quibusdam *vestigis* in cerebro manentibus pendet, postquam rei alicujus species illi impressa est: unde si contingat aliquas cerebri partes per *accretionem* aut *diminutionem* immutari, necesse quoque est vestigia illa perturbari, & nonnulla ex illis evanescere. Cum autem *pueri* & *infantes* continuo augeantur, illisque semper aliquid novæ substantiæ accedat, plura in cerebro, spirituum animalium transcurso efformatæ, facile pervertuntur, & pristinum suum ordinem amittunt. Quemadmodum *plura* in *papyro* facile evanescunt, si quæpiam deterantur, & nova aliqua substantia superinducatur. Ad di etiam potest, quod puerorum cerebrum nimis molle ac humidum sit, ut tenaciter comis-

facetineat: nam licet facile ea recipiat, non tamen eorum distinctionem retinet, perinde se habet ac lutum plurima aqua inaceratum.

Senes, ubi ad decrepitam ætatem pervenerunt, omni pene *memoria* cadunt, nihilque eorum, quæ paulo ante fecerunt, recordantur. *Juventus* autem suæ gesta meminerunt, atque illa pertinaciter retinent. II.

Perit *Senibus* memoria, ob nimiam cerebri siccitatem. *Arida* enim non ita facile dimoveri, & impressionem suscipere queunt: aut si penetrari se patiuntur, statim se pristino statui restituant, & loca priora occupant. Senes non recordantur ea, quæ nuper fecerunt, bene autem, quæ in juvenute.

verò, quæ olim memoria complexi sunt, retineant, quod cerebri partes *induruerint*, & ejus pori, quibus antea spiritus curistarunt, quandam facilitatem acquisierunt ad alicujus objecti præsentiam; spiritibus ad eos venientibus, eadem ratione se aperiendi. Hinc *ex ætate* tempora maxime extollunt, quoniam olim factorum memores sunt, & quæ nuper ipsis contingere, statim obliviscuntur.

Si res aliqua, quam antea novimus, memoria excidat, & denuo postmodum illius recordemur, statim etiam illud occurrit, quod cum illa conjunctum est. Ut si *Hominis* recordemur, statim mentem subit *injuria*, quam ab illo accepimus. III.

Ratio est, quod quando memoriæ vestigia rei alicujus imaginem super glandulam reducerunt, spiritus simili modo per eosdem poros revertentes, aliam quoque speciem reducant cui prior fuit conjuncta: Quo fit, ut spiritus Cur rem unam sine alia, cui conjuncta est, recordari non possumus.

tus

tus in eosdem musculos fluentes, corpus nostrum disponunt ad easdem iterum actiones edendum, quas edidit occasione objecti, quod eos primo excitavit. Id non in Homine tantum, sed & in *bestiis* contingere experimur. Si enim *canem* in nos involaturum *fuste* excipiamus, & ad fugam adigamus; quamvis postmodum eidem cani absq; *baculo* occurramus, non minus se fugæ committet, quàm si nos armatos cerneret. Quoniam ope *Plagarum*, quibus exceptus est, cursum spirituum junximus, quem noster aspectus excitabat, cum eo cursu, quem flagella pròduxerunt. Adeo ut duabus illis viis in cerebro occurrentibus, & in unam confusis, parvi referat, quænam illarum aperiatur, ad motum *musculorum* efficiendum, & easdem actiones excitandas.

IV.

Magis
mane
memoria
valemus
quam
alias-

Quæ *matutino* tempore mente revolvimus, facilius memoriæ mandamus, firmitusque inhaerent, quàm quæ reliquo diei decursu.

Quia eo tempore cerebrum liberum est, & nullis adhuc *rerum* vestigiis impeditur, nam quemadmodum in *charta* plicarum multitudo & in *aëre* sonorum copia confusionem parit; Ita in *Cerebro* rerum multarum delineatio vestigia perturbat, & non finit, ut illa in debitis locis reponantur, & secundum naturam propriam percipiantur. Sensus enim pluribus intentus facile distrahitur, & minor fit, quo magis ad distincta contemplanda occupatur. Accedit etiam, quod cerebrum tempore *matutino* minus vaporibus impediatur, utpote ciborum digestionem jam peracta, ac proinde

fibræ

fibræ magis expeditæ fiunt, ac celeriores cerebri motus, & novam affectionem induendam.

Morbus interdum omnem memoriam adimit, & illam ita labefactat, ut qui antea memoria pollebant, rerum pene omnium post infirmitatem *obliviscantur*. Quidam, teste *Plinio* ex alto elapsus, parentum, cognatorum & propinquorum *nomina*, quoad vixit, oblitus est. *Messala Corvino*, ex morbo, non famulorum & affinium modo, sed & proprii nominis *memoria* excidit.

V.

Quidam post morbum suorum parentum nomina obli- sunt.

Id contingit, quod ægritudinis vis, vel ictus capiti inflictus cerebri dispositionem immutat & poros ope spirituum efformatos pervertit. Quo fit, ut vestigia expungantur, vel fibrarum plexus eo statu relinquatur, ut ad prædictam functionem minus idoneus evadat; nam sicuti in fusus *papyro* humor, omnes ejus plicas eluit, sic ut dum aruerit papyrus *nulla* amplius supersint: ita fieri potest, ut Humor morbificus ita invalescat, ut omnes cerebri *plicas* tollat, & nulla amplius vestigia earum rerum remaneant, quæ ægrotus antea noverat. Ex opposito evenire potest, ut qui obtusæ antea erant memoriæ, *felicem* ac vegetam iisdem de causis acquirant: Ut de *Clemente* sexto Pont. Max. refertur, qui felicitate adeo fuit memoriæ, ut quod semel legisset, non amplius oblivisceretur. Quam facultatem ei obvenisse *Petrarcha* scribit ex inflicto capiti vulnere, quo indubie quædam obstructions dissolutæ sunt, & cerebri meatus aperti, quibus

bus commoda transcurrendis spiritibus via fieret. Alterius meminit *Fulgus lib. I. cap. 6.* tempore Friderici II. Imperatoris, qui hausto è vena sanguine, servatâ rerum cæterarum memoriâ, non *legere* amplius, non *litteras* exarare noverat, ac si utrumq; nunquam didicisset. Anno autem transacto, renovataq; venæ sectione, legendi scribendiq; scientiam recuperavit, & sibi ipsi quodammodo restitutus est.

ARTICULUS OCTAVUS.

De Somniis & Insomniis.

1.

Cur somnia interrupta sunt.

Somnia ut plurimum *interrupta* sunt, & non nisi raro aliqua connexionione cohærent.

Illud ex eo procedit, quod spiritus diversimode agitati, & variarum impressionum vestigia reperientes, per quosdam poros potius quam per alios cursum suum dirigunt. Spiritus enim animales *cerebri plicas* percurrendo earum series quodammodo inflant, & pro varia eorum agitatione, uno tenore illas commovent, aut ab una in aliam transiliunt. Hinc si contingat, quod spiritus una vestigiorum serie relicta, in aliam atque aliam, & ita porro subsiliat, necessum erit, varias *imaginationes* oriri, quæ nullo inter se nexu cohærent, & se cum quadam interruptione comitentur. Unde *Aristoteles* tales impressiones, quæ per somnum in cerebro formantur, *Ranis* ex subere confectis comparat, quæ *sale* graves in aquam demerguntur, quæq; sale demum colliquato, alternatim enituntur, & nullo ordine servato, in *aqua* superficiem emergunt, *Ari-*

Aristoteles libr. de insomn. capite ultimo, nonnullos citat, qui nunquam somniasse observati sunt. Talem fuisse temporibus suis *Cleonem à Danlia* Plutarchus memorat. Cum quodam *Londini* medicinæ doctore familiaritate fui conjunctus, qui mihi non semel protestatus est, se nihil unquam per quietem vidisse.

Quamvis forte hujusmodi Homines somniasse se haud fuerint recordati, non tamen somniorum expertes fuisse dicendi sunt. *Anima* enim nunquam ab omni cogitatione cessat, & quātumcumq; corpus sopiatur illa *essentiam* suam non amittit, quæ in cogitatione constituta est. Quod igitur tales Homines cogitationum nocturnarum non meminissent, non inde convincitur, eos nullas habuisse; quum nobis usu veniat, non somniorum duntaxat, sed & cogitationum, quas expergefacti habuimus, non reminisci, quamvis interim certi simus, aliquid nos per somnum vidisse, aut rem aliquam distincte percepisse. Sic *Cleon*, sic memorati ab *Aristotele* viri non à somniis liberi fuerunt, sed eorum solum immemores, quorum species propter temperamenti qualitatem obliterarentur.

Nonnulli inter dormiendum se opprimi imaginantur, veluti *Dæmon* aliquis pectori eorum incumberet, & respirandi facultatem adimeret. Hinc talis suppressio, quam Latini *incubum* vocant, à Græcis veluti *insultor* appellatur.

Talis corporis fatigatio ab humore crasso ac pituitoso, ut vult *Fernelius*, provenit, quæ in-

II.

An sint aliqui, qui nunquam somniant.

III.

Unde oriatur incubus inter dormiendum.

testinis adhæres, *diaphragma* & *pulmones* fatigat, quorum impulsibus agitata glandula illud menti repræsentat, tanquam *phantasma* quoddam quod in pectus insilit & respirationem suffuratur. Nam quæ nobis per somnum offeruntur, cerebrum fortius afficiunt, quam quæ per Sensus vigilando eidem ingeruntur. Sic dum somno indulgemus, si *pituita* in ore abundet, fit ut certos aliquos cibos masticare, & multa iteratione moliri videamur, quod nunquam nobis per vigiliam contingit. Ita licet forte humor ille fuliginosus, dum *supini* decumbimus, leniter irrepit, & nervos tactorios commovens, levi impetu, *glandulam* agitet, nihilominus opprimi videmur & molestis suppressionibus fatigari, quæ nobis vigilantibus nunquam contingunt.

IV.

Quomodo
nonnulli
dormiendo
à lecto sur-
sum &
ambulantes.

Quibusdam solenne est, intempesta nocte è cubili surgere, & ea perficere, quæ vigiles aggredi non auderent. Quidam fursum deorsumque rapiuntur, & nullo fulti adminiculo, *summa* arborum ac domuum fastigia ascensu superant. Cujusdam nobilis meminit *Horstius*, qui turrim conscendit, & spoliatis avium nidis, se iterum funis ope dimisit.

Medici illa à sanguine turgido, & spirituum ferverescencia fieri autumant, quæ in mentis sedem delata, ea motuum instrumenta agitant, & ad illos effectus peragendos impellunt. Quo fit, ut corpus *spiritus* animalis impulsu, in sublime feratur, ejusque vi etiam per somnum ad tales actiones incitetur. Sed hæc omnia sine *imaginationis* adminiculo evanida fore

da fore existimo, quæ pene sola difficilia illa præstat, & operatur. Imaginatio enim non solum ab objectis externis incitatur, sed & ab illis, quæ per somnum repræsentantur: Unde reservatis rerum speciebus agitata, facultatem motricem stimulat, & ad ea peragenda impellit, quæ spectantibus admirationem stuporemque incutiunt.

In somniis eadem munia & actiones nobis obversantur, quibus *interdum* intenti & occupati sumus. Unde Claudianus lib. 3. præfationis.

V.

*De iis passim
somnia-
mus qua per
vigiliam
trahamus.*

*Omnia qua sensu voluntur vota diurno,
Tempore nocturno reddit amica quies.
Venator defessa thoro dum membra reponit,
Mens tamen ad sylvas, & sua lustra redit.
Judicibus lites, auriga somnia currus,
Vanaque nocturnis meta cavetur equis,
Gaudet amans furto: permutat navita mer-
ces,*

*Et vigil elapsas querit àvarus opes.
Me quoque musarum studium sub nocte silentis
Artibus innumeris sollicitare solet.*

Ratio est, quod partes cerebri, quæ antea objecti exterioris actione concussæ fuerant, facilius à spiritibus animalibus commoveantur, quàm illæ quæ in quiete manserunt. Unde cum rerum earum vestigia, quas primum sumus imaginati, aperta sint, & quodammodo hiantia remaneant, spiritus ea transcurrendo easdem imaginationes animæ referunt, quas vigilando ei impresserant. Quare nisi male constitutum sit corpus, & noxiis humo-

ribus perturbetur, non aliæ cogitationes animo obversari possunt, quàm quæ illum per vigiliam occuparunt.

VI.

*Qui accidit,
ut quidam
per somnum
lotium emit-
tant.*

Quidam inter dormiendum lotium emit-
tunt, & quasi *parieti* adstarent, aut *matulam*
manu tenerent, urinam faciunt.

Id nunquam accidit, nisi cum *Vesica* turget,
& contra solitum extenditur, quoniam tunc
sphincteris vellicatio, ita poros in superficie
interiore ventriculorum cerebri aperit, ut
spiritus super *glandem* discurrentes, eursum
suum versus nervos illos capiant, qui *lotio*
emittendo inferviunt; ac proinde talem mo-
tum procreant, ut in *Anima* non solum urinæ
faciendæ appetitus producat, sed & *parie-
tis*, aut *matula* imago oriatur, quibus, qui
somniaut, ad hunc finem uti antea solebant.

ARTICULUS NONUS.

I.

De Externis Passionibus.

*Sanguinei
in risum
maxime
proclives.*

Lætæ indolis Homines & sanguinei facile
in *risum* prorumpunt, nec se continere
valent, si alius rideat, aut aliquid *Ludicrum*
in eorum sensum inopinato incurrat.

Hæc passio in huiusmodi hominibus oritur
à fibrarum mobilitate, quæ ad objecti ludicri
præsentiam concitantur & tripudiant. Quæ
affectio in *diaphragma* traducta, quædam vul-
tus actio cū voce sonora & *inarticulata* con-
ciliatur. Quippe in hoc sita est *Risus* ratio,
quod sanguis ex *dextra* cordis cavitate, per
venam *arteriosam* profectus, subito & iteratis
vicibus

vicibus pulmones inflat, efficitque, ut aer quem continent, vi per asperam arteriam erumpere cogatur, in qua format vocem inarticulatam & sonoram, & tam *pulmones* se inflando, quàm hic *aër* exeundo, omnes musculos diaphragmatis, pectoris, & gutturis impellunt: quo pacto vultus musculos movent, qui aliquam cum illis connexionem habent. Unde mirum non est, si *ingeniosi* interdum, & multæ rationis compotes, cohibere se nequeant, quantumvis ad motum illum reprimendum summas vires adhibeant.

Quidam animo deficiunt, *lipothymiam*q; patiuntur, si summa lætitia corripianter: ut *mulier* illa, cujus meminit *Vaierius maximus* quæ ad conspectum filii, quem jamdudum in prælio interfectum esse credebat, exanimata est. Audivi in *Anglia* de cujusdam mercatoris uxore, quæ maritum in *Indias Orientales* profectum, & amicorum *rumore* defunctum defleverat: ubi post tres annos vivere audivit, & præ foribus adeste, complexura accurrens, cecidit, & in limine ad mariti pedes extincta est.

Id fieri existimo, quòd ingens illa *lætitia*, præter solitum cordis orificia referando, sanguis venarum tanto cum impetu, & ea copia cor ingressus est, ut illic non satis cito dilatari & rarefieri potuerit, ad *valvulas* illas removendas, quæ harum venarum ostia claudunt: quo factum est, ut ignis in Corde suffocaretur, & vita, quæ in ejus *motu* consistit, periret.

II.
Subita lætitia in lipothymiam interdum etiam mortem inducit

III.

*Cur Tristes
faciles la-
chrymas
emittunt.*

Tristes & qui animo dejiciuntur, facile lachrymas profundunt, præsertim si extremus non sit mœror, & cum aliquis amoris sensus comitatur.

Quia licet ex omnibus corporis nostri partibus vapores procedant, nulla tamen est, quæ plures quàm oculi suppeditet, tum ob nervorum opticorum magnitudinem, tum etiam ob *venularum* multitudinem, per quas eo tendunt. Cum vero *tristitia* sanguinem refrigerando, oculorum meatus contrahat, & vaporum agitationem remoretur, non ad lachrymas eliciendas sola *tristitia* sufficit, nisi accedat *amor*, qui sanguinem versus cor emittat, & vaporem quantitatem augeat. Unde constat Tristes non perpetuo lachrymas fundere, sed non nisi per intervalla, dum objectum, quod amant, recurrit, & de novo imaginationi objicitur. Antiqui hunc effectum brutis animantibus tribuere; equi, *Plinio* teste, amissos dominos lugent, & eorum desiderio lachrymantur. De Pallantis equo ita scribit *Virgilius*.

IV.

*Unde oriun-
tur gemitus
in lachry-
mantibus.*

*Post bellator equus, positus insignibus Æthon,
Ite lachrymans, guttusq; humectat grandibus ora*
Gemitus sæpe cum fletu miscetur, præsertim in pueris & mulieribus, qui quamvis ambo in risum prœni sunt, acutiores tamen clamores in fletu quàm in risu emittunt.

Producuntur *ejulatus*, dum pulmones à sanguinis copia eos ingredientis momento inflantur, qui inde aërem quem continebant, expellit, qui aër per guttur transmissus eos ejula-

ejulatus & clamores procreat, qui fletum comitantur. Quoniam vero nervi, qui vocis organis expandendis coarctandisve inserviunt, ad eam vocem magis acutam vel graciliorem efficiendam cum illis annectuntur, qui in lætitia cordis orificia aperiunt, & illa cum mœrore contrahunt, fit, ut hæc organa eodem tempore dilatentur aut contrahantur. Hinc in planctu supercilia contrahuntur deprimunturque, cujus contrarium in *Risu* experimur.

Amantes passim suspiria ducunt, & in sollicitudinis ac doloris argumentum, anhelitus ab imo pectore trahunt.

Illud ex eo provenit, quod in *Amore* spei aut lætitiæ imaginatio arteriæ venosæ orificium aperit, quod mœror antea contraxerat: unde cum paululum illud sanguinis, quod in pulmonibus restabat, momento in *levam* Cordis cavitatem, per hanc venosam *arteriam*, delabatur, eoq; cupidine eam lætitiā obtinendi impellatur, quâ eodem tempore, omnes diaphragmatis & pectoris muscoli agitantur; fit, ut *air* celerrime per os in pulmones propellatur, ad locum eum occupandum, qui ab illo sanguine derelinquitur.

Tristes non eundem semper vultum referunt: Interdum enim *palescunt*, alias *rubeo* colore perfunduntur.

Tristitia ad pallorem adigit, quoniam cordis orificia contrahendo efficit, ut sanguis tardius in venas defluat, & frigidior spissiorq; factus minus loci occupet: quo fit, ut in latiores tantum & cordi proximiores se recipiens,

V.

Cur Amantes sæpius mœro suspirant.

IV.

Tristes in Gultu & animum coloris præferunt.

E e 5

remo-

remotiores derelinquat, quarum magis conspicuæ sunt, quæ in vultu apparent: Et eo pacto *pallidus* redditur & *macilentus*. Dùm verò *Tristes rubent*, & quendam ardorem in facie præ se ferunt, id non tam tristitiæ, quàm aliis affectibus, qui huic passioni junguntur, tribuendum est, Amori scilicet, aut Desiderio, vel etiam aliquando ipsimet odio. Quippe hæ passionēs sanguinem commoventes, & calefacientes, qui ex jecore, intestinis, aliisque partibus interioribus proficiscitur, eum ad cor propellunt, & inde per *aortam* ad venas faciei eam rubentem reddunt.

ARTICULUS DECIMUS.

De Naturalibus quorundam Inclinationibus & Aversionibus.

I.
Unde fit, ut
uni aleato-
rum magis
favemus.

SI in duos Aleatores casu incidamus, ambos æque nobis *ignoto* nescio quo naturæ instinctu, uni potius favemus quàm alteri: Atque si duos in spæristerio *pila ludentes* aspicimus, eorum alteri victoriam optamus.

Id ex eo potissimum provenit, si ea propensio non diutius perseveret, quàm eorum lusus durat, quod *voluntas nostra*, quæ indifferentiam fugit, affectatque circa aliquod objectum determinari, occasionem reperit, se alicui parti jungendi, quamvis mens nulla evidenti ratione ducatur, quæ ad favendum uni potius quàm alteri alliciat, & ad *victoriam* uni parti exoptandam sollicitet: sed solum versus aleatorem aut lusorem protrahi se sinat, qui suavius ejus cerebrum pro dispositione

sitionis ejus ratione, eo tempore demulcer. Si vero affectio illa lufui superstes est, & finito certamine adhuc Cordi inhæret, id ex vestigiis inclinationem nostrarum oritur, quarum originem satis dilucide, ni fallor in *Institutione Philosophia* ostendi *part. 7. artic. ultimo*. Quod ne actum agam, à repetitione abstineo.

Multi in qualibet Regione aut etiam provincia reperiuntur, qui *caseum* averfantur, II.
Qui fit ut
multi caseum
um aver-
sentur. quorum aliqui non ab ejus duntaxat esu abhorrent, sed etiam ne videre quidem eum sine molestia possunt.

Causam hujus averfionis *Equus Kenelmus Digbais* esse existimat, quod infantes è prægnantibus nutricibus lac suxerint, in quarum uberibus, ob conceptum fœtum coagulatum est & tenerum infantis stomachum offenderit. Unde fit, ut *infans* per totam vitam ab eo cibo abhorreat, quem post vitæ primordia fastidivit. Sic advocatus quidam *Londini*, postquam semel in sorbili ovo *pulum* pene formatum imprudentius de glutisset, ova in posterum ita averfatus est, ut ad illa denuo sumenda, *medicorum* etiam hortatu nunquam adigi potuerit. Hanc quidem in plurimis causam esse, facile admiscrim, cur caseum tantum nauscant; sed adduci nequeo, ut admittam omnes, qui lac coagulum fugunt, caseum averfari, cum videamus plurimas mulieres præsertim è plebejis & ignobilioribus ita fœcundas, ut quotannis prolem effundant, quas toto gravitatis

vitatis decursu lactant, nec eas ablactant, nisi fuerint partui proximæ. Ac proinde si omnes infantes caseum fastidirent, qui prægnantium lac haurirent, quam immensus foret eorum numerus? Quamque brevi temporis spatio caseus vilesceret? Existimo igitur variam esse hujus *aversionis* causam: una caseatum illuc lac esse potest: Alia vehemens matrum *pica*, sive irregularis quorundam ciborum appetitus, quibus si infantes fraudentur, illos non raro post nativitatem abhorrent. Aut etiam certa stomachi ac ventriculi dispositio, cui talis cibus adversatur.

III.

Quare candelæ extinctæ suffitum horret, ut si casu famulorum negligentia contingat hujusmodi candelam extinguere, ejus odore ita percellitur, ut totus commoveri, & artubus contremiscere videatur.

Nobilissimus quidam vir in Anglia, mihi maxime notus, tantum candelæ sebaceæ recens extinctæ suffitum horret, ut si casu famulorum negligentia contingat hujusmodi candelam extinguere, ejus odore ita percellitur, ut totus commoveri, & artubus contremiscere videatur.

Id illi alia ratione contingere non potest, quàm quod ejus organum ita secundum insensibiles particulas attemperetur, ut subtiliores *fumosi* illius halitus particule in ejus naribus *motum* ingratum, hoc est, odorem abominandum generent, eo fere modo, quo *fumus* in oculos incidens, ad lachrymas sollicitat, & linguam ipsam pungit & vellicat.

IV.

Cur nonnulli feles aut alia animalia tantopere & orrent.

Nonnulli quorundam animalium aspectum haud patiuntur, imo non mediocriter perturbantur, si in eodem loco cum illis etiam non visis manere compellantur. Quidam adeo *felis* præsentiam averfantur, ut illa conspecta, in *lipothymiam* incendant. Ratio

Ratio eſt, quod illi tale habeant ſanguinis & ſpirituum temperamentum, ut halitus è *felis* corpore jugiter emanans, & ad *pulmones* atque *cerebrum* per reſpirationem tranſmiſſus ſanguinem & ſpiritus, quibus immiſce-
tur, coagulet, figat, aut modo in ſolido exagi-
tet. Unde mirum non eſt, ſi tantam perturba-
tionem ſentiant, & *lipothymiam* quandoque
patiantur. Si contingat alios Homines non
his paſſionibus corripì, id oritur, quod diver-
ſi ſint temperamenti, & ab halitu *felis* per cir-
cumſtantem aerem evaporato non affician-
tur.

Quidam à natura ad quaſdam paſſiones in-
citantur; nonnulli enim indolem ad *Iram*
propenſam habent, & levi ex cauſa efferve-
ſcunt: Alii ad *Triſtitiam* propendent: Alteri
Latitia, *Timori*, &c. ſunt obnoxii.

V.

*Cauſa Ga-
riarum in-
clinationem
naturalium
in Homini-
bus.*

Harum paſſionum diverſitas ex vario fibra-
rum plexu, & diverſa humorum habitudine
proficiſcitur. Quippe flavabilis ad *iram* ſti-
mulat, *Atra* ad *Triſtitiam*, pituita ad *metum*;
Copioſior ſanguis ad *latitiam*. Quoniam *bilis*
fibras vellicat, *melaucholia* comprimit, *ſan-
guis* dilatat, *pituita* obſtruit. Quos effectus
non per vigiliam modo, ſed & per ſomnum
deprehendimus. Quibus flava bilis redun-
dat, *faces*, *incendia*, *pugnas*, *rixas* mente con-
cipiunt: ut ſanguinei *tripudia*, *cantilenas*, *ri-
ſus*, *Focos*, ac *laſciva* quæque. Pituitoſi *lar-
gam aque copiam*, & ita de cæteris, prout hu-
moribus abundant, & turbatis ſpiriti-
bus concutiuntur.

INDEX



INDEX RERUM

A.

A Bies cur ramos in vertice emittit	345
Abortus in muliere unde	368
Absynthium vermes enecat	316
Acus chalybea cur aqua innatat	163
Adamas an igni cedat	247
Adamantis fulgoris causa	248
Adiantum aquam refugit	330
Aer ut rarefit & cundensatur in thermometra	12
Aer cur vi erumpat è vasis pneumaticis	36
Aer Terra proximior, magis calidus	204
Aer ut gravis redditur	205
Aeris gravitas unde probetur	207
Aeris vis elastica in sclopetis	206
Aegroti dulces cibos aversantur	411
Aethiopissa ut filium album genuit	427
Aegyptus non pluviam experitur	270
Aestuum maris diversitas unde	183
Aestus in plenilunio majores	185
Aetna ut ardet	195
Æs nisi accensum liquefieri potest	234
Æs facile eruginem contrahit	ibid.
Aeolipila non admittit vacuum	11
Aleatorum cur uni favemus	442
Allium coctione amaritudinem exuit	320
Amantes saepe suspirant	441
Animantia absque semine ut procreantur	351
Animantia cur capite demisso nascantur	371
Aqua in vapores dilatatatur	22
Aqua opacior nebula	31
Aqua ut è vase exilit digiti circumductione	37
Aqua	Aqua

I N D E X.

<i>Aqua quantitate per concoctionem variantur</i>	<u>41</u>
<i>Aqua cur effluat è cacabo igni appposito</i>	<u>43</u>
<i>Aqua rarefit, dum gelatur</i>	<u>51</u>
<i>Aqua difficilius quàm oleum congelatur</i>	<u>159</u>
<i>Aqua an in fundo fluminis lentius decurrat</i>	<u>162</u>
<i>Aqua non semper elevatur ab alia copiosiore</i>	<u>163</u>
<i>Aqua gravitas non sentitur in fundo fluminis</i>	<u>160</u>
<i>Aqua in Antlis altius quàm ad 31 pedes ascen-</i> <i>dere non potest</i>	<u>208</u>
<i>Aqua falsa quomodo percolatur</i>	<u>178</u>
<i>Aqua falsa igni extinguendo inepta</i>	<u>180</u>
<i>Arborum trunci cur sunt rotundi</i>	<u>310</u>
<i>Arborum corticis durities unde</i>	<u>311</u>
<i>Arbores quadam cur semper virides sint</i>	<u>345</u>
<i>Arbores ut contusione moriuntur</i>	<u>348</u>
<i>Argentum quomodo album est</i>	<u>227</u>
<i>Argentū acutiorem sonum edit quàm aurum</i>	<u>228</u>
<i>Argentum injecto sulphure in pulverem redigitur</i>	<u>229</u>
<i>Arteria pulsus immisso calamo quomodo sistit.</i>	<u>378</u>
<i>Arcus cur post inflexionem recurrit</i>	<u>34</u>
<i>Artes indicant, mundum non diu existisse</i>	<u>97</u>
<i>Astutia Tati animalis in Brasilia</i>	<u>382</u>
<i>Asclepiadion ut mortem Domitiani presciuit</i>	<u>153</u>
<i>Avium ars in nidis extruendis</i>	<u>172</u>
<i>Auribus mutis non nisi confuse sonos excipiunt</i>	<u>416</u>
<i>Aurum an detur potabile</i>	<u>226</u>
<i>Aurum igne consumi nequit</i>	<u>221</u>
<i>Auri ductilitas unde proveniat</i>	<u>222</u>
<i>Aurum calefactum ceteris metallis acius urit</i>	<u>223</u>
<i>Aurum ut Regia aqua dissolvitur</i>	<u>ibid</u>
<i>Aurum fulgurans accensum, magnum strepitum</i> <i>edit</i>	<u>224</u>
<i>Aurum nullis morbis succurrit.</i>	<u>225</u>

[I N D E X .

B.

B Aculum post longam inflexionem frangitur	35
Barbiti sonus à surdo audiri potest	70
Bestia averfantur sui similium interfectores	394
Basiliscus non Hominem visu enecat	390
Bononiensis lapis lumen in tenebris retinet	79
Brassica quomodo denegerat in rapam	336
Bruta animantia ut tempestates indicant	389

C.

C Apea quomodo terra avulsa germinant	344
Calx aqua aspersa cur calefit	45
Calculus ut oritur in corpore humano	241
Camelus equum averfatur	388
Cameli ut saltare edocentur	384
Campana non semper ubi est auditur	418
Canes semitas eligendo non discurrunt	383
Canes odoratu alia animalia excedant	68
Candela extincta fœtor aliquibus noxiis	444
Candela lumen majus noctu apparet	80
Canicula nullam vim habet ad morbos procreandos	147
Carbo ut ignem conservat	202
Carbo addita aqua incalescit	203
Carbo ingreditur compositionem pulveris pyris	ibid.
Castor & Pollux quomodo boni sunt augurii	285
Catuli parentum defectum ut referunt	357
Caseum cur aliqui averfantur	443
Castanea in igne crepitat	23
Chirurgi cur venam ligant in vena sectione	380
Chalybs mollior evadit, si lente refrigeretur	238
Chordarum unisonarum, una pulsa, altera contremiscit	71

Chorda

INDEX.

Chorda longitudine inaequalis diversum sonū edunt	73
Chorda sonus cur cessat apposito digito	ibid.
Chrystallus non à frigore fit	246
Cicuta frigore Animalia interimit	324
Cibus ad somnum allicit	398
Cibus idem non semper nobis gratus est	409
Cineres multum aqua hauriunt	200
Cineres apti maculis detergendis	201
Cineres plantas hyeme à frigore tuentur	202
Coati lignum Mexicanum varium colorem in a-	
quam inducit.	87
Cælum non obstat corporum motibus	110
Cælum cur carulei coloris apparet	111
Collismariensis fons patitur interruptionem	167
Cometa ut ex uno loco in alium migrare	109
Cometa vagantur per cælos	137
Cometa sub eadem semper magnitudine videntur	138
Cometa post paucos menses evanescent	139
Cometa tardius in fine sui motus progrediuntur	140
Cometarum barba & cauda	ibid.
Cometa nihil certi portendunt.	142
Corallium sub aquis molle, acri expositum durefcit	
248	
Corde extracto quadam animalia vivunt	381
Corpus ut existere deprehenditur	1
Corpus quid secundum Antiquos	2
Corpora non admittunt vacuitates	3
Corpus mathematicum à Physico non distingui-	
unt	4
Corpora locum suum secum adferunt	6
Cucumeres oleum refugiunt	327
Cucumerum semina lactis imponenda, ut facilius cre-	
scant	340
Ef	Cacur-

I N D E X.

<i>Cucurbita cur citius quàm alia planta crescant</i>	<u>341</u>
<i>Cyrene sylva absque semine è terra erupit</i>	<u>334</u>

D.

D <i>eliriorum causa in morbis acutis</i>	<u>404</u>
<i>Deliri cur eundem semper sermonem repetunt</i>	<u>428</u>
<i>Deliri se Reges esse aliquando imaginantur</i>	<u>429</u>
<i>Demersi cur emergunt post aliquod tempus</i>	<u>57</u>
<i>Dierum singulorum in mundi origine productiones</i>	<u>98</u>
<i>Distantia partium non probat Epicuri vacuum</i>	<u>4</u>
<i>Divisibilitas corpori propria</i>	<u>18</u>
<i>Divisibilitas non est æqualis, in omnibus corporibus</i>	<u>29</u>
<i>Diſtannus ferrum è corpore extrahit</i>	<u>325</u>
<i>Dodonæ fons accensas faces extinguit</i>	<u>166</u>
<i>Dormientes ut interdum ambulant</i>	

E.

E <i>Dendi desiderio omnino interdum caremus</i>	<u>375</u>
<i>Egroti cur macilenti fiunt</i>	<u>403</u>
<i>Entia rationis quomodo formantur</i>	<u>397</u>
<i>Elephas ut suis grunnitum horret</i>	<u>391</u>
<i>Equi in Lusitania an ex vento nascantur</i>	<u>355</u>
<i>E tenebris videmus, quæ sunt in luce, non è contra</i>	<u>423</u>
<i>Exercitus quid sint, qui in aere videntur</i>	<u>301</u>
<i>Echo ut pluries vocem repetit</i>	<u>74</u>
<i>Elementa ad mundi destructionem conspirant</i>	<u>104</u>
<i>Fthesiarum origo</i>	<u>262</u>
<i>Exhalationes quæ è corporibus salutare & noxia</i>	<u>257</u>
<i>Exhalatio difficilior sursum fertur quàm vapor</i>	<u>258</u>
<i>Eurus passim mane sentitur</i>	<u>259</u>
<i>Euripus an in die pluries motus reciprocos</i>	<u>185</u>

INDEX.

F.

F ax noctu agitata in speculo distanti, eodem instanti cernitur	85
Famis & sitis causa	372
Fame cur interdum non teneamur	374
Fames in nonnullis pene perpetua	374
Fatui ignes quomodo homines ad flumina ducunt	297
Fatui ignes fugientes sequuntur	298
Febriticantes famelici cur difficulter curantur	373
Febres quadam à frigore incipiunt	402
Febrim diversitatis causa	ibid.
Febriticantes imaginantur pati quæ non patiuntur	426
Feles aliqui maxime horrent	444
Feles ut noctu vident	80
Ferrum in ignem injectum augetur	21
Ferrea pars, quæ lima teritur, calefit, non autem ipsa lima	44
Ferrum indertum in <i>Æs</i> commutatur	236
Ferrum durius evadit, si in aqua candens injiciatur	
Filii passim parentibus similes	360 (ib.
Filtratio non fit nisi in in panno humido	161
Fixa cur tantum noctu apparent	119
Flamma circa crines puerorum unde	298
Flavius lethe inebriat	170
Flumina tantum in declivi decurrunt	173
Flumina in mare delabuntur	177
Flamma cur sursum ascendit	188
Fluxus & refluxus maris causa	180
Fluxus cur nullus in fluminibus	186
Funiculum lactis quantitatem auget	316
Fœmina antè profluente menses non concipiunt	358
Foliorum diversitas in Arboribus	311
Ff 2	Fon

INDEX.

Fontes quomodo in vertice mentium oriuntur	171
Fontes quidam tantum hyeme decurrunt	173
Fontes unde subito scaturiunt	175
Formicatio pedum unde	408
Fortis aqua metalla dissolvit	165
Frigus quedam corpora à corruptione servat	52
Fraxinus serpentes abigit	325
Fructus immaturi cur acerbi	62
Fructus varium habent saporum	65
Fructus frigore corrumpuntur	52
Fructus odorum mutant	219
Fructuum saporis diversitas unde	320
Fructus maturi cur decidunt	347
Fulgur prius videtur quàm tonitru	72
Fulgur autem in <i>burfa</i> , illà intactà consumit	289
Fulmen cur in Turres decedit.	288

G.

Gallina vocis diversitas unde	384
Gallus circa mediam noctē cur expergiscitur	397
Gallici morbi origo	400
Gassendi opinio de divisibilitate materia	17
Gemmarum & unionum eadem est figura	244
Gemini quomodo nascantur	364
Glans stannea magis corpori noxia, quàm plumbea	231
Gravitas corporum unde	58
Gravia descendendo motum accelerant	60
Grandinis insolita magnitudinis causa	275
Grandinis minora grana perspicua, non autem ma- jora	274
Græci ignes non possunt aquis extinguī	190
Gutta pluvia latiores astate quàm hyeme	ibid.

INDEX.

H.

H alones non, nisi dum serenum est, apparent	303
Halones ut sunt duplices	ibid.
Halones non videntur circa solis occasum	304
Haure de graces astus	184
Heliotropium unde ad solem vertitur	91
Herbarum odor unde nascitur	118
Herba viva manus contactum refugit	327
Hirundines cur imminente tempestate circa terram volitent	284
Homo tactu cetera animalia excedit	407
Homo pictus cur singulos adstantes intueri videtur	424
Hominum variarum inclinationum causa	445
Homuncionis vultus in luna apparentis ratio	138

I.

I ctero laborantes nullum saporem percipiunt	64
Ictero laborantes omnia amara gustare se putant	409
Ignis scintilla <u>videri potest</u> ad 50 leucas	77
Ignis quomodo ex ligno generatur	105
Ignes lucentes sine calore	187
Ignes quiurunt & non micant	ib.
Ignis ut è chalybe educitur	190
Ignis subterraneus ad summitatem montium quomodo ascendit	196
Ignes in aere geniti non durant	300
Ineubus unde oriatur	435
Infantes parum memoria valent	430
Infantes in Hollandia multi bifurcatis labris	361
Infantes octavo mense nati vitales	371
Infantes multum somno dediti	395
Ingeniosi hebetiore sunt olfactum	415
Insitio iuvat ad fructus meliorationem	342

INDEX.

In luce difficilius quam in tenebris expergiscimur	398
Iris primaria vegetior quàm secundaria	293
Iridis inversa causa	294
Iris ut pluviam insinuat	ibid.
Iridis tres aliquando <u>visæ</u>	296
Iris non omnibus eadem apparet	ibid.
Iridem etiam luna generare <u>potest.</u>	297

L.

L Acte & sanguine interdum pluit	271
Lachrymantibus unde gemitus oriuntur	440
Letitia subita Lipothymiam & mortem interdum inducit	439
Lapidum durities unde	23
Lac & sanguis cur opaca	32
Lapides frigore corrumpuntur	52
Lapis cur est insipidus	61
Lapides in Provincia Galliæ Rhombi figuram habent	239
Lapides vitrei quomodo nascuntur	240
Lapides an in fluminum fundo <u>procreati</u>	241
Lapides ut oriuntur in superficie terra	242
Lapidum origo in fontibus	243
Lapidum pretiosorum color varius	244
Lapidum navì quì oriuntur	245
Lapis ut in fu'mine generatur	288
Laurus an à fulmine eximatur	291
Leo ut gallum horret	391
Lethargia ut hominem in somnum inducit	396
Leporum astutiarum causa	386
Lingua morbum detegit	410
Lingua nihil sapit, si nimium humida sit, aut sicca	63

I N D E X.

<i>Lignum in quibusdam stagnis in terram evadit</i>	<u>238</u>
<i>Liquida quomodo firma fieri possunt</i>	<u>24</u>
<i>Liquor interdum ad corporum duritiem conducit</i>	<u>27</u>
<i>Lumen transmissum per duos parietes cubiculi, non cernitur ab iis, qui in eo sunt</i>	<u>76</u>
<i>Luna semper eodem modo terra obversatur</i>	<u>122</u>
<i>Luna est corpus scabrum</i>	<u>123</u>
<i>Luna discus interdum minor apparet</i>	<u>ib.</u>
<i>Luna celerius quam terra movetur</i>	<u>124</u>
<i>Luna velocior in plenilunio & novilunio</i>	<u>126</u>
<i>Luna cur in Terram non labatur</i>	<u>ib.</u>
<i>Luna macula quedam temporaria</i>	<u>133</u>
<i>Luna crescens cur apparet denticulata</i>	<u>136</u>
<i>Luna nihil habet dominii in hac inferiora</i>	<u>145</u>
<i>Luna cur tota nitida in plenilunio</i>	<u>136</u>
<i>Lupus an raucedinem inducat</i>	<u>90</u>
<i>Lucerna ardentes in sepulchris reperta</i>	<u>191</u>

M.

M <i>acula solis circa Eclipticam apparent</i>	<u>129</u>
<i>Macule solis interdum in faculas abeunt</i>	<u>131</u>
<i>Macularum extrema interdum fulgida</i>	<u>128</u>
<i>Magnes cur versus polum borealem dirigitur</i>	<u>249</u>
<i>Magnes calefactus vim suam amittit</i>	<u>253</u>
<i>Magnetis declinationis causa</i>	<u>251</u>
<i>Magnete in partes diviso, poli ejus mutantur</i>	<u>250</u>
<i>Mahemedis sepulchrum non sustinetur à ma- gnetibus</i>	<u>254</u>
<i>Manna diversitas in variis regionibus</i>	<u>283</u>
<i>Mannus frigida igni admota corripitur</i>	<u>47</u>
<i>Mare est Terrâ altius</i>	<u>175</u>

Ma-

INDEX.

<i>Mare cur salius in aestate</i>	178
<i>Marina aqua fluviatili gravior</i>	179
<i>Mammonis fons an frigeat & algeat</i>	168
<i>Marmor cur semper frigidum est</i>	48
<i>Marmor frigidum reddit aerem</i>	51
<i>Marmor politum nigrius apparet quàm asperum</i>	83
<i>Mathematici nihil certi predicere possunt</i>	151
<i>Massae informes à mulieribus ut emittuntur</i>	366
<i>Mel ut fit ab apibus</i>	282
<i>Mens finita non potest aliquid de infinito determina-</i>	
<i>re</i>	18
<i>Memoria magis matutino tempore vegeta</i>	432
<i>Memoria penitus in quibusdam morbo deleta.</i>	433
<i>Meminisse unius rei non possumus sine alia, cui con-</i>	
<i>iuncta fuit</i>	431
<i>Mercurii gravitas unde</i>	212
<i>Mercurii fluiditatis causa</i>	213
<i>Mercurius quomodo dicitur attrahere aurum</i>	214
<i>Mercurius noxiis sumentibus</i>	215
<i>Metallorum diversitas unde oriatur</i>	209
<i>Metalla in radicibus montium versus orientem pro-</i>	
<i>veniunt</i>	210
<i>Metallica Terra quare sterilis</i>	211
<i>Metalla inveniuntur in quibusdam fluviis</i>	212
<i>Monstra unde oriantur</i>	363
<i>Monstra absque pedibus & manibus</i>	365
<i>Monstra quomodo geminata —</i>	367
<i>Morborum causa in animalibus</i>	399
<i>Morbi temporis lapsu mitescunt</i>	401
<i>Moribundi interdum sine sanguine vivunt</i>	380
<i>Montis summitas longe distantis horisonti contigua</i>	
<i>videtur</i>	422
<i>Motus fieri potest sublato vacuo</i>	6

INDEX.

<i>Motus corporum fit per circulum</i>	<u>7</u>
<i>Mouentur corpora in circulo non perfecto</i>	<u>9</u>
<i>Mulier, abscisso crure, querebatur, se pedis digitis dolere</i>	<u>405</u>
<i>Mundi partium dispositio</i>	<u>94</u>
<i>Mundi fabrica opificem pradicat</i>	ib.
<i>Mundus est corruptibilis</i>	95
<i>Mundi ortum historia testantur</i>	96
<i>Mundus quo anni tempore productus</i>	98
<i>Mundi finis ex rerum defectu</i>	104
<i>Mulierum menstrua ferrugine sistuntur</i>	237
<i>Mures ut ex sterquiliniis nascuntur</i>	353
<i>Mus quare selem fugit</i>	392

N.

<i>Napellum & Arsenicum animalia enecant</i>	325
<i>Nardum absque semine nascitur</i>	332
<i>Nebula in vere frequentiores</i>	266
<i>Nebula circa auroram nascuntur</i>	268
<i>Nebula quando est pluvia nuntia</i>	ib.
<i>Nili inundationis causa</i>	174
<i>Nivem contrectantibus manus incalescunt</i>	278
<i>Nix rosea aut pilosa unde</i>	276
<i>Nix agris fertilitatem conciliat</i>	278
<i>Notarum in foetu impressarum causa</i>	426
<i>Nubes ut librantur in aere</i>	265
<i>Nubium ordo supra se invicem unde</i>	267
<i>Nubes altissima ex glacialibus particulis constans</i>	ib.

O.

<i>Objecta, contracta pupilla, desinunt videri</i>	<u>420</u>
<i>Objectum quomodo a duplici oculo simplex videtur</i>	<u>424</u>
<i>Odore animalia sibi convenientia explorant</i>	<u>64</u>
<i>Odor</i>	

INDEX.

Odor non nisi ad certam distantiam sentitur	66
Odor suavis & teter in certis hominibus, unde proveniat	67
Odor continuus desinit percipi	413
Odore gravi pregnantēs saepe abortum patiuntur	314
Odores aestate melius, quā hyeme sentiuntur	ib.
Ossa non magis in plenilunio replentur	92
Omphacii acerbitas unde	62
Ovis quare lupum fugit	89
P.	
Palma fœmina maris confinio delectatur	326
Panis ad modum spinarum linguam vellicat	411
Panis recens, ut liquorem attrahit	89
Panis ut in sanguinem convertitur	107
Papaver quomodo somnum conciliat	395
Papaveri vis inest sanguinem sistendi	315
Pariendi tempus in animalibus varium	371
Pavonis cauda veros refert colores	81
Parhelia an clades prænuntient	198
Phases in venere quomodo contingunt	109
Phoca non est fulmini impenetrabilis	292
Piscium cor à corpore avulsū movetur	377
Pomum concussū qualitatem novam acquirit	42
Politi aliquid asperitatis habent	28
Politi corpora fortius agunt quā aspera	29
Portulaca Veneno obstat	325
Plantarum affectiones secundum loca, in quibus crescunt, varia	335
Planta requirunt ubique eundem situm	337
Planta feliciter crescunt in agro plano, quā declivi	340
Planta à Solo avulsa non statim moriuntur	347
Plan-	

INDEX.

<i>Plantarum alie frigore, alia calore enecantur</i>	<u>348</u>
<i>Planta sylvestres longioris vite, quàm hortenses</i>	<u>349</u>
<i>Planta non humiditatem procreant</i>	<u>148</u>
<i>Planta in Arabia odorifera</i>	<u>66</u>
<i>Plantarum quadam sunt cavata</i>	<u>309</u>
<i>Planta cur passim virides sint</i>	<u>316</u>
<i>Plantarum vis purgativa</i>	<u>321</u>
<i>Plantarum vis vomitum excitandi</i>	<u>323</u>
<i>Plato quid censuerit de mundi exordio</i>	<u>92</u>
<i>Principium quod habuit, habiturum est finem</i>	<u>101</u>
<i>Pluvia gutta cur rotunda</i>	<u>269</u>
<i>Plumpum cur facile liquecat</i>	<u>231</u>
<i>Plumbum quibusdam morbis occurrat</i>	<u>232</u>
<i>Plumbum liquatum baculo agitatum in pulverem redigitur</i>	<u>233</u>
<i>Priscorum opinio de mundi duratione</i>	<u>102</u>
<i>Pruina efficit quasdam herbas teneriores</i>	<u>280</u>
<i>Pruina partes connectuntur, cur non etiam grandinis</i>	<u>281</u>
<i>Pregnantes mulieres unde insolitis cibis vescuntur</i>	<u>376</u>
<i>Prussia lachryma in pulverem redigitur</i>	<u>38</u>
<i>Pudiana arbor hominis afflatum odit</i>	<u>330</u>
<i>Putei aqua an in hyeme calidior</i>	<u>169</u>
<i>Pumex non potest levigari</i>	<u>29</u>
<i>Pulex & equus quomodo ejusdem magnitudinis esse videntur</i>	<u>419</u>
<i>Puella Juniores nonnisi puellas generant</i>	<u>359</u>
<i>Pyrausta nascuntur in flammis</i>	<u>356</u>

Q.

Qualitates, ut vulgo explicantur, inintelligibiles

39

Qualitatum natura

40

Radices

INDEX.

R.

R Adices plantarum alia rotunda, alia exiles	309
Radices plantarum cur albae sunt	317
Radix omni planta necessaria	308
Rantis quomodo pluat	273
Remora non <u>naves sistit</u>	388
Ros in locis humidis frequentior	279
Ros si mane <u>abest</u> , signum est pluviae	280
Rubelliones non sunt unius sexus	357

S.

S Al ut dissolvatur in aqua	13
Sal cur non nisi in certa aqua quantitate dissolvitur	ibid.
Sal aqua motu dissolvitur	25
Salis ope aqua in glaciem convertitur	50
Salis tres species	217
Sal in ignem immixtus cur crepitat	218
Sal quomodo linguam pungit	219
Sal est carniū conservativus	220
Sal Terrae fertilitatem conciliat	220
Salis granum, oleo mixtum, impedit, ne lampas tam cito consumatur	221
Sanguinei in risum proclives	438
Sapores melius mane distinguuntur	63
Sanguis an ad interfectoris praesentiam decurrat	393
Sene oleo tartari admixtum, colorem aqua immutat	42
Sensus quoad substantiam rei non decipiuntur	2
Simi foetidum halitum habent	415
Situla in aqua non pondet at	61
Sol est calidus	112
Sol spericam habet figuram	114
Sol	Sol

INDEX.

<i>Sol sub eadem magnitudine semper cernitur</i>	<u>115</u>
<i>Sol oriens major apparet quam meridianus</i>	<u>116</u>
<i>Sol quomodo tremere videtur</i>	<u>117</u>
<i>Sol per telescopium obscurus apparet</i>	<u>127</u>
<i>Sed quomodo per aliquot dies tenebrosus fuit</i>	<u>132</u>
<i>Sol operum naturalium pater</i>	<u>143</u>
<i>Sol est causa humiditatis & frigiditatis</i>	<u>144</u>
<i>Sol quomodo tempestates producit</i>	<u>ib.</u>
<i>Sol ut noctu interdum apparet</i>	<u>305</u>
<i>Soles unde multi nascuntur in uno circulo</i>	<u>304</u>
<i>Somnia cur interrupta sunt</i>	<u>434</u>
<i>Somnia omnibus hominibus communia</i>	<u>435</u>
<i>Somniamus passim de iis, quæ vigilantibus occurrunt</i>	<u>437</u>
<i>Somniantes ut lotium aliquando emittunt</i>	<u>438</u>
<i>Sonus à liquidis corporibus fieri potest</i>	<u>69</u>
<i>Sonus in ovali cubiculo à distantis facilius auditur</i>	<u>75</u>
<i>Sonus auribus clausis unde oritur</i>	<u>418</u>
<i>Sonus sub aquis non percipitur</i>	<u>419</u>
<i>Sorga fons salsas habet aquas</i>	<u>172</u>
<i>Spongia cur liquore extenditur</i>	<u>19</u>
<i>Spiritus vini refrigerat</i>	<u>50</u>
<i>Sperica corpora aequaliter descendunt, nisi mole in-</i> <i>qualia</i>	<u>55</u>
<i>Spongia ut aquam attrahit</i>	<u>88</u>
<i>Stannum illitum vas ab igne tuetur</i>	<u>129</u>
<i>Stannum calcinatum est non calcinato gravius</i>	<u>230</u>
<i>Stella ut quadam evanescent</i>	<u>112</u>
<i>Stella fixa propria luce fulgent</i>	<u>118</u>
<i>Stella apparent interdum ubi non sunt</i>	<u>119</u>
<i>Stella nova interdum, nascuntur</i>	<u>120</u>
<i>Stella ut in Cometas abeunt</i>	<u>121</u>
<i>Stella noctu cadentes quid sint</i>	<u>299</u>

Sur-

INDEX.

<i>Stirpes quaedam vim habent calefaciendi, aliae refri-</i> <i>gerandi</i>	<u>312</u>
<i>Surculi molles ad insitionem inutilis</i>	<u>346</u>
<i>Sulphur ubi maxime abundat</i>	<u>216</u>
<i>Sulphur cur facile inflammetur</i>	<u>ib.</u>

T.

T <i>Aëtus sit per nervos</i>	<u>405</u>
<i>Tactus quis ex improvise, inhorrescit</i>	<u>406</u>
<i>Tarentulâ percussi, musicâ sanantur</i>	<u>417</u>
<i>Terra & cœli productio</i>	<u>98</u>
<i>Terra novales aliis fertiliores</i>	<u>339</u>
<i>Tillillatio maxime in plantis pedum excitatur</i>	<u>406</u>
<i>Toricelli experimentum ad probandum vacuum</i>	<u>15</u>
<i>Tristes facile lachrymantur</i>	<u>440</u>
<i>Tristes varium colorem præ se ferunt</i>	<u>441</u>

V.

V <i>Acuum non requiritur, ut corpus moveatur</i>	<u>5</u>
<i>Vacuum non probatur per bombardam pneu-</i> <i>maticam</i>	<u>10</u>
<i>Valva secundum tempestes facile aut difficulter</i> <i>clauduntur</i>	<u>20</u>
<i>Vapores ut in aquam convertuntur</i>	<u>108</u>
<i>Vapores copiosiores in aestate, quàm hyeme</i>	<u>255</u>
<i>Vapores non equaliter ex omni parte Terra assur-</i> <i>gunt</i>	<u>256</u>
<i>Vena cur non pulsant</i>	<u>165</u>
<i>Venis ligatis cur brachium intumescit</i>	<u>379</u>
<i>Ventus aere frigidior</i>	<u>258</u>
<i>Venti orientales sicciores occidentalibus</i>	<u>261</u>
<i>Venti circa litus maris noctu à terra proveniunt</i>	<u>262</u>
<i>Venti artificiales quomodo conficiuntur</i>	<u>264</u>

Vermes